

21

6

33

6

~~20-6~~

26

$$\begin{array}{r} \text{E} \\ 3 \\ \hline 13 \end{array}$$



iotheca  
oll. Rom.  
Jesu

~~21-6-27~~

~~6-20-8-26-~~

21.7.25.

~~21~~

~~8~~

33







# P. Francisci Spinulae

## MEDIOLANENSIS

### OPERA.

Poematon libri	III.
Carminum libri	IIII.
Epodon liber	I.
Carminum secularium liber	I.
Elegorum libri X.	
Hendecasyllaborum liber	I.
Epigrammaton libri	III.



CVM PRIVILEGIO

Franc:



Massuc:



VENETIIS, Ex officina stellæ Iordani Zileti.


M D L X I I I.

*Constantini Cati, Alexandrini, de Spi-  
nulæ Poëmatis, distichon.*

*Antiqui ut uates modulata poemata condis,  
Spinula, quæ certè secula cuncta legent.*

AD MAXIMILIANVM  
Romanorū Boemorumq̃ Re-  
gem, & Austria Archidu-  
cem S. P. D.

*P. Franciscus Spinula Mediolanensis*



N tanta Venetorum;  
totiusq̃ Europa læti-  
tia, Maximiliane Rex  
Regum potentissi-  
me, & ego de Romanorum sce-  
ptro ad te delato, quod nulli mor-  
talium magis, quàm tibi, à Prin-  
cipibus debebatur, incredibili gau-  
dio exultaui. Cum enim adole-  
scens in Belgica patruo Impera-  
tori bellum gerenti magnum illud  
tuæ fortitudinis specimen dedis-  
ses, te eius & patris successorem

non dubitavi futurum . Cùm au-  
tem in Hispaniam proficiscens, &  
illinc ad Germanos rediens, ma-  
ximis in omneis officijs, incredi-  
biliq; magnificentia, & inusitata  
humanitate tantam tui expecta-  
tionē concitasses, illud sine dubio  
fore omnibus prædicaui . Nunc  
uerò, cùm in ore sit omnium mor-  
taliū, quanto Germaniæ ipsius  
Principum consensu ista tibi co-  
rona decreta ab Imperij Romani  
Electōribus fuerit, Deo omnipo-  
tenti gratias & habeo & ago im-  
mortaleis . Nulla enim alia re,  
nullo euidētiōri signō & argu-  
mento potuit humanarum rerum  
providentiam declarare, quàm  
intanta Europes regnorum per-  
turbatione, & nostræ religionis


confusione, temporumq; calamitate, te Regem paterni Imperij participem mortalibus uniuersis præficiendo. Etenim sperat hæc ciuitas, & Principes uniuersi, te, sicut pater patruusq; semper fecerunt, non prouincijs modò prospecturum, sed etiam grauem religionis Christianæ curam esse suscepturum. Cæterum, cum Turriani, Baronis ornatisimi, parentis tui Imperatoris ad Venetos legati, conuiuio celebritate legatorum omnium huiusq; nobilitatis refertissimo ita, ut sit, interfuissem, non potui facere, quin apud eos ipsos tibi factam Regiæ dignitatis nouam accessionem ad symphoniam tibiamq; cantum modis Heroicis concinerem. Quos

quidem modos, cum alijs meis  
carminibus coniunctos, bonorum  
omnium persuasu, ideò tuam ad  
maiestatem misi, ut iidem tibi &  
celeberrimæ populi huius meæq;  
gratulationis, & præconij tuis He  
roicis uirtutibus tributi graues  
idoneiq; testes essent. Vale.  
Venetijs XVIII. Calen. Ianuar.

CIC IO LXII.

P. FRANCISCI SPINVLAE  
MEDIOLANENSIS  
POEMATON

Liber primus.



In Francisci Turriani, Baronis illustrissimi, Fer-  
dinandiꝫ Imperatoris & Consiliarij & ad Vene-  
tos oratoris, conuiuio, ad discumbentes &  
Principum legatos Consiliariosq; &  
alios uiros nobiles, de Romano-  
rum regno ad Maximilia-  
num delato.



AUDETE Heroes,  
felici hoc tēpore nati,  
Gaudete, aeterni quos  
indulgentia cœli  
Magna beat, letos do-  
no pietateq; Diuūm.  
Maximianus enim, gen-  
tis spes maxima nostræ,  
Imperij columen Roma-  
ni, Martis alumnus,

Nomine letatur proauī, sceptrōq; parentis.

Carmine tu celebres. Pater hunc ô maxine Patri,



In magno cuius radiant insignia Olympo :  
 Hunc Huralte canas , proau qui sortia facta ,  
 Et patrui dextro superabit Marte triumphos :  
 Hunc summa dicas Soleri docte camœna ,  
 Qui facilis patres uincet pietate potentes :  
 Hunc Falete grauis , qui dixti Cæsaris arma ,  
 Ad Musam rediens , meritis iam laudibus effer :  
 Vosq; alij , leta hæc decorantes prandia magni  
 Turrigeri , impositam Regi cantate coronam .

Nam cecinere Ducem fatalia pensa trahentes  
 Hunc fore , Christigenum duos qui funderet hostes ,  
 Cunctaq; deleret priscæ uestigia fraudis .  
 Huic pater ignipotens fabricauit fulmina Regi ;  
 Huic thoraca suum Mauors , Tritoniaq; hastam ,  
 Telaq; dat Phœbus sua , queis Pythona peremit ;  
 Communitq; uiri Rex Iuppiter ægide pectus ,  
 Illi Neptuno proprium donante tridentem :  
 Frangat ut hostilem turmam insuperabilis ipse ,  
 Intactamq; super uolitet Victoria gentem ,  
 Facta pede incerto cum miles carmina dicet .  
 Sicq; triumphabit , redimitus tempora lauro ;  
 Pacatumq; reget patrui uirtutibus orbem .

Aurea non igitur Parcarum hæc stamina mundus  
 Gaudeat , & superi non laudet numina Patris ?  
 Qui genus humanum folio respexit ab alto ,  
 Hunc per magnanimum , quem secula cuncta loquentur  
 Horribiles ab eo statuens auertere clades .

En Padus exultat , Garumna , & Tybris , & Ister :  
 En sylua & saltus uoces ad sidera iactant :



En Fauni in numerum ludunt, Dryadesq; puellæ,  
 Et uino exhilarant letis, conuiuia in antris:  
 En Deus Arcadiæ calamos Pan inflat agrestes,  
 Dicit eis mistumq; decorus carmen Amintas,  
 Alterno quatiunt Syluani dum pede terram,  
 Dum saltant hilares Nymphæ, Satyriq; bicornes.

At Franciscæ, Deis est quæ gratissima cunctis,  
 Quam Pater omnipotens uultu radiante serenat,  
 Hanc epulæ lucem celebrent, & uina quotannis:  
 Hac citharæ redeant, & suauis tibia cantu,  
 Atque ferant Superis tibi debita dona beatis,  
 Raimundusq; puer, Laura & dulcissima confux.

• Ad Iosephum Alberam Genuensem, Pauli fil.

**A**ccipe quæ hesternæ sunt nobis uisa quiete,  
 Amplius & sortem ne lacrimere tuam.  
 In medio terræ stabat pulcherrima curuis  
 Contingens ramis arbor utrunque mare.  
 Quæ sic incepit paulatim crescere, celsum  
 Candida ut illius tangeret astra caput.  
 Dij maris & terræ & certatim carpere uidi  
 Cœlestes eius dulcia poma manu.  
 Consului Phœbum, respondit: Maxima amico  
 Fata tuo donant, & sine morte decus.  
 Eius iustitiam laudabit sera uetustas,  
 Eius uirtutes omnia secula colent.

Ad

Ad Franciscum Turrianum, Baronem illustriss.  
 Ferdinandiq; Imperatoris & Consiliarium  
 & ad Venetos oratorem.

**Q**uæ mihi legisti magni antiquissima Muscæ  
 Testamenta, Napi Turrigeriq; patris,  
 Fortibus Insubrium, quos edomuerunt feroces  
 Anguigeri, te ortum Regibus esse docent.  
 Nuncius Huraltus Regis cupit illa uidere:  
 Mitte utramque mihi protinus ergo notam.

Ad Stephanum Mariam Hugoniam, de Mat-  
 thie Hugonii, Brixiani, Phamagustani  
 Episcopi, elegantissimis operibus.

**D**um tua cum dulci Marcello prædia uisits,  
 Hic ego Matthiæ numerosa uolumina Patris  
 Perlego; qui Parmæ & Viterbum rexit & Umbros  
 Perustaniq; urbem: quorum uos quippe locorum  
 Illius Hugoni meritis esse audio ciues:  
 Quem mors eripuit uatem, dum Roma pararet  
 Purpureas uestes atque ipso præmia digna.  
 Cuius te nolim magni Viridaria Patris  
 Condita seruare, in lucem sed, non semel ut te  
 Orauit sapiens Hieronymus, edere librum.  
 Non ego prætulerim Nattæ monumenta diserti,  
 Non Thomæ annales chartis Antistitis huius.  
 Spes igitur nostras agere ne remoreris, at istud  
 Iordano precor edendum iam mitte uolumen.

Ad Franciscum Turrianum Baronem illustriss. Fer-  
dinandi Imperatoris & Consiliarium &  
ad Venetos oratorem.

**Q**uam uariæq; uices sint rerū, & quanta poten-  
tiae fortunæ sit uis, Turriger ipse uides. (tis  
Nanque tuis sceptrum nostræ maioribus urbibus  
Eripuit, magnis & dedit Anguigeris:  
Inde suo constans dedit illud sfortiæ alumno,  
Egregius Princeps nunc quod Iberus habet.  
Non tamen eripuit uirtutem bruta, nec ingens  
Cum prisca generis nobilitate decus.  
Ipse refert animos patrum uultusq;: creatur  
Nam bonus & fortis fortibus atque bonis.  
Ut Pater ille Patrum sapiens Raimundus, auorum  
Laudas & sequeris splendida gesta Ducum:  
Non minus es prudens Castono Antistite, inani  
Cuius letitiæ fors inimica fuit:  
Ut profugum Dantem Patriarcha Paganus amanter  
Excepit, sanctis uatibus ipse faues:  
Ludouicus uti dilexit Episcopus æquum,  
Tu ueri leges iustitiæq; colis.  
Munificus tanquam Michaël Præsul, honoras  
Dicere magna quibus Cynthius ore dedit:  
Est quæ miratus Rex olim sepe Quiritum,  
Cum Romæ orator Caesaris ipse fores,  
Quæ pulchra in cælum fert Thuscia laudibus omnis,  
Quæ Veneti celebrant, & mea Musa canit.

Ergo

Ergo, quæ dederat patribus fors, despice cuncta;  
 Letare & quæ sunt hæc bona uera tibi.

De Gabrielis Faloppij Mutinensis Medici &  
 philosophi excellentis morte, ad Ca-  
 rolum Sigonium.

**P**Hœbigena ad superum redijt Faloppius axem  
 Carole, non ulli, quàm tibi, flebilior.  
 Hinc abiit meritis sibi naturam esseq; diuum  
 Testatus nobis omnibus ingenium.  
 Quanti te faceret, testis Patauina iuuentus,  
 Testes sunt Veneti, Spinula testis ego.  
 Vix tandem, oro, uirum parcamus flere beatum;  
 Ne sua dona, precor, inuideamus ei.  
 In cœlo en radians sinuosum amplectitur anguem,  
 Scorpionum & Alciden inter & Antinuum:  
 En Iouis ad uolucrem conuertit lumina, soli  
 Omnia cui debet, quem sibi iactat auum.

Ad Io. Baptistam Crassum, Mediola-  
 nensem, Michaëlis fil.

**C**Rasse, superavi colles; dumeta, rubosq;  
 Præterij, diræ & morsus serpentis; ad alti  
 Euasit tandem suprema cacumina montis,  
 Montis, quæ Pallas, Iuno, & Cytherea frequentât;  
 Est ubi planicies, & prata uirentia lymphis,  
 Et riui, & fontes, urbs & ditissima, pleno

Quam

Quam super assidue uolat aurea Copia cornu,  
 Omnes cœlicolæ certatim cui sua mittunt  
 Munera; uita, quies, libertas quam incolit, & pax;  
 Alter Saturnus sapienter quam regit; unum  
 Hunc orbem æterni beat indulgentia cœli.

Nec segetes lætas hic urit cana pruina,  
 Nec teneras cedit uites inquam horrida grando,  
 Nec feriunt altos montes hic fulmina: semper  
 Aspicias puro hic surgere ab æquore Soles.  
 Hic ultro in olivæ flauescit campus arista,  
 Sentibus uua rubens hic pendet, roseida mella  
 Hic sudant quercus, tum fallax herba uenteni  
 Occidit hic, coluberq; & serpens aspera; pascit  
 Hic lupus inter oues; ueniunt ad pocula dæmæ;  
 Sponte sua sandyx agnos hic uestit; amomum  
 Nascitur hic uulgo; hæc fert omnia denique tellus,  
 Chæra Ioui Diuisq;: solo cui talia paræ  
 Secla suos uni uoluerunt currere fuses.

Hic ego per uirides generosum incedere saltus  
 Et doceo natum Leonardi texere pulchram  
 Cum Pæne & Satyris uarjæ sibi flore coronam;  
 Inclita progenies Venetorum ut uiuere regum  
 Perpetuo ualeat, Maro ut ingens, atque Catullus.

Has Sol exoriens fulgenti lampade pulcher  
 Atque cadens lustrat terras, ubi uiuitur æuum  
 Nestoreum: passim hic uideas Crasse integer albas  
 Heroumq; comas sapientum incanaq; menta.

Quid multis? hac si mors felici exulet ora,  
 Inuideat Superis nostrum non ullus Olympum.

Quò miseri, ualeant Insubres, quos Iouis æqui  
 Ira furorq; domat, quos sordidus iste Boterrus  
 Et duri lacerant iterum Gotthi, impia quorum  
 Hic facta, inuisum & felix non audio nomen.

Tempus erit, uersis cum perditâ Gothia fatis  
 Lugebit: uersas, nunc flentum, in barbara regna.  
 Gaudebunt acies, irato Marte, nepotes.

Spes alat ergo pias mentes, Baptista sodalis,  
 Nuncq; uiri fortes latentur; nam genus horum  
 Barbariam nostris crudelem pellet ab agris,  
 Atque furens eius subuertet templa domosq;.

Ast ego cum Musis hac in regione beata,  
 Fata quousque sinent, producam dulcius æuum;  
 Dijs & ero supplex, & numina magna precabor.  
 Ut citò maturent odiosam perdere gentem.

Ad illustriss. & reuerendiss. D. D. Guidonem

Ascanium Sfortiam, Cardinalem ampliss.

S. R. E. Camerarium.

**Q**uid pater æternus Superum, sanctissime Guido  
 Qui caput est omnis fonsq; & pietatis origo,  
 Qua genus humanum, uolucres, & bellua agrestis  
 Victa suos foueat natos, tueatur, alatq;  
 Quos creat, hunc hominem mox leto destinet, illum  
 Et uitæ, sicut gens plurima sentit aberrans?

Eius opus mihi quam genui, patris ante tribunal  
 Tam graue iudicium subeat pars maxima prolis?  
 Istorum Alecto est auctor, Atq; sinistra,

Quando

Quando refert Paulus sapienti uoce magister,  
 Vis omnes homines saluos DEVS optime; quando  
 Virgilius uel ait, Rex Iuppiter omnibus equus.

Ad Aurelium Portulacam Brixianum, clarif-  
 simum uirum, egregium Pij IIII Pontif.  
 Max. cubicularium.

VIdimus his oculis, Aureli candide, dulces  
 Mira apud Insubres, tibi quæ nos scribere uer  
 Iussit Amor, tantæ pietati debitus isti (su  
 EST locus ad Lari felicia litora nostri  
 Ad Solem occiduum uergens, quem tu Addua magni  
 Præteriens per regna lacus miraris & ora  
 Formidare soles ingentis hiantia saxi  
 Ad læuam, refugisq; uomentia fluminis undam:  
 Qui locus est inter Varenam & mœnia parui  
 Castellî euerfa: ac propius tamen eius ad oras  
 Dirutus accedit murus, prout uidimus ipsi.

Vmbrifer hîc medius latas, ut ianua Ditis,  
 Mons aperit fauces, atque imo gutture ad auras  
 Sursum effundit aquas, tingunt quæ immania saxa,  
 Præcipientesq; ruunt per uastum ad litora montem.  
 Ut lucem aduentus abitusq; obseruat hirundo  
 (Si uera est fama, ille & uerum prædicat orbis)  
 Vere nouo torrens certo exit tempore, desit  
 Aestate: at cùm exire parat, furit intus in aluo.  
 Aduentansq; edit mugitum partus. ouile,  
 Atque nouus pastor trepidat, mirantur & ipsi  
 Monti.



Monticola portento ; exterrita protinus ales  
 Euolat aduersus ad montis loca summa . cuique ,  
 Huic Aestas latices cum torrida siccant , mire  
 Per guttur fili ductu licet , omnis ut error ,  
 Obscuriq; dolus Labyrinthi , ancepsq; uiarum  
 Cursus uitetur , licet in penetralia uentris  
 Immensi cacum per iter descendere , & aluum  
 Visceraq; in tenebris rimari lumine claro  
 Tædæ , quæ fluuii ueniunt ad guttur & undæ .

Atque uia interior paulatim stringitur intus ,  
 Ut nemo ualeat procedere longius , atque ,  
 Vnde fluant gelidæ lymphæ cognoscere , celsum  
 Si montis superes caput , atque ingentia membra  
 Scrutere , haud uideas quæ in uentrem flumina tanta  
 Perueniant . huc nam docti uenere Latini  
 Vates , & multi , qui huius cognoscere causam  
 Mirandi effectus nunquam potuerunt , Tyranni .

Sed uerbis nequeo satis hæc narrare : uidenda  
 Sunt oculis , compar , coram : miracula tanta  
 Non ullus ualeat dictis æquare canendo ,

Ad Federicum Malatestam Mantuanum ,  
 Comitem illustr. uirum ornatiss.

**C**onnubiū infelix tibi dū Comes inclyte narro,  
 Vsu quàm sapiat fœmina docta uide .  
 Est Paridi coniux Anna , & Constantia Turno ;  
 Hanc uir delitijs priuat , & Anna uirum .  
 Continuum Turno distillat ab inguine uirus ,

Atque



Atque Annæ uenter totaq; uulua tumet.  
 Pulchra suum fatum Constantia quæstæ, pudicam  
 Sic Annam alloquitur: Da mihi quæso uirum.  
 Sic Paris & Turnum: Succurrat amicus amico.  
 Quæ de te queritur, da mihi quæso tuam.  
 Esse nefas homini Turnus respondit, & Anna:  
 A' nullo esse uiris ista petenda bonis.  
 At puerum Veneris prece sanus uterque fatigat:  
 Isq; ægrum iaculis cædit utrunque feris.  
 Poscenti hinc thalamos Paridi Constantia, Nocte  
 Quid prius hac ualeas, experiamur, ait.  
 Nam tua despiciam connubia, mi Paris, & tu  
 Si potes uxori basta sola dare.

Ad Aurelium Lampugnanum, Mediolanensem,  
 Medicum & Philosophum excellentem.

**N**obilis Aureli pergas mortalia cuncta  
 Temnere, contentus uiuere sorte tua.  
 Quilibet incassum tristatur, gaudia gaudet,  
 Incassum metuit, spem fouet, odit, amat.  
 Tempus abit fugiens. & erat nam quod fuit olim,  
 Quodq; est iam fuerit, iamq; fuisse putes.

Ad illustrissimum & reuerendiss. D. D. Gui-  
 donem Ascanium Sfortiam, Cardinalem  
 amplissimum, S. R. E. Camerarium.

**Q**uòd bonus orauit me Aurclius, ut tibi mittam  
 Quæ Veneto cuidam scripsi de mœnibus urbis  
 Adriacæ, hæc eadem tibi mitto Sfortia magne.

ANNIS à decies septem, Mocenice, furentis  
 Deseret unda maris Venetam, inquit Gauricus, urbē,  
 Obruet atque alias aduersi litoris oras.

Quid mirare? minus credis sic uoluere Parcas?  
 Non'ne ex parte Tyros, Mocenice, recessit ab alto?  
 Aequoreus fugiens aliò non Iuppiter olim

Rauennam, Ariminum uiridiq; reliquit in agro.

Quæ clara & nomen pelago dedit Adria, pontus  
 Obruit hanc, cuius uestigia multa sub undis  
 Præteriens hodie furiosis nauita cernit.

Inter & Ariminum & Pisaurum quæ urbs erat alta,  
 Catholica & fatò simili cecidere penates.

Pontus erant aliàs Oriagi prædia; Ciris  
 Nidum ubi deponit, piscis ludebat, ut inquit  
 Fortia qui scripsit Venetorum facta potentum.

Fluctibus ambitæ fuerant Antissa, Pharosq;  
 Et Phœnissa Tyros, quarum nunc insula nulla est.

Leucada continuam ueteres habuere coloni,  
 Nunc freta circumeunt. Zancle quoque iuncta fuisse  
 Dicitur Italiæ, donec confinia pontus

Abstulit, & media tellurem reppulit unda.

Si quæris Helicen & Burin, Achicidas urbes,  
 Inuenies sub aquis, & adhuc ostendere nautæ  
 Inclinata solent cum mœnibus oppida mersis.

Desertas ab aquis terras, atque oppida mitto,  
 Prætereoq; Gctas, sulcantes æquora, in illis

Vnius haud urbis fastigia summa uidere.  
 Magnus Aristoteles in terram uertier æquor,  
 In mare tellurem non edocet, ille parentis  
 Naturæ interpres, cuius legis usque libellos?

Nam ueluti si quis uasa in plenissima uino  
 Paulatim uiciam iacet, dum compleat illa,  
 Paulatim uiciæ crescenti cedat Iacchus,  
 Stercora sic, lapides, ferrum, & quæ cuncta uetustas  
 Hic longa absomit portata huc lintribus, imum  
 In mare quæ iacimus, complebunt ista lacunam  
 Hanc, quam portus obit, tellusq; emerget, & humor  
 Decedet salsus paulatim, & totus abibit.  
 Quoq; urbem plures habitant, Natura parens hoc  
 Absoluet citius, quæ uir doctissimus infit.  
 Larga dabunt urbem circum tunc pabula campi,  
 Et passim in syluis letum requiescet ouile,  
 Meduacusq; Lares Venetos puro amne secabit.  
 Vir sapiens, igitur uobis quod Gauricus ingens  
 Præcinuit uates, id fiet tempore in illo.

Prospicite, ut libet, & sordes auferte quotannis,  
 Et mundate uias cymbarum: non satis istud,  
 Non satis omnino est hoc ineuitabile fatum.

Dialogus, in quo quidem Albertus Martinus Vene-  
 tus, & Patauinus colloquentes inducuntur.

**Q**uem Pataui in muris uestras inuenerat altis  
 Fossor, pes mancæ conuenit ille Deo.  
 Huncq; meo Rhodius genitori miserat, urbis

Mœnibus in patrijs se reperisse canens.  
 Nunc Venetis illum nostris uolo uendere, Regi  
 Quem dare Francisco noluit antè parens:  
 Aeneus ut nobis stet Apollo in sede beata,  
 Ad Marci procures quam posuere uiri.  
 Ad uos qui latuit pes tot rogo secula Docte?  
 Atque Rhodi corpus quî sine parte fuit? D.  
 Esse pedem nostris inuentum hunc mœnibus hercle,  
 Germanum Phœbi constat & esse pedem:  
 Quî uerò fuerit pesq; ad nos, corpus & illic  
 Mancum, scire homini non datur ista mihi.  
 Ipsius hinc mittas scitatum oracula Diui;  
 De se qui poterit dicere cuncta tibi.

Poëmaton primi libri finis.

P. FRAN-

25

P. FRANCISCI SPINVLÆ  
MEDIOLANENSIS  
POEMATON

Liber secundus.

Ad illustrissimum & reuerendissimum D. D.  
Ioannem Grimanium, Patriarcham  
Aquilensæ.



Armina, quæ fecit quondam Phœ-  
bæa sacerdos,  
Versa, Pater Patrum, mittimus  
illatibi:  
Ad Latias iterum placuit quæ du-  
cere Musas,

Barbara quòd nimium uersio prima foret.  
Fœmina quæ potuit de Principe dicere CHRISTO,  
Virgine supremi deq; parente DEI,  
Iam redit, & uirgo, & redeunt Saturnia regna,  
Descenditq; polo iam noua progenies,  
Præcinuit scelerum meritas hoc carmine pœnas,  
Præcinuit sanctopremia digna gregi.

B iij Conuersio

Conuersio Sybillinæ ἀποσίχνησθαι, de I E S V

CHRISTO, domino nostro.

**I**udicio horribili sudabit terra tremiscens,  
 E sede ætherca sola cū descendet ad ima  
 Supremus, cunctos homines ut iudicet orbis,  
 Vindex; innumeris quem cum cœlestibus insons,  
 Suspicientq; mali uenientem terminum ad æui.  
 Chersos erit tellus atque spinosa, potens cū  
 Rex sub nostra animas lustrabit imagine cunctas.  
 Illico proijcient homines signa omnia, opesq;  
 Spumans æquor edent ignes, terrasq;, polumq;  
 Tartareum & postem lambent tenebrosaq; regna:  
 Vnde hominū erumpens lucem ipse tuebitur & grex  
 Sanctorum, æternum & fontes fera flamma uorabit.  
 Deteget arcana, & nigris abstrusa tenebris  
 Eruct; in mundo ut pateat quid quisque peregit  
 Ingenti. ærumnæ, gemitusq;, dolorq; uigebunt.  
 Fulgens Solq; caput ferrugine, lucida signa  
 In cœloq; tegent: pulchra & splendore carebit  
 Luna. hinc attollet ualles, subsidere montes  
 Is coget; celsū ut mortalibus & graue ne sit  
 Vsquam, ut agris colles æqui sint. æquora nautis  
 Spernentur, Pater attonitas mox fulmine terras  
 Succendet: fontes arescent, flumina & alta.  
 E cœlo horribili stidebit buccina cantu,  
 Rege iubente, orbi magnæ præuncia cladis.  
 Vastum Orciq; chaos monstrabit terra debiscens.

Adueniet

A dueniet sublime Dei mox densa tribunal  
 Turba, ducum regumq; , pluet cùm sulphur & ignis .  
 Omnes atque crucis ueneranda insignia cernent ,  
 Robur & auxilium credenti optabile, ligna ,  
 Certa salusq; bono , damnumq; , offensa nocenti .  
 R ore homines lustrans bis senum fontium acerbus  
 Virga pulsabit ceu pastor ferrea ouile .  
 Carmine cantatur Deus isto maximus , atque  
 Seruator pro homine , æternus rex mortuus idem .

Ad illust. & Reuerendiss. D. D. Hippo-  
 lytum Capilupum , Fanensem Episco-  
 pum , & Pij Pontif. Max. ad  
 Venetos legatum .

N On uatem eximius se dicit Horatius esse ,  
 Nec te , qui potas Aganipen , optime Præsul  
 Quem decus appellat uatum Anguiger optimus : isti  
 Attamen indocti , qui uix concludere uersum  
 Norunt , dant hodie sibi nominis huius honorem :  
 Quorum si nosses uitium is , Lucilius à quo  
 Crispinusq; amens feriuntur cornibus , in quæ  
 Fœnum habet , à cunctis fugiendus , fortè poëtas,  
 Et dignos , Catij , dixisset , qui noua chartis  
 Illudant præcepta , ingentem qualia uincunt  
 Pythagoran , Anytiq; reum , doctumq; Platona .



Ad illustriss. & reuerendiss. D. D. Ioannem  
Grimanum, Patriarcham Aquileie.

**Q**uam turpe Consulatu fuit, Cato  
De se solebat ille magnus dicere,  
Catonem in urbe non fuisse Consulem.  
Quam turpe sanctis Patribus Quiritium est  
In purpura Grimanum eos inter minus  
Fulgere adhuc, de te inquit Adria furens:  
Præsentia eius atque maiestas grauis,  
Eius nitor uirtutis & sapientiæ  
Quantum sacro splendoris afferret loco.

Sed nobilem fatalis inuidia domum  
Ad tempus istam deprimit. nonne inclytus  
Antonius Dux urbis huius, qui fuit  
Auius tibi, Hieronymusq; postea  
Clarus parens, duo & Patres in purpura  
Digna micantes, frater eius & tuus,  
Per multa passi sunt ab inuidiæ impetu.

: At inuidi quicumque mortales bonos  
Soletis impedire, uos odit Deus  
Vos & Quirini Martia odit ciuitas.  
Si quod parauit Urbis electissimo  
Princeps uiro, illud non teneret conditum  
Per uos, uidet Roma alta, quam saus foret  
Felix senatus, quam beata conicio.  
Per hunc enim se sperat antiquum decus  
Et religionis posse fideiq; assequi.

Quæ uos amatis, ipse nil curat Pater:




Quæ uos amatis negligit : nihil crepat  
 Mortale , nil desiderat uanum & fugax .  
 Fallacium contemptor unus omnium ,  
 Est hoc in uno , peruenire quæ ad Deum  
 Beata templa possit immortalium .

Ad Rainutium Gambaram , Brixianum , Comi-  
 tem illustriss. Brunorij fil.

N<sup>O</sup>stra , Bocentauro cantu gaudente , potentum  
 Ante Ducem Venetum Musa tacere nequit.  
 Musa tacere nequit , patres ubi Duxq; frequenti  
 Inter legatos nobilitate sedet ,  
 Legatos Cosmaeq; , & Gallorum , atque Philippi ,  
 Cæsaris & magni , Pontificisq; Pij .  
 Nos cymbæ innumeræ circundant ; eminet ingens  
 Machina , mille uirum pondere pressa graui .  
 In sede & supera partim stant , cum Duce partim  
 Atque sedent mecum , conspiciuntq; Patres ,  
 Patres , quos semper dicent mea carmina , Patres  
 Quos uel Saturni uel genuere Numæ .  
 Atque immensa capit domus illos , quanta Senatus  
 Aula ubi magnorum conuenit Insubrium .  
 Hanc ego mirabar , mihi cum Vincentius ipse  
 Mox Maurocenus dulcis amicus ait ;  
 In toto orbe potens rex , & uir non habet ullus  
 Diuitias & opes , taleq; nauigium .  
 Quattuor ex auro tabulisq; sedilia eburnis  
 A prora ad puppim longa nitere uident

Tuq; inducta in eis genitorem letus in umbra  
 Purpureum, magnos adſideasq; Duces.  
 Aſtra micant curuis laquearibus, aureus ordo  
 Eſtq; columnarum factus ab arte triplex.  
 At regina micans in prora Solis ad ortum  
 Reſpicit, & libram, lucida & arma gerens,  
 Quæ ſuper arma, ſedetq; leones: hanc tegit umbra,  
 Atque ad eam uolitant aurea ſigna decem:  
 In malo uolitant ſummo uexilla, uidetur  
 Magnanimæ inq; illis piſta figura feræ.  
 Quadraginta agitant remos hominumq; cæterua  
 Bis ſexaginta uerrit utrunque mare.  
 Ante Senatores tibicen Pythia ſummos  
 Cantat; dulciſonus concinit inde chorus.  
 Dij maris & terræ concurrunt: Adria in undis  
 Aſpicit, ut capiat debita dona ſibi.  
 Dant plauſum iuuenes & euntibus, omnis & ætas;  
 Et Mars bombardis fulminat innumeris.  
 Fumosa eripuit nubes Solem illico oborta:  
 Nec freta, nec falſæ conſpiciuntur aquæ.  
 Vt longè à portu uentum eſt, conuertitur ampla  
 Nauis, conſurgens Dux aperitq; fores,  
 Aurum & continuò fuluum ſtans iactat in æquor,  
 Terrarum ut dominus, ut dominusq; maris.  
 Hic ego, Romuleam ſi non Rainutius urbem  
 Iſſet, & Eois notus, & Heſperijs,  
 Hæc modò nobilitas, condens ſecula aurea nobis,  
 Hæc modò gauderet regia puppis eo;  
 Cœruleus Triton, Nymphæ maris, Amphitrite  
 Conſuerent,

Confluerent, cœptis annuerentq; meis :  
 Aequoreusq; caput diuinum efferret ab undis  
 Iuppiter, & coniux, Nereidesq; simul,  
 Nutricum tenus extarent è gurgite uasto,  
 Saltarent dulces ad modulosq; tubæ :  
 Qui sit honos eius canerem, laudesq; parentis  
 Brunori, fratris purpureumq; decus.  
 Dicenti iuuenis præsens, ut Apollo, faueret,  
 Dicenti haud possent uerba deesse mihi.  
 Non me carminibus Tonsus superaret amicus,  
 Non me Romanus uinceret Aonius.  
 At mea quæ nectō hæc aduersus uota per Indos  
 Hæc iactat nigros Africus atque Notus.  
 Quando erit, ut ueniam Romã, mi Gambara, & ora  
 Contempler, uultus aspiciamq; tuos?  
 Quando erit, ut ueniam, & non ullus nunciet ante,  
 Sed uidear cœlo missus adesse tibi?  
 Tum mihi, qualis eris, nocturna uesteq; curre  
 Obuius, impexa rusticiorq; coma.  
 Dij precor ô uarijs tandem me exoluite curis,  
 Vim morbi, insanas & cohibete minas.  
 Dij precor ad Tyberim magni me ducite amœnum;  
 Ut mihi nascatur Lucifer ille citò,  
 Ut ueniat misero tandem Sol candidus, & post  
 Fulgeat infestas una serena dies.



Ad P. Franciscum Spinulam Mediol. Io. Brunon-  
rius Gambarà Brixianus, Comes.

**V**ix tandem patrio retinet te Brixia uultu,  
Diues opum, & Veneto sub imperio.  
Istic ingenuas exerces Palladis artes,  
Atque inter Musas ora diserta moues.  
Id nempe ad nostras rumor quidam attulit aures,  
Tu tamen huc primum scribere debueras,  
Ne tantum non nota essent tua commoda nobis,  
Qui te præ cunctis Spinula diligimus.  
Sed cur ista magis cepere obliuia miror  
Te, quod ab officio tam citò destiteris.  
Nec tua iam pridem, quorum letabar honore,  
Venère ad nostras carmina docta manus.  
Hinc reor aduersas nobis astare sorores,  
Quæ nemus Aonium, quæq; Heliconæ colunt,  
Vena ingrata fluit sine te Permeßidos unde.  
Quare cum doctis nil mihi uirginibus,  
At te, cui uatum tutela aspirat Apollo,  
Scribere facta decet fortia Cenomanum,  
Et sacros cineres, Diuorumq; aurea dona,  
Atque urbem gelidis fontibus irriguam:  
Thracius ut, celsas qui primus condidit arces,  
Gallica Troianas duxit in arua manus,  
Fertilibusq; nouam posuit sub collibus urbem,  
Quam celeri Melo turbidus amne secat.  
Aucta opibus creuit, Romana antiquior urbe,

Quam

Quamuis & Phrygios utraque iactet auos.  
 Sic quodcunque tibi ueniet de pectore carmen,  
 Te præcor omne mea seruiat hoc patriæ.  
 Cultra faue, iam surgit opus, nunc Brixia uati,  
 Quale sonat dulci Cynthius ipse Lyra.  
 Non ingrata fuit diuino Roma poetæ,  
 Cum caneret fractus Laomedontis opes:  
 Illi & Parthenope largita est munera uiuo,  
 Quin etiam extincto busta superba dedit.  
 Et, qui Pelignis uates est natus aquosis,  
 Extremum Scythica clausit in urbe diem:  
 Illic nec tumuli caruit combustus honore,  
 Nec lacrimas duri continuere Getæ:  
 Qui, quanquam rigidum fuerat proiectus in orbem,  
 Publica uirtutis præmia ab hoste tulit.  
 Et caput illius sacra cinxere corona,  
 Laudibus ornarunt & monumenta uiri.  
 Hoc uerè est patrios sine cæde extendere fines,  
 Atque homines semper demeruisse bonos.

## Spinula responsum.

C Andide Brunori magnis lætare poeta  
 Insubribus gentem me eripuisse tuum;  
 Atque doles, dulci intentum sic me esse camœnæ,  
 Ut nimis in longum scribere destulerim:  
 Me nisi iussisset ciues hos dicere noster  
 Hugo, tibi citius littera missa foret.  
 Nanque tuæ capient nos, musæ obliuia nunquam,

Qui

Qui te præ cunctis, uir bonæ, diligimus.  
Sæpe tuas cecini laudes & facta parentum,  
Quanquàm non missi carmina facta tibi.  
Hac mihi qui uersus exscribat in urbe nec ullus  
Est, nec fidus homo, qui tibi scripta ferat:  
Cum rura & linques castelli mœnia, & urbem  
Inuisas patriam, protinus illa leges.  
Quòd sine me scribis tibi non astare sorores,  
Te Phœbi & sacros deseruisse choros,  
Ut cupis, idcirco te non cantare ualere  
Hanc gentem, & patrum fortia facta tuum,  
Irriguamq; rogas gelidis ut fontibus urbem  
Aurea & ipse Deum dicere dona uelim,  
Gramineos colles, & prata uirentia, & agros  
Pingues, gens & quo creuerit ista modo,  
Gentis & auctorem, celsas qui condidit arces,  
Qui mira hunc coluit fertilitate locum;  
Pendet opus coeptum: tua nam gens patria nostros  
Contemnit uersus, despicit atque lyram.  
Exceptis paucis, sic uatum ingrata labori est,  
Ingenio ut, Musis inuideatq; meis:  
Opprobrijs etiam falsis me mordet, amatq;  
Qui famosa in me carmina composuit,  
Atque ea fert cunctas urbis rescripta per aedes,  
Dat lecta & socijs illa legenda suis:  
Ad sextum mensem haud pendit promissa, minori  
Ex parte at tantum dona recepta dedit.  
Hanc ita agunt furie, ut minitetur uulnera nobis,  
Optet ad Insubres nosq; redire focos.

Te,

Te, sapiens, igitur, quos & Pater æquus amavit,  
 Paucos, ad cœlum laudibus usque feram.  
 Cætera turba frequens numerus, per carmina uatum  
 Non unquam Stygijs eripietur aquis:  
 Serpit humi, genio gaudens indulgere sinistro,  
 Nata uoluptati gens odiosa bonis;  
 Gens odiosa bonis tantum mortalia curat,  
 Non pecude, & melior, non meliorq; feris.

Ad Ioannem Sieninium Pollonium, Ioannis  
 Gologoriensis domini.

Quæ prius Hesperiam Graio migravit ab orbe,  
 At modò Germanis posthabet Ausonios,  
 Dum uisit Latium Tyberini fortè rogatu,  
 Incidit in Phœbi casta Minerua chorum:  
 Phœbus & occurrunt Nymphæ: Tritonia ab illis  
 Accepit gaudens oscula, plura dedit.  
 Deducti in Latium non, Diua, reliquimus Argos,  
 Mite ut haberemus, dixit Apollo, solum?  
 Quid fugis hunc igitur populum? Germanica tellus  
 Quid magè dic terris omnibus una placet?  
 Quæ fuit in Latium ueniendi causa, coëgit  
 Hæc, ait, in sedes Pallada abire nouas.  
 Non'ne subesse uides Graiæ uestigia fraudis,  
 Moribus infecta hîc omnia barbaricis?  
 Quod colo Ioannis regnum, & Germania tota est  
 Frugalis, simplex, & pietatis amans.  
 Casta illic soboles, & amabilis, inscia culpæ,  
 Fortior



Fortior ac Italis ingeniosa magis .  
 Huic ego Bellona , & Iuno , Mauorsq; cruentus ,  
 Dijq; fauent omnes , & pater ipse Deum .  
 Tu quoque si faucas huic , ut scis uoluere Parcas ,  
 Hoc erit ingenti maius in orbe nihil .  
 Annuit arcitenens Deus . illa hæc addidit ; Istis  
 Sed Phœbe ò telis est opus , & Pharetra .  
 Concidit extremas serpens immanis in oras  
 Saxonie , quales India tosta parit .  
 Alter perdendus restat tibi , uulnere Python ,  
 Quæ latè aspergit bestia uirus hians :  
 Huius finitimas gentes contagia ledunt ,  
 Finitimarum alijs pestis acerba nocet ;  
 Insubrium fines ut iam tetigisse queratur ,  
 Atque suam timeat Roma superba uicem .  
 Si misera properes genti succurrere , telis  
 Ac celer extinguas horrida monstra tuis ,  
 Et pedibus plaudet choreas mox inclyta proles ,  
 Et noua cantabit Pythia Phœbe tibi :  
 Illic armatua , & ludi , saltusq; , palestra ,  
 Discus erit , iaculum , cursus Olympiacus .

Ad Alexandrum Leonardum Patavinum , poetam  
 egregium , de duobus Alexandris .

**V**T uictorem Asiae Bellonæ fulmen Eoos  
 Pugnando Reges edomuisse ferunt ,  
 Iudice sic Phœbo cuncti Leonarde fatentur ,  
 Cantando Hetruscos te superasse choros .



## Incerti auctoris Echo.

**Q**Uæ celebrat thermaï Echo & stagna alta Nea  
 Deludit uoces concaua sæpe meas. (ronis  
 Sæpe hîc Narcissum expecto, simul illa moratur:  
 Si queror, hæc queritur; si gemo, & illa gemit.  
 Quis nam clamor? Amor. Quis nam furor? Vror. An  
 Echo. Quæ grauior pœna in amore? Moræ. (Echo?  
 Expectas Narcissum? Issum. Quæ causa morandi?  
 Orandi. Ille mea hæc dicta notabit? Abit.  
 Adfuerat? Fuerat. Nū istic? Hîc. Quem fugit iste?  
 Iste. Etenim me? Me. Quod malū amare? Mare.  
 Num ueniet? Veniet. Spes? Aes. Nū uincitur auro?  
 Auro. Victor ero prodigus æris? Eris.

Ad illust. & magnif. D. D. Bonifacium  
 Solerium, Sabaudia domini ad Vene-  
 tos oratorem, quare literatura  
 hodie despiciatur.

**C**Onuenere simul quondam, regemq; uolucres  
 Pictum Pauonem præposuere sibi.  
 Qui dum defessus requiescit in arbore noctu,  
 Huic caudam Vulpes insidiosa rapit.  
 Suppudet, atque gregi uolucrum rex luce sequenti  
 Mittit qui dicat, membra dolere sibi:  
 Suadere interea, caudas ut pondus inane  
 Abijciant, sese ponere uelle suam.

Ex illo uolucres caudam tempore, placent

Vt regi, quicum deteriora probant.

Omnes, quæ sua sunt, querunt,

**C**V'm Bulla Romam & Mutius contenderent,  
 Hicq; impijs timeret à latronibus,  
 Seruandum uti sibi æs det omne Mutius  
 Armato mermis, Bulla persuasit comes:  
 Qui deinde summam creditam abiurat sibi.  
 Sic, quos cauet, sæpe incidit in hos uir bonus.

Poematon secundi libri finis.

P. F R A N C

29

P. FRANCISCI SPINVLÆ  
MEDIOLANENSIS  
POEMATON

derent,

*Liber tertius.*

*Ad illust. & reuer. D. F. Abundium Casti-  
lionum, Bobiensem Episcopum.*



*Gregius iuuenis Fagnanus nocte  
silenti  
Duxit ad Adriacos me tuus ille  
choros:  
Isq; suæ Veneris ferret dum laudi-  
bus ora,*

*Dixerunt Orpheûs & tua fata Linus.  
Vt Linus hæc tenui musam meditatus auena  
Agrestem dixit carmina docta tibi:  
Francisce, humanis contingens sidera plantis,  
En tibi cœlestes, & maris unda fauet.  
Extemplo assurgens insanos Adria fluctus  
Moti composuit, te ueniente, maris.  
Vt cecinit Phœbus, cœlo pluet amnis ab alto  
Aureus in tectum rubraq; lana tuum.  
Crinitus citharam tangens hunc Thracius Orpheûs  
Ingenio uicit, uersibus atque suis.  
Mille tibi Doris seruat conchilia ponto,  
Mille tibi in sylua pascit Ianthis oues;*

*C ij Vt,*

Vt, cum olim procuresq; inter gentemq; togatam.

Te gremio accipiet Martia Roma suo,  
Altera Nympharum tibi uellera tondeat uni.

Altera Sidonio murice tingat oues.

Ad Aloysium Martinengum, Brixianum, magni  
illius Baptista cataphractorum Equitum  
ductoris filium.

**M**Artigena, Ausonia gentis fortissime, quantū  
Et Pylos, & Thebe non genuere uirum,  
Qui tua facta uelit chartis intexere, oportet  
Cantu Mæoniden equiparare bonum.  
Valde ego id optarim: mea sed quod carmina laudes  
Deficient humiles, sit uoluisse satis.  
Militiæ raras te quis tenet aptius artes?  
Quis melius nouit castra mouere loco?  
Si sit opus ducto sedes includere uallo,  
Ex humo ubi dulces eliciantur aquæ,  
Seu castris fossam deducere, ut arduus hosti  
Sit uenienti aditus, sit facilisq; tibi,  
Aequas ingeniumq; & Pœni mentis acumen,  
Qui propè Romanum perdidit imperium.  
At fera cum ueniunt sæui certamina belli,  
Eductq; acies gens inimica suas,  
Ac parat aduersis miles concurrere signis,  
Non deest & uirtus, ingeniumq; tibi;  
Seu sit opus Fabij studio, siue arte Camilli,  
Virtute exuperas fortis utrunque Ducem.

Spicula

Spicula non alius uibrat te rectius uno,  
 Obuia qui pilo frangere cuncta soles:  
 Non ulli in clypeum assurgunt ex tempore tanti,  
 Nec torquent tanto turbine tela uiri.  
 Nullius in pugna uenit amplior impetus haste,  
 Nullius est tantum roboris, ac animi.  
 Ecquis, ut ipse, ualet celerem torquere sagittam,  
 Signatum ue cita tangere glande locum.  
 Glande, nouum ex ære inuentum quam fistulamittit?  
 Quo caruere olim secula prisca malo.  
 Quis, clypeo seu laua manus, seu dextra tuetur,  
 Siue hac, siue illac hostica sicca uenit,  
 Arctis est celeres & equos compescere habenis,  
 Et laxare illas doctus, ut ipse, manu?  
 Siue putes curuo satius contendere gyro,  
 Hostibus & duris imposuisse iuuet,  
 Magnanimum superas & uiribus Hectora, & ipsum  
 Corporis Alciden mobilitate tui:  
 Qualem oculis uidit, Gallis metuentibus, ipsa  
 Thuscia te bello conseruisse manum,  
 Cum fera luxerunt totis incendia uillis,  
 Et seuae occubuit plurima turba neci.  
 Ac mea per dubias ne errare hæc carmina laudes  
 Quis putet, est testis Gallica turba mihi,  
 Insubria est testis, cuius regem ipse recordor  
 Te turmis Equitum preposuisse suum,  
 Tempore, quo sæuo Petrus mucrone peremptus  
 Pauli Pontificis filius ipse fuit:  
 Est mihi præterea grauis & Phæacia testis,

Insula quæ, peditum te Duce, tuta fuit:  
Est ingens etiam mihi testis Hetruria, uicti  
Fato ubi tot ciues interiere pari,  
Arces cùm peterent Senarum fulmina Martis,  
Frater Pontificis qui fuit hercle Pij:  
Vrbs Regi est testis, quam rexisti inclytus Heros,  
Gallorum forti prætereunte manu,  
Vrbs sibi cùm timuit lugubris Martia, cumq;  
Victore Hispano est Hostia capta Duce.  
Nec tamen his contentus eris: pater ipse Deorum  
Ad maiora quidem te uocat almus adhuc:  
Id mihi compertum ueris, certare Melampus  
Quæis nequeat signis ipse Amithæonius:  
Nocte audita polo passim strepentia toto  
Arma diu memorant hostibus, atque tubas,  
Præcinnisse fugam syluas belli, atque cometen  
Crinitum trepidis signa fuisse Getis,  
Vidisse hyberno hos defectum lumine Solem,  
Fudisse & lacrimas uos simulacra Deum,  
Præmonuisse boues uocales fata feruntur,  
Plurimus in terras atque pluuisse lapis.  
Incipe, iam magnos iterum aggrediaris honores,  
Aspirant uatis numina magna tuis:  
Te uocat ad maiora excitum diues ab Arno  
Adria, militia præficiendo suæ.  
Incipe non ipsum remorabitur hostica tellus,  
Quam dura Aleæ tristis ad arma uocat.  
Te manet infenso Gotthorum habitata colono,  
Quæ Veneto se armis offeret ora suis:

Vt uictrice tibi cingantur tempora lauro,  
 Te uehat & niueis currus eburnus equis;  
 Utq; triumphantem præeat, milesq; sequatur,  
 Et canat incerto carmina facta pede:  
 Fortis ut ingrediens exercitus ipse per urbem  
 Omnis in ingenti uoce triumphæ canat:  
 Vt tibi pura canam uictori ego sacra quotannis,  
 Vt cadat ante meos buccula cæsa focos:  
 Vt te pierio tollat Faletus honore,  
 Faletus Musæ deditus atque lyre.  
 Non hunc carminibus uincet Tyrrhena iuuentus,  
 Non Tusci uates, Insubriumq; chori:  
 Hic magnos Reges, hic Heroasq;, Ducesq;,  
 Hic bella, & paces, hic tua facta canet.

Ad illust. & reuer. D. D. Hippolytum Capilupum,  
 Fanensem Episcopum, & Pij IIII,  
 Pontif. Max. ad Venetos legatum,  
 tum, Διαλόγισμα.

**H**ippolyte ô uatum decus, interpretesq; Deorū,  
 Aedibus in sacris Libyæ quid corniger Am-  
 pieris, in Picæ mendax mutata figuram. (mon-  
 In Libyam cecinit uenisse Typhoëa dirum,  
 Mutatoq; Iouem se celasse ore timentem,  
 Inter ouesq; ducem uisum gregis omnibus esse.  
 Ast ego uera canam magno de rege Deorum,  
 Dixit Alexandro quæ regi casta sacerdos,  
 Fortè suo posuit cùm urbem de nomine dictam.



Implorauit opem sitiens nam Patris Iacchus,  
 Indos cū peteret nigros . ariesq; decorus  
 Cernitur ingrediens à Baccho : illumq; secutus  
 Aduenit Liber muscosos , hoc duce , fontes .  
 Ex illo Patri templum fundauit & Ammon .  
 Cornigerum pastor diuum hunc Ammona uocauit .

Ad Ioannem Tonsum , I. C. Poëtam  
 egregium .

**G**racia Callimachos miretur, Hetruscaq; tellus  
 Petrarchas , Flaccos altaq; Roma suos :  
 Nos , quem secla legent unum uentura nepotes ,  
 Miramur numeros , candide Tonsē , tuos ;  
 Ipse manu quod eis parca donauit Agycūs  
 Omnibus , id totum nam tibi Musa dedit .

Ad Ioannis Baptiste Porri , Aplanensis,  
 extincti filios .

**A**Vreli, Luci, Octaui, & tu Maximiane,  
 Matris lugete & tristia fata patris .  
 Quos iunxisset Amor, nec mors distraxit amantes:  
 Mox agram hic sequitur , dum præit illa uirum .

De Iacobo Balamio , Romano .

**R**oma triumphabat, Venerē cantante Tibullo,  
 Atque ijdem fines orbis & urbis erant:  
 At

At nunc, Balamio Lattam meditante camœnam,  
Proferet imperium sidera ad alta suum.

Ad Franciscum Martigenam Comi-  
tem illust.

**Q**uid tu France togæ, præfertq; Aloysius armæ  
Mars illi genitor, Mars genitorq; mihi.

De bello, incerti auctoris.

**H**oc sene quis ualuit melius successor anhelò  
Pontificum auctoris fortia facta sequi?  
Non pacem, at bellum terris ille ipse creauit,  
Pacatam Italiam Quartus ad arma uocat.

Ad Andream Huraltum, Regij ad Venetos  
oratoris fratrem.

**T**u solum es fortis; caput Hur at demere uoci  
Si uelis extremæ, fortis & altus eris.

Ad Iordanum Ziletum, Brixianum, bi-  
bliopolam, suum.

**V**ir tua nos inter pietas micat optime, cœli  
Inter uti sidus lucida signa tuum.

*Ad Diomedem Vrfonum, Brixianum.*

**Q**uid potuit fingi Diomede humanius ipso?  
Olim quem nobis Vrfus & Vrfia dedit.

*Ad Carolum Vicecomitem, Episcopum  
Intemelienfem.*

**Q**uod tibi præcinui, fatale est Anguiger ostrū.  
Ergo mei in regno sis memor ipse tuo.

*Andreas Gritij Venetorum Ducis ad Alexandrum  
Businellum apophthegma.*

**N**on es Alexander, sed Businellus, amice.

*Primi Comititis apophthegma.*

**R**oganti Primum Romæ ut sit, vir bonus inquit,  
Non curte esse uolo, sed bene sanus ego.

*De Curia.*

**Q**ui cupit esse pius, longè discedat ab aula:  
Ambitio atque illic est genus omne uici.

*Ad Primum Comitem.*

*Ludebant*

**L** Vdebant pueri, nobis uenientibus. Ecquod  
Tres. Qui oro? Præsules graues.

Michaëlis Carcanij, Franciscani apophthegma.

**N** Vlla fides pietasq; uiris, qui sacra sequuntur.

De Bartholomæi Colleoni Bergomensis statua,  
dialogus: F. Spinula, P. Comes.

**E** Cce æneus stat dux in urbe fortis hac  
Ille domitor tyrannidis.  
Laudandus est, si uicerit mentis suæ  
Cupidinis tyrannidem.

Ad Io. Baptistam Fagnanum Donati fil. in D.  
Helenæ templo, Venetijs.

**I** D quod Alexander dedit his Fagnane, dolendum  
Est patrum Monachis eripuisse patrem.

Ad Io. Baptistam Bennatum.

**Q** Vam bene sis natus, mihi docta est pagina testis,  
Quæ facit, ut nequeam non membris esse tui.

Ad Hieronymum Faletum, I. C. & Equitem, &  
Comitem clarissimum, Ferrariæ ducis  
ad Venetos legatum.

Quam

**Q**uam Comes Alphonsi minuit præconia laudū,  
 Auges tam uersu Cæsaris arma tuo.  
 Pontanos uincis cantu, æquiparasq; Marones;  
 Magna tibi quòd dat Cynthius ore loqui.

*Amphibologia cuiusdam episcopi ad Spinulam.*

**A**ccipe, quam tibi do uiridē, Franciscæ, coronā,  
 Quæ te testatur cunctos superasse poetas.

*Responsum.*

**M**e superasse canis uates; te uincere dico  
 Omnē Pontificem uirtute: astutus uterq;.

*De Aloysio Mocenico, Leonardi Equitis clariss. fil.*

**V**idisse se Aloysius cū diceret  
 Ciuem in carina cum catella & coniuge,  
 Dixit pater mox, cum duabus belluis.

*Ad Aloysium Mocenicum, Leonardi Equitis  
 clariss. fil.*

**S**int alij quàm tu grauiores, sint magē dites:  
 Iudicio Venetis omnibus ipse præis.

*Ad Andream Palladium, Vicentinum architectum.*

*Palladium*

**P**alladium ut Theucris Tydiden, omnibus unum  
Te palmam ingenij surripuisse ferunt.

De Io. Baptista Fagnano Donati fil. ad Io.  
Marcum eius patruelem.

**C**um uate egregius certat Fagnanus Hetrusco.  
Carminibus: iudex Adria, & Arnus erit.  
Dū celebrat Thuscus Daphnen Marce optime, culto  
Fagnanus Venerem concinit ore suam.

De mutua exterorum hominum amicitia, ad Vincen-  
tium Maurocenum, Bernardi fil.

**I**lle ego te Insubris Venetum sic diligo amice,  
Ut niger à uiridi turtur amatur aue:  
Non tam idem nidus, quàm uirtus inclyta & ijdem  
Quàm mores, animos conciliare solent.

Ad Pompeium Pacium Pisauensem, uirum  
ornatissimum.

**Q**uæ sedet, ô Paci, Regina pecunia amicos,  
Cum dote uxorem, dat genus, atque fidē,  
En diuina suis parent humanaq; iussis:  
En Suadela potens, & Venus astat ei.

Ad P. Franciscum Spinulam Ioannes Nellus /  
Coloniensis.

Acternos

**A** Eternos quondā peperit tibi laurus honores,  
 Dum socias fidibus mystica uerba lyra.  
 Emicat ecce aliud nunc alite carmen eodem,  
 Quod studium doctis cuigilauit idem.  
 Dixeris obscurum uerè discrimen, an illis,  
 Maior an his cedat gloria carminibus.  
 Crede mihi, crescens tua Spinula docta camœna  
 Laude noua semper, ne moriari uetat.

Andreas Huraltus, Messius, Francorum Rea  
 gis legati ad Venetos frater Germa  
 nus, ad P. Franciscum Spinu  
 lam Mediolanensem.

**S**eu te fatidici Dauidis pagina uatis  
 Detinet, & nostrum diuino numine pulsus  
 Vertis in eloquium summo cantata tonanti  
 Carmina: sive canis Reges, & fortia Regum  
 Pectora Francorum, aut chartis infixus anhelas,  
 Acquiris, Francisce, tibi per seculanomen  
 Aeterna aeternum: uiuent tua carmina: & istud  
 Non dii, non homines, non tempora longa negabunt.

Fortè roges, placeant ne mihi quæ scribis, & edis:  
 At mihi iudicium tenue est, & mihi pudor obstat,  
 Ne hæc interponam tantis mea somnia rebus.  
 Id faciam tamen: & si nil te detinet, audi.

Quod facis, id fecit Moses, fecere prophetae,  
 Id fecit David, cuius tu uerba secutus,  
 Mellis fluo dulces hos ore effundis Iambos.

Cum



Cum Deus ex alto sacram transmittere legem,  
 Inq; sui uellet populi sudare salutem:  
 Non his ille palam est, quod fecerat antè, locutus  
 Horum duritiem agnoscens, incompòstaq; corda:  
 Sed sanctos sancta demisit ab arce ministros,  
 Qui populum leges Domini & praecepta tenere, &  
 Quae fieri uellet, quae non facienda, docerent.  
 Sic quod in arcano docuitq; uolumine Moses  
 Et cecinit Dauid, quod tot scripsere prophetae,  
 Cantatũ à domino, dictum, scriptumq; putandũ est.

Dicis fortassis: sed tot tua uerba, quid ad rem?  
 Cum longè & multum distent hae tempora ab illis.

Sentiat haud quisquã talẽ te effundere uersum, &  
 Tam bene diuini uertisse poemata uatis,  
 Quin certo affirmet raptum te numine sacro  
 Tam longum & tam difficilem superasse laborem:  
 Infusumq; in te genium Dauidis, ut huius  
 Interpretes melior fieres, seu soluere nexus  
 Hebraeae linguae, seu condere carmina uelles.

Vtq; olim hoc primo Dauid sermone locutus,  
 Facta Dei, meritosq; lyra celebrauit honores:  
 Sic homines ex te dominum cantare latine  
 Incipient, laudesq; iuas, nomenq; uerendum  
 Aptabunt citharae nostrae fidibusq; Latinis.

Hoc quodcumq; tuũ est igitur, Francisce Deorũ est:  
 Et quoniam domini sunt scripta perennia nostri,  
 Et uerbum durare suum per secla necesse est,  
 Sic tua nec tempus, nec diruet ulla uetustas,  
 Teq; opus hoc celebrem faciet, uerumq; poetam.

Sed

*Sed satis hæc fuerint : & ne tua tempora longo  
Hoc sermone morer , uerbum non amplius addam .*

*Antiqua Pataui quòd nunc inclusus in urbe  
Cantas & scribis , tibi quæ bene dictat Apollo :  
Inuictos Reges Francorum , & fortia facta  
Henrici , grandemq; animum , stirpemq; beatam ,  
Victurosq; canis per secula longa nepotes ,  
Qui te detineant in commoda publica peccent .*

*Nos urbe in Veneta ( Veneri locus est sacer iste )  
Inter tot lusus iuuenum , Venerisq; paratæ  
Nequitias , animum studijs & rebus honestis ,  
Ut locus & tempus patitur , formamus : in istud  
Intenti & uigiles : ut discamus , didicit quod  
Qui mores uarios populorum , & uiderat urbes .*

*Grande datũ est homini à Superis prudentia nunc  
Quod longo tantum nobis acquiritur usu . (men,*

*Sanus ad extremum , lætus , uiuasq; beatus :  
Sic tibi dent , quodcunq; optem , pia numina : nempe ut  
Dis det opes , uitam & facilem & nullius egentem :  
Cum tibi nil Pallas , nil addere possit Apollo .*


CID ID LXI. CAL. DEC.

P. Francisci Spinulæ  
MEDIOLANENSIS  
CARMINVM

Libri quatuor,

QVIBVS Q. HORATII FLACCI  
& ordinem & uarietatem penitus  
imitatur.

CVM PRIVILEGIO.



VENETIIS, Ex officina stellæ Iordani Zileti.  
M D LXIII.

*Hieronymi Bornati, ciuis Brixiani, in quatuor Spinulæ carminum libros, distichon.*

*Tam bene qui Lyricas unus meditare camænas,  
Dat tibi nempe suam Flaccus habere lyram.*

# ILLVSTRI AC MA-

GNIFICO D. D. STANISLAO

Comiti Tarnouio, Stanislai Palatini

Sendomiriensis fil. Cressonienfi

præfecto, &c. S. D.

*P. Franciscus Spinula Mediolanensis .*



Vpio uehementer , &  
iam pridem cupio, non-  
nullam meæ erga te uo-  
luntatis significationem  
ita dare , ut quanti te faciam , sem-  
perq̃ fecerim, penitus cognoscas,  
planeq̃ perspicias . Te enim adole-  
scentulum , ex tam generosa & no-  
bili stirpe profectum , Patauii con-  
suetudine quotidiana non minus  
Musas amare , quàm & patrem  
tuum uirum fortissimum , & pa-  
truum totius Pollonæ gentis copia  
rum Imperatorem armis delecta-

tos fuisse intellexi . Ex quo fiet  
profectò , ut quemadmodum illi  
multas ex Turcis , & Getis , & Mo  
scouitis uictorias reportarunt , ita  
ipse ex istiusmodi studiis , ex Sigo  
niiq̃ eloquentissimi doctrina breui  
tempore sis clarus & nobilis futu  
rus . Eapropter ad hoc mentem  
meam tui desiderium adeò inflam  
mauit , ut prius carminum meorum  
libros quatuor ediderim , quàm &  
Caroli Vicecomitis consilium , &  
aliorum sapientum auctoritas per  
mittat . Accedunt eòdem etiam  
latentes improborum hominum in  
sidia , & incredibilis quædam meo  
rum uoluminum calamitas . Equi  
dem cùm Mediolano ad Cenoma  
nos emigrarem , non quæ institue  
ram opera mecum omnia compor

taui, sed ea solummodo, quæ mihi  
erant chariora. Quæ illic reliqui;  
surrepta fuerunt uniuersa. Nam  
hodie non auro tantum & uestibus  
hominum prauitas, sed etiam alio-  
rum gloriæ insidiatur. Etenim quot  
opera uidemus in lucem edita, fu-  
rum non auctorum nomine inscri-  
pta? Quot præterea libros, scri-  
ptoribus extinctis, igne ab inuidia  
consumptos fuisse arbitramur? Id  
quod ne in nostrum Horatii simula-  
crum, tuo nomini clarissimo dica-  
tum, ut sunt humana, aliquando  
eueniret, Iordano dedi imprimen-  
dum. Si enim antè uita excessis-  
sem, quàm opusculum edidissem,  
non poterat non perire. In his sane  
quidem sum locis solus. Damon  
meus fidelis à me abest longissime.



Exterarum gentium, & uulgarium  
amicorum nostri fidem. Ab his  
igitur ego ualde timens, eam Flacci  
præscriptionem, qua ante nonum  
prohibet annum edi opera, non po-  
tui, ut in animo erat, tenere. In  
optatis erat etiam, amatorias quas-  
dam odas, ut primi libri IIII,  
VIII, & XI, immutare: sed mini-  
mè licuit per meas occupationes,  
& Iordani negotiosi festinationem.  
In iis enim iuuentuti, ut etiam in  
Elegis compluribus, uidetur insa-  
niæ & uoluptatis esse documen-  
tum. Sed mihi hoc in genere casti  
obsecro lectores ignoscant. Nam  
præterquàm quòd adolescentiæ  
item amanti alicubi uolui morem  
gerere, ita fui imitationis studio-  
sus, ut cum genus aliquod carmi-


nis tali solùm argumento uel maxi-  
mè uideretur conuenire, & me De-  
liam quandam amare finxerim, &  
ad corporis uoluptatem ioco alios  
adhortatus fuerim. Itaque in bo-  
nam partem & hæc huiusmodi, &  
alia quæ leges in carminibus nostris  
pro tua humanitate accipies. & si  
utique eos solummodo, qui, sicut  
Primus Comes, ex animo colunt  
religionem, temperantiam, pieta-  
tem, & iustitiam amas, in horum  
ipforum quoque numero Spinu-  
lam tuam repones. Vale. Ve-  
netiis, Idibus Nouembris,

CIO IO LXII.



P. FRANCISCI SPINVLÆ  
MEDIOLANENSIS  
CARMINVM

LIBER PRIMVS.



AD AVRELIVM PORTVLACAM,  
ciuem Brixianum, lo. Baptistæ fil. egregium  
Fij 1111 Pontif. Max. Cubicularium,  
Ode I.



VRELI, Tyberis quem  
tenet exterus,  
Et quem Melo uocat pa-  
trius, augeat  
Immensas alius diuitias sibi;  
Et saltus & agros & iun-  
ga duplicans,  
Ad Circea solum mœnia  
fertile

Producât, pecoris lætaq; pascua:  
Cui somnos & edax cura fuget, suus  
Et coniux lacrimet flebilis ob uisus,  
Si quando sit opus tendere longius.  
Curis à graubus me tenuem urbium

Vitæ sollicitæ dulcia ad ocia  
 Musæ pauperies hæc mea transferat,  
 Dum dent quod satis est numina, dum mihi  
 Paruus luceat igne exiguo focus.  
 In uotis mihi non magnus agri est modus,  
 Tectum, atque hortus, ubi fons uitreis aquis  
 Tecto proximus isti, & super his foret  
 Non multum sylvæ, qualis Horatii  
 Tonso est egregio carminis aliti.

Nummatus benemi filius unicus  
 Fortunæ hæc repetit sæpe Leontius;  
 Iam Franciscæ uelim, quæ cupis, omnia,  
 Quæ dixti, esse tibi: quò ualeas sine  
 His curis uacuis dicere quæ acria  
 Vidisti & iuuenum & prælia uirginum,  
 Faunos, & Dryadas, & Venerem tuam:  
 Nec quæ suppeditent, is mihi dat tamen.

Quare cura mei paruula sit tibi,  
 Et sit quantalibet; non mihi Lydium  
 Sit regnum potius, si tibi sit modò,  
 Non magni potior fama Pij patris:  
 Cui tandem Hugo uir & doctus & eloquens  
 Commendare cupit te studium meum.  
 Obsecro ut facias quod petit & rogat  
 Ille; ut te memorent Pegastides meæ.

Nam qui non peragit nunc labor ocia  
 Vnquam languida, me sors licet improba  
 Aegrum uerset, uti gens mea conspicit,  
 Si illi prospicies, carmina Delius

Hæc præscribet , honos queis maneat tuus,  
 Et laudes . patriis non ego & exteris  
 Cedam uatibus , atque ingrediar nemus  
 Sacrum Mæonidæ quo pede conuenit :

Et sub iuniperi tegmine non grauis  
 Inter Pieridas gesta cænam tua ,  
 Et Vincenti Equitis facta tui inclyta ,  
 Laudes atque bonorum egregias uirum ,  
 Seu circumuolitet cæca nigerrimis  
 Nox umbris , liquida seu radians aqua  
 Præclarum Oceani sol caput efferrat .

Ad Aloyſium Mocenicum, Venetum, Leonardi  
 Equitis clariſſ. fil. Ode 11.

**D** Vlcis Arquatum Mocenice ueni ,  
 Vidi in optatis monumenta terris ,  
 Conſitas lauros manibus Petrarchæ ,

Vatis Hetruſci :

Mortuam plures ubi fleuit annos

Lauream : uidi thalamum , atque ſedi

In loco , doctos ubi conſuevit

Pangere uerſus .

Et peragraui uirides agellos

Ipfus collesq; , bibi , poeta

Quam manu ſeuit facili ipſe , uitis

Dulcia uina .

Hicq; dum curis uagor expeditus ,

Plenus & Baccho rapior per hortum ,

Quæq;

Quæq; Francisci fuerant diferti,

Iugera parua,

Delium ad Daphnen comitante Musa,

Conspicor turba & Dryadum uenire; &

Audio amplexum hanc lacrimis obortis

Ista referre;

Arbor ô dulcis mea, quando coniux

Esse per Diuûm mihi dura fata

Non uales nostra & coma te & pharetræ

Semper habebunt.

Te prius nam Sol ego, deinde Thuscus

Ille dilexit, citharam, modosq;

Cui dedi nostros, tua queis ualeret

Dicere membra,

Membra, quæ cinxit mihi libro & illi

Fluminis numen tenui, figuram

Oris & grata iuuenile corpus

Arbore mutans.

Qui simul Pæan, lacrimante cœtu,

Finiit, ramos iubet uniuerfas

Vellere, & pulchro capiti coronam

Texere Nymphas:

Iussa dum cunctæ subito facessunt,

Ac sibi texunt opus, & uirentes

Cynthus frondes mihi dat benignus,

Quas tibi dono.

Inde contendunt simul ad sepulcrum

Vatis, & nomen celebrant, & eius

Concinunt laudes, tumuli & columnas

Frondebis



Frondebz ornant.

Proximum ad fontem sitiens suauem

Interim solus uenio, bibensq;

Mox tuam formam cecini, parentis

Atque trophœa.

Ad Iacobum Doctum, nobiliss. ciuem Pataui-  
num, Bernardini fil. Ode III.

**S**ic te Diua potens ea,  
Quæ in terris animos conciliat bonos,  
Mecum, urbis Pataui decus,

Coniunxit, nequeam ut te sine uiuere:

Nil te antiquius est mihi.

Nam siue inuigilem, seu sopor occupet  
Hos artus, uideor loqui

Tecum, uel legere aut carmina pangere.

Istic quid miserabiles

In syluis sine me uersiculos canis?

Quid dulcem Glyceram sine

Me dicis uacuuus, siue quid ureris

Non præter solitum leuis?

Verum sint utinam uera, quæ heri nigra

Nocte infomnia ad Adriæ

Actam fortè maris uidimus hercule:

Aeui à Nestoreo statim

Te uersum in uolucrem uidimus ad mare

Salsum hoc dicere carmina,

Ferri hinc continuo, pura uolareq;

Celi

Cœli ad sidera: quâ tui

Antoni radiat Cassiope inclyti;

Cum Daulus sapiens, genus

Et fratris simul, & patria ciuitas

Immutatum in auem sibi

Albam suspicerent non sine lacrimis.

Ad Hieronymum Luciagum, nobiliss. ciuem

Brixianum, Ode 1111.

**O**Mnia nunc rident, syluæ & nemus omne nunc  
uirefcit.

Educit antris Gratias Cupido.

Delia nostra canit myrto caput impeditq; Nymphis

Chorosq; ducit iuncta cum decoris;

Et quatit alterno terram pede. Tytirus capellas

Ouesq; pascit. mulcet en uolucris

Aethera concentu uario. legit & suo corollas

Formosa Nais floreas amanti.

Nunc Venerem iungunt animalia; nunc calet iuuentus,

Tepent & illa uirgines adultæ;

Cynthia dum temnit iussum patris impotens puella,

Matrisq; leges negligit seueras.

Nunc leuis est tractanda Venus tibi; dia nunc uoluptas

Sequenda prudens omnibus sodalis.

Hæc sunt mittenda: in sophia rogo desinamus æuum

Consumere, his in questionibusq;.

Aetas, dum loquimur, fugiet brevis; atq; dormienda

Aeterna erit nox; nec licebit istam

Mirari extincto Venerem tibi, quæ quidem Dione

Est

*Est sola Nymphis pulchrior marinis .*

*Ad D. Mariam , Britanniae reginam ,  
Ode V .*

**D**um legati iterant æquora sæpius  
 Ultro citroq; de connubiis tuis ,  
 Menses turbida multos  
 Scindit seditio polum :  
 Nostrum omnino Venus pulchra Ducem , alterum  
 Vult Saturnia Iuno esse uirum tibi :  
 Illi Delius , & Mars ,  
 Huic astant Superi pares ;  
 Ut binæ totidem Diæ habeant Deos  
 Fautores . quid agat Iuppiter optimus ?  
 Nam uexatus utrinque ,  
 Causam ut iudicet , hæsitat ;  
 Dum mœstæ Veneris filius interim  
 Cælum territat arcu & iaculis furens :  
 Matri numina plura  
 Fauert pueri metu .  
 Mox arrisit ei Iuppiter , & tori  
 Consortem subito mittit , & obsecrat ,  
 Ne tristetur ; & inquit ,  
 Palma ipsi Cypriæ datur .

Ad

Ad Carolum Vicecomitem , Cæsaris fil. Mediolanen-  
 sum ad Pium I I I I Pontif. Max. legatum ;  
 qui deinde Episcopus Intemelienſis crea-  
 tus fuit , Ode VI.

O' Lux Inſubrium, floſcule totius  
 Noſtræ gentis , amans Pegafidum choros ,  
 Diſcedis ſine me ? me ſine mœnia  
 Viſes alta Quiritium ?

Quid dextram arripiens heu mihi flebili ,  
 Urbem iam redeas obſecro amicule ;  
 Urbem iam redeas obſecro , dulceq̃ ;  
 Iuſſus perſequere ocium .

Dulcè eſt nil ſine te, nil ſine te mihi  
 Eſt iucundum, abituro hercule torridam  
 Tecum uel Libyam , uel gelidos Scythas ,  
 Seu tectum niue Caucaſum .

At uos ô Superi hunc Mercurium precor  
 Conſeruate bonis Inſubribus : procul  
 Sit nix & pluuiæ , flamina & Africi  
 Cum ſeuis Aquilonibus .

Tuq̃ ; ô nobilis urbs inclyta Romuli  
 Atque oſtro fruere , & diuitijs tuis ;  
 Noſtris ciuibus & ne hoc columen , decus ,  
 Lucem , & præſidium inuide .

Nam qualis radiat Luna poli minor  
 Stellas inter, uti ſcit Padus , Albula ,  
 Belgæ, Gallus, Iberq̃ ; Anguiger optimos  
 Hic inter nitet Inſubres .

Ad Faustinum Barbonum Soncinenſem, de Iuni-  
pera ſua, Ode VII.

**L**audabunt alias alij, uultumq; Diones,  
Caſtæ Penelopeſq; pudorem,  
Pantheſileam armis inſignem, Zenobiaſq;  
Imperio, & te carmine Polla.  
Sunt qui Caſſandræ celebrant & membra uenüſtæ,  
Atque Europes lumina clara:  
Me non Hippolytæ uirtus, aut forma Lacænæ  
Nec tam Sappho, Eudoxiaq; ipſa,  
Nec Proba percuſſit, nitidæ quàm gratia frontis,  
Simplicitas, prudentia, uirtus,  
Et mirum ingenium Fauſtini dulcis amicæ  
Iuniperæ grauis, atque pudicæ.  
Arbor ut unde trahit diuinum hæc nomen, & imbres  
Atque niues, & frigora temnens,  
Frondebꝯ & uiridi ſemper circumdata ramo eſt,  
Sic felix mulier Barbone  
Iſta uices didicit fortunæ ſpernere cunctas,  
Non faciem mutare ſerenam:  
Fœmina perpetuos uultus hæc poſſidet una,  
Virtutem nunquam exuit una,  
Vna ſuum retinet decus, atque inſignia laudis,  
Vna eſt nulli obnoxia peſti.  
Arboris iſtius recubans ſub tegmine dolci,  
Non moritura poemata condis.  
Iuniperi grauis umbra quidem, at ſola utilis umbra  
Iuniperæ tuæ, & umbra ſalubris.

Ad Deliam,

Ode VIII.

**D**elia, dic per almam  
 Cypriam quæso properas perdere cur aman-  
 Cur patere in tenebris (tens?  
 Ianitoremq; ante fores dura nigris sedere?  
 Ne, Venus ô decora,  
 Desinamus iungere, dum facta sinunt, amores.  
 Effera mors tenebris  
 Iam caput cæcis ueniet nocteq; operta, utrunque  
 Talia cum pudebit  
 Hæc sequi, cano capiti & blandicias referre.  
 Nunc levis est amanda,  
 Nunc Venus tractanda. sed heu dispereo puella.  
 Tu nisi me gementem  
 Audias, Euri rabies quem ferit, & procella,  
 Tempus erit, cadenti  
 Cum uoles frustra dare, quã dura negas, salutem.

Ad Aloysium Mocenicum, Leonardi Equitis  
 clariss. fil. Ode IX.

**V**ides, ut orbi lux brevis occidat,  
 Ut, quos iuuentæ carmina deserunt,  
 Subrepat ætas curua cunctis,  
 Et senium mala quæ sequuntur:  
 Vides, ut omnis gloria, dignitas,  
 Honosq; formæ dispereat, loue  
 Contingat

Contingat ut nigra probante  
 Mercurius caput omne uirga.  
 Quare Aloysi flos Venetæ & decus  
 Et lumen urbis, quod minus excidat  
 Clarissimum in terris ab æuo  
 Ingenio tibi quære nomen.  
 Nam sola uirtus, ingenij & decus  
 Stat absque leto, conditioneq;  
 Vacat suprema mortis atræ:  
 Verum alia hîc metit omnia Orcus.  
 Ad gloriosam te uocat Adria  
 Palmam beatus, Nereides uocant;  
 Tot unde uates euolarunt  
 Sidera ad alta poli sereni.  
 Nunc ergo, sapiens ut te Aloysius  
 Propinquus ingens saepe monet, bona  
 Mortalia hæc sunt uniuersa  
 Despicienda tibi, ut caduca,  
 Et comparandum nunc tibi nomen est,  
 Quod sera cantet posteritas, uirum  
 Perdocta quod possit uenire  
 Maius ab exequijs in ora.

De Carolo Vicecomite, Mediolanensium legato, à  
 Britannia Germaniaq; reueniente, Ode X.

**A**nguiger dulcis mihi, uita donec  
 Ista mortalis fuerit superstes,  
 Ad Lares tandem rediit Britannis



*Soffes ab oris.*

*Parcite ô uerbis malè ominatis*

*Fœminæ, grates & habete Diuis:*

*O Ioui laudes pueri supremo*

*Dicite casti.*

*Integræ undarum genitorem, & Austros*

*Virgines dicant, hilaris Camœna*

*Nôstra cantato pede facta Sorti*

*Carmina certo,*

*Audijt quæ te facilis precantem,*

*Cum uias lucem populi uideres*

*Ire tam longas, gemeres timensq;*

*Omnia eunti.*

*I puer, flores petito, & coronas*

*Funde & unguentum citus, & merum hauri.*

*Nos cado leti, comites, Sabino*

*Vina liquemus.*

*Hic dies festus redeat quotannis;*

*(Agnamactetur pecus & iuueni)*

*Qui mihi mentis nebulam, atque curas*

*Eximet atra.*

*Ad Deliam, Ode XI.*

**E**heu Delia, quid me miserum dura sinis mori?

Quid non exanimis te miseret, Delia, Publij?

En flentem feriunt in tenebris me pluuie nigris,

En perterrefacit mortis imago (aspice) plurima.

Promissa hæccine sunt, atque mihi pacta rogo fides?

Tu flenti quoties , Ne lacrimis ora riges tua ,  
 Dixti ? nam faciam ( crede mihi ) quæ cupis omnia .  
 Ventos ferre sinis , perfida , sed dicta tua omnia .

Ad Hippolytam Gonzagam, Ferrandi principis  
 nostri fil. Ode XII.

**D**um tuam formam canimus benigna  
 Atque uirtutes Dea , tu uicissim  
 Et meam Musam celebras , & oden  
 Tollis ad astra .  
 Si foret talis mea Musa , qualem  
 Prædicas , ut tu Veneres decore ,  
 Sic tuus uatem superaret omnem  
 Spinula cantu .  
 Iam diu Musas aliò uocati ,  
 Cyntbium & patrem fugimus , lyramq ;  
 Non mihi per te licuit , Cupido ,  
 Tangere metam .  
 Hic Deus si quos alijs præire  
 Concito cursu uidet , arte ducit  
 De uia , quò dehinc iuuenilis ætas  
 Non redit unquam .  
 Delia quondam tenuere ocelli ,  
 Nunc tenent uatem sacra pura Diuum ,  
 Quò minus Pindi ualeam sacratos  
 Visere collès .  
 Attamen præsens Venus ô decora ,  
 Quæ tuo nostrum radiante uultu

Carmen illustras, tibi nostra soli

Cuncta dicamus.

Ad Vitalianum Vicecomitem, Borromeum, Mediolanensem Senatorem, Comitem illustris.

Ode XIII.

**I**stis & lacrimis, tuæ &  
Tandem fuge aliquem tristitiæ modum;

Nullas quandoquidem ærea

Ditis porta nigri panditur ad preces.

Nam fletus hominum, ut uides,

Orci surda bibunt litora pallidi.

Nymphæ ergo tumultum obsecro

Urgere assiduis desine luctibus:

Et sanctæ Cypriæ audias

Prudens consilium, si tibi consulis.

Quodnam consilium Deæ?

Ducas ut citius uel tibi clanculum

Iam consortem aliquam tori,

Non ditem, at potius nobilem & omnium

Fœcundissimam, ut est ea,

Quam uulgus loquitur, cui facilis tua

Dixit congregiendi soror;

Salus sponsæ. uterus fertilis est ei,

Vt res ipsa tibi indicat.

Est & præterea nobilis, inclyto,

Vt scis, nata uiro, decens,

Formosa, & sapiens, pulchrior omnibus

Matronis,

Matronis, ut ei Venus,

Et Iuno inuideat, uirgoq; Cynthia.

Ad Theodorum Tersagum, Mediolanensem,

Hieronimi fil. Ode XIII.

**E**Rgo, uir sapiens, quem mihi dixerat  
Nonis, tuus iam Romulea citus

Ad nos urbe Philippus,

Et uenit patrios lares?

Desertis Theodore Insubrium focis

Hoc ergo uenies auspice uitreas

Flauī ad Tybridis undas,

Sacram & Pontificis domum?

Ire illuc utinam me sineret simul

Et tecum genitrix sc̃ua Cupidinum.

Vinctum hīc Delia uatem

Formosa hēu retinet tuum.

Ponas, Bacchus ubi non pater, & Ceres

Feruore esse ualent prae nimio ignei

Solis, nullum ubi gramen,

Flos nullus, pecus, & fera;

Ponas, sola ubi nix, & glacies, ubi

Non unquam rediens Sol super ingeris

Ortum; dulcis amabo

Solam te, mea Delia.

Ad D. Mariam, Britanniae reginam, Reginaldi Polæ  
Cardinalis sobrinam, Ode XV.

**S**olam te cano, lux alma Britanniae:  
Errorum tenebras discutis omnium,

Quos olim rabido ore impia fuderat

Istic illa hominum cohors.

Vt nata ex Dauidis sanguine nobili

Dium nomen habens Virgo, suæ edidit

Regina hæc patriæ lumen, item decus,

Et uitam, bonaq; omnia.

Ad Patrem redijt tota Britannia,

Persuadente Dea, Iulium & ipsius

Legatum accipiens, morigeram fore

Patri olim dedit huic fidem.

Tam miranda uidens Polus ait, Tibi

Quid maius cupiam patria? quid mihi

Exoptem amplius? en iam redeunt dies

Almi, seculaq; aurea.

Tandem ætas abiit ferrea, qua gemens

Te flentem, & calido sanguine ciuium

Vndantem profugus deserui, petens

Vrbis Romulæ domos.

Verum hæc Mæonio carmine digna tu

Constantine canas, tempora Delius

Cui cingit: Lycius non Deus hæc mihi

Dat tam grandia dicere.

**I**N patriæ ingens arduus est meæ  
Præcepsq; collis finibus ad uiam,  
Quæ ducit ad Septentriones,  
Et gelidos Scythiæ colonos.  
Cum fortè canis nescio quo die,  
Fato'ue mannis impositus, Iouem  
Canensq; Cynthia, lociq;  
Numina magna, die occidente,  
Collem in supremum, parua ubi semita,  
Me contulissem, mox socius feram  
In sepe serpentem sinistra  
Vidit, & inquit, Eam necemus.  
Ac, dum caballum uertimus horridam ad  
Anguem, retrorsum in decidimus caput  
Pedesq;, nox quibus repente  
Ante oculos stetit alta cæcos.  
Comes supinus frangitur, atque equus  
Ad saxa ruptis ceruicibus perit:  
Me seruat alba ueste Apollo  
Supposita capiti benignè.

Ad Nicolaum Sfondratum, Episcopum Cremonen-  
sem, Ode XVII.

**D**iuine Vates, quid numeros amans,  
Modosq; uitæ, dedite musicæ  
Et arti utrique, agensq; partes,

Quas minus iste Baro probauit,  
 C H R I S T I ministrum carmina pangere  
 Esse indecorum dicis? ei nihil  
 Cum dedicato almo parenti  
 Conueniat magis, quam poema?  
 Quodnam poema? quale pius Deo  
 Idumeorum rex cecinit suo,  
 Quod in Latinum Christiana  
 Concio cantat ubique uersum:  
 Quod ebriosi non sonet orgia  
 Bacchi, Deorum uel patrem adulterum, aut  
 Fabri cubantem cum marita  
 Tela Ioui facientis almo;  
 Verum creantis cuncta, polos, mare, &  
 Terras parentis numina maximi,  
 Dementis Ade & furta, magno  
 Atque patris Superum furore  
 Vndis aquarum protinus obrutam  
 Tellurem, & extincta ijs animalia,  
 Et Abrahamum deserentem  
 Atque patrem & patrios penates,  
 Eiusque prolem, magnanimo auspice  
 Mose, ad recepta pradia numine  
 Et patris adductam, atque caesas  
 Continuò scelerum phalangas,  
 Vrbes regentem & Dauidam patrias  
 Suo & capentem uersiculos Deo,  
 Ac prædicantem regis almi  
 Interitus; hominum & salutem.



Doctum & Petrarcham, Flaminium & bonum,  
 & Magnumq; Bembum præterea patris  
 Fuisse maximi ministros,  
 Atque tuum taceo esse Vidam.

Quid multa? Sanctos Ennius hos uocat,  
 Queis docta uincit laurea tempora.  
 Omni ergo det suo ut ministro  
 Egregium Deus esse uatem.

Verende castis maius Episcopo  
 Cremonæ alumnis quid uoueas gregis  
 Sfondrate sancti, quam tria ista,  
 Maximum & ingenium, atque mentem  
 Diuiniorum, maxima denique  
 Et os sonaturum? omnia uti iuuent  
 Profsintq; dicta: id quod Maroni  
 Contigit, & Vario, & Tibullo.

Contingat illud CHRISTE etiam mihi  
 Solummodo unum, te precor: & uiri  
 Queis gloriantur hîc potentes  
 Cætera cuncta nihil laboro.

Ad Ioannem Tonsum I. C. Mediolanensem, Bap-  
 ptistæ I. C. fil. Ode XVIII.

**V**ates candide, cum fortè tuus Bossius eloquens,  
 Summi Pontificis concilio diceret in sacro,  
 Præsens cum foret ipse armipotens Anguiger, et bonus  
 Simoneta, grauis Turriger, & Romulidæ inclyti  
 Miratam urbem hominis dicta, sonos, & sapientiam,  
 Vultus,

Vultus, eloquium dulce, Pio continuò patri  
 Sic dixisse ferunt; Magne pater, quid sibi uult nouum  
 Dicendi genus hoc insolitum, uerbaq; candida,  
 Et purissima, quæ secula post audio sexdecim?  
 Nigris Tullius huc an rediit magnus ab inferis?  
 Est prorsum illius hæc persimilis dictio & actio,  
 Vni ipsi inuideat quam Tagus atque Ister & Albula.

Ad Gabrielem Phaërnium, Ode XIX.

**V**T magnum ad Tyberim tibi,  
 Et si nomen & hic sit bone uir, tamen  
 Cum primum Anguiger optimus  
 Insubres redijt; Bossius & grauis,  
 Nobis dixit uterque, eam  
 Virtutem esse tuam, Mæonidæ boni  
 In sacrum ire nemus tibi.  
 Ut dent Aonides ipseq; Cynthius,  
 Quò fontes gelidos bibas  
 Quos antè Ennius & doctus Horatius  
 Gustarunt, bonus & Maro,  
 Et Lucretius, & Pollio & Albius:  
 Qui Cygni ut uitream Albula  
 Cantarunt ad aquam dulcia carmina, in  
 Cælum hos pinna leuis tulit,  
 Albus quæ radiat semper hians olor.  
 Illic tu quoque, nonnihil  
 Viuo turba licet detrahat inuida,  
 Ignis inter eos micans

Clarum

Clarum fidus eris, sera Quiritium  
 Cum post interitum omnia  
 Finget posteritas maxima uatibus.  
 Perfectum est, tua candidus  
 Contempto ossa lapis ne tumulo indicet.  
 Laudes semper enim ingeni  
 Vates semper honos candide erit tui,  
 Grex dum gramina diliget,  
 Canas mergus aquas, montis aper iuga,  
 Dum cœlum aurea lumina  
 Pascet, falsa petet dum Tyberis freta.

Ad DEVM, spiritum sanctum, Ode XX.

**S**piritus rector Superum, beatos  
 Sperne cœlestes, prece te & uocantis  
 Plurima clemens animæ decoram  
 Transfer in ædem.  
 Charitas tecum properet, sororq;  
 Veritas dulcis, sociæ decentes  
 Et fides, & spes, pietasq;, & æquum,  
 Religioq;.

In filij DEI reditu ab inferis, Ode XXI.

**I**ntegræ Mariam dicite uirgines,  
 Et dulcem pueri dicite filium,  
 Iussu Patris acerbam  
 Qui mortem occubuit DEVS.

Treis luces iacuit qui in tumulto, ut prius  
 Sane discipulis dixerat optimis  
 Verus, nostra reuixit.  
 Et nobis hodie salus:

Qui matris lacrimas flentis & anxie  
 Est solatus, & est uisus ab omnibus,  
 Quos delegerat ipse,  
 Bis senos homines pios.

Pro nobis Maria ut progeniem suam  
 Placet, filius & respiciat gregem  
 Delectum noua & illi  
 Atque huic dicite carmina.

Ad A. Calemerum Plantinidum, Ode XXII.

**D**um Padi latas segetes, agrosq;  
 Viserem, turres Fabij sodalis  
 Cœlitum rector iaculatus agrum  
 Terruit orbem,

Hocq; fragore, ut Phaëtonis alto  
 Flumine hîc cæsi, Lycio parente  
 Flente, consortem fore me putarem.  
 Dulcis amice.

In casam Fausi celer euolaui,  
 Ac mihi dixi; Meus ut suauis  
 Arboris nidus tenuisset, hæc ne  
 Rura uiderem.

Est adhuc patri, Superisq; cunctis  
 Hæc nimis tellus odiosa, natus.

Cynthio

Cynthio princeps ubi uulneratus

Occidit amne.

Vota fac ergo, tibi quod recepi,

Si cupis sedes redeamus istas

Hinc, ubi tandem fugiant procelle,

Fulgura, uenti.

De amore suo,

Ode XXIII.

**I**N me tota ruens ecquid adhuc Venus

Vis ardere fera hac oro puellula?

A' me, ut sima capella

Crudeli fugit à Lupo.

Mi quid durus adhuc uersat in ossibus

Tantum ignem Veneris filius, & feris

Heu me quid iaculis ferit,

Seuas nec remouet faces?

Heu quid me fugis heu? non ego, ut aspera

Tigris, Delia, te frangere persequor:

Ergo desine amantem

Formosa hunc fugere ô Venus:

Magnus uerùm aliò me reuocat dolor.

Nam Francisca parens ægra nimis iacet

In lecto: atra auidas mors

Obsecro abstineas manus,

Ad

Ad Io. Baptistam Crasum, Mediolanensem, Michaelis fil. Ode XXIIII.

**Q**uid mirare? parens optima lacrimans,  
 Fili, sic loquitur, te precor hoc Iouem  
 Per magnum, aurea qui signa micantia  
 Torquet, ne mihi denega:  
 Iniustam meritò quàm minus ipse amas  
 Et complecteris: ad me ueniat prius  
 Nata obsecro sinas, quàm moriar: lacus  
 Me Diui in Stygios uocant.  
 Crasse, Spinula si sis, quid agas? geram ut  
 Morem illi oro, meo non animo imperem?  
 Nam fortes homines hoc ego iudico,  
 Quos uincit pietas mera.

Ad Hieronymum Montium I. C. Brixianum, Aloysii Cornelij Cardinalis Bergomi Vicarium electiss. Ode XXV.

**D**ulcium Nymphæ faciles aquarum,  
 Murmurans ad nos aqua Bergomensis,  
 Sancta custodes syluæq; & huius  
 Numina agelli,  
 Qui leues Fauni, Satyri & bicornes  
 Hoc nemus sacrum colitis, Diana  
 Virgoq; , & Nais, Dryades puellæ, &  
 Rustica Musa,  
 Montium, partes agit qui parentis

Iudicans

Iudicans uates bonus, hîc canamus  
 Pectore haud cuius mihi dulce nomen  
 Effluet unquam.

Cynthius quid si iuga amœna Pindi  
 Deserat? quid si tenues auenæ  
 Pierin dulces Heliconis undas  
 Linquere cogant?

Quippe cui uatum solet esse nulla  
 Grator, quàm quæ lyra patris huius  
 Concinat laudum monumenta, rectum,  
 Atque trophœa.

Aura ei spirat, quæ equitantis aures  
 Ad uiri cantum ferat. audiemur  
 Vndique à uillis. age iam camœna  
 Incipe agrestis.

Queritat tædis homines per urbem  
 Alter admotis sapiens, Olympus  
 Quos probet, diua & ratio, nec idem  
 Inuenit unum,

Qualis est Primus Comes, & poëta  
 Ipse Ioannes bone, Brixianus  
 Montius custosq; gregis, sacriq;  
 Incola montis,

Montis, urbs in quo posita est amica,  
 Quinque ubi luces fuimus, uocata  
 Musa quò uenit, Lyciusq; Diuus,  
 Et soror alma.

Non eos uobis puto sanctiores,  
 Quos piè quondam coluit uetustas;



Et Numæ cedant tribus, & Catones,  
Atque Saturhi.

Optimæ at quantum pius ipse matri  
Debeo, tantum tibi sancte Monti;  
Mortuo quin nos meliore Diui  
Te patre donant.

Et fides ingens, pietasq; in illo;  
Par sed est in te pietas, fidesq;,  
Plusq; uirtutis, bonitatis, æqui,  
Iustitiæq;.

Gratia & te ipsam genuit, potentum  
Turbaq; ornauit Superum; tibiq;  
Et Venus nutrix fuit, & magister  
Doctus Agycus.

Quem patrem cunctis mihi chariorem  
Sospitem serua precor ô Deum rex,  
Sospitem si uis tibi me canentem  
Carmina & ipsi.

Ad Ioannem Huraltum, Boistallerium, uirum orna-  
tiss. Caroli IX Gallorum regis Christianiss.  
Consiliarium, & ad Venetos legatum,  
Ode XXVI.

**H** Vralte, non tam fortis & inclytus  
Rex qui in Senatorum ordine nobilem  
Te collocauit ille, acumen  
Ingeniumq; tuum probauit,  
Non tam uerendus rex Astæ potens

Miratus

Miratus olim te Solimanus esse  
 Legatum ab Henrico feroci  
 Belligeranteq; rege missum ,  
 Non tam senatus te Genuensis &  
 Urbs ad polum omnis laudibus extulit ,  
 Cum reddita his est rege per te  
 Insula diues opum occupata  
 Parente magno principe Gallie ,  
 Non tam togatite Veneti colunt ,  
 Legatum ut ingentem potentis ,  
 Quem cupio celebrare , regis ;  
 Quam gesta , uirtutem , eloquium & tuum ,  
 Naturæ & in te munificentiam ,  
 Et miror ipse in uniuersis  
 Consilium sapiens agendis .  
 Quapropter unum Thespiades meæ ,  
 Huc alte , semper dicere te parant ;  
 Siue Adriam incolas , redire  
 Seu patrios uelis ad penates .

Ad Michaëlem Cecelum , Ceuendum , Baronem  
 illust. Ode XXVII.

Q Vanta in Carybdi Publius ab miser  
 Laborat , almæ quem Veneris puer  
 Valde erubescendis adurit  
 Ignibus , atque domat Cupido .  
 Me flectit eheu Cypria mollibus  
 Iussisq; rursum , & bella mouet diu

Duro mihi intermissa, circa &  
 Lustra decem in me iterum relinquens  
 Gnidum atque Cypron tota ruit Venus.  
 Crudelis istas Delia nec preces  
 Exaudit infelicis: actum est.  
 Tu potes una mihi cauere.  
 Quis nos triformi Pegasus heu celer  
 Sic illigatos expediet rogo?  
 Quæ Saga Thessalis, Michaël,  
 Soluere nos poterit uenenis?

Ad Pium IIII Pontif. Max. Ode XXVIII.

**T**E maris & terræ dominum, regemq; potentum  
 Et patrem cano Romanorum,  
 Seu purus nitida lustret Sol lampade, somno  
 Seu nox tellurem irrigat albam:  
 Legibus emendas, armis tutaris: & ornas  
 Moribus, atque auges pietate  
 Res Italas cunctis æquissimus, ut pater, omnes  
 Quem nati celebrantq; coluntq;.  
 Nam colis humanum genus, & terram, aspera bella  
 Componis, damnasq; nocentes,  
 Innocuos clemens absoluis: ut omnibus idem  
 Ausoniis extinctus ameris.  
 Cui iam maturos uino largimur bonores,  
 Nil oriturum tale fatentes,  
 Nil ortumq; aliâs. hæc post ingentia facta,  
 Gestaq; te Superum DEVS almus

Transferet

*Transferet in numerum, cùm respondisse fauorem  
 Ipse tuis meritis exultans  
 Gaudia gaudebis cum Paulo aeterna Petroq;  
 Atque Pijis tribus, Ambrosioq; .*

*In D. Ambrosii Mediolan. Archiepiscopi die festo,  
 Ode XXIX.*

**C**astus sacerdos Ambrosius, Patris  
 Fidus minister summi, hodie polum  
 Inuist, aeternos Olympi  
 Stelligeri & superauit orbes.  
 Letantur illo cœlicolæ, Insu-  
 brantur ægri. Nicoleos uia  
 Huic lactea ingenti caterua  
 Se tulit obuius, atque frater,  
 Magna urbs Quirini quem Satyrum inclyta  
 Vocauit, axis sub pedibus globos  
 Mirantur aëstorum, supernè  
 Et solium patris, arma, fulmen.

*Ad Gabrielis patris sui manes, qui Lomatii V. Idus  
 Ianuarii CIO IO XXXVIII obiit,  
 Ode XXX.*

**P**atris ô salue cinis hîc sepulti,  
 Ipse ubi primos ego Solis ortus  
 Aurei uidi radios, & alti  
 Sidera Olympi.

Hic dies nonus mihi Ianuari

Vsq̃ue honoratus fuerit, Lomati

Siue in his agris ero, siue magni

Adriæ ad undas.

Flore nam spargam tumulamq̃, binas

Fundam humi & libans pateras Iaccho,

Et nouo binas quoque lacte, binas

Sanguine & atro:

Sexq̃; nigrantes humerum bidentes,

Et sues cædam totidem, iuuenços

Et pares, magniq̃; animam uocabo

Rite parentis.

Suos ad Mediolanenses, se in ædem primariam  
conferentes, Ode XXXI.

**Q**uid dedicatam poscere Virginem,  
Nobis salutem quæ edidit integra,  
Debemus, ô dilecte ciuis

Hæc sacra limina qui frequentas?

Non æs & auri plurima pondera,

Non inuidendas diuitiis domos,

Non uina Cretæ grata opimæ,

Non segetes Libyæ feraces,

Sed tantum honestas cum sapientia

Opes, salutem & perpetuam, & bona,

Castosq̃; natos, sitq̃; sanæ ut

Spiritus incola mentis almus.

Ad

Ad Hieronymum Montium, Brixianum, iuris utriusque  
peritorum peritissimum, Bergomensis Episcopi  
Vicarium, Ode XXXII.

**M**ontius dulcis mihi, dum manebit.  
Vita, de cuius bonitate nunquam  
Non, quoad Musæ fecerint, loquetur  
Pagina nostra;

Spiritus de qua tenuis loquetur  
Cum pijs umbris meus, hæc reuifet  
Vmbra cum manes, Acheronta, campos  
Elysiosq;.

Et tuas illic memorabit ista  
Barbitos laudes, ubi fata Diuum  
Graia miratur fidibus canentem  
Orphea pubes.

Vate cum tanto tua facta semper  
Concinam, rectumq; , nouos poëta  
Me quoad magnus uolet huc redire  
Iuppiter artus.

Nam tuas uates, simul ad me arit  
Membra mortalis noua, te canetq; ,  
Hisce subtexit tibi & inchoatis  
Carmina chartis.

Ad Stephanum Marium Hugonium, nobiliſſ. Equi-  
tem Brixianum, Ode XXXIII.

**Q**uid uulguſ, ſapiens deſipit ô Mari,  
Quid tanquam pecudes, inuida præterit  
Huius continuò turba ſilentio  
Vitæ curriculum breue?  
Nulla eſt huic ratio, non modus ullus eſt:  
Iſtam, congerit hæc dum ſibi inania,  
Manes en Stygiſ, nox nigra, fabule,  
Plutoniſq; domus premit.  
At, qui natus eſ hic, uir bone, gloriæ,  
Nomen quære tibi, quod minus excidat:  
Nam ſtat ſemper honos ingenio, & ſine  
Morte atque interitu decus.

Ad Adrianum Cribellum, de Ioannis Moroni Cardina-  
lis abſolutione, Ode XXXIIII.

**P**arcus uerendi Patris, & infrequens  
Cultor Deorum numinis, in uiam  
Redire, curſus & relictos  
Iam ſtudeo, ſapiens Cribelle,  
Infanienti dum ſapientiæ  
Conſultus errans hercule credidi,  
Hîc cuncta fortunæ arbitrato,  
Imperioq; regi putauî.  
Afflatus almo numine ſed patris,  
Hæc qui creauit, nunc uideo impius



Nutu administrari uniuersa

Illius omnipotentis uno.

Supplex adoro tergeminum DEVM,

Summumq; Patrem, progeniem ipsius

Dulcemq;, Spiritumq; sanctum, hæc

Qui dedit omnia, numen unum.

Ad eundem, Ode XXXV.

Supplex adoro tergeminum DEVM,

Summumq; Patrem, progeniem ipsius

Dulcemq;, Spiritumq; sanctum, hæc

Qui dedit omnia, numen unum;

Qui terram inertem sic regit in polo,

Vt innocentî, & consulat improbo;

Quem Roma letata est superbos

Vertere funeribus triumphos,

Cùm diceremus, talia ferreum,

Quod, sancte uates, occidit, in genus;

Quò, quò nefaria ô caterua

Fex hominum ruis impiorum?

In Cardinalis eiusdem aduersarios, Ode XXXVI.

Quò, quò, quò ruis inuida,

Et nequam, & scelerum turba nefaria?

His factis'ne tuis, impietateq;

Sunt offensi animi Christicolæ parum?

Non ut Thrax pereat malus,

Verùm

Verum ut uota secundum impia perfidi  
 Medi, Roma cadat sua  
 Dextra, dura cohors ferrum acuit sibi  
 Mos nunquam nisi belluis  
 Indispar fuit hic, tigribus an feris  
 Mos syluestribus an lupis  
 Aut ursis fuit hic, siue leonibus  
 Vos cæcis ne malos furor,

( Responsum date ) uel culpa grauis rapit ?  
 Coniurastis amabilem

Moriam excindere eam, quam colit Albula,  
 Et Nymphæ, & Satyri leues,

Fauni & cornipedes ? Ab Ioue cœlitum  
 Hæ uertentur enim patre

In uestrum exitium ( credite ) machinæ  
 Morum autem magè, quàm prius,  
 Hanc florere pius rex Superum dabit.

Ad Herculem Benalium, Lucrentem,  
 Ode XXXVII.

**B**Enali ab æuo nomina Publii  
 Quæsitæ non unquam ingenio excident.  
 Nam postera istic laude crescam  
 Vsq; recens ego, dum Padusq;  
 Et Tigris altus rumpet in æquora;  
 Et pulchra Phœbe dum radians poli  
 Splendebit inter astra, & ad nos  
 Sol dum oriens nitidus redibit.

Dicar profundus quâ obstrepit Tagus,  
 Tybrisq; , & Ister, ex humili potens  
 Deduxit ad Italos poëta  
 Carmina sancta modos Hebræi.  
 Camœna quæsitam ô meritis tibi,  
 Tuq; uati sume superbiam.  
 Tu Delphica & uolens canenti  
 Phœbe caput mihi cinge lauro.

Ad Ioannem Tonsum I. C. Mediolanensem, Bapti-  
 stæ I. C. fil. Ode XXXVIII.

**F**orte cessantem nimium morabar  
 Carolum, cùm me tuus auspicatò  
 Bossius secum ueniens amœnos  
 Duxit in hortos:  
 Fratre & à cœna, genitrice coram  
 Dixit hinc nobis hodie futurum,  
 Tonsæ, conuiuam tibi se: manebis  
 Ergo me & illum.

Primi carminum libri finis.

P. FRAN-

P. FRANCISCI SPINVLAE  
MEDIOLANENSIS

C A R M I N V M

LIBER SECVNDVS.

In Caroli Vicecomitis natali die, Ode I.



Myrtum Diones, laurum & Apollinis  
Afferto, multam uimq; hederæ puer  
Mibiq; nectendis amarum  
Rite parato apium coronis.

Argento & auro rideat hæc domus,

Castis & agni sanguine protinus

Hæc ara uerbenis reuincta

Purpureo nitidi imbuatur.

Solennis iste est, & proprio dies

Mi penè natali hercule sanctior,

Quo natus est uir grande rerum

. Et decus & columnæ mearum,

Descendit alto cùm Linus à polo,

Melosq; longum dicere fistula

Ad oppidum illud, quod uocatur

Curia maior ab uniuerfis,

Incepit, orbis regeq; Carolo

Francisco itemq; principe Gallie,

Qui duxit uxorem uenustam

Cæsaris egregii sororem,

Cùm

Cum lux tenebras Anguiger horridas  
 Noctis fugauit Carolus editus  
 Horam ante quintam, Ianuari  
 Quæ sequitur latebrosæ Nonas.

Vt dormienti tempora Tullio  
 Arsisse flammis innocuis ferunt,  
 Hispaniensi Martioq; ut  
 Ignis obire loquentis ingens

Quiritium ipsis relliquiis comas  
 Est usus, ignem sic pueri caput  
 Videre lambentem oppidani,  
 Roboris, ingenuq; signum.

Hac luce, tantum quæ peperit uirum,  
 Musis amicum & partem animæ mee,  
 Ioui quotannis & supremo  
 Carmina, Cœlitibusq; dicam:

Hac luce tellurem & pede libero  
 Pulsabo letus, dulce bibam & merum,  
 Mactabo diuis sacra, multo  
 Thure Lares fidibusq; placans.

De Caroli eiusdem in patriam suam meritis, ad  
 Mediolanenses, Ode II.

**M**axima leti bonitate Regis,  
 Maxima leti pietate Quarti,  
 Qui facit uos & tueatur ut Dux,  
 Respiciatq;,  
 Carolo Insuabres ea debeatis,

Qui Pij uestram lacrimans salutem  
Remq; commisit fidei Senator

Anguiger unus,

Cum dies multos foret in Quiritum  
Urbe Legatus, miserans labores  
Cum bonus uestros, Patriæ, referret,

Quarte memento.

In stupens claris titulis uir iste  
Aeneus, Ciuis, media stet urbe,  
Tuq; subscribe statuis, Parenti  
Vrbis amando.

Ad Carolum eundem, Ode III.

**Q**uam te celebrent Thespiades mea,  
Nosti ipse, quanti te faciam Anguiger,  
Intelligo uno ex hoc, quod usque  
Somnio te, cano, diligoq;.

Præclara uirtus & sapientia,  
Tuumq; cœlestæ ingenium facit,  
Tuos ut optem astris, patrumq;  
Inferere æthercis triumphos.

Æternus ergo carminibus meis  
Tu fortis, æquus, tu sapiens eris,  
Si me inter æternos Apollo, &  
Ponere fama uolet poetas.

Ad

Ad Iosephum Alberam Genuensem, Pauli fil. apud  
Galliæ Regis Legatum Venetiis prandens,  
Ode IIII.

**D**icis ô Sortem bone uir fauere  
Dignitas sicut, ratioq; poscit  
Illius, de quo bene uult mereri  
Non Dea iniqua?  
Fallere: insanam & uolucere cecam  
Et boni brutam penitus parentes  
Esse fortunam, sapere & uidere &  
Cernere quam uis,  
Particeps quam uis rationis esse.  
Si cauet iustis, sapientem, & equum  
Quid necat Brutum, fauet & tyranno  
Nunquid utrique,  
Cæsari, & Marco? bona sancti Ofelli  
Quiddat Umbreno, precor, efftrato?  
Impiis cur & iugulatur ille  
Cassius ingens?  
Socrates alter, Comes ecce Primus,  
Patrioq; agro latet Adrianus  
Castus, hoc queis nil melius uidet Sol  
Purus in orbe:  
Non rapax isthic apicem repente,  
Albera prudens, posuisse gaudet  
Inde sublatum tibi Sors bonisq;  
Et mihi iniqua.  
Insubres illi, sua mutuauit



Quæis bona obsecro modò, ciuitatis  
Sunt decus? quales Dea sancta Olympi ad  
Aethera uexit.

Hæc fuit quondam, quæ hodie est, eritq;  
Semper in terris inimica, cui uult,  
Cui placet uerò sine lege, more  
Bellæ, amica.

De Carolo Vicecomite, Mediolanensium legato, ad  
Philippum regem in Belgicam proficiscente,  
Ode V.

**M**agnum ad Philippum mittitur Anguiger  
Legatus, armantem horrida Gallia  
In castra Belgas & Britannos,  
Vos Italos etiam, atque Iberos.  
Seruate Diui illum omnibus ô uis,  
Et cana passim uellera nubium  
Inducite; ut ne Sol uolantem  
Igneus hunc radijs adurat:  
In patriam urbem quæso reducite  
Non tristem & ægrum, uerùm ita sospitem,  
Votina thura ut & iuuentam  
Reddere Diis properemus albam.

Ad

Ad D. Victoris, qui Mediolani sepultus est, reliquias,

Ode VI.

**M**Aurus hîc miles Superis amatus,  
Miles imbutus pietate Victor  
Hîciacet? tanti hi cineres uiri sunt,  
Reliquiæq;?

Hoc caput, regis rabidi nefanda  
Iussa temnentis: patris ut supremi  
Particeps fiat, Naborisq; consors  
Atque sodalis?

Quid mori per uim uolusti, & heros,  
Ista neglexti bona? at ipse uiuis,  
Mortui nos. sed lacrimæ uetant me  
Plura referre.

Ad Maximianum Imperatorem, qui Mediolani D.  
Victorem obtruncauit, Ode VII.

**Q**uid heu, quid istic Maximiane das  
Summo parenti supplicium graue?

Quid oro torrescis miselle  
Ignibus impositus tyranne?  
Sæuissimi amens quid rabiem patris  
Ita es secutus, gentis uti tuæ  
Decus furore incensus acri  
Sustuleris Ioue non probante?

Opes ubi immensæ, atque potentia,  
Queis perdisti hunc egregium uirum

D

Tu

*Tu pauper, at nunc ille diues ;  
Tu miser usque, beatus ille .*

*Ad Aloysium Mocenicum, Leonardi. Eq. Cl. fil.  
Ode VIII.*

**Q**uod uir insignis docet, explicabo ;  
Sanguinis certè & generis secundam,  
Primam Aristocles animi inquit esse  
Nobilitatem .

Nobiles illos tamen aptiores  
Esse uidendum ad bene dicit idem, &  
Ad bonas artes, hominum genus quàm  
Istud agreste .

Fortis ut forti, pius ut benigno,  
Ut ferus saeuo, rudis & rudi, omnis  
Nobili sanè pariter creatur  
Nobilis usque .

At, bone & prudens Mocenice, cuncta  
Ut soror Phœbi micat inter astra,  
Sic tua præstat Venetis honesta  
Stirpis origo .

*In urbe tumultuosa non ualere se libros carminum  
inceptos absoluerè , Ode IX.*

**I**n urbe, dulcis Melpomene, mihi  
Incepta nunquam carmina finiam  
Curas tot inter, & labores .

Nos

Nos Eques ut sua rura ducat .

Sponsum atque patronum aduocat hic sibi, hic

Me carmina auditum . hic cubat ad Petri ,

Extrema & hic in ciuitate ;

Visere oportet utrumque manè .

Plenus tumultu paruulus est cauus ,

Vbi esse cogor . uox , sonus undique .

Fortasse dicas , Non amice

Sunt plateæ tibi in urbe plures ?

Vt prorsus obstat nil meditantibus .

Transit redemptor hac gerulis furens ,

Immunda cursim illac ruit sus ,

Aut rabiosa fugit catella .

Et torquet ingens machina nunc trabem ,

Nunc saxum : ad auras foemina concinit .

Hic cerdo clamat , cum fabrisq ;

Hic pueri , iuuenesq ; iurgant .

Rus quando promissum aspiciam Anguiger ?

Quando licebit nunc ueterum libris ,

Nunc euagatione , uitæ

Non meminisse diès molestæ ?

Vbi sub umbris & recubabimus ,

Musas agrestes & meditabimur .

Extendere & stylo docebit

Calliopea & Apollo famam .

D ij Ad

Ad Carolum Vicecomitem , Mediolan. Equitem &  
Senatorem clariss. Ode X.

**C**arolus quondam bonus Imperator  
Ipse legatum uenientem ubi te  
Vidit , accepit subito libenter ,  
Vt Pius ingens .

Cæsaris quamuis tibi fors sit impar ,  
Et clientelis , opibus potestas ,  
Est tamen robur tibi , nomen eius ,  
Religioq; .

Gesta uenturi tua quò nepotes ,  
Anguiger regum genus ô potentum , &  
Audient pugnas , animiq; neruos  
Maximi in armis :

Audient dulces etiam camœnas ,  
Et Ioui gratos numeros supremo ;  
Audient rectumq; tuum , fidemq; ,  
Vera trophœa .

Desinent magni populum Quirini  
Desinent priscas acies , Philippi  
Desinent regis , patruï , & patris mi-  
rarier acta .

Ad Carolum eundem , Ode XI.

**P**ater Philippi regibus , Anguiger  
Magne , uniuersis præstitit , ipse quàm  
Præcedis insubri uniuersæ

Roboreq;

Roboreq; & pietate genti.

Missurus Afros Quintus in impios  
Castra Italorum fortia, copias  
Acresq; Iberorum, rogatus  
Quem uelit esse Ducem suorum,  
Cras audietis gens mea, edidit.

Sacro & peracto rite, pius gerens  
Signum, dierecti in quo imago  
Regis erat, lacrimans, Erit dux  
Hic uester, inquit, gnauus, ego illius  
Legatus. omnes collacrimant simul,  
In rege miranturq; tantum  
Cum pietate mera esse robur.

Ad Egidium cognomento Sanctum, Virum ornatiss.  
Mediolanensem, Leusfortis fil. Ode XII.

**E**T si mollibus haud conueniat modis  
Aptari cietharæ tela Diespitrís,  
Tellurisq; genus fulmine perditum,  
Neptunum, & Stygium Iouem,  
Terras æquoreis fluctibus obrutas,  
Iactatos lapides fœmina & à uiro  
Post tergum, unde genus durum hominum sumus,  
Rerum semina & omnium,  
Et Pythona Deo perditum ab inclyto,  
Formas in uarias plurima corpora  
Mutatas, gelidum climaq; Solibus  
Exustas Libyæ, & domos;

D iij Patrum

Patrum religio, Sancte uir, attamen,  
 Hortatusq; tui, ut tergeminum canam  
 Persuasere patrem, perpetua & Deum  
 (Vertat quod bene) numina.

Ad DEVM, Patrem, Ode XIII.

**T**erræ creator frugiferæ ô pater,  
 Immensi Olympi, & raucisoni æquoris,  
 Mortalium, immortaliumq;  
 Qui regis æthereas phalangas;  
 Tuis precamur consule filijs  
 His, quos adoptasti à patribus, poli  
 Tandemq; nobis da obsecramus  
 Cœrula templa uenire magni.  
 Pulsas fideles at quia seruulos,  
 Nunquam hîc uidebis uerberibus pater  
 Negare nos, sumus bonorum  
 Dummodo participes tuorum.

Ad DEVM, Filium, Ode XIIII.

**P**atris supremi dulce genus, pia &  
 Integra uirgo hîc quem Maria edidit  
 Diuina & humana creatum  
 Stirpe, parente DEO iubente,  
 Perquem reseruat semina rebus hîc  
 Natura cunctis, res creat atque alit  
 Ac mutat, & penas iniquus

Cui



Cui scelerum dabit omnis usque,  
 Mentis redibunt corpora cum sua  
 Repente; nobis prospice, pro quibus  
 Dignatus es magnæ potentum  
 Prodigus esse animæ Deum rex.

Ad DEVM, Spiritum sanctum, Ode XV.

Q Vi numine imples ô superos polos,  
 Suffis qui inertem Spiritus hanc humum  
 A filio emanans, & eius  
 Patre, perennis, ut alma proles  
 Patris, & ingens ut genitor, pius,  
 Sanctusq; ut illi, sic dominus, DEVS,  
 Aeternitate & rex ab omni,  
 Omnipotens, facilis, beatus;  
 Benignus affla numine nos tuo,  
 Mentisq; nostræ in templa ueni, nouis  
 Loquamur ut linguis disertis,  
 Et bona perpetua assequamur.

De Diuis septem Ephesiis, qui ab Ecclesiasticis dormientes appellantur, Ode XVI.

C iuium septem, Decio furente  
 Impio, montis latebrosa in aluo  
 Ardui cum mens simul & sopita  
 Membra iacerent,  
 Secla ubi accepi duo continenter

D ilij Nocte

Nocte tanquam una iacuisse ; rupem

Vt cauam pandit regionis huius

Incola diues ,

Mox uiri surgunt subito excitati ,

A' minis seuq; Decij timentes ;

Forte nam pransum properarat ille ,

Et faber omnis

Hinc sui cunctos perijsse fontes

Seculi & regem liquidò uidentes ,

Gratias magnas habuere CHRISTO .

Omnipotenti ;

Inde coeperunt recubare in antro

Alto , ubi stertunt & adhuc , simulq;

Dormient illic , Superum parente

Auspice summo ,

Ad diem , quo ignis fera flamma nigri

Orbis immensi speciem hanc aduret ,

Quo solum replebit iners calentis

Buccina terræ ,

Quo reuiuiscant homines sepulti

Condito à mundo ; graue quod nocenti ,

At pio gratum ; pater huic & illi

Consulit æquus .

Nam bonos cælum uehit ad serenum

Impios flammis cruciat molestis ;

His graues poenas , bona sempiterna

Erogat illis .

**D**eprensus Aegeo obsecrat ocium  
 Mercator irato, obsecrat ocium  
 Timens furenti à Marte miles  
 Adueniente Deos senecta.

Gemmis, & auro, purpura & haud quies  
 Venalis ulli est: ille beatus est,  
 Sibi optat hîc qui nil, **D E V S** cui  
 Donat habere, satis quod illi est.

**N**on Consularis sum mouet Anguiger  
 Mentis tumultus, qui miseram enecant,  
 Lictor, uel ingens auri acervus,  
 Non ager & domus ampla, opesq; :

**E**rgo fruatur diuitijs suis,  
 Gazaq; regali omnis homo impotens:  
 Huiusmodi aufert usque somnos  
 Cura, metus, timor, & cupido.

**Q**uanquam exul amens se fugiat quoque,  
 Mutent auari Sole alio licet  
 Terras calentes, Romæ & ostrum  
 Inuideant alii superbum;

**D**ij si dederunt, quod satis est tibi  
 O' Carole argentum omne **Q**uiritium, &  
 Non urbe patria ipse mutes  
 Diuitias operosiores.

In auarum hominem, à quo deinde ad Carolum eun-  
dem conuertitur, Ode XVIII.

**M**ortis ecquid immemor  
Atræ & sepulcri luridi inuidendæ  
Sic tibi struis domos,

Locus sub ipsum fumus & secunda  
Marmora, ut si humus tibi

Linquenda nunquam, aceruus & sit æris?  
Limites clientium

Salis quid ultra? quin modum oro figis  
Huic tuo cupidini?

Aes omne ubi & congeßeris, uicq;  
Cunæ ubi, atque porticus

Te cognitum hîc bene urbis omnis, atque  
Regia aula uiderint,

Quò Tullus & deuenit Ancus ipse  
Restat ire mox tamen.

Non Hæctora interemit, atque Achillem  
Grandia uniuerfa quæ

Et parua mors obscura dextera aufert?  
Diues à Duce Italo

Nil interest, an pauper ortus Iro  
Ambules uia miser,

Morêre sub dio aut rapacis Orci  
Victima: emori est opus:

Præclusa non est porta mortis ulli.  
Ipse at Anguiger bone,

Cui hercule ingeni est benigna uena,

Qui

Qui Deos nihil supra

Magnos lacesſis, nec Philippum amicum

Largiora flagitas,

Satis beatus patriis agellis,

Purpuram Quiritium,

Opes, & ostrum negligens superbum,

Nunquam obibis; æthera

Pinna uolucris perferere inane,

Versus in canoram auem;

Iam Dædali Icaro ocyor gementis

Bosphori arua, & ultimum

Nosces Gelonum, Colchum, Iberum & acrem:

Nunquam obibis. ista uos

Auferte, inane funus, nenasq;

Mittite, atque lacrimas

Compeſcite: ingens uiuet usque hic Heros.

In beatorum fratrum Protaſſi & Gervasi Medion-  
lanensium die natali, Ode XIX.

**F**ratres beati, lucida corpora,  
Vitalis æterni atque Valeriæ

Genus, fugacia & caduca

Non humiles bona negligentes,

Vestris cauete oro Insubribus, iubar

Vbi uidistis Solis & aurea

Hæc astra primò; sempiterni &

Iussa DEI didicistis olim.

Natale uobis hoc Solum ubi (nefas)

Vos

Vos perdiderunt ferrea secula,  
 Quæ maximi à cultu parentis  
 Impia distrahere uniuersum  
 Gregem bonorum, relligioneq;  
 Sancta studebant, cum roseo gemens  
 Tellus inundaret cruore,  
 Plenaq; cuncta forent tumultu.  
 At regis almi summa parentibus  
 Hinc cum beatis uos bonitas poli  
 Ad sidera euexit, nocentes  
 Vnde uidetis in igne aduri.  
 Vestris caute oro Insubribus; famem  
 Per uos in Indos, armaq; agat pater,  
 Reducat huc dulces modosq;, &  
 Carmina grata piæ camœnæ:  
 Hanc uestram in urbem priscus honor, quies  
 Obsecro per uos, & redeat bona  
 Concordia, & neglecta uirtus,  
 Paxq;, fidesq;, pudorq; castus.

De D. Sebastiano, ciue Mediolanensi,

Ode XX.

**S**ebastianus non sine gloria  
 Rex copiarum Cæsaris efferum  
 Fugauit Augusti hostem; in urbe &  
 Vidimus insolitos triumphos:  
 Secutus est hinc militiam illius  
 Regis, supremus quem pater à nigris

Ipsè

Ipse excitauit inferorum  
Sedibus, ut prius ijs recepit,  
Qui derelictis omnibus aureum  
Se contulerunt ipsius ad gregem.  
Ut Martio inuictō ad feroces  
Ignibus innocuis Iberos.  
Phalanga adhortanti exanimem suū  
Ardere cunctis tempora uisa sunt;  
Sebastiano idem alloquenti  
Martia castra Duci Quirites  
Euēnit, ipsi reddita cū fuit  
Loquela Zoë, quæ fuerat diu  
Muta, atque plurimi repente  
Deseruere Deos inanes.  
Isti ergo certè magnanimo Duci  
Non nulla primæ, & maxima, sed mage  
Aeterna gloria atque fama est  
Militiæ potior secundæ:  
Mercedem inanem huic uanaq; præmia  
Laboris eximiū illa, dedit sed hæc  
Donauit aeterno throno, atque  
Transtulit in numerum Deorum.

Secundi libri carminum finis.

P. FRAN.



P. FRANCISCI SPINVLAE  
MEDIOLANENSIS  
CARMINVM

LIBER TERTIVS.

Ad Carolum Vicecomitem, Mediolan. Equitem, Sena-  
toremq; clariss. Ode I.



Vadente quòd me, Pollio ut inclytus,  
Ingens ad artem Carole mustcam  
Marte à cruento uis redire,  
Gratia Dijs superis habetur.  
Qui nunquam amasti uana, fugacia  
Bona ista, flagraſti uſque cupidine  
Qui maxima immortalitatis,  
Te ſtygia haud cohibebit unda:  
Te ſera, ut illum, cuius habes uiri  
Nomen potentis, poſteritas canet  
Heroa; te, & tuos futuri  
Verſiculos colent nepotes,  
Cum pompa ſeruorum, iſtaq; gloria, &  
Suis peribunt cum dominis opes,  
Ignotus & rex cum iacebit  
Victima nil miſerantis Orci.  
I nunc, & aurum ſuſpice; & omnibus,  
Quòd mille ſpectent lumina te in uijs,  
Magnosq; ſpiritus Marine,

Sume

Sume, putaq; louem esse te alnum .  
 Nam cras uidebis lurida tartara ,  
 Differt ab Iro Cræsus ubi nihil ,  
 Vernas ubi & flet inter Ancus ;  
 Nomen , opesq; tuæ interibunt .  
 Regum potentum sanguis at Anguiger  
 Non unquam obibit , laudeq; postera  
 Huic gloria , inclytumq; nomen ,  
 Fama recens , honor , usque crescent ,  
 Dum foeta tellus & dabit arbores ,  
 Et uiua lymphas flumina dum uehent ,  
 Dum turtur ulmum , ouisq; gramen ,  
 Et Cytherea choros amabit .

Ad eundem , à Christophoro Madrucio Cardinali,  
 Regio Mediolani præfecto, uniuerſi Mediola-  
 nensium exercitus, C I O I O L V I I ,  
 Ductorem creatum, Ode I I .

L Vcem urbis huius , flosculum & unicum  
 Te iudicauit Carole Regius  
 Præfectus ille ciuitatis  
 Madrucius sapiens , bonusq; ,  
 Qui fortè , Quarto principe Romuli  
 Urbis, phalangas Galliae in inclytas  
 Nos illico armans te uniuerſis  
 Præposuit Ducibus magistrum .  
 Insubrium heros maxime fortium ,  
 Vidi ipse magnos his oculis Duces

Te consequi, horum copiasq;  
Militiam numero carentem:  
Moronus ingens, Annibal & tibi,  
Pater Gibertus nostri & Episcopi,  
Regis sorore orti Quiritum,  
Et Galeratus amans camœnæ  
Parebat, ipse & Posterula, & potens  
Carcânus armis, cumq; Triultio  
Cum Casare & Borromeo unâ  
Et Marianus item & Cribellus;  
Parebat hæres Anguigeri, & Comes  
Tubas, caballosq; Hippolytus crepans:  
Hos copiarum strenuosq;  
Castra Duces sua qui præibant,  
Reges cohortum & signiferi simul  
Sunt consecuti, nobilitas item  
Priuata; Calchi, Magijq;  
Turrigeri, Croti, & Adduenses,  
Castillioni, Vincemalæ, Nigri,  
Porri, Cusani, denique Bosij,  
Clarissimæ urbis Regij omnes  
Et Comites numerus fuerunt.  
Quapropter isti, Carole, gloriæ  
Cedant parentes, tot spolijs tui  
Cedant Othones & superbi:  
Perpetuum hoc tibi erit trophœum.

Ad Carolum eundem, Insubrium ad Pium. IIII  
Pontif. Max. legatum, Ode. IIII.

**O** Dulce uatis præsidium tui,  
Dulcis mihi à te reddita littera est,  
Descripta in urbe flauì opacas,  
Rege Pio, Tyberini ad undas.  
Quid liberali non tibi debeo?  
Quid è charitati quando parem tuæ  
Valebo gratiam referre?  
Nam uoluisse sat haud uidetur.  
Quòd scribis oden esse meam tibi  
Pergratam et acceptam, oro Deos, mea  
Vt uiuat usque Musa: feri  
Quò tua facta legant nepotes,  
Tu, fortè diuisa orbe Britannia  
Toto exarasti cùm schedulas mihi  
Legatus ingentem ad maritum  
Egrogie Mariæ Philippum,  
Non tam mihi olim gratificatus es,  
Fortissime heros Carole, quàm modo,  
Qui tanta sustinens Quirini,  
Totq; negotia in urbe magni,  
Memor fuisti (quæ bonitas tua est  
Miranda) parui magnus amiculi,  
Solatus esq; lacrimosum,  
Atque tuos abitus gementem.  
Quapropter, hæc si quid mea carmina  
Possunt, tuorum haud, auspice Apolline,  
E Vnquam

1 Vnquam patrum occidens, tuosq;  
Exinet ulla dies triumphos.

Ad Aurelium Portulacum, ciuem Brixianum, ruri  
commorantem, Ode IIII.

**S** Tratus uirenti membra sub arbuto,  
Nec sperne Chij pocula massici,  
Nec de die ullam partem amice  
Demere, rura coles dum auita.  
Bacchus reducit mentibus anxijs  
Spes, atque uires, leta poemata  
Dictat, tenebras mentis, atram  
Atque fugat nebulam repente.  
Virtus Catonis non caluit mero?  
Dicturus arma & non bibit Ennius?  
Vinosus Albius fuitq;, &  
Maenides, Maroq;, & Catullus.  
Scripturus ergo, docte uir o merum  
Potes: bibentis nam gelidas aquas  
Per ora plus anno uirorum  
Carmina nulla ualent manere.

Ad Andream Huraltum Messium, Regis Gallorum  
ad Venetos legati fratrem, Ode V.

**S** Icte quid urit forma Lycoridos,  
Susspiria imo pectore uti trahas,  
Sive inter ambules amicos,

Sive

Siue toro iaceas supinus;  
 Ne de puellæ seuitia rogo  
 Despera, at occurre in triuijs ei,  
 Reducito, usque ad id requirens  
 Tempora amica tibi, modosq;  
 Et pange uersus huic miserabiles.  
 Sed persequera; nam diuturnitas  
 Hic commodi uniuersa uincit  
 Temporis, & mora longa amanti,  
 Huralte, longo non spacio uides  
 Guttas cadentes marmora, saxea  
 Pertundere asperasq;, uincunt  
 Duritie quæ adamanta, moles;  
 Sic, quæ uidetur durior esse nunc  
 Ferro, tibi istis fletibus & prece  
 Et mollietur lacrimosis  
 Versibus, officijsq; amica.

Ad Carolum Vicecomitem, Ode VI,

**S**ic liberalis, charus, amabilis  
 Cunctis fuisti iugiter, & pius  
 Domi atque belli, laudem ut absque  
 Inuidia eximiam parâris,  
 Mi testis Ister, atque Britannia,  
 Errare laudes hæc mea carmina  
 Ne quis per incertas loquatur;  
 Parma etiam mihi fida testis,  
 Gonzaga ubi armis inclytus admodum

Ferrandus ingentem atque animum tuum, &  
 Ardorem in armis, maximumq;  
 Robur, & ingenium probauit;  
 Malè ad loquendum fortibus & bonis  
 Pasquillus ortus testis ad hæc mihi;  
 Qui te, cohortes dum tuasq;  
 Roderet, atque duces, probauit,  
 Famost inertem carminis illius  
 Cùm iussit auctorem illico perdier  
 Incensus ira magnus ille  
 Madrucius pater, & Senatus.  
 Quadere honores ô tribuam Anguiger  
 Magne trophœis Pierios tuis,  
 Pro te uel hyberni hercle qui ausim  
 Per rapidos maris ire fluctus,  
 Et inter angues currere, fumidis  
 Committere Aetnæ corpus & ignibus  
 Paruum hocce; curæ isti, tuisq;  
 Sic meritis mea Musa debet.

Carolo eodem, Mediolanensium legato ad Carolum  
 V. Imper. Philippumq; regem Max. profici-  
 scente, ad Fortunam, Ode VII.

**G** Ratum Diua potens quæ regis Antium,  
 Quam nauta & metuit, miles & inuocat,  
 Pauper, disq; precatur,  
 Formidant iuuenis, senex,  
 Formidat Libyæ gens, profugi & Scythæ,  
 Atque



Atque asper Dacus, & feruidus Aethiops,  
 Immitisq; Britannus,  
 Pugnaces & Iberi, & Latium ferox;  
 Crinutam faciem uerte rogo potens  
 O' mortalia & hæc tollere de gradu  
 Imo, & uertere summa  
 Præsens interitu graui;  
 Et serua Anguigerum nuncium in ultimam  
 A' nostra properantem urbe Britanniam  
 Regum ad tecta potentum; &  
 Messalam, & comites fove.  
 Eheu mi lacrimas ne renoua obsecro  
 Et si: tum Dea, quo tum madui, tuo  
 Cum de Vulnere lux est  
 Restincta Insubrium ferè,  
 Perversæ comitum seuitiæ pius  
 Fortè occurrere dum nobilium parat,  
 Insanoq; furori, &  
 Cæco, non auibus bonis.

Ad L. Fabium Hugonium, Brixianum, Hiero-  
 nymi fil. Ode VIII.

**G**ens Deum Luci bone, liberalis  
 In bonos, qualis Stephanus propinquus,  
 Quàm suis prudens homulus, sibiq;  
 Consulat audi:  
 Sæpius dixi mea fata dura  
 Quæstus; O' Diuos utinam per almos.

Non hoc egissem, potius sed amens

Illud, & illud :

Illud at peius, ( mibi crede ) & illud

Pessimum ( quantum uideo ) fuisset ;

Et fuit certe melius, malum'ue

Hoc minus illo :

Sæpe nam Vates sapiens mibi, Hocce

Tu nisi egisses, ait, illud atque

Si illud egisses, equidem perisses

Funere acerbo,

Sermo nec purus Dauidi fuisset,

Nec pia crepta Styglis ab undis

Porcia ; haud laudes caneres camœnæ

Lucii amantis :

Quæ pater Diuûm mala fata cernens,

Vt tuæ matri facilis caueret,

Patriæ à dulcite aliò benignus

Transtulit usu.

Ergo in æternum bene consulentem

Maximè ingrati fuimus parentem,

Istà dicentes, quoniam per illum

Spinula uiuo :

Quod tuam sæuo Lalageni amanti

Si datum Petro Superis fuisset,

Non fero Muti miser occidisset

Cæsaris ictu.

Numinis ductu genitor redibat

Dulcis in fines patrios ; aberrans

A uia cuasit furiosi & hostis

Tela morantis :

Muneris tanti tamen & salutis

Is datæ ingratus gemit ; hinc sacratas

Diis , dolo accepto , uituli cruore

Imbuit aras .

Vitat Augustus sacer ille præsul

Sic uenenatas hominum sagittas ,

Dum uiis errans propria recedit

Longius urbe :

Quis & acceptis , DEVS , inquit , almus

Non minus nobis cauet hoc in orbe ,

Quàm potens ægri medicus iacentis

Vulnera curat ;

Vt solet natos pater ipse charos

Sæpius plagis grauitè ferire ,

Ipsè non nobis aliter Deorum

Prospicit auctor .

Ad Carolum Vicecomitem , inducens eum singu-  
lis quatuor carminibus respondentem ,

Ode IX.

S. **T**V, quòd præsidio es bonis ,

Et defendis eos fontibus à malis ,

Vnus charus eris mihi

Semper , ciuibus & charior omnibus .

V. Tu, quòd gesta canis mea ,

Virtutemq; patrum , factaq; fortia ,

Vnus gratus eris mihi

E iij

Semper.

Semper, uatibus & gratior omnibus.

S. Forti notior Hectore, &  
Aenea fueris carminibus meis,  
Ingenti orbe si amiculum  
Seruent numina me magna superstitem.

V. Viues rege beator,  
Auras, ut cupio atque expeto, carpere  
Vitales tibi si uolent  
Arcana Anguigerum fata superstitem.

S. Quod me tempore, quo ferè  
Liquerunt alij, sic pietas tua  
Complexa est, nihil ut supra,  
Prote non metuam Publius emori.

V. Quod me diligis unicè,  
Atque omnes homines, quod mihi posthabes,  
Nec uis me sine uiuere,  
Pro te bis patiar Carolus emori.

Ad Carolum eundem, Ode X.

**P**Rætermissa canam, Thespiades, mei  
Inq; orbem ueniam carminis, ut sono  
Contactus solito gaudeat Anguiger,  
Et flos insubrium & decus.

Heros o sapiens, doctus Apolline,  
Virtuti, ut facis, & Carole, gloriæ  
Seruito, dum alij in rebus inanibus  
Aeui tempora conterunt,

Fuluo incredibiles seu sibi congerant

Auro diuitias, siue domos, uias,  
Aedes, templa Deorum undique, publica &  
Cementis triuia occupent.

Clauos cum subito dura necessitas  
Fati uerticibus mox adamantinos  
Figet, non laqueis hi miserum hercule

Vinculis expedient caput:

Paulatimq; ruent omnia, quæ extruunt;  
Extemplo eripiet cæca & opes eis,  
Thesurosq; suos Sors aliis dabit,  
Quos ille, atque modò hic habet.

Verum facta tua hæc, patris & inclyti  
Nunquam, gesta & auorum, Anguiger, excident,  
Nunquam uersiculis hæc tua cum bonis  
Fama, atque ingenium excident.

Ad Carolum eundem, Ode XI.

Iste, qui sex est hominum, scelestus,  
Dum tuas laudes canimus, sacratis  
Non choris unquam Dryadum molestus  
Desinit esse:

Fractus est à quo iugulus parentis,  
Sæpe pulsata & genitrix, aui qui  
Minxit in castos cineres, bonorum  
Hostis & equi:

Ecce ut à Diris agitur, uiden' me,  
Teq; ut infamis uiolet, Senator;  
Ora ut in regem Superum nefandus

Impla

Impia soluat ?

Si ergo uulgari Latias per oras

Vis tuum & nomen patrum, tuæq;

Famæ, & huic tandem lacrimoso & agro

Consule uati.

Ad A. Calemerum Plantinidum, Ode XII.

**Q**uid ita amens mulier te pater ista

Sapientem rogo Calmere uexat,

Vt ei sic caueas, quæ nec amat te, nec amanti ?

Inimicam quid amicam cupis esse

Tibi adhuc, quæ fera te non amat hercle,

Bona uerum tua, quæ fert, Corydoni & dat aman-

In ea quid tibi, quid comperis inquam,

Quod ametur ? Moricho stultior est, &

Magè certè cane bruta, & sue deformior omni,

Mihi Magi an sonus, ars Canidieq;

Alium te faciunt, atque sodales

Et amici cupiunt ô pater ornate uidere ?

Ad Carolum Vicecomitem, Ode XIII.

**O** Flôs Anguigeræ gentis amabilis,

Et Phæbo & Cythereæ, omnibus & Deis

Periucunde, Diones

Cura & Cœlicolûm patris,

Musa dicte mihi dextra & Apolline,

Titan quo melius nil uidet, infimas

Lustrans

Lustrans lampade terras,  
 Gentes esse apud Insubres;  
 Qui curru quatiens aethera seruido,  
 Telo flammigero nubila diuidit,  
 His si quando camœnis  
 Optatum dabit ocium,  
 Fies nobilium tu quoque Principium,  
 Me dicente tuum robur, Othonis &  
 Magni raptâ trophœa.  
 Olim barbarico à duce.

Ad Carolum eundem, Ode XIIIII.

**T**È, si Panthoidæ boni  
 Hæc sunt quæ loquitur uera sapientia,  
 Orcus non habuit semel,  
 Testantem clypeo bella refixo ea  
 Quæ gessit Libya potens  
 Armis Publius in Scipio torrida,  
 Testantem & gladio illius,  
 Qui Desiderium fuderit, & Ioue  
 Dextro, Marteq; prælia.  
 Te armatum quoties uidimus, optimo  
 Gonzaga Insubrium duce,  
 Spectante Hippolyta uirgine filia  
 Formosa illius, agmina  
 Comportata ab equis cum bicoloribus  
 Parerent tibi, & horrida  
 Pugnae acris cicerent mox simulacra, quæis  
 Deuinxisti



Deuinxisti animos tibi

Vrbis totius, & Principis ipsius?

Ornatus uarios, item, &

Larus quid memorem? quid peregrinag;

Arma, & carmina persequar?

Tempestate quibus tu choreis ea

Festis usus es haud semel

Coram nobilibus, Carole, Cyprijs:

Quæ Rainerius omnia

Hetrusco cecinit carmine nobilis:

Quamquam nunc animus tuus

Aeterna appetat, ut Scipio, maximus

Regum & Carolus omnium;

Quò inter signa mices lucida, ut Hercules.

Primo auctore sed optimo

Vita, dum legis hæc sacra uolumina,

Scriptores studiosè eos,

(Ut uitans uitium ne in uitia incidas)

Qui claris superi nigram

Offundunt nebulam sideribus poli.

Ad Hippolytam, Ode XV.

**Q**uid non præposuisti, Hippolyta, Insubres,  
Ut Faustina decens, & tu alijs uiris?

Nanque hæc Mutio, & hinc Annibali, haud fuit

Nupsit uirgo Quiritibus.

Fortunauit utrunque almus ei pater

Et rex coelicolûm: nulla beatior.

Lugenti

Lugenti timor atque iste uiri tibi

Certè causa perire erit.

Amens nam iuuenes in tunica tibi

Pulchros esse putat. quin facies Deæ

Istum picta, solent & simulacra item

Cæcum ledere cœlitum.

Inclusa ut Danaë turri es ahenæ,

Infelix Monima ut nupta uiro extero,

Sæuo uel potius nupta tyranno, erit

Qui uir causa tibi necis.

Hæc, dicas, alijs natio dulcior?

Hic num quis melior? Præstat ut Insubris

Omni gens Italo, Carolus Anguiger

Cunctis Insubribus bonis.

Te si huiuscemodi Cypria coniugi

Despondisset enim, quæ cupis, omnia

Is fecisset, & haud seruitium tibi

Immutasset amabile;

Quinnes te colerent (crede mihi) Insubres:

Omnes te canerent & populi: potens

Et regina fores, uirginibus fores

Et felicior omnibus.

Ad Carolum Vicecomitem, Ode XVI.

**T**Andem eamcœnæ dulcia, Carole,  
Nostræ, ut uolebas, ocia sunt data,  
Suadente Barbono: is mihi illum  
Conciliauit enim scelustum.

Quà cadit Vultur, radiatq; telum,  
Cernitur cunctis uia quà sereno  
Lactea cœlo.

Ad Io. Iacobum Rotulam, Mediolanensem,  
Ode XVIII.

**I** Ngens dic Rotula, ô tua  
Cur pendet tacita fistula cum lyra?  
Cur te à laurea Apollinis

Martis uirgo furens transtulit ad sui  
Lauros, bellaq; matribus  
Detestata, ad equos, ad lituum, ad tubas?  
Nam doctarum hederæ Deis

Miscebunt superis præmia frontium,  
Hæ si te gelidum nemus

Nympharumq; leues cum Satyris chori  
Secernent populo, aurea  
Sublimi feries sidera uertice.

Ergo, ne redeas Lares

Urbanos rogo, sed me potius uoca  
Istuc, Cynthia ubi tuam

Dicamus, syluasq; et nemorum Deos.

In Caroli Vicecomitis legati reditu à Pio IIII  
Pontif. Max. apud Ioannem Tonsum  
I. C. prandens, Ode XIX.

Carolus

**C**arolus flauī Tyberini ab oris  
 Insuēres tandem redijt; quod alium  
 Per Iouem in somnis, bone Tonse, noctu  
 Vidimus ipsi.

Cæcubum ad festas epulas repostum  
 Huius aduentu, comites, bibamus  
 Leti; & insignem sua quisque uatem ad  
 Pocula dicat;  
 Singula & nomen redeuntis urbem  
 Verba præclaram resonent, serenam  
 Hanc diem uinum celebret; liquemus  
 Dulce Falernum.

Luce nec festa rubor est madere,  
 Nec malè errantes tibia pedesq;  
 Ferre. & adsitis, laqueos cadoq;  
 Soluite Chio.

Et coërcentem pueri feratis  
 Nauſeam uinum: iuuat atque curam  
 Caroli rerum iuuat & timorem  
 Soluere Baccho.

Ad Carolum eundem, ruri agentem, Ode XX.

**Q**uid, Musa, dicam? numina maximi  
 Patris, gigantes corpora grandia,  
 Qui terræ alumnos ingementis  
 Fulmine sustulerit caduco?  
 Regem uel undarum, an Stygium Iouem,  
 Vel Pallada intactam, an Cererem canam,  
 Bacchum

Bacchum rubentem ue, an Quirinum?  
 An genus arimipotens Othones,  
 Marcum, Philippum ue Anguigeros duces,  
 Qui densa gentis Turrigeræ agmina  
 Fudere; Carolum ue lucem  
 Et decus Insubrium celebrem?  
 Quid in remotis carmina rupibus  
 Cantare mauis me sine Carole,  
 Oblitus armorum? quid inter  
 Capripedes Satyros, Deasq;  
 Istic agrestes nunc sine me doces  
 Nymphas decentes, et Venerem tuam?  
 Decus, trophœa rapta, laudes,  
 Nomen, honosq; tuus manebit,  
 Dum signa nigris lucida noctibus  
 Cœlo micabunt, candida cornibus  
 Dum Luna recrescetq;, Solq;  
 Sidera dum rediens fugabit.

In D. Ioannis Baptistæ natali die ad Aloysium Monacicum, Leonardi Equitis clariss. fil.

## Ode XXI.

**R**oscidam cantu uocat ales, orte  
 O Dea, Auroram uario exeamus,  
 Nostra tingamus celeres salubri  
 Corpora rore:

Mater in somnis ad eum Marina  
 Adriæ est multis comitata nymphis.

Visa te natum mihi dormientem ,

Mecq; uocare .

Lux rediv nobis sacra , quam benignus

Cœlitum rector radiante uultu

Cæteris cunctis melius diebus

Vsq; serenat .

Nanque Baptistam dedit hæc prophetam

Lux Ioannem , uenientis ortum

Qui Dei cæco bona nunciaret

Gaudia mundo :

Nam pius inter micat uniuersos

Nuncius regis Superum , profundi

Qualis in ponti radiat marinis

Lucifer undis .

Lucifer Solem præit, atque finem

Horridæ noctis canit hac loquela &

Voce, quam passim tenebrosa tellus

Præcipit omnis ;

Sic Ioannes Mariæ antecedit

Virginis prolem dominum supremum

Nuncius nobis sacer , & profundis

Manibus idem .

Desinit mutus pater esse uates

Vatis, & summtum celebrat parentem, &

Filium appellat, canit, atque mulcet

Numine plenus ;

Quò scelus uitans hominum , relictis

Urbibus , solas habitare sedes

Solus, & malit fluuiio, locustis ,

Melleq; uesci,  
 Melle syluestri, quod apes uirentum  
 Congerunt ramis nemorum implicatis;  
 Quale aberrantes ego & ipse frater  
 Vidimus olim.  
 Iste quàm tardo gelidus salubris  
 Corporis ros est. liceat per orbes  
 Annuos centum hoc ita rore nobis  
 Tingere membra.

Ad Gabrielem Phaënum, Cremonensem,  
 Ode XXII.

**P**Haërne simplex, & Lycij Dei  
 Martisq; alumnus Carolus Anguiger  
 Amicus ille gens Othonis  
 Barbaricis spolijs superbi,  
 Aurum ut metallis, Insubribus bonis,  
 Quot sunt, fuerunt orbe & in hoc erunt,  
 Et præstat unus uniuersis  
 Ingenio, & pietate, & armis.  
 Angnoscit uni quid tibi debeat,  
 Qui sempiterno quippe poemate  
 Ipsumq;, Crystallumq; uersu  
 Dixeris insolito disertus.  
 Verum hocce uultus eius imaginem  
 In auro habebis, cuius amabili  
 E' pectore haud unquam ualebit  
 Et facies tua, amorq; labi.



Vati suo, à quo dona perennia.  
 Accepit, is dat non paria hæc tibi.  
 Memor, daturus plura, si ipse  
 Optime plura uoles Phaërne.

De Vincentio Portulaca I. C. & Equite  
 clarissimo, Brixiano, Io. Baptista fil.  
 ruri commorante, Ode XXIII.

**Q**uò, plenus rapior mero  
 O Lenæe parens optime, pampino  
 Qui cingis uiridi comas?  
 Velox mente noua quos agor in specus?  
 Frondosos agor in specus  
 Dulces regis ubi Dauidis inclytus  
 Portulacæ canit modos.  
 Illic nam meditans ipsius audiat  
 Virtutes, animos, decus,  
 Laudes, ingenium, factaq; fortia  
 Patrum, gesta; lucidis  
 Astris inferere & concilio Iouis.  
 Hebrum prospiciens uti  
 Ex somnis properans mox stupet Euhyas.  
 Mirabor loca deuia,  
 Syluestresq; domos, & uacuum nemus.  
 Dicam insigne, nouumq; adhuc  
 Indictum ore alio continuo, & recens.  
 Nam paruum agmina nil canam,  
 Nil mortale loquar Bacche sequens tua.

Ad Carolum Vicecomitem, Senatorem lectiss. Christianam  
ad pietatem ipsum adhortans,  
Ode XXIIII.

**S**I queris, pater arbutum,  
Subscribi statuis, Anguiger, aneis,  
Aude iam sapere; incipe:  
Facti dimidium, si incipis, est tibi.  
Quod cæcum est animum tibi,  
Quam primum id propera demere diligens,  
Festina facere & sacris  
Quod rector Superum legibus imperat.  
Quid castis sine moribus  
Leges Christicolis proficiunt suæ?  
Qui magnum opprobrium putant  
Esse hic pauperiem, quid facere & pati  
Non semper uideas eos?  
Illam non fugiunt per tumidum mare,  
Ignes, saxa, pericula,  
Angues, quæ Boreæ finitimum latus  
In densam glaciem riget,  
Quæ subiecta calori assiduo est humus?  
Ipsi ut iugiter in polo  
Cum Diuis superis simus, inutile  
Aurum temnere nolumus,  
Gemmas, & lapides, materiam mali.  
Hæc pravi ergo cupidinis  
Radentes elementa, asperioribus  
Iam mentes studiis rogo

Formemus teneras, ut sapientia  
 Nos ipsa edocet, atque instituit, frui  
 Si æternis cupimus bonis.

Ad Stephanum Mariam Hugonium, Brixianum,  
 Equitem generosum, Ode XXV.

**A**rmis fuisti nuper idoneus  
 Et militasti non sine gloria;  
 Nunc arma, defunctosq; bello  
 Hic gladios paries habebit.  
 Tentanda nunc sunt bella Cupidinis,  
 Atque horrida almæ prælia Cypriæ;  
 Tractanda barbitos, tibiq;  
 Culta poemata nunc canenda.  
 Primò at bibendum est fortis Eques merum,  
 Et uina, mentis quæ tenebras fugent.  
 Atque ista præcipit Cupido,  
 Et Cytherea iubet decora.

Ad D. Mariam, Ode XXVI.

**V**irgo supremi genitrix parentis,  
 Maximo cui par mulier nequaquam in  
 Orbe terrarum fuit ulla, regi  
 Gratior almo,  
 Numen in cuius gravidam ueniret  
 A' polis aluum superis; ut Heuæ  
 Ritè sarciret generis ruinas;

Patre

Patre iubente,

Quod genus lapsum fuerat nefandum

Per scelus nostri genitoris. una

Tu sacrosanctæ haud uitiato es orta

Semine matris.

Integra ô uirgo precibus fatiga

Filiū castis facilem, receptent

Templa uti nostram hanc animam sereni

Cœrula Olympi.

Ad Carolū Vicecomitem Senatorem.

Ode XXVII.

Ingens quod pietas tuis

Est uirtutibus alma egregijs comes,

Est supplex tibi inops homo

Pro se, coniugeq; &amp; quinque miserrimis

Natis; sum ipse etiam tibi

Supplex pro omnibus his, Pieris &amp; mea.

Is confugit ad Hectora

Formosum prius; is misit eum statim

Ad me, cuius habes fidem

Verbis, Hector uti prædicat, omnibus,

Cui plus credere, quàm suo

Sermoni soleas Anguiger optime:

Quod ne fallat eos rogo,

Et mecum pietas te rogat, &amp; fides,

Quin cum cœlicolis rogat

Is, te qui dedit, atque omnia dat bona.

Ad Carolum eundem, Ode XXVIII.

**T** Vasq; Musas, armaq; posteri  
Omnes loquentur, secula & omnia.

Te predicabunt ciuitatis

Istius & decus, atque lucem.

Sed Gallicani si studia optimi

Pia atque iurtem assidue meram

Eris secutus, predicabunt

Cœlicolæ tua facta magni.

Pater triumphos & Superum chori

Nouos uidebunt, & noua carmina

Cantare senties potentum

Agmina sancta tibi Deorum.

Ad Carolum eundem, Ode XXIX.

**H**eros Insubrium Carole maxime,  
Mortales alij sese homines gemant

Cretos, latitijs ipse sed omnibus

Incede, atque Ioui magno age gratias:

Nestris carminibus, uersibus & tuis

Et Nilo, & Tyberino, atque Arari, & Tago

Istroq; & Rhodano notus eris, quoad

Vndis se rapidis in mare conferent.

Non tam notus Otho, non Galeatius

Matthæusq; pater, natus & Actius,

Non tam Marcus erit, non is Episcopus,

Cuius pertinuit Roma potentiam,

Accitumq;

Accitumq; manere in patrio solo  
 Iussit, quàm sapiens Carolus Anguiger  
 Doctus, nobilis, atque armipotens erit  
 Illustrisq; mea pagina, & inclytus,  
 Is, quem fata uolent Pontificem bonum  
 Esse, & sollicito prospicere gregi.

Sed cymba ingenij litore paululum  
 In tuto mea flet: uela iterum dabo,  
 Cum tu Phœbe uoles, & Polyhymnia.

Libri III carminum finis.

P. FRAN

P. FRANCISCI SPINVLAE

MEDIOLANENSIS

CARMINVM

LIBER QVARTVS.

Ad ciues Mediolanenses, à quibus deinde con-  
uertitur ad Carolum Vicec. Senat.

Ode I.



Consortes patriæ obsecro  
Discordes mea gens accipite In-  
Mecum qui colitis simul (subres,  
Hoc natale solum, lumen ubi mi-  
Suspechi, astraq; lucida; (cans  
Si imbellem haud aquilæ progenerant auem,  
Virtus si est in equis patrum, &  
In tauris, similem strenuus & parit,  
Eheu robur ubi uirum  
Et nerui Insubrium? prisca fides ubi?  
Tanta & uis ubi Barnabæ,  
Germani bonitas & Galeatii?  
An gentem aspera agunt meam &  
Fraterni interitus (culpa grauis) scelus,  
Vt Marci innocui cruor  
Venturis sacer hæc in sola posteris  
Terræ fluxit hiantia?  
Vel nostrum impietas dedecorat genus?

Ciuis



Cuius perniciem in suum hinc  
 Incumbit malus en, Carole, ciuium:  
 Quare maximus exteris  
 Seruire hos uoluit principibus pater:  
 Ut nequam genus & malum, ut  
 Natos degeneres, & populum impium.  
 Vno in te pietas mera,  
 Et rectum, atque fides, religio & patrum, &  
 Virtus, robur & instum,  
 Recti & cultus, eorum & sapientia.  
 Quò tu dignus enim tuum  
 Maiorum auspicijs nos regere unus es.  
 Quæ in te miror ego, ad polos  
 Omnis laudibus hinc posteritas feret.

De D Sebastiani cruciatu ad Carolum  
 eundem, Ode II.

**I**ctibus quòd non perisse dixi  
 Hunc sagittarum, mea quem secundi  
 Ultimo cantu cecinit libelli  
 Barbitos, ipse  
 Quo rogas telo cecidit; canemus  
 Anguiger dulcis tibi. Magnus egit  
 Hic crebris Heros animam gementem  
 Fustibus ictus.  
 Marcus & frater pietatis ergò,  
 Et Dei cultus tenebantur atro  
 Carcere inclusi: ueniunt maritæ, &

Mater

Mater ad illos.

Et parens ager: lacrimosa coniux

Pignora ostentat, queriturq; fatum

Proprium mater, genitorq; pugnis

Pectora ledit.

Fletibus, luctu, prece molliuntur

Nobiles multa iuuenes repente:

Quod uidens fleuitq; Sebastianus,

Et dedit ista;

Ecquid aeternis, iuuenes, caduca

Ista praefertis? lacrimae parentum,

Coniugum non uos retrahant ab almi

Regis amore,

Qui quidem uestra atque mea est corona;

Qui dabit nobis bona sempiterna:

Diceret qui dum sapiens uir ille

Talia, Zoë

Muta quæ denos fuerat per annos

Pulchra custodi, qui aderat, Quiritum

Carceris, gaudens ninitum cucurrit.

Fœmina ad ipsum:

Qui polum spectans, Pater, inquit, alme,

Sacra qui montis iuga amas Sionis,

Hi q; cui septem placuere colles

Omnipotenti,

Qui loqui quondam facilis dedisti

Muto Ioannis genitori, & isti

Da tuas, CHRISTI q; tui, precamur,

Dicere laudes.

Quæ statim incepit, Deus unus est is,  
Quem canit cunctis melior uir iste,  
Cœlites quem nos sociare multos

Vidimus: ergo  
Protinus lymphis homines lauemur  
O' minus puri, iubet ut propago  
Vnica æterni Superum parentis,  
Quem colo solum.

Atque aquis castus subito sacerdos  
Diligens omnes Polycarpus illos  
Diluit sacris. pater ipse Marci  
Sanus abiit;

Antè torquebat miserum podagra:  
Abnuunt iussi tenebroso abire  
Carcere, at malunt iuuenes acerbam oc-  
cumbere mortem.

His at acceptis feros Imperator  
Mandat hunc cædi Ducibus sagitta.  
Nocte sed Lucina uenitq; telum  
Extrahit omne.

Hunc domum transfert, medicos uocatq;  
Is reuiuiscit, rabidum & tyrannum  
Audiens urbem reuenire, fert se  
Obuius illi:

Increpans uerbisq; uices superbas  
Tartara ad dicit nigra eum manere  
Sanguine effuso toties piorum.

Rex furit amens.  
Imperat duris subito loquentem

Fustibus

Fustibus cedi, quoad is supremum  
 Spiritum exhalet, sua dehinc cloacis  
 Condere membra.

Diuus à dura nece nocte dicit  
 Romulæ matri; Sepeli me honesto  
 In loco, ut merces tibi patre multa  
 Defluat æquo.  
 Hæc uia ò uite sapiens beate  
 Anguiger. mirare et bonos ita omnes  
 Negligit, cœlo pater ipse Diuum  
 Quos beat alto.

Idem Carolus inducitur respondens, Ode III.

QVO tractauit eum modo,  
 Qui certè melior, sanctior omnibus,  
 CHRISTO teste iuris fuit,  
 Quos hîc terra dedit Dædala condito à  
 Mundo? rege tulit fero  
 Extingui, fieret quò sat adulteræ.  
 Huic dicebat enim; Improbum  
 O rex iungere amorem haud licet impotens  
 Cum fratris tibi coniuge.  
 Si poenas homini perpetuas DEVS  
 Mutat ( quæ pietas sua est )  
 Hîc languore breui, quisque hilaris patri  
 Grates magno agat optimus.  
 Augustinus enim CHRISTO ita supplicat,  
 Me, Rex, ut libet, hîc seca,

Hic

Hic ire, ut tuus ad secula particeps  
 Sim per te ipse perennia.

Sed quem sacrilegus perdidit impiè  
 Rex, quo urbis miserum is modo  
 Prætozem instituit, dicere te uelim.

Ad Carolum eundem, de D. Chromatio, Tybur-  
 tioq; fil. Ode IIII.

**C**V'm prætor æger fortè Chromatius  
 Gnatusq; Tranquillum acciperet suum  
 Marcelliani omnino patrem  
 Conualuisse, rogauit illum,  
 Quisnam podagram oro in Babylonias  
 Abegit oras, optime uir, tibi?  
 Sebastianus, inquit, Heros.  
 Continuò, pueri, aduocetur.  
 Venit libenter: Strenue dux rogo,  
 Vti misertus mi quoque consulas.  
 Vt CHRISTVS almus imperauit  
 Prolue te quoque aquis, ut iste:  
 Et conualesces, crede mihi, illico;  
 Effringe Diuos sed prius aureos.  
 Hac lege permittam, Chromati  
 Filius inquit, ut ipse pœnas  
 Des morte nobis, si Superos ubi  
 Nostras profana perdideris manu  
 Non detur infirmo parenti,  
 Quod recipis subito futurum.

Respondit

Respondit Heros ; Conditio placet ,  
 Idola fracta . Prætor & exilit  
 Sanus grabato , sacra & unda  
 Proluitur celer , atque natus ,  
 Prudens , & omnes penè domestici

CHRISTVM fatentur numen : hero à pio

Daturq; libertas  
 Seruitio facilem gaudenti .

Ad regis aurem hæc perueniunt feri,  
 Necem minatur moxq; Chromatio ,  
 Tyburtio atque liberali ,  
 Omnibus & famulis acerbam ,  
 Cuncti extra ephebum numine coelitem  
 Afflatum ab urbe profugiunt procul ,  
 Campania in syluis latentq; , ob  
 Exilium graue lacrimantes .

Gregem bonorum continuò suos  
 Tyrannus amens imperat insequi :  
 Igni , fame extincti , atque ferro ,  
 Supplicijs varijsq; cuncti .

Tyburtiusq; ipse inuigilat choris  
 Caij in sacrata Pontificis domo ;  
 Successor optimi parentis  
 Et Fabianus eum peremit .

Sicq; & fruuntur perpetua boni  
 Vita Deorum & Tybridis aureo  
 Ab anne , septem collibusq; ad  
 Perueniunt bona sempiterna .

Ad

Ad Theodorum Tersagum, Mediolanen. Hieronymi  
causidici fil. Ode V.

**C**ompar nate bono uir melior patre  
Ecquando Theodore ad Tyberim optime  
Ecquando ibimus, & Cæsarem ubi Maro,  
Et dixit Venerem Albius,  
Vnà Pieridas sic meditabimur  
Dulces, ut cupio? manè die integro  
Sicci dicimus, & dicimus uuidi,  
Cum Sol Oceano subest.  
Voti me facies tu, puto, compotem;  
Vt soli tibi, cui plurima, debeam  
Prorsus cuncta: animæ dimidium huius, &  
Tuspes unica Publij.  
Nascentes placido lumine Musæ nos  
Si uidit, fluuiusq; & nemorum comæ  
Spissæ Romulea ad mœnia Horatij  
Fingent carmine nobiles.  
Nil nostrum ingenium non faciet, pio  
Nos ipse omnipotens numine Iuppiter  
Defenditq;, sagax curaq; per nemus  
Nos Phœbo expedit auspice:  
Nil mortale mouet quòd Theodore nos,  
Verum quod Stygijs fluctibus eripit,  
Quod cœlo beat, & quod uctat emori,  
Musæ, fama, perennitas.  
Rex Deli, Hesperijs ipsi eritis bonis  
Noti post cineres hercule, uestraq;



Seros inter, ait, nomina posteros  
Vestra urbs perpetuò canet.

In filij DEI, salutis nostræ, ascensu ad cœlum,  
Ode VI.

**A**D polos altos hodie redemptor  
Scandit humani generis triumphans :  
Cœlites lati uenientem adorant,  
Carmina dicunt,  
Buccinas inflant. comites sequuntur,  
Qui reuixerunt simul, ad parentis  
Ora supremi properantem in aulam  
Agmine denso,  
Adamus consorsq; tori, bonusq;  
Abel, Abramusq; & Isacus hæres,  
Ipse Iosephusq;, Iacobus, ingens  
Vitifatorq;,  
Qui Noës dictus fuit, & poëta  
Personans David cithara, integræq;  
Annæ, & Abdias pius, & Micheas,  
Isaïasq;,  
Post Ioannes, genitorq;, sancta  
Et parens regem comitantur alnum,  
Et dierectus, sociusq; pœnæ  
Atque triumphî.  
Alites diuæ sociant cuntes :  
Cœlites umbræ tenues stupentq;, &  
Nostra mirantur reparata habere

Corpora

Corpora cœlum.

Gaudeat tellus, spaciosum & æquor:

Gaudia, ô ciues, agitemus & nos,

Tanta promisit quibus & recepit

Munera CHRISTVS.

In festo die, quem ecclesiastici Pentecosten  
appellant, Ode VII.

**V**irginis & magnum summi patris incrementū  
CHRISTE saluber ades,  
Cuius natura à cunctis seiuncta periclis,  
Om nibus atque malis,  
Indiga non hominum, non cura tangitur ulla,  
Atque dolore graui,  
Nostros quæ exuperat sensus, & mentis acumen  
Suffugit omne; tuo  
Numine nos affla, promisso munere donans,  
Pro bonitate tua.  
Cœlestem ut uitam in terris ducamus, & uni  
Cuncta dicare tibi  
Sic studeamus, uti nobis sit sola uoluptas  
Te celebrare choris,  
Laudibus efferre & tua tollere numina Olympo.  
Vt sine Sole nihil  
Dædala fert tellus, oriundi semine cœli  
Nos sine luce tua  
Perpetuò steriles erimus sic nocteq; cæca  
Inq; nigris tenebris

Aeuum degemus, summasq; emergere nostrum

Nemo ad opes peterit.

Lux aduerte ergo puros huc maxima uultus,

Et miserrere tuum.

Candida nam rosei mortales lumina Solis

Non sine Sole uident.

De calatoribus & pictoribus, ad Carolum Vicec.

Senat. Ode VIII.

**N**on tam qui liquidis magne coloribus

Heros te posuit, Tretius optimus

Et spirantia qui haec ara tibi edidit,

In quæis effigies nobilis est tua,

Quàm uirtus, fauor, & lingua potentium

Te Vatum eripient tartareis aquis,

Cæli interq; ferent signa micantia,

Quæ Perseus radiat fortis, & Hercules.

An sic mansit opus Parrhasii aut Scopæ,

Musa ut Mæonidæ, Vergilij, Albij?

Illi nam pluuiæ, uentus & impotens

Et subducit honorem ignis & imber &

Annorum series innumerabilis;

Hanc non fulmina, non & fuga temporum,

Sæuus non Aquilo diruere est potis,

Sed qualis radians Oceano, ut uides,

Titan usque redit pulchrior Indico,

Quæ magnum Anguigerum Musa uetat mori,

Nigra stat sine ei morte suum decus:

Sic

*Sic is, cuius habes nomen amabile,  
 Patris summi epulis Carolus interest;  
 Sic inuictus Otho, frater & impiger  
 Cœli inter radiant sidera candida;  
 Sic fratres Helenæ lucida corpora  
 Ducunt uota bonos nauitæ ad exitus.*

*Ad Andream Huraltum, Meßium, Regij ad Vene-*  
*tos legati fratrem, Ode IX.*

**H** Vralte, cultor non Iouis infrequens  
 Vnquam fuisti, qui ædibus in sacris  
 Moraris, ad meridiem usque,  
 Thespiadas, Lyciumq; Diuum  
 Oblitus, olim qui placido occidens  
 Te, ut sæpe dixi, lumine uiderit,  
 Cum Mars cruentus iam quadrigas  
 Fluctibus Oceani lauaret,  
 Magni serenus cum mediæ poli  
 Partem teneret Iuppiter, & Venus  
 Decora Solem post ueniret,  
 Mercurio comitata puro.  
 Cultus Deorum nam placet admodum,  
 Placent Camœnæ non minus & mihi:  
 Arridet olim Andream utrunque;  
 At mediocriter ipse cuncta.  
 Tu nempe Musas uel nimium canis  
 Phœbumq; formosam atque puellulam,  
 Te cuius ignis sic adurit,

Viuere uti nequeas sine illa:  
 Summum parentem uel nimium colis,  
 Qui nostris fulco fulmine territat:  
 Diuini Aristoclis magister,  
 Ne quid, ait, nimis ille magnus.

Ad seipsum, Ode X.

**O** Demens anima, ô stultitia mens mea stultior,

Insuperata tuæ cum ueniet pœna superbiæ,  
 Et, quod non procul est, astiterint fata supra caput,  
 Atque hîc destituens omnia quæ diligis admodum  
 Oblita atque fidem & religionem & sapientiam,  
 Demigrabis eò sola gemens, unde homo non redit  
 Vnquam, cæca domusq; & tenebræ sunt ubi, lugubris  
 Dices heu quoties, temnere te ut numina uideris;  
 Cur uiuenti eadem haud mens fuit hæc, quæ mihi mortuæ est?

Vel cur his animis incolumes non redeunt dies?

CHRISTI fac igitur maximi adores sacra mystica,  
 Et te iam scelerum collacrimantem pigeat tuum.

In die anniuersario, quem corporis CHRISTI  
 festum uocant ecclesiastici, Ode XI.

**F**ilij donum patris ô supremi  
 Dulceq; & signum memoris, leuamen  
 Omnibus nobis grauium laborum,

Exiliūq;

Exilijs;

Sit suis almus DEVS ille præsens,  
 Qui cruci duræ tulit ut bidens uel  
 Agnus affigi, pater ut nefando  
 Parceret orbi,

Qui dedit pœnas sceleris suorum,  
 Qui student recto pictati, & æquo,  
 Ut pius uindex iubet, in polo qui  
 Nunc sedet alto.

Panis ô dulcis Superûm, misellis  
 Qui polo nobis pluis à sereno,  
 Suavis heremo saturans edentes  
 Panis Hebræos,

In Palestinam populos euntes,  
 Panis ad regnum sine quo receptum  
 Peruenit nemo, sine quo perimus  
 Protinus omnes.

Gaudiumq; & spes, columenq; dulce,  
 Vitaq; humani generis salusq;,  
 Supplices & nos pie tandem IESV  
 Respice quæso:

Quæso nobiscum maneat, tuis Sol  
 Irriga & mentem radijs benignè  
 Tota quæ prorsus tenebrosa obitq;  
 Te sine & alget,  
 Te sine haud fructus parit ulla tellus,  
 Te sine & cuncti steriles agelli,  
 Te sine ad frugem minimè mouetur  
 Infita uirtus;

Te sine & migrans patrium uiator.  
In solum haud callem uidet, ad beatos  
Quà Lares tutus ueniatq; , & hostem  
Vitet inermis ;

Te sine incurrunt homines cruenti  
Hostis in fraudem , pereuntq; , quòd te  
Non reclamantem uoluere regem  
Semitæ habere ;

Te sine hîc uerum minime uidet mens ,  
Dedit in uitæ tenebris supina ,  
Est suæ uecors inimica uitæ ,  
Atque saluti ;

Te sine hîc mentis ualet esse compos  
Nemo ; naturæ uitio perimus ,  
Tu nisi occurras properè Deorum  
Maxime rector .

Mentibus nostris medearis ergo  
Vnus ægrois medicus salubris ;  
Supplices te unum miseris precamur  
Consule nobis ;

Vt sacrum panemq; , merumq; dulce  
Rite gustantes ueniamus aulam ad  
Aetheris , règnas ubi Diuus unus ,  
Tergeminusq; .



In D. Nazarij, Celsiq; die natali, Ode XII.

**Q**ui castæ sobolem forte Valeriæ  
 Visisti ueniens urbe Quiritum  
 In magnum Insubrium quod colo hoc oppidum,  
 Nazari pie, te canam.

Nec te præteream Celse silentio,  
 Quem sic instituit doctor amabilem  
 Castus religionē, ut puer hīc minus  
 Formidaueris emori,  
 Cū seui imperio Principis ad necem  
 Crudeli intrepidus ductus es horridam.  
 Cū doctore tuo. floscule Gallie  
 salue gentis, amans Deos.

O' saluete uiri magnanimi, & patris  
 Almi numina sic magnā precamini  
 Pro nobis, bona ut hæc uana, fugaciā  
 Temnentes, studia omnia  
 Mentem, commoda, opes, diuitias, modos,  
 Cantus, & Citharam, cunctaq; carmina  
 Consecremus ei nostra: potentium ut  
 Simus participes Deūm.

Ad Carolum Vicec. Senat. Ode XIII.

**M**aiorū generatim, Anguiger optime,  
 Naturam referunt omnia secula:  
 Dilexere Petrarcham  
 Patres, nos ut amas, tui.

Concor=

Concordes etenim quid Galeatium &

Germanum memorem, huc qui uenientem cum  
Excepere poëtam

Conuiuam egregium sibi?

Donabant Ducibus maxima, ut ipse nunc,

Reginis etiam & munera Regibus.

Scriptis Tretius ad me

Calator, tua maximæ

Reginæ Mariæ dona Britanniae,

Coram magnanimo rege Philippo ei

Comportata, fuisse

Quam gratissima munera.

At nunc Pontifici quàm placeant equi

Summo Thraciae alumni, atque alia omnia,

Quæ largitus es, ipsa

Tellus Hesperiae capit.

Hæc communia sunt cum patribus tibi,

Naturæ integritas, munificentia;

At uirtutibus, armis,

Præstas eloquioq; eis.

Ad Hieronymum Hugonium Iuris utriusque peritiss.

Brixianum, Bonifacij fil. de mirabili quodam

speculo, Ode X I I I I.

**Q**uod quæris à me de speculo, bone

Quod Hugo Musa diximus auspice:

Senes rubenti sustinere

Ex lapide hoc uideas leones:

Mirabilisq;

Mirabilisq; est machina, factaq; ex  
 Crystallo aquosa, sex latera aqua habens  
 Circum: atque Rex sedens sub arcu  
 Occupat ipse Philippus unum,  
 Terrarum & orbem dextera continet  
 Illius; & Sphinx, & iuuenis potens  
 Armis in altero sequenti  
 Tuq; togate senex uideris:  
 Et templa surgunt aurea proximo;  
 Et castra quarto fortia dexteris  
 Miscere cernuntur, superbam  
 Et uolitare super furentes  
 Victoriæ enses; spicea Pax gerens  
 Stat ferta quinto; Fama canens tuba  
 Volare sexto tendit: atque  
 Signa super uideas locata  
 Sex inclitorum hîc ordine Principum,  
 Patris Philippiq; , & Fabij, & Numæ,  
 Et Africani, Octauijq; , &  
 Eius imago patris benigna.  
 Et pars rotunda est signa super sita,  
 Et quinque totam uidimus in domos  
 Diuisam; in una dat potenti  
 Regia sceptrâ pater Philippo;  
 Captum stat euictum inq; alia oppidum,  
 Migrant coloni ex hoc ueteres; eis  
 Belgæq; succedunt, fero igni  
 Gallia queis dederat penates;  
 Et in sequenti magna Britannia

Sedentem honorat Pontificem gemens ;  
 Victoriā atque in quarta ouantis  
 Aspicias geminam Philippi,  
 Ducesq; captos illico & oppidum  
 A' rege uictum ; claudit in ultima  
 Portasq; Belli idem , atque leto  
 Aurea secula condit orbi .  
 Teres columna & cernitur in super ;  
 Illam & canentes undique milites ,  
 Iò triumphē , iò triumphē ,  
 Circumcunt numero carentes :  
 Præire multos hîc equites , uiros  
 Signa & ferentes, rapta trophœaq;  
 Ab hoste ; Galli in signe nam  
 Principis hîc uideas gerentem ;  
 Trium oppidorum tela cruentaq; &  
 Idola & hastas & gladios Duces  
 Quā plurimi ostentant, aceruum  
 Aeris, & arma fera, atque parmas.  
 Pōst consequuntur raucaq; cornua  
 Cauas & inflans militia hos tubas ;  
 Duces catenatos præire  
 Laurigerum aspicias Philippum ,  
 Belgæ sequuntur quem meritum , & manus  
 Lauro tenentes innumeri Itali &  
 Iberi , ouantesq; & canentes  
 Carmina non pede facta certo.  
 Robur columnæ sustinet æquoris  
 Globumq; terræ ; quæ speculum est super  
 Duplexq;

Duplexq; , pyramis , specusq; ,  
 Atque senex ubi inest , dracoq; ,  
 Natura cunctorum & genitrix pia,  
 Aeternitatem mehercule quæ sonent.  
 Sed uincula auri ornantis ipsa hæc  
 Prætereo , breuitatis ergò .

De eodem speculo , ad Philippum regem Max.

Ode

XV.

**V**ultu sereno hæc Ambrosii tui  
 Cape oro , Rex regum edite Carolo  
 Forti Imperatore ô Philippe ,  
 Munera , signa animi fidelis :  
 Crystallo in ista ; cum facie tuam  
 Mentem , hîc perennis qua sapientius  
 Rotans ab Indis te ad Britannos  
 Sol nihil esse uidet , uidebis.  
 Senos Leones prætereas , suo  
 Qui sustinent hanc robore machinam :  
 Nam digniora sunt uidenda , hîc  
 Quæ pater ignipotens locauit :  
 Felicitatis scilicet integræ ,  
 Prudentiæq; hîc eximiæ tuæ  
 Et fortitudinis , domumq; ;  
 Religionis adhæc uidebis ;  
 Victoriæ almæ , Pacis item locum &  
 Famæ coronam , multaq; lumina ,  
 Vultumq; Caroli parentis ,

Et


Et Fabium atque Numam uidebis,  
Et Africanum Cæsaris & genus  
Octauium, eiusq; os, animum suis  
Qui præter inuictum Catonis  
Cætera cuncta, subegit armis;  
Magno uidebis prætereà patri  
Tuo quid ô rex optime debeas,  
Qui sceptrum dat tibi merenti,  
Cum pietate ea & æquitate  
Sis, des ut armorum oppida capta ui  
Habenda Belgis, Gallica queis phalanx  
Domos adußerat, labores  
Et lacrimas miseratus horum,  
Qui Iulio olim rege Quiritium  
Vitæ à tenebris pectora cæca tot  
Ad ueritatis lucem honesta  
Coniuge cum Maria uocâris;  
Qui claudis, unam Pacis amans domum,  
Belli furorem protinus impium  
Victoria in templum potitus,  
Prospiciens populis tibiq; ;  
Quem miles armis & spolijs præit,  
Duces catenati hostium & inclyti, &  
Belgæ triumphantem sequuntur,  
Lætitiâq; agitans Iberus:  
Totum uidebis terræ etiam globum,  
Quem nempe uates auspiciis tuis,  
Et astra deberi, polorum  
Siderei; canunt meatus;

Adhæc

*Adhæc uidebis denique, magne Rex,  
Vita à fugaci quam recipit DEVS  
Perennitatem æternus ipse, &  
Astra tuis meritis amica.*

*Libri quarti carminum finis.*






P. Francisci Spinulæ  
MEDIOLANENSIS

EPODON LIBER,

QVO Q. HORATII FLACCI  
*carminum uarietatem imitatur.*

CVM PRIVILEGIO.



VENETIIS, Ex officina stellæ Iordani Zileti.

M D L X I I I.

*Ludonici Nouelli Veneti, de Spinula  
Iambis, disticon,*

*! Archilocus proprio rabies armauit Iambo:  
At dicat hunc magnis Spinula, seq; Decis.*



# AD IOANNE M

Huraltum Boistallerium, Caroli IX Gal-  
lorum Regis & consiliarium, libel-  
lorumq; supplicum in regia  
magistrum, & ad Vene-  
torum Rempubicam  
oratorem

S. P. D.

*P. Franciscus Spinula Mediolanensis.*



Væ religionis sapien-  
tiæq; species & pul-  
chritudo non tantum  
nos omneis maximam  
in admirationem traducit, sed  
eam ipsi Gallorum reges, quorum  
in aula & educatus & eruditus es;  
etiam atque etiam adamarunt.  
Ab Henrico enim fortissimo le-  
gatus ad Sultanum Solimanum  
Turcarum Imperatorem sum-

mis de rebus missus fuisti . qua  
in legatione incredibilem tibi ho  
norem eundem Solimanum & By  
zantios omneis detulisse , mihi sa  
ne Alexander Baldus Florenti  
nus , Isabellæ Pannoniæ reginæ  
legatus , comes tuus , non semel  
enarravit . Francisci deinde re  
gis iussu legatus , pacis nuncius , in  
Liguriam ad Corsicam insulam  
Genuensibus reddendam uenisti ,  
cùm principes uniuersi & nobiles  
obuiam prodeuntes te ita mœni  
bus acceperunt , ut antea neque li  
beralius , neque honorificentius le  
gatus alter post hominum memo  
riam ab iisdem tractatus fuerit .  
Carolus denique nonus , Franci  
sci extincti frater germanus , te  
negociorum suorum causa hoc

triennium principes ad Venetos  
legauit : ubi tua arguta sedulitas,  
& munificentia singularis, & bo-  
narum literarum, præsertim Græ-  
carum studia, quibus maiorem in  
modum te cum Andrea fratre ob-  
lectas, in ore omnium sunt morta-  
lium. Quamobrem, ut primum  
hanc in urbem emigraui, me sta-  
tim tuam in familiaritatem insi-  
nuauī. quid fructus ex ea cepe-  
rim, quanti me feceris semper &  
facias, superuacaneum uidetur in  
præsentia scribere. Eapropter  
non potui facere, quin tuo nomi-  
ni clarissimo, quod quidem ante  
me diligo, hoc exiguum opus  
consecrarem. In quo uidelicet fa-  
ciendo quæ obseruauerim, quàm  
breuissimè fieri poterit, ea expli-

cabo . Primum igitur omnium  
nobis Iambi senarii, qui Hipponactius  
uocatur, sedem tertiam  
uoce solummodo monosyllaba  
licet absolvere . ut Horat.

*Beatus ille, qui procul negociis,  
Solutus omni fœnore.*

Id quod non solum non à neoteri-  
cis scriptoribus, sed ne à Flami-  
nio quidem est animaduersum, ut  
exempli causa illud Psalmi tertii  
ab eo male dispositum est;

*Solus colentibus piè numen tuum*

*Aeterna donas gaudia.*

bene autem disposuisset, si uoces  
ita collocasset;

*Solus piè colentibus numen tuum*

*Aeterna donas gaudia.*

Neque uerò illud Catulli men-  
dum nos moueat,

*Hunc Gallie timent, timent Britannia:*

quod ita puto corrigendum,



*Hunc Gallia acres, hunc timent Britannia.*

Quòd autem Horatius dixit;

*Libet iacere modò sub antiqua ilice,*  
quotiescunque tribracho intertia  
fede uti uoluerimus, si utraque syl  
laba ita grauetur, dissyllaba uoce  
eodem pacto nobis item licebit  
tertiam sedem absolvere. Dein  
de Iambi Archilochii hypercatale  
ctici secunda sedes eadem ratione  
est disponenda; ut Horatius pri  
mi ode I X libri,

*Appone, nec dulces amores.*

At Cerutus primi ode quinta libri  
male ita disposuit,

*Fretus tua benignitate.*

Verùm, quoniam in epistola ad  
Cyrillum, hæc duo & Horatium  
semper & poëtas Græcos constan  
ter multis exemplis seruasse osten  
dimus, eaquæ altera item ratione con

firmauimus, ad alia statim appro-  
perabimus. Itaque quod in Iambo  
illo senario, id etiam in Iambo Ar-  
chilochio catalectico obseruau-  
mus: ut II Horat. XVII,

*Mea renidet in domo lacunar.*

Etenim si ita dixisset,

*Renidet in domo mea lacunar,*

ideò carminis ratio minimè sta-  
ret, quòd uoce dissyllaba tertiam  
sedem absoluisset.

Atque idem etiam obseruauimus  
in eo carminis genere, quod usur-  
pauit Catullus, spondeum sede à  
quinta in uitimam transferens, ut  
Ode VIII,

*Miser Catulle desinas ineptire,*

*Cum uentitabas, quò puellula*

*Ducebat.*

Sic porrò uersus Choriambicus  
Asclepiadeus est componendus,

ut secunda sedes cum uoce semper  
sit absoluenda, ut I Horat. I,

*Maccenas atavis editis regibus.*

In Choriambico autem Alcaico  
sic eandem legem teneamus, ut  
Choriambus medius, quo uersus  
augetur, cum uoce & incipiat &  
ferè desinat, ut I Horat. XI,

*Tu ne quaesieris scire (nefas) quē mihi, quem tibi.*  
Diximus uerò ferè desinat, quòd  
semel tantum dixerit I Horat.  
XVIII,

*Arcaniquē fides prodiga perlucidior uitro.*

Catullus item ait,

*Si tu oblitus es, at Dij meminerunt, meminit fides;*  
At, quòd licenter eodem in poë-  
mate dixit,

*Nec facta impia fallacum hominum cœlicollis  
placent,*

id uitandum eò usquequaque cen-  
seo, quòd neq; hunc Choriambi-

cum, neq; alios Horatius unquam  
ita composuit, sed, quod præscripsi-  
mus, id ubique in hoc carminum  
genere obseruauit. Dactylicum  
præterea Archilochium ita Ho-  
ratus disposuit, ut quamuis id  
carminis genus primò ex quatuor  
primis pedibus uel dactylis uel  
spondeis, uti carmen Vergilia-  
num, deinde ex tribus trochæis  
constet, tamen perpetuò & quar-  
tam sedem cum uoce absoluit, &  
in ea solum modo dactylum col-  
locauit: ut in illa primi libri  
ode IIII,

*Soluitur acris hyems grata uice ueris & Faltoni.*

Ionicus postremo ita est disponen-  
dus, ut semper trimetri prima qui-  
dem tantummodo, sed tetrame-  
tri & prima & secunda sedes cum

uoce perficiatur , sicut III Ho-  
rat. X I I,

*Miserarum est neque amorì dare ludum ,  
Neque dulci mala uino lauere , aut ex=  
animari metuentes patræ uerbera lingue.*

Sed plura de iis aliàs . nunc ad in-  
stitutum redeamus. Secundum hu-  
ius libri poëma I I I Nonas Iunii ,  
dum se frangeret calor meridia-  
nus , in Leonardi Mocenici Equi-  
tis clariss. ædibus scripsi . Ista  
enim sedes umbrifera, cui præcla-  
rus Adriani maris prospectus pa-  
tet , & amœnus prætereà hortu-  
lus , ubi de Caroli regis fortuna  
soliciti hilare tamen prandimus ,  
fecerunt , ut ego , ab arte musica  
penè auersus, intermissa studia re-  
uocarem . Nam uti Gallorum  
naturæ liberalitas omnium homi-  
num solet expectationem uincere,

ita ipse his studui uersibus æter-  
num tuæ uirtutis præconium man-  
dare. Cætera uerò poëmata, di-  
stinctè & ordinatè disposita tum  
Mediolani & Brixia, tum Vene-  
tiis & Patauii maiori ex parte ad  
amicos composui. Ad summam,  
qualecunque meum hoc est mu-  
nus, ut summi in te amoris mei si-  
gnum certissimum, id benignè  
pro tua humanitate accipias ue-  
lim. Vale. Venetiis Idib. Iunii.

CIC IO LXII.

P. FRANCISCI SPINVLÆ  
MEDIOLANENSIS

E P O D O N L I B E R O.

Ad Illustriss. ac Mag. D. D. Ioannem Comitem in  
Tarndu, & Voignitiensem præfectum, &  
Sendomiriensem Ducem, &c. Ode I.



OTIVS ô Germa-  
niæ fortissime  
Heros Ioannes Ducis,  
De liberalitate cuius,  
gloria  
Magna, atque factis  
bellicis,  
Victorijsq; tota & ista  
natio, &

Gentes loquuntur exterae,  
Arma & trophæa & prælia æquabis patris,  
Exercitus Polloniæ  
Qui fortis Imperator inter sidera  
Ad Persæ sedem emicat.  
Nam te pharetra à Cynthia aduocat saga,  
Tubas, equos Tritoniæ:  
Vti piorum ciuitati strenuus  
Statim cadenti opem feras.  
Illam ecce inermem deserunt negocia  
Versi ad sua omnes Principes.

Illum



2  
 Illam ecce coniuratio intestinaq;

Et barbari inuadunt feri.

Vir te precanti, quæso, succurre ô potens,

Succurre; ut almus rex Deûm

Te muneret; nostra ut Camœna, quæ dicat

Stylum hunc tibi, te concinat.

Hâc templa perucnere ad alta cœlitum

Liber, Quirinus, Hercules.

Ad Ioannem Huraltum Boistallerium, Caroli IX

Gallorum regis & consiliarium & ad Venetos

legatum,

Ode II.

**Q**uando reposta uina festas ad dapes

Victore letus Carolo

Sonante formosissimo mistum choro

Tam dulce carmen tibijs?

Vt nuper, ipse summus, ac cùm te prope

Legati & hîc & hîc, Ducis

Subaudiæ Lambertus ornatissimus,

Faletus atque Principis

Ferrariæ, qui uate certat uersibus

Cum Mantuano, accumberent,

Cùm frater infra hos Mæsius egoq;, & Ligur,

Valetaq; infra nos forent,

A ruernus & Budeus ora lucidum

Cùm uerterent ad Arcada;

Quà pontus ingens Adriæ per ianuam

Latè patentem & cernitur

Merga

Mergaria, atque Mestre, & orbis Taruist  
Montes, & urbs, ubi iacet  
Cum Malita nutrice Fusca illa inclyta,  
Et Munriaum, insignia  
Et Michaëlis templa, Maiorbi & domus,  
Et Nicolai limina,  
Et Buriiani tecta, & amplæ uillulae,  
Et alta Christophori atria, &  
Castella bina, magnam ad urbem lynthribus  
Hanc nauita inter quæ uolat.  
Insana quando concitatio tue  
Furorq; gentis desinet  
Martem sequi, & parebit imperio sui  
Regis & polo cui sidera  
Sic commoda esse cerno, magni ut Caroli  
Virtutis atque nominis  
Hæres futurus cum throno sit, pluribus  
In regno ouans uictorijs;  
Io triumphe lata cum phalanx canet,  
Morare currus aureos:  
Io triumphe, nec parem bello Insubri  
Olim reportasti ducem.  
Nam tum cruenti barbari hostes illius  
Terra mariq; uicti erunt;  
Tum punico lugubre mutabunt sagum,  
Ventis ituri haud prosperis  
Syrtes uel orbem ad illum, ubi densa sinus  
Telluris umbra absconditur.  
Capaciora sed parari pocula

Virentis horti in limite  
 Iubeto, frater conuocet amicos; uti  
 Curas educes, pallidos  
 Rerum metusq; Caroli dulcissimo  
 Huc alte soluamus mero.

Ad Carolum Vicecomitem, Mediolanensem  
 ad Philippum Regem legatum,

Ode III.

**A** Lumne Martis, atque Cynthij, tuæ  
 Lumenq; patriæ & decus,  
 Regum potentum sanguis, à Petro edite  
 Germano Othonis, principes  
 Qui Turrianos uicit, ereptum & dedit  
 Sceptrum tuis maioribus;  
 Quid me timentem ab hoste lapidi hinc euolans  
 Committis isti Carole?  
 Quid me quotannis, absque te cui non datur  
 A numine esse, deseris?  
 Quid ad Philippum regem adhuc, quid te ad feros  
 Obsecro Iberos corripis?  
 Qualis, decori Apollinis cum fax redit  
 Manes ad ipsos, Dædala  
 Tellus, & omnis partus eius ingemit,  
 Mea Musa, Brixia quam uocat,  
 Cum tu recedis alma lux à patrio  
 Solo, uicem dolet suam.  
 E gente non hac ullus est te fortior,  
 Cælestibusq;

Cœlestibusq; gratior :  
 E' gente nostra Delium nullus magè  
 Eiusq; diligit chorum .  
 Quapropter ipse doctum Agyieus Græciam  
 Olim esse mentitam refert ;  
 Quæ præparatam à se Coronam Carolo  
 Anguis feri supra caput  
 Prolem ad suam micantem Olympo , dixerit  
 Illuc tulisse Liberum ;  
 Nullius esse cœlitum , aut mortalium ,  
 Meritis tuis deberi eam ,  
 Quam gens Coronam & horridam Anguem omnis  
 Vt stemma nobile , hîc gerit . ( tua,  
 Inter Booten , Herculèmq; lucida  
 Signa ergo erit sedes tua .  
 En os hians iam contrahit Serpens tibi  
 Ad Virginis pedes , poli  
 Iustaq; parte plus relinquit , abstinet  
 En dexteram Alcides manum .  
 Illic micabis inter astra , fidus &  
 Oriere amicum Insucribus ;  
 Illinc uidebis perpetim cunabula  
 Tua hæc , domosq; patrias ,

Ad Ambrosium , cognomento Barbauiaram , Theologum  
Mediolanensem , Dominicanum , à  
Cypri Archiepiscopo accersitum ,  
Ode I I I I .

**T**anto vocatus à uiro , nos deserens  
Ibis furentem ad Adriam ,  
Antistitis paratus ad regnum comes  
Felix adire Cypriae ,  
Et cuncta religionis interpres Deum  
Obire sanctæ munia .  
Quid ipse ? tecum cui sodalis , nec sine  
Te uiuere à fatis datur ?  
Vtrum ne , quod nos edidit , colam hoc solum  
Non dulce , ni tecum simul ?  
An te insidentem forti equo , pedes licet ,  
Mirandam ad urbem consequar ;  
Humana quam non cōdidit gens , at  
Stantem marinis fluctibus .  
Iapygi plena ut dabit cū lintea  
Vir Præsul ornatisſimus ,  
Sine nauigationis & longe tibi ,  
Illiq; non grauis comes :  
Quò mensor & terræ & sali , qui circino &  
Celeri rotundum animo polum  
Percurro , litora , insulas , uastissimum  
Ipsa & Actum acie metiar .  
Roges , parentem an liquere annosam uelim  
Pro te , calentem & Solibus

Alijs Cypron migrare per tot æquoris  
 Discrimina, haud tibi utilis.  
 Matri soror non una consulet piæ,  
 Dum Barbauaræ inferuiam  
 Docto ipse, manes ad profundos quem sequar  
 Ducem, & per æquora omnia, &  
 Terras calore Solis exustas, Ceres  
 Quas non colit, per frigidam &  
 Sedem, niues quam contegunt albæ, malus  
 Et semper urget Iuppiter.  
 Non terret Amphitrite, ut alios, cæcula,  
 Non monstra terrent me fera,  
 Non Adriani cæca uel sinus uada,  
 Non unda cælum uerberans:  
 Quid? opto, pinu belluosa nauitis  
 Sulcantibus ponti æquora,  
 Fluctu oppida apparentia admirarier,  
 Et continentem, & insulas,  
 Meliten, & Issam, & Aulon, atque Amantiam,  
 Infamia & Ceraunia,  
 Arcesq; Phæacum, & Zacynthon, & Samem,  
 Vlissei & terram ipsius  
 Altricem, & Acritam, atque Cænen, Gnostia  
 Et regna, Cæson, & Rhodon,  
 Et te Megista, quò Dione nauibus  
 Persæpe tendit à Cypro.  
 Ac Præsulis, tuæ atque certè non ero  
 Grauis carinæ sarcina,  
 Amico amicus utilis, potenti hero

*Seruusq; non inutilis .*  
*Vestrum laborem nam iuuabo diligens*  
*In insula meo , horrida*  
*Seu dicere arma , Cyprios'ue antistites*  
*A' Barnaba , seu me Deūm*  
*Patri uelitis , ut mi in optatis fuit*  
*Semper , ministrare optimo .*  
*Ergo parentem & patriam , si deseris :*  
*Hæc regna , pro te deseram ;*  
*Et , si redire tempore huc nullo cupis ,*  
*Rediſſo nunquam ad Insubres .*

*Ad Camillum Martinengum , Comitem illustriss. &*  
*I. C. de Stephani Marij Hugonii , Equitis*  
*clariss. Brixiani , die natali ,*  
*Ode V .*

**C**omes Camille Principum ingens , plenus est  
*Mi Gnosſo cadus mero ,*  
*Est pinguis hædus , & columbæ , & perdices ;*  
*Et ridet argento domus ;*  
*Et huc & illuc curſitant domestici ,*  
*Et cuncta feſtinat manus ;*  
*Aulæa figit & tabellas , ſpargit &*  
*Flores humi , & condit cibos .*  
*Flamæ tremunt , extremo & ignes uertice*  
*Fumum rotantes ſordidum ,*  
*Si grata cœna eſt Publii , iam copiam*  
*Fastidioſam deſere ;*



Iam te moræ eripe. obsecro. Ut noris tamen

Quæis aduocere gaudijs,

Audito : agendus est tibi Martis dies,

Qui findit hunc mensem, inclyti ;

Dies mihi sollemnis iste, antiquior

Diebus est certè omnibus :

Marius Eques nam luce uir bone optima

Hac editus quondam fuit :

Qui Brixianæ est urbis heros inclytus,

Recto, & Camœnis deditus :

Qui latus atque degit, & potens sui est,

Dixisse cui licet in diem,

Vixi : pater uel nube cras atra polum,

Vel Sole candido occupa.

Curis Eques felicitati edacibus

Iunctæ minus regum inuidet.

Sapiente dignum quicquid est, curat ; minus

Est corpus absque pectore.

Virtutem ei supremus atque opes dedit,

Artem & fruendi Iuppiter,

Et cuncta, quæ nouere alumno olim pia

Dulci solet nutricula.

Cui debeo uniuerfa ; quem semper, mea

Si Musa quid potest, canam ;

In urbe patria Anguiger prout Carolus,

Hic Brixiaë canit mihi.

Ad Io. Brunorium Gambaram, Ode VI.

**E** T si Cremonam me ire, Brunori optime,  
 Tibi placebat, ut citò  
 Meos redirem ad Insubres: ueni tamen  
 In ciuitatem Brixia;  
 Hinc auspiciatò Bergomum me contuli ad  
 Hieronymum cognomine  
 Montem, integri Cornelii lectissimum:  
 Antistitis Vicarium:  
 Altas qui in ædes ut sodalem me tuum  
 Charissimum accepit scatum,  
 Et sic benignè, sicq; liberaliter.  
 Tractauit, ut tu gratiam  
 Et ipse debeamus immortalē ei.  
 Tantam uiri sapientiam,  
 Modumq; sum miratus; in terris enim  
 Est Præsulum omnium optimus:  
 Nam non sibi unī se esse natum sentiens,  
 Ast & aliis, & gloriæ,  
 Nunquam ferè exit limina ædium, nisi  
 Id causa poscat publica:  
 Totum hīc diem usque conterit, nunc laudibus  
 Piè celebrandis Deū  
 Patris supremi, ut tu facis, causis suū  
 Nunc audiendis ciuium,  
 Latissimo CHRISTI atque curando grege, &  
 Cauendo amicis, & suis,  
 Opem qui ad eius confugit, domestici

Dum

Dum pauperi omni dant cibos, immoque  
 Cupido habendi immensa, iniquitas, scelus,  
 Discordia, & mendacium,  
 Mortalium fex omnis, impurissimi &  
 Scurræ sua domo exulant;  
 Quam ueritas, & incolit rectum, & soror  
 Sinceritas amabilis,  
 Propinquiorem Olympo uti sedem: edito hæc  
 In monte posita est ciuitas.  
 At fauste grex, gens atque felix, quæ celer  
 Hic tantus excedens Pater  
 Tellure inerti & infima ad cælum facit  
 Vestigia æternum ultima.

De Hieronymi Hugonij I. C. Brixiani,  
 apophthegmate, Ode VII.

**S**ic Brixianitatis odit nescio  
 Quid Hugo, sæpe ut dixerit;  
 Plato solebat Dijs habere gratiam,  
 Quòd masculum, non foeminam,  
 Non barbarum, at Græcum, atque alumnus Socræ  
 Sibi dedissent esse: ego (tis  
 Contrà Deorum incuso prouidentiam,  
 Qui Brixianum me, minus  
 Romanum, & infantissimi Marci istius,  
 Non tanti alumnus Flamini,  
 Ac esse maluere priuatum, Ducem  
 Quàm diuitem, atque Principem.

Ad Hugonium eundem, Ode VIII.

**M**ordear opprobrijs falsis, me candidè com-  
 Robertus amens uellicet, (par  
 Taygeta & laceret cimex, & Bulla Lomati  
 Conuiuia rodant perfidi,  
 Mutius obliquis oculis mea limet ineptus  
 Morsu & uenenet commoda:  
 Men' moueat isti, plures aliq; cathedras  
 Plorare condiscipulorum  
 Quos inter iubeo, numerum, consumere natos  
 Fruges, Lyæi & munera?  
 Hæc utinam laudet Patina, Sfondratus uterque,  
 Phaërnus, & Taëgius,  
 Tonsus, & Aonius: possum ambitione referre  
 Et te relegata, comes.  
 Nam nostra æternos pepererunt secula uates,  
 Quæis & dedere Zoilos  
 Inuidiam & comitem, scelerum quæ pectora ledit  
 Exestq; mentes improbas;  
 Fex hominum maius tormentum haud inuenit illa,  
 Cui torua Erynnis it comes;  
 Quæ cæcas sedes, & Sole carentia tecta,  
 Nulliq; uento peruia, &  
 Auræ semper habet, nigro squallentia tabo,  
 Crudelis orta Cecrope;  
 Quæ caret igne, nigra caligine semper abundans,  
 Plenissima acri frigore,  
 Vipeream est carnem, uitiorum alimenta suorum;

In ore pallor insidet ;  
 Toruâ oculis spectat ; macies in corpore toto est ;  
 Rubigine & dens liuet ; &  
 Pectus felle madet ; lingua est suffusa uenenis ;  
 Risum dolores huic mouent ,  
 Innocui & pœnæ ; uigilantibus excita curis  
 Sopore nunquam uincitur ;  
 Interitus acie gaudet spectare cruenta ,  
 Et faustitate hominum gemit ;  
 Denique causa suæ mortis , cruciatus , & angor ,  
 Suumq; supplicium est sibi .  
 Oderunt monstrum hoc superi , oderuntq; sorores  
 Tartaræ , & Orcus luridus .  
 Atque habet hoc hominum mentes nequissima mona  
 Et impiorum pectora : ( strum  
 Quæ diræ rabiem serpentis , seuitiamq;  
 Figura in humana gerit .  
 Arcana hamatis præcordia sentibus implet ,  
 Virus per ossa dissipat ,  
 Vipereasq; comas abscindens urguibus , in cor  
 Sinusq; eorum coniecit .  
 Quos dixi , ergo hominum sint irrequieta malorum  
 Ora , atque carpant me inuida ;  
 Inuida turba mihi uiuo quod detrahet , ingens  
 Extincto honos id duplici  
 Fœnore restituet ; ueniet nam maius ab atro  
 In ora nomen funere .  
 Qualis Callimachus , Lucretius , atque Philetas ,  
 Naso , Tibullus , & Maro ,

Qualis Mæonides, Flaccus, queis crescere sentis  
 Ad posteros opus suum,  
 Nunc mihi prouideo, monumento ne lapis istic  
 Mea ossa contempto indicet:  
 Ut me posteritas laudet, interq; poëtas  
 Ut Fama ponat Publium.

Ad Ioannem Tonsum I. C. de Vicarii Me-  
 diolanensis Archiepiscopi auaritia,  
 Ode IX.

**T**E somniaui nocte tota: nam tuis  
 Videbar esse in ædibus,  
 Isticq; delitere, auara cum manus  
 Me ciuitate inquireret,  
 Fortis meum cohorteq; armata tuum  
 Cum tu caput defenderes,  
 Vim ui repellens; præda ne immiti forem  
 Lupo, atque uulpi callidæ,  
 Qui, Tonse, nundinatus est quæstum ad suum.  
 Ius scribe Aselli antistitis  
 Vicarij (Robertum ita hic uocant) meam  
 Migrationem agrè tulit.  
 Nam præter expectationem bolus est  
 Ereptus isti è faucibus.  
 Atque actum erat, Taëgius meæ nisi  
 Cauisset innocentie;  
 Sequi lucellum ut illi, adesse uationis  
 Hic profitetur uir bonus.

Atqui

Atqui esse magnum somniabat se Ducem  
Vesanus Andreas ; sua  
Quem Margareta & filijs lugentibus ,  
Crasso optimo dixti , prius  
Episcopo à furente ab alto inutilem  
Ad ima deiici loco ,  
Quàm tanta belluæ istius teterrimæ  
Totum famas uoret gregem .  
Monstrum sedebat improbis placabile ,  
Solum atque pustonibus ,  
Tonsi aure surda negligens dicta & preces  
Meas , & urbis totius .  
Quem fortis obtruncare alumnus dum parat  
Paulus , meam dolens uicem ,  
Vix impetro , hunc ut esse supplicium sibi  
In mortè continua sinat :  
Compos sui uoti ut sacerdos ille sit ,  
Qui secuit eius tibia .  
Vitæ dies promitto cui treis , spondeo  
Quantum Orco inexorabili  
Pecunia erepta & mihi ui , ciuibus  
Alijsq; per fas , & nefas .  
Hunc , fortè magnam ut cùm per urbem Insubrium ,  
Videret obuium Anguiger ,  
Cùm perget ire per tenebricosum iter ,  
Vmbra cauebunt obuiæ  
Sphynge execrantes istam , ut auspicium malum  
Quæ uiderint ad tartara .  
Sed nescio quis exaratam lamina



Phœbes tabellam in plumbea  
 Desodit illi clanculum Magus domi,  
 Quæ reddat impotentem eum,  
 Tyrannum & execrabilem: nosti soni, &  
 Vim Theſſalorum carminum.  
 At mitte ſeruos obſecro omnia qui meo  
 Hæc nomine illi nuncient,  
 Non inuidere me ſibi, diras ſuæ  
 Et coniugi precarier,  
 Patrem rogare cœlitumq; , multa in hæc  
 Ut morte uiuat ſecula;  
 Ad inferos hinc, furia ubi manent eum  
 Vſque lacerandum; corruat,  
 Cùm Caroli ornatiffimi uirtus micans;  
 Et clara Tonſi humanitas,  
 Illa ad Coronam & Anguem, Olorem ad candidum  
 Ardebit inter ſidera. (hæc

Ad Hieronymum Monſilicum I. C. Brixianum,  
 Salluſtii fil. Ode X.

**E**X quo donasti argentum Hieronymo in ora  
 Mi liberalis patria;  
 Me tenuit bis ſex agrotum Brixia luces;  
 Stella & Leonis torrida, &  
 Cùm fureret Procyon; occultum oſtenderet ignem  
 Cùm clarus Andromedes pater,  
 Aedibus in magnis Stephani præſignis Hugoni  
 Virtute, Dijs chariſſimi:

Sum modò Campati quicum in regione feraci;  
 Hincq; ex Calendis Brixiam  
 Ibimus, ac secum deinceps ero: mi sua in urbe  
 Patêre dixit omnia,  
 Hòc sibi facturum certè me gratius esse,  
 Quò secum ero diutius,  
 Acta me cuncti prohibebant, litus at Hugo  
 Mox me recepit in suum.  
 Sis memor intereà nostri, & uir castè fruaris  
 Vxore quàm dulcissima.

De Saulo, rege Iudæorum primo, Pythium Apollin-  
 nem contra religionem suam consulente,

## Ode XI.

(1 Reg. 27.)

C Vm Saulus aduenisset ager fœminam,  
 Quæ consulebat Cynthium,  
 Cuiusmodi ipse iusserat quidem antea  
 Omnes ad unam interfici,  
 Oraculum scitatum Apollinis (nefas)  
 Despectus à deo suo,  
 Ac per Deos iurasset illi incognitus,  
 Quod uellet, haud fraudi fore:  
 Succincta cœpit mox nigra palla, pede  
 Nudo horrida aspectu nimis,  
 Passo capillo uadere, & ululatibus  
 Implere denotam domum;

Terramq;

Terramq; scalpere unguibus, diuellere  
Agnamq; pullam mordicus;  
Atque illius confusus in fossam cruor:  
Responsa manes quæ darent  
Vt inde Samuelis extincti ipse  
Repente possent elici.  
Et circa atque lanca effigies item  
Erat, suprema quæ sibi  
Maior minorem & inferam compesceret  
Pœna, & modis seruilibus.  
Hinc pallida horrendo aduocat furias sono.  
Errare, quo facto, canes  
Saulus tremens aspexit infernas statim  
Et horridas angues, nouam  
Rubere Lunam, cum repente fœmina  
Vatem pium clamat uidens;  
Quid me sefellisti heu? quid, ipse cum potens  
Sis Saulus ille; ita placuit  
Fraudare me, tuam atque tantum seruulam  
Adducere in periculum?  
Cui Saulus, Amens ne uerere: nil mali  
Erit tibi. dic, quid uides?  
Regi illa, Diuinum ipsa conspicio uirum  
Ascendere ex isto loco.  
Tunc ille, Qua forma est? Senex est penula  
Amictus; inquit fœmina.  
Rex sentiens esse hunc prophetam, prono ei  
Mox uultu honorem detulit.  
Quid umbra acutumq; resonarit, tristeq;

Alterna cum Saulo loquens,  
 Audire fortè si cupis, uates prior,  
 Quid me, inquit, elicis? mihi  
 Quid es molestus dormienti? Rex ait,  
 Angustiis magnis premor:  
 Sani inferunt bellum en mihi aduersarii:  
 Auerfus à me cœlitum  
 Rex ipse, respondere per uates mihi haud  
 Dignatur, ut per somnia.  
 Quapropter acciui ô parens te, quò mihi  
 Benignus ipse consulas.  
 Me, si DEVS te spernit, ecquid consulis?  
 Faciet, ait uates, pater,  
 Per me quod antè iam prædixerat  
 Verissimus; ceu qui male,  
 Parentem asellum iratus in rupes solet  
 Detrudere, & relinquere,  
 Ad alterum conuersus est, te deserens:  
 Nam Dauidi regnum dabit.  
 Furioso ademit hoc tibi. atque ab hostibus  
 Caderis ipse, & gens tua,  
 Et liberi dulcissimi: mecum unà eris  
 Cras ipse, filii & tui.  
 His Samuel breuissimè dictis statim  
 Incepit euanescere.  
 Mox, quò ruis? quò proripis te? rex ait.  
 Heu quem fugis? complexibus  
 Nostris quis arcet te pater castissimè?  
 Procumbit hæc loquens humi.

DIALOGVS, in quo loquentes inducuntur,  
F. A. Ode XII.

F. **D**ic, qui uiros componere auersos, Deum  
Scrutari & arcana assoles,  
Quid, Adriane, sola grata est quadrupes  
Summo parenti cœlitum,  
Pede & bisulco pressa quæ uestigia  
Liquit humi, & herbas ruminat?  
Vt non Cameli, non Sues, at Buccula,  
Tauris, Bidens, Capellaq;?  
Collyria oculis lippus illino nigra;  
Videre non possum hæc tamen.  
A. Quanquam mihi non arrogo, quantum tibi  
Concedo, amice Spinula,  
Qui continenter hæc legisq; & perlegis,  
Dicam tamen quod sentio.  
Est pes bisulcus iste nostrum in proximum  
Regemq; Deum charitas:  
Et ruminare est cogitare, quæ iubet  
Lex sancta, quam tulit DEVS.  
Atque optimo non gratus est patri, duo  
Præstare qui ista non ualet.

De

**N**ec Thracia ipsa gaudet ortu infantium,  
 Nec morte, sic ut nos, dolet.  
 Lugubris infans quòd sit hic passurus &  
 Mala atque fata tristia,  
 Tristatur ortu: morte gaudet illius,  
 Quòd is puer, qui nudus, ut  
 Proiecti ab undis nauitæ, miserrimus  
 Humi iacebat, indigus  
 Vitali ope omni, quem parentis nixibus  
 Et uentre in oras luminis  
 Profuderat Natura, uagitu omnia  
 Ingente complentem loca,  
 Quantum sibi in uita hac malorum fleuerat  
 Restare, tandem euaserit.

Ad Antonium Mocenicum, Leonardi Equitis clariss.  
 fil. Ode XIII.

**D**espis, Antoni, tribuens studio omnia soli  
 Mortalium, atque industriæ:  
 Nocte hic atque die sudat, nec proficit hilum,  
 Ditescit ille dormiens.  
 Non satis est igitur studium, nisi sit bona nostræ  
 Fortuna uirtuti comes.

**Q**Uòd quæris an dens & capillus cassus est  
 Sensu; capillus cassus est,  
 Non dens, ut atque morbus & pressus lapis  
 E' frugibus, necnon aque  
 Et stringor indicare frigida & meri  
 Argentis ad brumam solet.

Ad Hieronymum Dongellinum. Brixianum, & me-  
 dicum & Philosophum excellentem,  
 Ode XVI.

**D**E Mocenici filiorum moribus.  
 In ædibus mi plura quòd dixti tuis,  
 Antonium, qualem ipse dixti; comperi:  
 Maiorem at ipsum natu alumnum Palladis  
 Scito esse factum, ut liberalius quidem  
 Humanusq; fingier possit nihil.  
 Nam diligit me maximè, observat, colit,  
 Libens facessit iussa; uirtutes amat:  
 In litteras noctu & die incumbit bonas.  
 Non tantum ephebo in altero uidi ingeni,  
 Acumen atque mentis & prudentiæ.  
 Cernas in ipso nil inurbanum & leue:  
 Aetas sua est sapientior, quàm postulat.  
 Quapropter integrum integerrimus pater  
 Hunc plus amat, quàm se: sua ætas iam grauis  
 Nato hocce conquiescit in dulcissimo,

Ergo



Ergo tibi dum gratias ego, hoc meæ  
 Quòd nauigare das camœnæ in portu, ago,  
 Felicitati gratulare tu meæ;  
 Cui inuenire contigit, qui semina  
 Reddant agelli maximo cum fœnore.

Ad Aloysium Mocenicum, Leonardi Equitis  
 clariss. fil. Ode XVII.

**L**Vx Adriane gentis ô dulcissima,  
 Qui tam patri uirtute præstas inclyto,  
 Antonio quàm nobili parens auo.  
 Magni nepotum Antenoris flos unice,  
 Quo prisca nil uidere secla pulchrius,  
 Quem Gratiae, quem Cypria unum deperit;  
 Octauiani siue Carni plectro amas  
 Sonarier, seu Spinulae dici lyra,  
 Perambulabis astra sidus aureum.

Quicumque pulchritudinem & mores tuos  
 Et liberalitatem & ingenium canet,  
 Fama uetustis hic præibit uatibus.  
 Hæc contulere dona Dijs tibi omnia,  
 Dedisse matrem fortè ne tibi putes:  
 Haud ista partus sunt Marinae munera,  
 Menses decem haud dedere talia Adriæ;  
 Es cuius almo lumini unus gratior  
 Factus, tuis ex quo sonas hæc ciuibus;

Querenda, ciues est prius pulcherrima  
 Virtus, pecunia hinc ab illa scilicet.

C ij Atque

Atque hinc procul sint ô profani, qui suis  
 Famam, decus, uirtutem, & humana omnia,  
 Diuinaq; hîc parère diuitijs uolunt;  
 Quas qui sibi construxerit, eum unum uocant  
 Fortem, atque clarû, & castum, & æquû, & nobilem,  
 Formosum, honestum, & optimum, & quicquid cupit.

Opes uti uirtute partas quid tibi  
 Magnæ arbitraris esse laudi? nec tamen  
 Conferre uis ad liberalitatem eas?  
 Verûm tuo letare somnio breui,  
 Letere inanitate inanior tuo  
 Vili ære auare, non tuo, sed sortis, aut  
 Nati improbi, quod perdet impotens nepos;  
 Dum te ipse multò ditior uirtutibus  
 Oblecto solis me, Plato ille ut præcipit;  
 Mori uctantes hæ polo solæ beant.

De Pio II II, Pontif. Max. ad Romanos,  
 Ode XVIII.

**Q**uid Romuli uereris urbs, belli impetu  
 Perculsa adhuc, prostrataq;?  
 Rediens dies en candidus fugat nigras  
 Ora, tenebras Itala.  
 Pietatis en fons rex Deûm tibi aspice  
 Serenat ut uultu polos,  
 Patrem Pium qui ciuit optimum ex bonis  
 Ad te regendam Insucribus.

Aequare

Aequare cernas hunc Piorum gestaꝑ;  
 Trium, atque facta fortia, ut  
 Primus paratus pro grege & profundere  
 Vitam, & tueri hunc à lupis,  
 Vterque uti Senensis, atque nomini  
 Et natus uni gloriæ.  
 Ab hoste raptum iustitia tui inclyti  
 Huius trophæum erit Ducis.  
 Currus præibunt, cum triumphabit, sacra  
 Reges catenati uia.  
 Secla aurea iste condet. ergo quid crepas  
 Brutos, Catones, & Numas?  
 Porta per hunc belli æræ claudentur, &  
 Mars intus in uinclis fremet.  
 Regnabit ipse Apollo, & illius chorus  
 Florebit oris omnibus.  
 Verum, æquitas, pax denique, & concordia  
 Florebit oris omnibus.  
 Ac faustitas tua, hæcꝑ; tanta posteris  
 Fortuna propagabitur;  
 Lucem ut nepotes, atque eorum liberi  
 Hanc candidam æternum canant.

Ad Carolum Vicecomitem, Mediolanensem ad  
 Pium IIII Pontif. Max. legatum,  
 Ode XIX.

**D**Um tu legatus properare s mœnia Romæ  
 Ad alta Carole omnium integerrime,  
 C u j Ipse

*Ipse tui desiderio perfixus amico*

*Me, uti fit, ad Padum obsecrante contuli.*

*Incipiebat aus mulcere hinc æthera cantu:*

*Dies erat serenus atque candidus.*

*Pastores uacui canerent dum carmina ad undam,*

*Et ipse Mopsus, atque Thyrsis, hæc ego*

*Populeæ curuo descripsi in cortice ferro*

*Tibi, atque Moro, & inclytis Quiritibus;*

*Vix tandem redijt nobis lux aurea, finem*

*Suis & alta Roma quæstibus dedit:*

*Quæ timuit, ne hostis minitans incenderet urbem,*

*Sacras domosq; Ibera uerteret phalanx,*

*Barbarus & uictor cineres insisteret atrox,*

*Et impia manu hinc sepulta quæ carent*

*Solibus & uentis iterum Pauli ossa, Petriq;*

*(Nefas uidere) dissiparet insolens.*

*En belli furor euinctus fremit ore cruento;*

*Nigros petiuit ecce Erynnis inferos.*

*Urbem respexit, Regem huic ciuitq; potentem*

*Supremus orbe Rex Deorum ab Insubri;*

*Qui Pius & populo propulsat cuncta Quirini*

*Pericula, atque comprimit libidines,*

*Quiq; fidem reuocat, cultum & Iouis, ut Numa,*

*Et impios, & innocentie fauet; (punit*

*Per quem uincitur Mauors Tyberine, tuasq;*

*Apollinis uocatur ad domos chorus,*

*Fertilis & dulces redeunt Diui arboris umbras*

*Ab expiatione fructuum, & Deæ.*

*Ripæ Morus erat fluxuiali consita, dulci*

Onusta fructuum undequaque copia ;  
 Aduolat anguis hians , furiarum & suavis ore  
 Fero uniuersa poma tristis inficit .  
 Inuidia exultat ; pietas tristatur ; & ipsa  
 Latina gens , & omnis ingemit bonus .  
 Musa Deos , atque astra uocant crudelia Nymphæ .  
 Paterq; coelitem interemit horridam  
 Fulmine serpentem , Medico iussitq; fideli  
 Veneno uti uniuersa mora ita expiet ,  
 Grator ut cunctis eius sit , quàm prius , umbra ,  
 Amabilisq; fructus ijs magè omnibus ,  
 Qui desperatis referebant uocibus ; Actum est  
 Bona arbor . id quod ille diligens facit .  
 Quò Morus colitur nunc electissima ; Roma  
 Sub illius quiescit ipsa tegmine ;  
 Quilibet & uates recubans hîc carmina ludit ,  
 Iouis benignitati agitq; gratias ,  
 Et bella & paces longum diffundit in æuum ,  
 Pium patrumq; maximum canit patrem ,  
 Clementem & lepidum Romæ , patriæq; parentem  
 Tot in malis gementi . & admodum anxia ,  
 Et tristis queritur sua fata , his obruta penè  
 Ferè horridiq; mersa fluctibus maris .  
 Donatus Rullus , Patauinas qui incolit arces ,  
 Et eius ampla nostra nouit urbs mala .  
 O' mihi det uitreas DEVS ire ad Tybridis undas ,  
 Piumq; maximum ut canam , atque numina .  
 Cantando tecum non paruos hîc ego Soles ,  
 O' Anguiger Senator , usque conderem ,

*Siue Palatino malles in monte sedere ,  
 Opaca seu iuuaret umbra fluminis .  
 Perge Pater latum his cœptis adiungere finem ;  
 Ut inclyta urbs Quirini , & Insubres tui  
 Te sanctum appellent regemq; , Piumq; parentem ,  
 Ut & Numis , Catonibusq; præferant ;  
 Utq; gregem latum , & donet te Iuppiter almus  
 Perennitate dulci , & omnibus bonis .*

*Ad Aurelium Portulacam , Pij IIII Pontif. .  
 Max. Cubicularium , Ode XX .*

**S** Perare tempestate ab atra men' iubes  
 Repente sidus Aureum ?  
 Inceperat iam per Iouem contendere  
 Cum spe ægra desperatio .  
 Demergere ecce me & tabellam ingens furor  
 Feri parabat iam maris .  
 En fracta nauis . en supernat mea  
 Gaza omnis undas æquoris .  
 En pars carinæ uulneratum ab Africo  
 Perparua me ista sustinet .  
 Nam peruenire portum ad optatum amplius  
 Minus putabam , cùm statim  
 De nocte menti spem tenebrosa anxie  
 Ortum reduxisti tuo .  
 Tantæ tui benignitati luminis  
 Quî gratiam reddam parem ?  
 Quæis ipse uerbis maximum istud nunc iubar

Et

Et numen appellem tuum ?  
 Tellus adoret uniuerſa te & mare ,  
 Te mundus omnis inuocet ,  
 Maſtabo ut ipſe ſape oueſtibi , & ſacra  
 Litabo ſidus Aureum .

Ad Ioannem Tonſum I. C. Baptiſtæ I. C. fil.  
 Ode XXI .

**D**Ecus poëta , noſtri honoſq; ſeculi ,  
 Vir ille uera ſi crepat  
 Renatus , inſula ampla quem Samos dedit ,  
 Adiuit alta quæ æthera  
 Et hauſit unus illa luce pectoris ;  
 Sonare quæ minus tibi  
 Valent mea ora ; mecum ab inferis aquis  
 Es huc reuerſus haud ſemel .  
 Anacreon bonæ ipſe Græciæ fidem , hinc  
 Dediſti Iambum Horatius  
 Quiritibus , nouum hinc Petrarcha carminis  
 Venuſtæ Hetruriæ genus ;  
 Ita uniuerſa quem uidemus & modò  
 Ea ipſa , Tonſe , pangere , ut  
 Tuum unius ſonare magna poſſit os ,  
 Ut unius ſit ingeni  
 Benigna uena diuitis , & alta mens ,  
 Venusq; grata , copia &  
 Inuſitata , ut unius poëma ſit ,  
 Quod atque proſit & iuuat .

Amande



Amande proinde Tonse, si camœnaq; &  
 Apollo det mihi eloqui,  
 Deûmq; sape fata me orbem ita hunc uelint  
 Reuifere, ut modò, hercule  
 Ad usque secla sempiterna te canam.  
 Sodalis esse uitam eam  
 Tui intueri, corpora ut minus Iouem  
 Ad horrida anguis, aut suis  
 Equiue destinare spiritum hunc putem.  
 Mihi, ut tibi euenit, dabit  
 Oloris ad redire membra iugiter.  
 Tuum ergo nomen inclytum  
 Celebro laudibusq; & usque ad æthera  
 Sublime canticis feram.  
 Tibi canens studebo dulce uersibus  
 Noua addere hisce carmina,  
 Ego ad futura cùm redibo secula,  
 Et albus ipse olor simul:  
 Tuum huic decusq; lausq; ut æuo, & omnibus  
 Sit orbe nota posteris.

Ad eundem, Ode XXII.

αυποσιχίς διήγη.

**S**Vspira immortalis ecquid tristitia  
 Prandens trahis poëta, qui euolabis ad  
 Indos? tuum ingens nomen Euphrates canet.  
 Non, albior cygno ipse candidissimo,  
 Vnquam interibis. lugeant, se Tantalos,

Lethæa

*Lethea flumina , atque uisuros rates  
 Alii nigra cum sede Cimerio & lacu :  
 Semper manebit laus , honos , decus tuum .*

*Ad Carolum Castanum , Mediolanensem , Georgij  
 fil. Ode XXIII.*

**V***irum potentum Castane apte naribus ,  
 Omniq; grate Principi ,  
 In quo decorq; , & celsitudo corporis  
 Cum mentis altitudine  
 Formaq; coniuncta est ; Dione , Iuppiter ,  
 Apollo , Mars fauent tibi .  
 Fauent tibi quæcunque puro sidera  
 Micant Olympo , qualia  
 Paulo Baroni , Nicolai antistitis  
 Fratri , & Sigismondæ uiro ;  
 Vultu sereno siue te Venus aspicit .  
 Natalis horæq; melior  
 Saturnius pars , seu Deorum nuncius ,  
 Consentit utriusque enim  
 Mirum in modum astrum . signa ei quæ amica sunt ,  
 Amica sunt illa & tibi .  
 Quapropter ambo lucidas sedes poli  
 Inibitis , cœlestium  
 Et ordini ascribemini , succos Deum &  
 Ducetis usque nectaris .*

Ad Paulum Sfondratum, Baronem, Francisci Car-  
dinalis fil. Ode XXIIII.

**N**aturæ uti ferrum omne, Paule, fœdere  
Magnes lapis ducit, mera  
Tam uisq; permanenter eius perualet,  
Ferriq; uim tam pellicit;  
Ut annulus sequatur, atque corpore  
Sic toto eat; Samothracia  
Ut uiderim exultare sæpe ferrea,  
Ferri simul ramentaq;  
Intus furere scaphio in abeno, cùm potens  
Huic subditus lapis foret;  
Tibi ipse, sic connexus ego cohæreo  
Arctè impeditus uinculis  
Meis quibusdam, quæ facilius hercule  
Sentire possum, quàm eloqui.  
Sentire uerò cœpi id, ad læuam tuam  
Cùm forte discumbens tuos  
Vultus serenos intuêrer, & sonos  
Vocesq; mirarer pij &  
Parentis integerrimi simillimas.  
Quid? Gratiæ quem sic mihi  
Deuinciunt, te dulcius, sapientius,  
Meliusq; fingi nil potest.  
Quò, Fama uates si inter æternos (uti  
Precor) uolet me ponere,  
Queram patrisq; facta, uirtutem & tuam  
In lucida astra ducere.

Ad Franciscum Turrianum , Mediolanensem,  
Gasparis fil. Ode XXV.

**F**Rancisce nobilissime , haud semel tuas  
    Camœna uirtutes mea  
Chartis simul cœpisset olim intexere ,  
    Quid , Phœbus inquit , efficis ?  
Te rebus hisce accingis ecquid maximis ?  
    Et calculum frustra teris ?  
Hamillimas ingentis hoc laudes tuum  
    Poëma deficiet uiri .  
Ista urbs , ad immortalitatem in qua patris  
    Auiq; uirtutes sui ,  
Napiq; , Cassoni atque robur inclyti &  
    Tot fama maiorum Ducum  
Est consecrata , prædicabit iugiter  
    Trophœa Francisci fidem ,  
Rectumq; , mentis & suæ altitudinem :  
    Quartus Pius quæ Pontifex  
Miratus hoc Insubrium in legato ait  
    Domesticis quotidie ;  
Quid ? Turrianus ille auorum Principum  
    Regumq; patriæ meæ  
Suūm comasq; , & ora , uultum , & pectora , &  
    Aequum , sonosq; non refert ?  
Quò Musa non est , quò canat te heros mea ;  
    Quæ laudis ad præconia  
Tam magna nec , si uellet , unquam sat foret :  
    Sit ergo uelle sat tibi ,

De quo tacet non ulla ciuitas, domus  
Non ulla patria tacet.

De uiribus humanis, & ope diuina, Ode XXVI.

**V**T potuit Theseus extinguere monstra, uiarū  
Euadere errorem atque inobseruabilem  
Cæca regens ( Virgo ut docuit ) uestigia filo,  
Atque ad suos redire in urbem patriam;  
Et nos iactantem si cornua Minotaurum  
Cupimus ferum prosternere, & mentis malum  
Effugere errorem, & cœlestia templa redire,  
Astræa oportet uirgo nobis consulat.  
Diuinum auxilium ne temnas: hercle peribit  
Qui tribuit uniuersa uirtuti suæ.

Ad Christophorum Madrucium Cardinalem ampliſſ.  
Regium Mediolani præfectum,  
Ode XXVII.

**N**os Insuæres quid alter ô parens Numa  
Sanctissime heu iam deferis?  
Quo nullus orbem rexit hunc clementius  
Princeps ab urbe condita;  
Cuius domos tu non minus uultu, polum  
Quàm rex serenat Iuppiter:  
Quo rege nostro nullus à Gotthis timet,  
Nullus mori per uim timet.  
Odiosa nobis in tuum quid poscitur  
A te locum successio?

Vindex

Vindex auaræ fraudis , ultorq; , ad tuos  
Vbi Lares tetenderis ,  
Si quis tibi succedet ( ut fit ) impar in  
Quo sit benignitas tuæ ,  
Iniuria potentiorum perditis  
Quid fiet oro ciuibus ?  
Quos perdidere non modò hostes barbari ,  
Ac bella Martis horrida ,  
Obscœna eorum sed fames , qui sanctius  
Exhauserint ærarium .  
Hinc si statuis abire , sicut rumor est ,  
Posthac tibiq; uiuere  
In patria tua absque tot molestijs ,  
Nos quando uel nostri Insubres  
Auro studentes eruere funditus ,  
In quo locemus spem obsecro ?  
Vita est quibus incunda uix manente te ,  
Migrante sed ne uix quidem .  
Quid ciuitas hæc magna debeat tibi ,  
Testis phalanx est hostica  
Perterrefacta , ille & fugatis oppido  
Dies tenebris candidus .  
Quapropter urbs hæc te rogat per cœlites  
Omnes , per illos & Deos ,  
Qui ciuitati consulentes huic bonæ  
Suis eum te Principem  
Dedêre , quem , Saturniæ sicut patrem  
Quondam Latini , diligunt ,  
Ne , quæ te in unum tota , nomen & tuum est  
Conuersa ,

Conuersa, sese deferas,  
 Sed optimos non æmulari destinas  
 Viros, sibi qui non modò  
 Sensere natos se, at sua mortalibus  
 Aliis ope indigentibus.  
 Djs esse quàm simillimos, qui cæteris  
 Viuunt, tibi persuadeas:  
 Quin hos honore perpiti solos Pater  
 Dignatur, & mensa Deum.

Ad Donatum Rullum, Licium, Salentinum,  
 Ode XXVIII.

**A**cceßimus Donate heri Madrucium,  
 Paucorum & hominum, mentis & sanæ benè  
 Dextro idq; tempore, atque cùm tulit ipsa res,  
 Versus per attentam aurem ut irent illius:  
 Ne fortè, si palparer ipsi (ut fit) malè  
 Recalcitaret tutus illico undique.

Vt uenimus coràm, obtulit mi dexteram,  
 Quæ feceram, hilaris atque cepit carmina.  
 Hunc ipse singultim allocutus pauca sum;  
 Nam uetuit infans plura profari pudor.  
 Rogauit, essem'ne Aonij amicus boni.  
 Sum, dixi. at ille, Nostram in urbem si uelis  
 Migrare, eris conuictor illic tu mihi;  
 Cunctis fauorem, quem par est, meritis uti  
 Latere respondisse speratum tuis.  
 Accendit, ut cupiam huic magè esse proximus.

Non



Non posse matrem reddidi me linquere,  
 Cui saluo opus me est unico, inquam, filio.  
 Per quam affecutus sum, quæ amas in me, omnia,  
 Mox ille, Tu piè, ut uir optimus, facis:  
 Venies, ubi felicem eam composueris.  
 Optatius nil. landiu hercle, is occupat,  
 Te noscere optabam, hic mihi Laurentius  
 (Aderat enim) quid Spinula esses dixerat;  
 Qui diligit bonum omnem. Opus si quid tibi est,  
 (Lexam mouebat, ut fit, hæc loquens manum)  
 Vel olim erit, tibi, atque non decro tuis.  
 Sed si quis à te quærat, Ipse quomodo  
 Madrucius tecum? ista ne illi dixeris.

Hic ipse, Magnas gratias ago tibi,  
 Laurentioq; , maximum qui existimo  
 Vita, atque puro pectore, haud claro patre  
 Quòd placuerim utrique; omne honestum qui probè  
 Secernere à turpi, atque meliora à bonis,  
 Et optima à melioribus Scitis. Vale.

Ad eundem, Ode XXIX.

C V'm, Rulle, coenaremus ipse & Hercules  
 Bonos apud Florentios,  
 Querente me, quid à DEO æterno magè  
 Factum sit hîc mirabile;  
 Hieronymus ait clara Olympo sidera,  
 Quæ affixa cœli cuncta sunt  
 Magni cauernis, ac mouentur iugiter,

D

Quana

Quaquam uidentur quandoque  
 Cessare : nam clarissimo occasus suo  
 Longos reuifunt corpore  
 Exorta , permensa ætheris cùm sunt uias .  
 Theodorus inquit , corpora  
 Prima esse , quæ in motu hocce sunt nunc , olim erunt ,  
 In quo fuere iugiter ;  
 Ut quæ uidemus esse , & inualescere ,  
 Gigniq; , tamq; crescere ,  
 Quàm cuique Naturæ est datum per sædera ,  
 Sint , Iuppiter quoad uelit ,  
 Futura conditione eadem hæc omnia ,  
 At Hercules , sententiæ  
 Cuius fui , ista dixit esse maxima ,  
 Fratres adhuc quæ dixerint :  
 Sed quæri opus mirabile ipsius Patris .  
 Quod illud ergo est ? inquit .  
 Ait , esse formarum hanc uarietatem omnium  
 Tantam , ut pari filo nihil  
 Sit , & figura affectum eadem cernere ;  
 Simillima ut quæ uideris ,  
 Inesse non nullam ijs tamen distantiam  
 Formæ & figuræ iudicem .

Ad Franciscum Macassolam I. C. Mediolanen-  
 sem, uirum ornatiss. Ode XXX.

**F**rancisce Macassola , uitæ & integer  
 Iurisq; consultissime ,

Quem

Quem scripsi heri, ad te iudicandum liberè

Hunc mitto sermonem: Petrus,

Et Nicolaus differunt amicali

Arcana Naturæ ipsius.

P.

SCITVS puer minatus est & elegans,

Prorsum mei simillimus.

N.

Contrà mihinata est puella, coniugi

Prorsus meæ simillima.

P.

Sed opto causam scire, quare liberi

Aut huius, aut sint illius

Simillimi, uel neutrius; prout Iulius,

Ast are quem uides, meus.

Nam sæpius mi tu recepisti, ordine

Hæc uelle cuncta exponere.

N.

Complexa corpus si mariti foemina

Iungens suo cum corpore,

Semenq; commiscendo sibi cum semine,

Virus mariti mulserit,

Ac corripuerit ui repentina, sui

Fiunt suo tum sanguine

Simillimi, prout patrio fiunt patrum.

At utriusque quos uides

Mistim figuræ esse, ora miscentes suum &

Vultus parentum æqualiter,

Crescunt patris de corpore atque matris ij,

Excita conspirans simul

Cum semina ardor mutuus per membra eo

Amore confligit, neque ut

Sit uictus hic, nec ulla, at in Cupidinis

D ij

Congressu

Congressu uterque ualuerit .

Quare parentis filum nothum ferè

Sui referre os uidimus :

Iecur quòd à serua ulceratum nobilis

Alens homo sub pectore

Amoris in certamine hanc uicit , quæ cum

Vel paulum amabat , uel nihil . P.

Quid ? liberos non sæpe faciem uidimus

Rèferre maiorum , & sonos ? N.

Possunt auorum existere interdum quoque

Simillimi hercè , sæpius

Referre proauorum & figuras : quòd modis

Admixta pluribus suo

Calant patres in corpore hìc primordia ;

Profecta quæ sæpius

A' stirpe , patres patribus solent dare .

Sorte inde producit Venus

Variè figuras , & refert mores , comas ,

Vultusq; maiorum , & manus :

De semine ista quando non certo magè ,

Quàm membra fiunt corporis .

Sic foëminarum nascitur seclum patris

De sanguine , & matris mares :

Partus enim de duplici usque semine

Constant , & æqua plus habent

Parte illius , seu foëminæ , siue est maris

Origo , cui similes magis . P.

Sed quæ Deorum numen & sortes die

Nocturnq; frustra lacrimis

Fatigat atque uouet, illi quid minus  
 Fœcunda dantur semina? N.  
 Dicetur. istæ fœminæ aut tenui nimis,  
 Crasso aut nimis sunt semine,  
 Tenui, locis quòd haud ualens affigere  
 Extemplo adhæsum liquitur,  
 Crasso, quòd æquo mittitur concretius,  
 Ictiue prolixo haud uolat,  
 Vel non penetrat, uel penetratum altero ad-  
 miscetur ægrè semine. P.  
 Promisso & utere, atque paulatim pilos  
 Tu caudæ equinæ uellis: at  
 Quid plurimæ infœcundæ erant cum coniuge  
 Priori, & inde filios  
 Natasq; susceperere plures tempore  
 Breui, uiro. nuptæ alteri?  
 Itemq; fœcundæ antea, quibus domi  
 Fuere sepe coniuges,  
 Gaudere partu quæ nequiuerant tamen,  
 Inuenta compar est eis  
 Natura: uti munire possint dulcibus  
 Curuam senectam liberis:  
 Statimq; susceperere prolem. quid magis  
 Hæc uxor illi par fuit? N.  
 Horum quidem fuere causa semina,  
 Cultusq; uitæ, & potio:  
 Nanque, apta commisceri uti sint semina  
 Cum semine genitaliter,  
 Magni interest, tenuia crassis, crassaq;

Vt conuenire tenuibus  
 Sint apta: refert, uita quo uictu, atque quo  
 Colatur ambobus cibo.  
 Nam nostra crescunt rebus aliis semina,  
 Contraq; tenuantur alijs,  
 Tabentq;: refertq;, & uoluptas queis modis  
 Tractetur ipsa maximè.  
 Quare, ferarum more plurimi magis  
 Ritùq;, natos gignere  
 Plerunque dicunt coniuges: sumunt quia  
 Lumbisq; sublatis loci  
 Illi & repostò pectore intus conditi  
 Humana melius semina.  
 At, qui Deos contingere propius soles,  
 Quid de tumultu Gallico  
 Captis & audisti oppidis & urbibus. P.  
 Nil prorsus hercule audij.

Ad Gabrielem Faloppium, Philosophum, Mutinen-  
 sem, chirurgiam Patauij publicè profitentem,  
 Ode XXXI.

**S**apiens Faloppi, Gaspar hîc Parma est tuæ  
 Senex alumnus patriæ,  
 Bonorum amicus omnium, uir & grauis,  
 Sanctusq;, & integerrimus:  
 Is prædicat, calumniatorem tuum  
 Mentiri, & asseclas suos,  
 Semper se ab ipsa infantia uidisse te

Quod

Quod es, nec unquam prorsus aut  
 Coruum, aut olorem, aut picam, ut isti dictitant,  
 Fuisse & hîc, & Mutinæ:  
 Ac uera Mutinensis Augustinus hæc  
 Cunctis Gadeldinus refert,  
 Boios apud quæ rettulere olim mihi  
 Certa esse plurimi senes.  
 Quid ergo? Rotiono uti iam sæpius  
 Dixi Federico optimo,  
 Iniquus iste Zoilus sui hercule  
 Pœnas luct mendacii, &  
 Virtus tua, inuito hocce monstro, lucida  
 Ardebit inter sidera.

Ad Lucam Spinulam, Baptistæ fil. ex Genuensium  
 Duce Procuratorem, Ode XXXII.

Q Vi rex fuisti patriæ Luca, nitens  
 O' Spinularum floscule,  
 Qui gloriam atque pristinæ laudem refers  
 Virtutis, uno te auspice,  
 Istuc uelim redire, ubi & flores hiant  
 Vrente Sole Aquarium  
 Insubrium à regione, maiores mei  
 Quò se receperunt, gener  
 Hanc cùm Philippi ille occupauit regiam,  
 Qui Galeatium edidit.  
 Et, ne ociosus ipse sim istic, si uelis  
 Dicam tubas, equos, duces,



Et arma, uel Genuensium annales mea  
 Illustrium absoluit manus.

Quadere amicos uniuersos obsecro, &  
 Tuos sodales conueni;

Coniunctus hisq; enitere, ut locus mihi  
 Sit ciuitate in patria.

Quod Spinula si Spinula efficies, mea  
 Hæc grata erit tibi lyra:

Callisto & Arcas quæ micant, uel alba quæ  
 Pollucis, atque Castoris

Stella infimo æquore eripit quasas rates,  
 Perambulabis aureum

Et ipse sidus astra, qui hîc ditissimis  
 Es consecratus insulis.

Ad Lucam Iustinianum, Genuensium Principum ad  
 præfectum regium Mediolani legatum,

Ode XXXIII.

**I**ustiniane fortis, eloquentiæ,  
 Artiq; musicæ fauens,

Farnesius quem summus ille Pontifex  
 Tanti solebat pendere,

Vt nobilem uirum, atque Sauli proximum  
 Vt gloriosæ Antistitis;

Ad principes simul audij te Insubrium  
 Venisse Genuæ nuncium,

Nixus tua uirtute confugi illico  
 Ad te, rogans, ut me iuues.

Hieronymus

Hieronymus narrabit ipse Spinula,  
 Clarissimus uir, quid uelim;  
 Audire quem si sentiam te, factaq;  
 Tua, atque uirtutes canam.  
 Nam spiritus non tam uiro fama inclyto  
 Et uita post mortem redit  
 Per publicis incisa marmora litteris,  
 Quàm docta per uolumina.  
 Quid Romulus, Numa, & Catones, quid forent  
 Pompeius, atque Iulius?  
 Quid Albius, quid Naso, si taciturnitas  
 Obstaret illis inuida?  
 Non eloquentis ergo pendeat amplius  
 Bonfadij interruptum opus,  
 Ingentis ut Pauli Alberæ ipse filius  
 Ingens Iosephus cupit,  
 Stephanus ut eius frater opimus rogat,  
 Et omnis ista ciuitas.

Ad Io. Baptistam Grimaldum, Hieronymi  
 Cardinalis fil. Ode XXXIIII.

GRimalde, cœptos quòd rogauit me Ligur  
 Ut scribere annales tuæ  
 Sumam urbis, atque facta, laturus mei  
 Per te laboris præmia;  
 Apollo iussit, exararem hæc ut tibi, &  
 Precarer impensè, inclytam  
 Ut qui gerunt Rempublicam, hocce dent mihi

Per

Per te uirum ornatissimum ,  
 Dicere summa qui camœna , ut dignus es ,  
 Mea , atque uirtutes patris .  
 Promittimus nam sic tibi ; si nos minus  
 Vincemus alios , scilicet  
 Doctissimi uel singularem æquabimus  
 Bonfadij eloquentiam :  
 Cui pensa lucem & si sororum ferrea  
 Extinxerint fatalium ,  
 Laudes , honosq; , fama & ingens attamen  
 Vatis manebit iugitur ,  
 Dum salsa Caurus concitabit æquora ,  
 Dum findet agros Syrius .

Ad Bartholomæum Tægium I. C. Mediolanensem ,  
 Ode XXXV.

**T**onitruui esse filium te ciuitas  
 Docte hæc Tægi prædicat ,  
 Videre quòd tonare , fulminareq;  
 In actionibus tuis ,  
 Ut ille , qui defendit Archiam , improbi  
 Et Verris accusat famem .  
 Miratur idcirco ipsa & ingenium tuum  
 Europe & eloquentiam ;  
 Qua , belluis quàm præstat homo , hodie tuos  
 Plerosque ciues præteris .  
 Quapropter inter eruditos inclyta  
 Te fama ponet & bonos ,

Et,

Et, Cygnus ingens siue Perseus quàm micat,  
 Ad sidera euehet aurea;  
 Opes Roberti cum peribunt, cum nigra  
 Cognoscet ipse tartara.

## DIALOGVS,

in certi auctoris, in quo Dionysius Athanasius,  
 & eius amicus colloquentes inducuntur,

## Ode XXXVI.

D. **Q**uid lacrimabas oro, me quotidie  
 Cum uulneratum inuiferes?

A. Quòd asserebant te Machaones boni  
 Omnes periturum breui.

D. Quid asserebant me periturum? A. Quia  
 Radix cerebri secta erat  
 Mucrone pædagogi amici perfido  
 Illius icta clanculum;

Furiæ tuum quem egere præcipitem in caput,  
 Cui debet ingratißimus.

D. Quis me tamen seruauit, & memet mihi  
 Vobisq; amicis reddidit?

A. Benignitas parentis æterni, qui ea  
 Sic luce consuluit tibi,

Vt nosceres diuinum Apollinis genus,  
 Mortalis hoc sub imagine

Terræ solum qui lustrat Aesculapius:  
 Qui filium extinctum herbulis

Regi antè Creßis Gnosio, atque reddidit

Olim Dianæ Virbium ;  
 Nunc uerò & ipsi, luce qui carentia  
 Vidisse regna, & te asseris  
 Stygia in aqua fouisse pectus, saucium  
 Caputq; uitam reddidit.

D. Iam iam Chimæras Orci in atrî faucibus,  
 Scyllas bifor mes, Gorgonas,

Et Cerberum, & Discordiam innexam comas  
 Vittis cruentis horridas

Inceperam uidere, Florauantius,

Forti à Leone qui sibi  
 Deduxit immortale nomen, cùm mihi

Vulnus Deorum nectare  
 Te diluit præsentè & ambrosia : statim

Atque huc redire oportuit.

A. Illum at redire oportet hinc Bononiam,  
 Vbi prius uisus fuit

Mortalibus, cùm lapsus est alto à polo.

D. Qui deserit nos obsecro?

A. Cui antea inuidere, nunc illum obsecrant,  
 Dignetur ut suos sua

Iuuare ope ; & dementiæ mortalium,  
 Vt postulat diuinitas,

Ignoscere : eius nomen, olim ut Arcades,  
 Vsque inuocaturos pium.

D. Hoc si uiris continget, ut beati erunt  
 Tanti Dei præsentia,

Sic diues eius ipsius mecum Adria  
 Absentia infelix erit.

## Ad A. Calemerum Plantinidum, Ode XXXVII.

**Q**uid, Plantinide dulcis obsecro angimur?  
 Tradamus Austris & dolores & metus,  
 Portare Tyrenum Adrianum'ue in mare.  
 Aduersa solos nos fatigat Sors rogo?  
 Nati sumus qui legē mortales ea,  
 Ut corporis feramus ægritudines,  
 Vicesq; fortunæ, improborum & uoculas,  
 Tandemq; mortem lineam rerum ultimam.

Gazæ boni infelicitas tibi excidit,  
 Malaq; aliorum, capite qui in flumen malè  
 Misere se re gesta operto, aut in mare?  
 Vitet quis è mortalibus leti uiam?  
 Quis non obeat, is sit licet, quod Paulus est?  
 Si solus hæc paterere, quæ dolent tibi,  
 Quin ualde tristare, nil uerbi adderem.

Morderis opprobrio ipse falso, hostis tuum  
 Vetus fabrum fuisse contendit patrem;  
 Mendax alumni infamia ingratisimi,  
 Cuius popello scruta nostro uilia  
 Vendunt parentes, me innocentem terruit,  
 Sed mitto curas hæc super re plurimas.  
 Nefarium uidebis istum maximos  
 Remunerari debitis pœnis Deos.

At quicquid ipse sum, licet censum tuum  
 Infra, genus, uirtutem, & ingenium, tamen  
 Inuita quàm doctissimis fatebitur

Semper probari inuidia me ipsum uatibus:  
 Quærensque dentem illidere fragili, modò  
 Ut aspicias, nempe solido offendet suum.  
 Plebs sim, locoque natus infimo; ferus  
 Me rodat hostis, patre ut ortum ignobili;  
 Quid sim modò unus ipse dicas, famaque  
 Crescat mi, ut occulto arbor æuo, iugiter.  
 Quid? ista contemnamus, ipsi et sanguinem  
 Nos hisce concedamus esse pauperum,  
 Ortosque nullis esse nos maioribus,  
 Breui omnium hominum in ora uenturos; quibus  
 Absint inani funere querimonie,  
 Luctusque turpes, atque clamores, item  
 Sepulcri honor superuacuuus, et nenia:  
 Hæc tanta quæ benignitas Apollinis  
 Nobis habere donat, in quibus magè  
 Iam gaudeamus, quàm hostis ut luctum afferat,  
 Offensionem, lacrimas, fastidia.

Ad quendam Mediolanensem, Ode XXXVIII.

**D**iscincte Lulba dic nepos quid delites,  
 Qui tam frequentabas forum?  
 Quid delites, marina uti natus Dea  
 Phrygum sub urbis funera,  
 Virilis ut ne cultus in cædem et feras  
 Iret cateruas hostium?  
 Componere ausus in sacerdotum gregem  
 Mala optimorum carmina,

Quid



Quid te in cubiculum abdis, aut in hortulum?

Furti an secundi te pudet?

Non ulla abactus quando conscientia

Mei inuolasti æs Ambrosi,

Dum personaret illius magna admodum

Domus molosso sic cane,

Vt seruus, Ambrosi & sodales uiderint

Te, nouerintq; expergiti,

Vnusq; conclamauerit, Tu furibus

Sis ò bone impunitior?

Quid mirum? odorem testa seruat, quo est semel

Imbuta: sub noctem pyra

Non lance uel poma assolebas clanculum

Mutare furtiuo puer?

Foueam timent lupi, hamum & ipse miluius,

Turtur pudicusq; laqueos,

Si euaserit: modò at pium spes sit tibi

Fallendi auum, aut amiculos,

Non bis die, sed centies sacra omnibus

Misces profanis omnia.

Tonso mihi quòd fortè rusticius toga

Defluxit, atque calceus

Lexus malè hæsit in pede, irridere me

Tu olim solebas, nunc te ego haud

Tonfore uti curatum inæquali quidem,

Crines, ineptum'ue, sed uti

Turpem uicißim risero uitijis malis

Contaminatum & flagitijs,

Innata cui permulta spina est atque agro

Vrenda

Vrenda neglecto filix.  
Qui dignus es describi, uti fur, & malus,  
Famosus, & mœchus, putas  
Nullum Eupolim, nullum & Cratinum liberè  
Te uir notaturum bone?  
Qui semper insanire nuptiarum soles  
Et pusionum amoribus?  
Chartis poëtæ illeuerint ut quod semel,  
Et uniuersos gestiant  
Pueros, & à furno ac lacu frequenti anus  
Id scire redeuntes domum,  
Et id uelint tabernam habere omnem, atque eam  
Pilam, tua in qua carmina  
Incepta clanculum assolebas figere:  
Huic uulgi ut insudet manus.  
Veniat tibi in mentem illius nunc temporis,  
Tu quo magistros ledere,  
Quo simplices mordere gaudebas, tua  
Quo te iuuabat carmina  
Famosa inanem, uel lauantiem, uel domi  
Tuæ sedentem, aut in foro  
Cantare, non quærentem id hora an tempore  
Num forsan alieno & sine  
Sensu fieret: & si sapi, tibi consule.  
Dimittere auriculas satis  
Non est, iniquæ asellus ut mentis, cum onus  
Dorso subit nimis graue.  
Si Romuli urbem adiuueris, non sic eris  
In ore uulgi totius;

*Sin feceris , quod incipit tristis tibi  
Suadere desperatio ,  
Melius ualebis sic latere hercle , & minus  
In uoculas incurrere :  
Nam uindicauit à nece & suspendio  
Sontes cycullus plurimos .  
Gregi sacerdos administrabis uirum  
Illic bonorum incognitus .  
Sed fortè lances iussus , ut sit , tollere  
Caueto ne ius & tepens  
Ligurias , piscem atque semesum , nisi  
Poenam uelis grauem dare :  
Cerebrosus illic proslit quidam , caput  
Qui talibus nequam & domat  
Lumbos saligno fuste mox , in carcerem  
Et dedit obscurum illico .  
At hercle potius posse riuos arduis  
Pronos relabi montibus ,  
Vel Albulam reuertier , quàm te ipsum ita  
Fieri improbum antè credidi .  
Setosa duris exuère pellibus  
Vlissei olim remiges  
Volente Circe membra ; mores improbos  
Sed ipse non unquam exues .  
Expes quid hîc morare adhuc ? cubicula &  
Inominata perpremis ?  
Sed paruisses si bonis , non Lulba te  
Tui sodales temnerent ;  
Non sede prohiberere , ut infamis , sua ;*

Qui te rogat per litteras,  
Te non ad Antonellum abire diuitem  
Vetaret iste infans pudor;  
Non cogitares ire, quò pedes ferunt,  
Quò per salum uentus uocat,  
Infamis haud traducerere urbem per hanc  
Totam, nec esses fabula:  
Sed te malis tot improborum opprobria  
Absterruissent ciuium,  
Pericula & uentura sensisses breui,  
Ardente alijs pariete  
Tectum ad tuum, neglecta uim istam incendia  
Tantam nequissent sumere;  
Non uniuerfis ipse peccasses cruce,  
In urbe qui sunt, dignius;  
Et nemo collum ad hoc parentis impium  
Pressisse te contenderet;  
Non pelle speciosum & decora extrinsecus  
Et turpis introrsum fores;  
Non denique incussisset erratum tuis  
Tantum pudorem proximis,  
Nec te attigisset hæc minus mendax, tibi  
Inusta quæ est, infamia,  
Prorsum tibi quæ detrahi nunquam queat,  
Non si uniuerfis Addua  
Lymphis, & Ister fluctibus, non si omnibus  
Neptunus undis eluat.

Ad Leonardum Mocenicum clarissimum Equitem  
Antonii procuratoris fil. Ode XXXIX.

**T**anta mirantes hîc omnia prædita culpa,  
Rerum paratam haud esse naturam à DEO  
Innumeri à uera lapsi ratione putarunt  
Leonarde, queis incognitus sane fuit  
Fons, primus rerum & caput, & natura & origo,  
Adæ parentis error & dementia;  
Quæ si hominem nunquam cepisset, iussaq; Diuûm  
Passus foret, fuisset expers funeris.  
Immortalis erat factus; sed quod patris amens  
Mandata fregit, execratus est eum  
Rex Superûm iratus, terram ac animalia quæq;  
Hinc mentis atque corporis coepit premi  
Morbis ex illo uarijs humana moriq;  
Natura; & uniuersa, quæ huic creauerat,  
Vnà alia intereunt: animali animalia in illo  
Effecta quoniam continentur omnia.  
Non igitur Vates ab re lufere Latini,  
Post fraude subductam è domo flammam ætheris  
Audaci à prole Iapeti, incubuisse cohortem  
Terris malarum tot nouam ægritudinum,  
Corripuisse gradum semoti denique leti  
Neceſſitatem, amota quæ prius fuit.  
Principio libri descripsit furta Promethæ  
Moses, Hebræa quem uocauit lingua Adam.  
Sed noua progenies cælo descendit ab alto  
Supremus almi patris ad nos filius,

Qui fugat & maciem, & febres, turpemq; senectā  
 Ex orbe, secla & condit hac gregi suo,  
 Ut turbam ignoret morborum & funera acerba,  
 Ac sempiternos duret orbes annuos.

Ad Hieronymum Priulum sereniss. Venetorum  
 Ducem, Ode XL.

**P**Riule, re uera, atque sancte nomine,  
 Quo pulchra Libertas duce  
 Latatur & tyrannide extincta exilit,  
 Aes, ligna, marmora huc uehit,  
 Aedes sacras coelestibus ponit, suos  
 Non infrequens colit Deos,  
 Iniuriam armis æqua nemini facit,  
 Armis tuetur ius suum,  
 Noctæ & die ociosa cantat carmina,  
 Tangit fides, inflat tubas,  
 Somnum petit secura, liberos alit  
 Parta suo re sanguine,  
 Spectacula atque pandit emporia, suum  
 Venditq; mercimonium,  
 Surgunt domus pulcherrimæ & palatia  
 Miranda, pontus sternitur,  
 Huc euolat Thrax, Maurus, Indus, Aethiops,  
 Terræ patent & æquora,  
 Dum torta membra Ixionis miserrimi  
 Formidat inuidia impotens,  
 Formidat immortale dum Tityi iecur,

Acremq;

Acremq; Tantali sitim,  
 Salve parens Saturne, salve, urbi tue  
 O' secla condens aurea.  
 Quò semper hic manebit & nomen tuum, &  
 Fama, atque laudes, & decus,  
 Dum rumpet iracundum in Adriam Padus,  
 Dum piscis undas diliget,  
 Ouisq; gramen, dumq; cantibus uaga  
 Mulcebit ales aethera.

Ad Albertum Gallum, coniugi nimium indula-  
 gentem, Ode XLI.

**G**alle, quid insanis? sunt quæ facis omnia,  
 Amentis, haud amantis, hæc. (Galle,  
 Nulla est mica salis tibi tanto in corpore, uirtus  
 Nec ulla, nec prudentia.  
 Quid leuis ô thalami consorti immittis habenas?  
 Quin frena coniugi inicijs?  
 Compellare uiros alienos, atque pudoris  
 Exire fines hanc finis?  
 Assiduè & curru pateris uolitare per urbem?  
 Seruus uideris illius,  
 Non uir: pannosus sic atque incultus inepte  
 Ipse es; uenustæ at coniugi  
 Sic fantulis, Phrygijs indulges uestibus, auro,  
 Bacchis, equis, & serico.  
 Indomitum est animal mulier, leue, & inuidiosum,  
 Nimisq; natura impotens.



Tu nisi principijs obstes, rideberis inde,  
 Tibiq; serò consules.  
 Semper desipiet, nullum factura furori  
 suo & modum licentiæ.

Ad Ambrosium Barbauaram Theologum, Bergo-  
 mensibus in collibus cum Federico Cornelio  
 Episcopo agentem, Ode XLII.

**F**elix, cui pasunt oculos uiridantia tempe,  
 Recenti & herba rore gemmans hortuli,  
 Atque ulmi, & platanus cœlebs, cui laurea Phœbi  
 Excludit ictus spissa ramis feruidos,  
 Oblectantq; animum labentia flumina propter  
 Colles, quibus sanum atque cœlites domos  
 Imposuere pij; saltus, ipse unde uidere  
 Errantia & iumenta possis & greges:  
 Cuiq; lyre pater & pecudes & cætera diuus  
 Tam pingua almus, præter ingenium, facit.  
 Cui subitas uolucris curas auertere cantu  
 Faunisq; Syluani atque Panes assolent;  
 Cui licet in syluis umbrosis degere, terras  
 Atque rabiosa urente mare canicula;  
 Cui licet ex animo uersus componere, gesta  
 Corneliorum & facta dicere inclyta.  
 Nos uerò urbanis pater hisce in fluctibus olim  
 Medijsq; tempestatibus nil scribimus.  
 Hos inter strepitus non Pieris ipsa moratur,  
 Hinc fugit, & tuum euolauit in nemus:

Deditus

Deditus hîc alijs nil pango : ludere uersus .

Nam desii ex quo tempore huc me contuli .

Hîc posco toto membranam uix quater anno ,

Et quæque scripta uix retexto bis , mihi

Iratu , nihil & dignum sermone canenti ,

Vini & benignus somni , ut ista gens facit .

Ergo tu uacuu componas Ambrosi , in æuum .

Nostræq; sis necessitudinis memor .

Ad Hugonem Hugonium , Brixianum ,

Ode XLIII .

**O** Nomine & cognomine Hugo nobilis ;

Et gloria atque spes boni Andreae patris ,

Mirum in modum desiderat te Brixia ,

Desiderant amici : ego at possumneque

Tecum , nec absque te , sodalis , uiuere ,

Quem diligounum , & cogito : me litteris

Quapropter appellato quàm creberrimis .

Robustus ille Albertus , atque proximi

Omnes salutem plurimam dicunt tibi ,

Faciuntq; uota mecum , uti iam ab Adria

Te ciuitatem conferas in patriam .

E iij Ad

Ad T. Prosperum Martinengum, Brixianum,  
suum, Ode XLIIII.

**M**irare, quòd te, Prosper, ornatissimum  
Sapientiaq; præditum ipse dixerim?  
Quid si addidissem hîc & alias dotes tuas?  
Non sanctitas in te, atque liberalitas,  
Genusq; nobile, omnium & mortalium  
Contemptus atque religio coniuncta sunt  
Cum temperantia, atque probitate & fide &  
Scientiam linguarum omitto enim trium,  
Animiq; puritatem, & æquum, cognita  
Quæ sunt mihi atque Brixianis omnibus.

Tu Martinengorum ergo lumen & decus,  
Vt nesciens puella formosissima  
Suum decorem, pulchritudinem tuam  
Modestia istiusmodi auges maximam.

Dulces ad umbras Gambaræ hæc sub umbra ego  
Tibi canebam, cum bonus uates mihi  
Brunorius, cui dixeram, me Brixianum  
Redire uelle, frenum equi dixit mei  
Non inueniri. quid struis fallaciæ  
Sodalis? inquam. Prospero doctissimo  
Promisi enim hodie me regressurum hercule.  
At ille, Prosper dixit in somnis mihi  
Castris roganti, se mea causa & prece  
Musam tuam promissione soluere.  
Tecum sit, usque dum libet. respondeo,  
Logi: est opus me in ciuitatem regredi.

Pergitq;

Pergitq; dicere ipse, Amicorum omnia  
 Communia, ægrè Prosper ergo non feret  
 Te uti suis. abibis illò ex Idibus.  
 Deditq; plures uerba sic lucas mihi.

Demum dies post quattuor, cùm nec daret  
 Mi frenum adhuc, & pertinacem me utier  
 Pro freno alumnus Martis atque Cynthij  
 Zona uideret, id mihi iussit dari.

Fidei igitur Brunorium fractæ reum  
 O' Prosper integerrime, haud me, dicito,  
 Serò tibi caballus hic si redditur.  
 Nam qui impedit uolentem, is in culpa est. Vale.

Ad Benedictum Patinam, Brixianum, Medicum  
 excell. Ode XLV.

**Q**Uòd mihi non unus Bulla & Benedicte Robera  
 In gloriosa ciuitate hac inuidet, (tus  
 Ad positum rabies furiosa redibit Iambum  
 Mea, atque sauciabit plurimos.  
 Atro dente petit quòd me non improbus unius,  
 Non sanè inultus ipse deslebo, ut puer.  
 Illius ergo mihi scribe obsecro nomen inepti,  
 Præfert Homero qui poëtæ barbarum  
 Scriptorem, Publi contemnens carmina; cunctis  
 Ut Brixianis sit iocusq;, & fabula:  
 Famosis etenim coopertus uersibus ibit  
 Mediam per urbem turpis introrsum & foris.

Ad

Ad Carolum Vicecomitem, Romam accersitum à  
 Pio IIII Pontif. Max. Ode XLVI.

**Q**uid euolas Quirini ad urbem? quid sacros  
 Regis Pij inuisis Lares?  
 An dignitatem sera respexit tuam,  
 Ut semper optaui, Dea?  
 Quam diues omnis, atque purpurei simul  
 Vnam tyranni contremunt,  
 Necessitas & seua clauos dextera  
 Gestans trabates quam praeit;  
 Et spes, & alborara sectatur fides  
 Velata panno comminus.  
 Quae tollit imo de gradu obscurum altius  
 Repente Medorum genus,  
 Vertit superbos quae triumphos cladibus  
 Gentis Caraffarum pie,  
 Pisum furente quae manu de Tybridis  
 Ripa eruit radicitus  
 Aversa, summum iniurioso quae pede  
 Infensa Montem proruit,  
 Domos potentes ueste quae relinquere  
 Vtuncque mutata parat,  
 Quae barbaros ad arma concitat, Pij  
 Frangant ut imperium patris.  
 Non brutam & insanam, atque caecam dixero  
 Posthac eam, si clarate  
 Regum propago Insubrium respexerit  
 Hoc Diua tempore attamen.

A' fratre

A' fratre Othonis atque Thebaldi Petro  
 Octauus es fortissimo ,  
 Hæc quem secundum mi quietem dicere  
 Nocte , ut fit , hesternæ audi ;  
 Non pagina est ullius ipsi Delio &  
 Acceptior mihi , quàm tua .  
 Deludet ante terra arantes partibus  
 Falsis , suos primum ad caput  
 Retro liquores & uocabunt flumina ,  
 Piscisq; nudus gurgitem  
 Siccum uidebit , charitatem quàm meam ,  
 Mi Spinula , aliò transferam .  
 Quæ me tenebit cumque terra , per Iouem  
 Magnum tibi præsens ero ,  
 Præsens ero : quousque ero memor mei ,  
 Ero memor tui . Vale .

Ad Hieronymum Hugonium I. C. Brixianum ,  
 Bonifacij fil. Ode XLVII.

**L** Ethargi in undis dum nigris demergimur ,  
 Falsa & uidemus somnia ,  
 Nostræ quid Hugo hoc tempus ætatis fugit ,  
 Breuis dies ut præterit ?  
 Nam lux uti brumalis albescit , uenit  
 Hinc aureus Sol , dissipans  
 Ardorem , & euolat , unde medios incipit  
 Accendere æstus , & ruit  
 Paulatim ad occasum , & quadrigas in maris

Maturat

Maturat undas condere ;  
 Cacumina ipsi summa crescendi quoad  
 Contingeremus , creuimus .  
 Vires minutatim atque robur nunc uiden'  
 Paulatim adultum frangere ?  
 Peiorem enim in partem , usque nostra linquitur  
 Aetas , quousque decidat ,  
 Atque hæc , data à primordiis rerum sibi ,  
 Et reddat umbram & puluerem .

In Ferracinum prædonem , qui Io. Baptistam  
 Raccum discipulum suum Nouaria re-  
 deuntem in nemore extinxerat ,  
 Ode XLVIII .

**Q**uid contra studiū naturæ hîc , atque potentes  
 Diuos consuetudine latro  
 Duruit errandi ; penetrarint ut mala in ipsum  
 Crudelis contagia morbi ?  
 Terrores animi quid diffugêre , Deorum  
 Audeat ut contemnere patrem ?  
 En uocat in miserum secla orbem ferrea : dulcem  
 En iugulat Raccum impius ense .  
 Iuppiter ecquando uindex descendat Olympo ,  
 Det uinclis fataleq; monstrum :  
 Si poterit mundi iste erumpere moenibus altis ,  
 Euadet sibi numina Diuûm  
 Irata , euadet poenasq; , uicesq; superbas ,  
 Flammam euadet , quæ manet ipsum :



Omnes quem furia lacerabunt, quem fera fontem  
 Immortalis flamma uorabit,  
 Cum meus in cælo uiuet Baptista beatos  
 Aeterna inter secula Diuos.

Ad Primum, Comitem, Italum, Ode XLIX.

**V**alde tuos absens cupiebam cernere uultus,  
 Itale Prime Comes, sancte, et uir integer:  
 Cum Baptista mihi conscripsit amabilis ipse (rime,  
 Tempore te facilem uenturum ad Adriam breui,  
 Atque ubi me inuenias à se te querere amicum.  
 Protinus inuenies me Brixie, aut ad Adriam.  
 Hastenus huic legi Ciceronem nempe iuuenta;  
 At modò me Veneti quærunt eò conducere.  
 Ad nos omnino, statuis quo mense, uenito,  
 Itale Prime Comes: uenies enim optatissimus.

Ad Federicum Cornclium, Bergomensem Episcopum, Ode L.

**N**obilis Antistes pater ò Federice, diserto  
 Hinc Barbauara illo tuos adueniente Lares,  
 Ad tua me secum cupiebam frigida tempe  
 Conferre, non hoc solum uti, sed te etiam fruerer,  
 Qui fratrem equiparas recto & sapientia utrunque.  
 At Luciagus me tenet Monsilicusq; bonus,  
 Fortis Eques Mariusq; potens Hieronymus ipse  
 Et Hugo: charitati ego debeo cuncta sue.

Nam

Nam mea uobiscum migravit Musa, quod æther  
 Incanduit, tostos quod hîc Syrius urit agros:  
 Collibus oblectat se istis, oblectat amicis  
 Et se camœnarum tribus scilicet, egregio  
 Teq; , canent semper quem Musæ & pulcher Apollo,  
 Vicario illustri & tuo, Ambrosioq; meo;  
 Ille alijs pergit certè, haud sibi uiuere, summi  
 Parentis horum maximum numen uterque colit.  
 Nanque, forem si istic, celebrarem stemmata uestra,  
 Corneliorum cum inclytæ nobilitate domus;  
 Quæ clarum duxit nempe antiquissima Publi  
 Ab Africani fortibus principium patribus;  
 Quæ libertatem Venetis persuasit amandam  
 Suis, graui cùm lugeant Itala regna iugo.  
 Nam cuncti Hesperij, Externis heu regibus, aiunt,  
 Seruimus omnes: libera es Adria sola. Vale.

Ad Ioannem Aillanium, Narbonensem, Gal-  
 lum, medicum excell. Ode LI.

**P**LUS, quàm Machaon, Phœbo Aillani edite,  
 Herbis Ioannes potens,  
 Te Gallus & desiderat, te, quem tenet,  
 Et suspicit solum Adria.  
 Si Theseo esses rege natus, usa ope  
 Tua fuisset Delia;  
 Tu fidus esses, tu teneres in polo  
 Strictis draconem brachijs:  
 Vbi tamen, probante patre, aliam tibi


Sedem

*Sedem Diana præparat ;  
Gens unde Narbonensis usque , uti cupis ,  
Spectabis ædes patrias.*

*Ad Aloysium Mocenicum , Leonardi Equitis  
clariss. fil. Ode LII.*

**D***ic oro Mocenice formosissime ,  
Præstare Dij quid non ualent ?  
Quodcunque retro est , irritum non Iuppiter  
Efficiet æternus ; neque  
Dissinget infectum atque reddet , hora quod  
Fugiens semel uexit , DEVS.*

*Libri , qui Epodon inscribitur , finis .*




P. Francisci Spinulæ

MEDIOLANENSIS

Carmen seculare, cum aliquot  
poëmatibus additis .

CVM PRIVILEGIO.



VENETIIS, Ex officina stellæ Iordani Zileti .

M D L X I I I .

*Ioannis Baptistæ Thebaldi , Pennensis, in secu-  
lare Spinulæ carmen distichon .*

*Hæc Christo et matri, nō Phæbe et Cynthia uobis ,  
Orbibus à centum singula secla canent .*

MAGNIFICO ET  
illustri Matthæo Bombenio,  
patritio Taruifienfi  
S. D.

*P. Franciscus Spinula Mediolanensis.*



Irtutis tuæ indoles,  
maiorumq̃ tuorum  
sapientia apud om-  
neis totius Italiæ po-  
pulos adeò increbuit, uti sis fa-  
mæ incredibili celebritate etiam  
nobis & aliis absentibus uniuersis  
notus. Vt enim illi fortitudi-  
nem, & iustitiam, & liberalita-  
tem semper coluerunt, ita is ipse  
eorum es imitator, ut certè sis in  
tuæ urbis desiderio, in sermoneq̃  
exterarum gentium. Proinde  
cùm iam sæpe Maguntius nostris



in ædibus tuas studuerit laudes  
persequi, tamen earum ipsarum  
neque principium inuenire, ne-  
que euoluere exitum unquam po-  
tuit. Itaque cogitanti mihi, cui-  
nam seculare carmen cum aliis  
uersibus coniunctum dicarem, te  
in primis hoc munere esse dignis-  
simum idem mihi & suasit & per-  
suasit. Cæterùm, quò melius  
carmen seculare primum & secun-  
dum intelligas, hæc tibi perpauca  
præfari non grauabor. Cùm Me-  
diolanum urbem Insubrium am-  
plissimam, quemadmodum T.  
Liuius Patauinus scribit, Galli  
ædificarint, complurium amico-  
rum, præsertim Fagnani, roga-  
tu, primum seculare poëma  
composui. Cùm postea Caro-


lus Senator, nunc Episcopus Intemeliensis, me in eum locum duxisset, ubi Dei benignitate Lucas Vicecomes, Galeatii Infubrium Ducis patruus, fortiter hosteis suos fudit & fugavit, poëma secundum in illius gratiam scripsi. Quorum quidem carminum quia exiguum erat uolumen, alia insuper iis adieci-  
mus poëmata. Tu igitur pro tua humanitate & munus hoc ne aspernare, & bonarum artium studio sis faue. Vale. Venetiis, Calend. Decembr.

CIO IO LXII.



P. FRANCISCI SPINVLÆ  
MEDIOLANENSIS  
CARMEN SECVLARE

P R I M V M .



Ad Ioannem Baptistam Fagnanum, nobilissimum  
ciuem Mediolanensem, Donati fil.



AGNANĒ optime &  
eloquens,  
Hoc urbi Insubrium in-  
clytæ  
Quod nostræ cecini,  
tibi  
Dulce mitto poëma.  
AETERNVM pue-  
ri patris

Summi dicite filium,  
Intactamq; puellulæ  
Eius dicite matrem:  
Nam prolem unigenam DEI  
Hæc uirgo edidit, & pius  
Humanum ille beas genus  
Nigro ducit ab Orco.

A . iij . Integri

*Integri pueri integram*

*Parentis sobolem optimi,*

*Virginesq; puellula*

*Virginem oro canamus.*

*Regis filia Dauidis*

*Annæ progenies, patrem*

*Nata quem peperit sacram*

*Deposuit ad aram:*

*Vt CHRISTI genitrix foret,*

*Qui uita atque hominum salus*

*Pro nobis uoluit necem in*

*Cruce occumbere acerbam.*

*Vt mors proficiat sua*

*Precanti populo obsecra*

*Natum pro miseris tuum*

*Nobis, Virgo, precamur,*

*Rex ô cœlicolûm, D E V S.*

*Potens, atque homo funere à*

*Tristi quem pater inferis*

*Excitauit ab imis,*

*Diuûm qui recipis tuo*

*Vitam perpetua & bona*

*Gregi, corpora qui iubes*

*Reuiuiscere nostra,*

*Sis quocunque tibi placet*

*Sanctus nomine, & hanc diem*

*Oris luce precor tui*

*Tam pura usque serena:*

*Hac enim mea ciuitas*

Fundata illa fuit, prius  
Cuius in regionibus  
Vidi hæc lumina cæli.

Ad Ioannem Baptistam Fagnanum, nobilissimum  
ciuem Mediolanensem, ; Donati fil.

**D**is gratulor me patre natum esse optimo  
Iustoq; Gabriele, Donato ipse uti  
Castissimo, æqui fratre Caroli illius,  
Vitam piorum qui egit in terris Deum  
Temnens opes, ad ultimum usque spiritum.

Quod si quis à compluribus lustris potens  
DEVS peractum æuum hoc iuberet iugiter  
Remcare, patresq; eligi à cunctis sibi,  
Quos uellet, ad factum, ipse certè hoc uno ego  
Contentus essem, forte iudicio tuo  
Sanus, sed amens vulgi & imprudentium:

Sabella cui diuina anus mota licet  
Vrna canens instare fatum triste, ei  
Suaderet, ut migraret in sedes nouas,  
Portenta sic uitare posse; is reddidit,  
Quod ipse adoro numen, est præsens mihi  
Vbique: conseruabit hîc me non minus  
Rex cœlitum benignus, alio quàm in loco,  
Si rem mala ratione maiorem neque  
Feci, neque uicio hanc minorem & crimine  
Facturus unquam sum, ut docet lex ipsus.  
Contentus istis uenor illorum nihil,

O' si casa illa, ô si angulus, qui nunc mihi  
 Deformat agrum, accedat ille proximus;  
 O' si æris urnam fers mihi qua monstret, ut  
 Simoni amiculo Opij hunc aranti agrum.

Doloribus diebus à paucis miser  
 Cœpit laborare, atque fieri cæcus, &  
 Persæpe fatum conqueri suum. tamen  
 Hortatus est nos usque uirtutem ad bonam;  
 Extrema cuius hæc fuit præscriptio;  
 Nam signa ei natura cùm mortalia  
 Mississet, uxorem & uocauit liberos,  
 Illisq; dixit, uelle sacro se unguine  
 Vti; sacerdotem ut uocaremus, sua  
 Commissa supplex cui erat fassus. uenit,  
 Vngit, DEOS precatur, ad fanum redit.  
 Mœstus parens tremante nobis uoce ait,  
 DEVM timete, opiniones de patre  
 Fictas Deorum obsecro ne comprehendite,  
 Matremq; uestram amate: nec plura edidit.

Expertia at uersare somno lumina  
 Incepit, alia & signa a dboc mortis dare:  
 Mœrore perturbata mens in maximo, &  
 Metu, supercilium atque triste, acerrimi  
 Vultusq; furiosi, auris & sonoribus  
 Plena, & coortus raro at ingens spiritus  
 Creberq;, per collum atque totum splendor  
 Sudoris humor, ac minuta & tenuia  
 Contacta sputaq; croci coloribus  
 Et salsa, raucas uix per ipsas edita



Fauces anhela tussi : & utraque in manu  
 Nerui trahebant , at tremebant saepius  
 Artus , cauata lumina , atque tempora  
 Caua , ipsa dura pellis atque frigida ,  
 Naresq; compressæ , & tenuia acumina  
 Primoris ægri nasi , & ora pallida .

Incepit inde obire paulatim gemens ,  
 Sensumq; membratim uniuersum perdere  
 Vitalem : & ungues primum ei liuescere ,  
 Atque hinc pedes & crura uidimus mori ,  
 Totos & effecti ire deinde corporis  
 Leti per artus frigidi uestigia .  
 Sicq; occupasset atra mors ut hunc  
 Lomatij , illic corpus eius lugubris  
 De more mater mox sepulcro condidit .

## CARMEN SECVLARÆ

Secundum .

**A**mbrosi seclis pater à duobus  
 Dicimus carmen tibi seculare;  
 Maximo & grates agimus parenti  
 Auspice CHRISTO;

Qui tuo per te populo det illa ,  
 Quæ diæ festa petit hac , tibi qua  
 Anguiger supplex inimica Lucas  
 Castra fugauit .

Castra Belgarum superata , quod tu  
 Ipse uenisti subito uocatus

Rege eques, duro minitans flagello

Hoslibus eius;

Qui statim fusi periere cuncti.

Atque, ubi Lucas prece lacrimosa

Te fatigauit, posuisse sacras

Vidimus aras,

Vidimus quæ mox pius Imperator

Hac tibi iuncta scelerum phalange

Templa fundauit, Duce gentis huius

Actio amando.

Carole hac nobis sacra lux sit usque;

Hac Parabiagi ueniant ad ædem

Insubres, Diuumq; canant, tegit qui

Nosq; tuetur.

Et legant quas tu rediens in urbem,

Atque ego, & Marcus memores ad aram

Legimus uersus monumenta seræ

Posteritati.

Noster Aedilis, comitesq; , senas

Ordine instantesq; tubas, præite:

Virgines lectæ, pueriq; casti,

Dicite laudes.

O decus uatum sapiens, in ore

Cuius examen pueri cubantis

Ipsa apum uidit genitrix, auusq; , &

Romula pubes,

Cum pater fortis regeret potentem

Galliam, cuius fuit inde dulcis

Dulcia huic sermo populo Deorum

Verba loquentis ;

Huic gregi casto faueas precamur ,

Cui parens olim pie præfuiſti ;

Vt tua & noſtra nihil urbe maius

Viſcre poſſis :

Tu tuis placa ſuperũ parentem ,

Fata uti iungant bona iam peractis ,

Ne tuos durum genus heu cruentus

Opprimat hoſtis :

Vt colat terras , pede Pax rubenti

Pingua & muſta premat ; alma tellus

Spiceis templi ſacra uti coronis

Limina donet .

Sint procul febres , uarijꝑ morbi ;

Sit procul belli rabies , egeſtas

Turpis , atque iræ , furiaꝑ , habendi &

Dira cupido :

Sint mali mores procul à iuuenta ;

Detur optata & requies ſeneſta ;

Detur huic genti decus omne , proles

Dignaꝑ patre .

Diue , producat ſobolem tuorum , &

Proſperet per te facilis Deũ rex

Fœminis decreta ſuper iugandis

Tempore in omni :

Certus ut denos decies per annos

Virginum cœtus reſerat , tubasꝑ ;

Orbis & laudes populi , & cœnentum

Carmina uatum :

Aeuum uti nobis melius perenne

Alterum in lustrum pius & benignus

Protegat, nostras oculis serenis

Qui uidet arces.

Hæc Deos audire bonam reporto

Spem domum, ac certam, pueri & puellæ,

Dicere & doctus Superos, beatum

Ambrosiumq;.

Ad Philippum Regem Max. Caroli V. Imper. fil. de

Francisco Gallorum rege sororis suæ

fratre, ab hostibus obfesso.

**P**hilippe Gallo maxime subueni

Vnum inuocanti te precor, obsident

Quem castra coniurata inermem,

Vt nisi tu properes, sit actum.

Germano opem fer contugis anxio

Tuæ gementis: nam soceri audij in

Somnis ego Henrici parentis

Illius ista referre manes;

Philippe, fœdus, pactaq; ubi fides?

Naturæ ubi ius? religio? æquitas?

Coniuncta dexteræ atque dextra,

Et pietas? ubi rectum, honestum?

Fandi & nefandi non memores Dei?

Quid dicat audin' fex hominum, & paret?

Ergo Italum atque armato Iberum

Innumeram in scelerum cohortem.

Germania atrox seq; Britannia  
 Adiungit illis impia, Tybridis  
 Flauas Pio & lugente ad undas,  
 Hesperia gemente tota.

Vnum intuenti te gener obsecro  
 Succurre nato. quem sui ita obsident  
 Ciues & intestinus hostis,  
 Ut nisi tu properes, sit actum.

Ad Stephanum Mariam Hugonium, Brixianum,  
 Equitem clariss. de nimia Luciae, &  
 Annae sororum credulitate.

**L**ucia in urbe mea fuit, Hugo fortis, & Anna;  
 Illam Minerua ornabat, utraq; & Venus;  
 Et suadela etiam communiter; hæq; parente  
 Vno editæ. harum cum mariti cernerent.  
 De forma assidue contendere & altercari,  
 Deponite, aiunt, o maritæ, pignora,  
 Quæ capiat uictrix; lectumq; accedite comptæ  
 Ad iudicem. Sit Paunus, utraque asserit,  
 Ambæ illum nonis adeamus, pignus & Anna  
 Deponit annulum, annulumq; Lucia.  
 Interea specula illarum depicta mariti  
 Furtim auferunt bina ad tabernam Lazari.  
 Non opifex illo fuit ingeniosior alter,  
 Solertior'ue, sæpius quem uiderant,  
 Fecisse hæc multis specula, ut tradatur in illis  
 In speculum imago uera de speculo hominis

Mirificè

Mirificè, in vitro simulacra ut plurima fiant,  
Fiatq; imago læua, dextra quæ data est.  
Hunc ergo accedunt, ut uitrum immutet utrumque,  
Appareat monstrosa imago ut coniugum,  
Vt simile effingat uitrum orant; qui, ut uideatur  
Thersite in illis utraque esse turpior,  
Materiam flectit tenuem, exornatq; politq;  
Apprime opus totum, hoc quod est factum modo;  
Huic media speculo pars exit, & infima contrà  
Subsidet, & suprema; at illi media pars.  
Deprimitur, contrà suprema atque infima surgunt:  
Sese in vitro uidentis hoc imaginem  
Naso prælongo mittit, longissimo & ore,  
Illudq; maiorem in modum uultu breui,  
Et facie nimium deformi, fronteq; lata  
Labrisq; mentoq; ore item latissimo.  
Vxoresq; uiri fatuas illudere pergunt,  
Vt credulas, ut admodum insanas, leues.  
Obstipo capite & similes metuentibus illas  
Constanti & ore commonent, furorem uti  
Atque iras Diuûm caueant, qui uertere formam  
Mortalium in deformitatem olim solent.  
Coniugibus nostris iratus Iuppiter ultor,  
Spargunt subinde: his quod refertur, & timent,  
Et uulgò narrant se numina magna uereri.  
Multa, monentur, ut Deos orent prece.  
Non cibus & potus iuuat has, non somnus ocellos  
Tegit sopore, uerùm eas furor toro  
Indomitus uersat toto lucem cupientes

Videre;

Videre ; ut æquum conferant se ad iudicem ,  
 Prima luce torum nonis ambæ exiliuntq̃ , &  
 Vestes parant sibi , & comas pectunt bene , &  
 Accedunt celeres speculum , quod idem esse uidetur ;  
 In quo uidentes se alteras , ut monstraq̃ ;  
 Deformes , clamant primos sibi numina uultus  
 Mutasse , sicut coniuges prædixerant :  
 Diffugiunt uisu exangues , simulacra suiq̃ ;  
 Inuisa uitant oris , ac febrem incidunt .  
 Horret præterea , formidat , iudiciumq̃ ;  
 Detrectat ægra , & cedit utraque alteri .

Ad Io. Baptistam Fagnanum , Donati fil.

**I**Nsubrium Baptista formosissime ,  
 Amice Musarum choris ,  
 Quem , Cæsarem ut fratrem elegantē , & Paulum itē ,  
 Natu & minorem Massium ,  
 Et tangit immortalitatis atque amor  
 Vitæ perennis , si cupis  
 Vitare fatum triste , mortis & feræ  
 Leges malignas frangere ;  
 Hic te erigas , genium atque defraudes tuum ,  
 Hic seruiasq̃ gloriæ ;  
 Ac Martios quando & Camillos & Duces  
 Volumnios , nec Cæsares ,  
 Virum nec illum , cui super Carthaginem  
 Virtus sepulcrum condidit ,  
 Minus datur sequi , emulare Tullium ,



Crispum, Tibullum, Horatium;  
 Quod patruelis Marcus & facit tuus,  
 Quem Lancilotus edidit:  
 Si nec uales id assequi, pro uiribus  
 Vel ipse Mæneas tibi,  
 Integritasq; morum & æquum & lenitas  
 Sectanda, Ioannes uti  
 Is fecit atauus, qui Philippo pro Duce  
 Insubrium sponzor fuit,  
 Tenuesq; cunctos reddidit uos, aureis  
 Centum solutis millibus.  
 Viuunt enim, quas gesserint, rerum hîc boni  
 Vigentq; fama perpeti.

Ad Ioannem Iacobum Rotulam Mediolanensem.

**V**irtute qui duce huc iter per arduum,  
 Missa uoluptatis uia;  
 Euaseram, ut mirarer id loci Deos  
 Dedisse præter spem mihi,  
 Ex hoc loco quis depulit me? tam citò  
 Cur inde præceps decidi?  
 Ut filio Galæ accidit, qui in gurgitem  
 A sede patris irruit.  
 Quò decidi? unde? turpe commissum uigil  
 Nunc ipse ploro. an ludit heu  
 Vitijs carentem inertibus imago ista me?  
 Non ista sunt insomnia.  
 Mortalibus dant cœlites rarò bona

Cum mente fortunam bonam .  
 Si tu quiesces propria in pelle , haud mala  
 Fortè accidissent hæc tibi.  
 Fulgente curru gloriæ & tu uis trahi .  
 Inuidia priuato est minor .  
 Vt qui uideri pulcher optat , inijcit  
 Curam puellis singula  
 Quærendi , ita ipse & uniuersos quærere  
 De te coëgisti inuidos .  
 Forsan rui , ipse quò mihi notus forem :  
 Nam semper ingenium ducis  
 Celant secundæ res , & aduersæ probè  
 Nudant sibi atque cæteris .  
 Te legimus frontem ò tot aduersis bone  
 Mutasse nunquam Socrates .  
 Musarum amicus & choris Dearum ego  
 Minus tot aduersis tamen  
 Gladioq; deuoto hic fui extinctus , miser  
 Sed excidi solummodo .  
 Quòd si excidi per Africanum ut Principem ,  
 Per te , altius conscenderem ,  
 Iacobe mi , memoria casus ualde me  
 Olim iuuabit istius .  
 Ac ne renascens lugubri nostra alite  
 Fortuna tam tristi mihi  
 Iteretur infortunio , quotidie  
 Deos fatigabo prece .

Dialogus. F. A.

**Q**uid nos, ut antè, non quatis risu, Ambrosi?  
 Versus ubi, ludus, ioci?  
 Quid non cachinnas amplius, rorantibus  
 Nec spargis ora lacrimis?  
 Arcum non usque Delius tendit, lyra  
 Nec usque Musam suscitât.  
 Vernis nec idem floribus honos semper est,  
 Nec Luna vultu uno nitet,  
 Semper rubens: non ipse sum is iam, qui iocos  
 Requiemq; quærebam undique.  
 Quæ cuncta ueniens fert iuuentus commoda,  
 Viden' senectutem adimere?  
 Prædantur orbes cuncta de nobis, bone  
 Franciscæ, euntes annui:  
 Ereptus his mi ludus est, & carmina,  
 Iociq; , risus, & sales;  
 Tendunt, & extorquere spes, & gaudia,  
 Et denique auram & spiritum,

Ad Iulium Forestum, Equitem & Co-  
 mitem clariss. Brixianum.

**V**ir fortis & uitæ integer, Iuli Comes,  
 Nomen beati qui occupans  
 Sapienter unus utere & donis Deum,  
 Nefas cruentum peius &

Leto fugis, nocentibus qui commoda,  
 Honorem, opesq; haud inuides,  
 Quo, ciuitatis Brixianæ Heros potens,  
 Versu tibi grates agam?  
 Frangis furorem qui improborum, à Delio  
 Qui me & Thalia discrahunt.  
 Cui debeo uniuerfa, non tu munerum  
 Ferres amicè pessima,  
 Franciscus ut Ricchinus excellens forem  
 Si & ipse diues artium,  
 Quas protulit Parrhasius, quas & Scopas  
 Ipse docuit, coloribus  
 Ille liquidis, saxo hic DEVM nunc ponere  
 Solers, equum aut nunc belluam:  
 Latere si poemate, fide & Teia,  
 Possum tibi donare ea.  
 Ergo cape inceptum, id licet nequiverim  
 Ad umbilicum adducere,  
 Ut postulant tuæ atque uirtutes, tua  
 Et gloria, & frugalitas;  
 Antonius quas filius dulcis, tui  
 Animi & imago corporis,  
 Seclis futuris (rara quæ est sua indoles)  
 Versu perenni concinet.

Ad Hieronymum Luciagum, nobilissimum ciuem  
Brixianum, de Alexandro filio suo bellissimo.

**H**Oratius quod inquit optimus, Viros  
Fortes creari fortibus,  
In filio illud luce clarius tuo  
Amici, & in te cernimus.  
Virtute maius quid tua, hocq; ardentius  
In orbe? te ista scilicet  
Mortalem ut egregij & silenti altissimi  
Miratur unum ciuitas.  
Et filio quid pulchrius, uenustius  
Tuo? quid elegantius?  
Pulcher nec ille corpus absque pectore est:  
Est forma ei, & prudentia.  
Mater tenello filio quid gratius  
Vouere, quid maius solet?  
Quàm sapere, quàm quæ sentiat possit loqui,  
Et forma cui contingat, &  
Comes ualetudo, & crumena, quæ minus  
Deficiat unquam, & gloria?  
Quæ cuncta, supremo à parente coelitus  
Olim tibi prius data,  
Sunt filio iam ex parte magna; & cætera  
Per te assequetur omnia.  
Quàm liberalitate & æquo ciuibus  
Et assoles tuis fide,  
Pueris decore, moribusq; & indole  
Tam præstat hic cunctis puer,

Suadela quem ornat & Venus, cui & fauet  
 Minerua, Marsq;, & Cynthius.  
 Mendosa paruis huic licet natura sit  
 Vitijs, uti si in corpore ad  
 Talos reprendas eius ipso à uertice  
 Næuos ei inspersos, tamen  
 Arcana si ipsum fata seruabunt, tuus  
 Ut Claudius, profectò erit  
 Fortisq; & æquus, atque sapiens; factaq;  
 Maiora erunt fama illius.

Ad Ricardum illust. Comitem Sancti Boni-  
 facij, Veronensem.

**E**T si sit, hic ut sorte contentus sua  
 Mortalium non uiuat ullus, attamen  
 Te commodius hoc uiuo, Ricarde inclyte,  
 Quòd dum sequuntur uos equis uectos duo  
 Vel quinque pueri seruulis properantibus,  
 Est quà libido, incedo solus: quanti olus  
 Percunctor, & poma; atque differtum forum  
 Pererro circum; assisto diuinis; tuum  
 Ad Curionem eo & legentem Tulij  
 Orationes, atque uatum carmina,  
 Qui Rhetoris nunc & poëta nunc uicem  
 Defendit ornatissimus uir omnium.  
 Hinc ad Iouis festino lucis maxima  
 Iam parte præterita, & fatigo eum prece,  
 Aliosq; Diuos, quid precari me putas?

Qui donat, aufertq; omnibus uitam, atque opes,  
 Vt largiatur & mihi uitam, atque opes,  
 Mentemq; sanam pro sua clementia.  
 Quid? ut mihi sit nunc quod est, item minus.  
 Et ut, mihi quod restat aui, edacibus  
 Viuam absque curis totum id, & morbis: & ut  
 Prouise in annum frugis adsit copia  
 Bona, dubie ne pendulus fluitem, ut solent  
 Quàm plurimil, horæ spe: utq; seruet liberos,  
 Vt comparatis integra bonis fruam  
 Cum mente, turpem nec senectam degere  
 Nec fidibus obsecro & carentem ista lyra  
 Dulci, & laborum barbito leuamine.  
 Non posco; uitem ut hinc calæna falce ego  
 Premam nouellam, siue uti sim ditior  
 Ipso Marino, merce qui exercet Syra  
 Vinum reparatum & culullis aureis,  
 Et gaudet ære plurimo, atque honoribus.

Meq; inde conféro ad leguminis domum  
 Vncti satis lardo, aut catinum olusculi.  
 Meosq; dapibus pascō libatis, uti  
 Cuiq; est libido, cœna dum nobis Deūm  
 A seruula, ut sit, administratur bona.  
 Hinc mensam acernam cinctus altè gausape  
 Puer mihi pertergit, atque sublegit  
 Vnà celer quodcunque inutile hinc iacet.  
 Quid multa? seruus nullus hercle fungitur  
 Vernaliter, prout Cæsari, officiis mihi  
 Tenui, quod offert omne præ lambens. dapes



Nec continuo tot, urbis ut primarij,  
 Qui gloriæ sunt ciuium admodum anxii, &  
 Incunt opum certamen: à malis faba  
 Me tutus hic solabitur cunctis cauus.

Dormitum eoq; poste à, inuocans Deos,  
 Somno grauis, non sollicitus unquam, mihi  
 Quòd manè surgendum & sit, atque Regius  
 Præfectus obscundus, hominis qui denegat  
 Se ferre posse factiosi lumina.  
 Vbi iacui quod est satis, uel lucubro,  
 Vel lecto, uel quod me iuuat scripto. hinc uagor.  
 Vbi lauatum me admonet Sol acrior  
 Ire, rabiosi fugio signi tempora, &  
 Caniculæ æstus uito in umbra feruidos,  
 Et innocentis duco Lesbii scyphos  
 Virentium sub tegmine orni frondium:  
 Ac deinde pransus ocior domesticus.  
 Si iusseri sub prima diues lumina  
 Venire conuiuiam, ut sit, ad se Publium  
 Suum, uenire non recusabo; tamen  
 Libentius cœnabo regia in mea.

Quæ sumier non cunque paruò obsonia  
 Ciui queunt, captare non quero admodum,  
 Rhombosq; leporesq; & coturnices: minus  
 Mi nanque auari uentris obsequium placet.  
 Non ipse eo, quò ducit impotens gula,  
 Non ipse ducor uentre, mortales uti  
 Leues: nec imbecillis, atque iners ego.  
 Nidore nasum perdicis supinor. &

Si fortè olus non decoquatur tam cito,  
 Huiusmodi haud clamore blatero insaniens,  
 Nemon' feret ligna ocys? quis accipit?  
 Sed interim me confero in cubiculum,  
 Legoq; uates, me quoad uocet puer.

Dum uescor, istis & fruor bonis meis,  
 Frumenti agris quòd emetam dotilibus  
 Plus ceteris, non ullus inuidet mihi.

At bruma agello cùm niues nostro illimet,  
 Vatum libros subinde contractus legam;  
 Ut rem augeant, dum ceteri haud parcunt sibi,  
 Satis nihil queis esse quantumuis potest.  
 Quos si dolentes haud opes deliniunt,  
 Cur inuidendis postibus, Dux ut facit,  
 Sublime moliar atrium ritu nouo?

Pascunt agri dùm uos trecentis, aut suprâ  
 Nummum coempti millibus, libra aereq;  
 Ipse in diem, quod est opus, mercor mihi.  
 Nuper'ne numerato obsecro quid interest  
 Viuas, an olim? nil mea sententia.

Vates tuus tibi inuidet si opes, uide:  
 Nam plura quisque à Dijs feret, quantò sibi  
 Negauerit plura cupientium nihil  
 Peto ecce castra nudus. optans transfuga  
 Cupiensq; partes diuitum relinquere.  
 Quod est satis, cui coelites parca manu  
 Magni obtulere, bene est ei; nam plurima  
 Desunt auaris, plurima exoptantibus.

Fortuna honores mutat incertos mihi &

Nunc,

Nunc, & benigna nunc tibi: collaudo eam  
 Ipsam manentem, canticis celebrosq;  
 Quod si quatit mutata pennas, quæ dedit  
 Resigno, me uirtuteq; inuoluo mea,  
 Et absque dote quero pauperiem probam.  
 Nam cum procellis mugit Africis rates,  
 Nec ad preces decurro, nec uotis ego  
 Paciscor, ut ne Cypriæ merces Salo  
 Addant auaro, moxq; præsidio schaphæ  
 Meipsum biremis fert tumultus per maris  
 Alti graues tutum aura, Polluxq; geminus.

Vita hæc solutorum est, Comes, miserrima &  
 Grauißima ambitione. me consolor his,  
 Amice, uicturum esse multò suauius  
 Vobis, quibus fortuna florentissima est.

De filii DEI salutis nostræ natali die, ad  
 hominem.

**H**umana gens, flere & queri iam desine,  
 Tot perdidisse & tanta te bona omnium  
 Per impij mortalium auctoris scelus,  
 Fruges creasse sponte tellurem sua  
 Nobis nitentes, atque læta papula,  
 Foetusq; dulces, & merum dulcissimum;  
 Nunc aucta quæ labore uix nostro ualent  
 Grandescere; ut persæpe quassans tempora  
 Suspiret homo, frustra & laborasse, & boues  
 Et plaustra contriuisse frustra & uomere.

Humana gens, flere & queri iam desine,  
 Quæ sita magno quæ labore sunt tibi,  
 Cœpere cum flore uel frondescere,  
 Aut cuncta torreri ipsius feruoribus  
 Solis, prunis uel obrigere tristibus,  
 Cedi uel dira grandine, aut uexarier  
 A' turbine Austris ista mox perflantibus  
 Imbri & repentino, omne passimq; horridum  
 Terra & mari infestissimum crearier,  
 Augeri, aliq; bestiarum in te genus.

Humana gens, flere & queri iam desine,  
 Quæis terra, natura atque rerum dædala  
 Ipsa pariebat omnibus largè omnia,  
 Quæis nulli & aduersarij atque hostes erant,  
 Qui haud ferro egebant, non domo, non arcibus,  
 Haud ciuitate, haud uestibus tenuissimis,  
 Crassis uel, diligenter hos inquirere  
 Vestes sibi modò uarias pro tempore  
 Cœli, modò armis esse & altis mœnibus  
 Opus, quibus tutentur & sese & sua.

Humana gens, flere & queri iam desine,  
 A' ueritate nos aberrare miseros,  
 Vitæq; tantis intenebris degere;  
 Quos si parens Heuæ edidisset innocens,  
 Nec per ruiisset improba uetitum nefas,  
 Causas liceret sponte rerum agnoscere,  
 Lunæ & meatus Solis atque siderum,  
 Et piscium ingenia & ferarum & alitum:  
 Quin sponte textilem atque picturam, omneq;  
 Præclarum

Præclarum opus per se faceret homo integer ;

Humana gens , flere & queri iam desine ;  
 Tot corporis , tot mentis , agnoscas agnoscas  
 Morbos , dolores , & mala humanum genus  
 Pressisse , in obscura ut perennes morte sint  
 Nobis item pœna & timende à numine ;  
 A' quo prius datum haud mori nobis erat ;  
 Migrare sed certo ad polos post tempore  
 Ad coelitem uitam , hic parentes quam fero  
 Illuderentur angue , Olympi & rex eos  
 Orbemq; terrarum execraretur furens .

Humana gens , flere & queri iam desine ,  
 Feruore caldo febrim in artus accipi  
 A' te coortam , uel dolores omnia  
 Per membra morborum omnium , obturgescere  
 Tibi pedem repente , dentes arripi  
 Acri dolore saepe , in ipsa lumina  
 Sapissimè qui inuadit , atque exurere  
 Ignem sacrum quascunque partes arripit  
 Per membra repentem uniuersa corporis ,  
 Malisq; tot , leto & dari tunc denique .

Humana gens , flere & queri iam desine ,  
 Rex coelitem quem cæteris præfecerat  
 Expertibus rationis , & animantibus  
 Colentibus terram hanc , marisq; piscibus  
 Vasti , gregi uolucrum & omni primitus ,  
 Receperat cui tempore à certo pater  
 Honore dignaturum eum se perpeti , &  
 Mensa Deorum uita & immortalium ,

Hunc fulmine è summo esse deiectum feri  
Serpentis inuidia huc, quasi atra in tartara.

Humana gens, flere & queri iam desine,  
Te sorte peiori esse natam, quàm ferae:  
Meliora multò, quàm prius, nobis DEI  
Benignitas incomparabilis dedit;  
Nacti sumus sortem & uoluptates Deum:  
Opus Deorum intelligemus, & DEOS.  
Quin mors & immatura non uagabitur;  
Nec tempora anni dura morbos afferent;  
Viuyendo enim coeli aureis in sedibus  
Vincemus infinita cum Dijs secula.

Humana gens, flere & queri iam desine:  
Molitur istas ecce ad aures res tibi  
Accedere, nouaq; species se ostendere  
Inusitatae charitatis, omnium  
Quae omnino difficillima ad credendum erit,  
Qua maius est nil, & magis mirabile,  
Prolem unicam factam esse mortalem DEI,  
Nos Diui uti fiamus è mortalibus,  
Passamq; sese interfici, ceu uictimam,  
Homo ut sit immortalis & DEVS.  
Humana gens, flere & queri iam desine.

Ad Antonium Besutium.

**Q**uid consulis malè ô tibi Antoni? improbo  
Quid uteris Lomatîo?

Qui uirginem haud stuprauit unam, rumpere  
Qui

Qui nuptias quærit tuas.  
 In impiam qui opinionem de Patre  
 Labuntur, omnes fugeris:  
 Gregem bonorum maximè lædunt enim  
 Huiusmodi contagia.

Ad eum, qui clamat, Ego sum lux mundi. (Ioan. 3.)

**Q**UÏ lumen ô mundi aureum spirabile  
 Cœliq; , tantis è tenebris impio  
 Orbi potes clarissimum te ostendere?  
 Quî totius terræ ista peruulgans sola,  
 Vitæq; nostræ commoda illustrans tuo  
 Splendore, nobis nuncium apportas bonum?

Beato, & immortalî, & æterno tibi  
 Quid gratia oro humana largiri ualeat,  
 Ut aggredi mortalium causa uelis  
 Hæc, qui medentem urgemus, ut lethargicus?

Iratus in nos qui ob nefas dirum, uaga  
 Torquere ab alto debuisti fulmina  
 Cœlo furens, del creq; humanum genus  
 Extemplò, inexpectata es usus in reos  
 Ea benignitate, ut ad sponte ueniam  
 Lapsus polo uocare nos, perennia  
 Et ad bona inuitare item perrexeris,  
 Crudeli ab hostis uindicans tyrannide,  
 Dignam uniuerfos qui abstrahabat ad necem,  
 Cœtu antè nostro quàm piuste ostenderes.

Te nostra spes, te uita, uerum & gaudium  
 Lætissimum



Latissimum hunc lux orta præcurrens gregem,  
 Tete genus summi ô parentis omnium  
 Deum sequemur, fixa signis in tuis  
 Vestigia imponemus impressis pedum.  
 Menti anxie nam te duce atque te auspice  
 Reducimus spes, omnis unde labitur  
 Homo impius, qui negligit uocem tuam.  
 Te qui minus sectatur, istum cæcum agit  
 Dementia, æqui & ueritatis inscium,  
 Quem porticus tua atque grex stultum autumat,  
 Sed nostra requies, & uoluptas cœlitum,  
 Currentibus spacium obsecro nobis uie,  
 Quam tu ipse monstras, fer opem, atque respice.  
 Adiutor ô sis rex tuis; insigni uti  
 Cum laude perueniamus ad regnum tuum.  
 Quod assequemur, si manu horam sumere  
 Grata sciimus, quam ipse fortunaueris  
 Nobis DEVS, spes nostra, lux, & gaudium.

Ad hominem, in ea domini uerba, Quod habere ho-  
 mo uidetur, auferecur ab eo. (Matth. 25)

**E**Xtorris patria, conspectu insane fugatus  
 Longè à Deum, nefarioq; crimine  
 Fœdatus, pressusq; erumnis omnibus, ista  
 Quid te cupido cæca honorum recti homo  
 Cogit & extremos iuris transcendere fines,  
 Atque pietatis? amore laudis quid tumes?  
 Quid te deuincis? quid te in fraudem induis ipse?

Qui

Quid non honestum, quid ue amas inutile?  
 Nil proprium nobis: domini quæ cuncta uidemur  
 Habere, non habemus hoc in carcere.  
 Fortuna en puncto permutat temporis aut ui,  
 Aut ære; & argento hîc, suprema sorte ue.  
 Quin etiam repetunt abs te primordia rerum  
 Hucusque commodatam & umbram & puluerem.  
 Quàm demens igitur, qui multa sibi hîc putat esse,  
 Homuntio: quando ipse ne suus quidem est.

De mirabili Iuliæ Romanæ constantia.

D Vm uulneratam Romæ amici Iuliam  
 Solantur, hostilem execrantes impetum,  
 Dumq; auribus legem optimi instillant patris,  
 Fontes remotos & sacros quæ adiuerat  
 Et hauserat præcepta uitæ tempore  
 Omni beatæ, fortis ore hæc edidit;  
 Gaudere uestem non solet cicadaq;  
 Vetustam, & anguis ponere ac relinquere,  
 Felix ubi annos exuit serpens nouus?  
 Prælonga non mutare lætatur nouo  
 Senex nouellis uere ceruus cornua?  
 At trister ipsa exire carcerem? aut ei  
 Non debeam, huius qui fores mi fregerit?

De D. Sebastiano Narbonensi, ac Martio Romano.

**S**ebastianus, atque Martius; duces  
 Fuere fortes, strenui, inuictissimi;  
 In concione utrique conspectum caput  
 Ardere flamma innoxia diuinitus:  
 Hispaniensis huic phalanx Quiritium  
 Ab Africani morte collecta patris,  
 Marcellianus, Marcus illi, & Martia,  
 Nicostratus, pulchra eius & consors tori,  
 Aliaq; gens Romana testis est grauis.  
 Sed, quod beatam emerſit ad uitam Deum  
 Sebastianus, maior hoc est Martio.

Ad Io. Baptistam Pignam, Philosophum ornatissi-  
 mum, Ferrariæ Ducis Secretarium, de pul-  
 cherrimo Theodori Hieronymiq; Flo-  
 rentiorum fratrum Mediola-  
 nensium horto.

**B**onorum amice Pigna cunctorum optime,  
 Ferrariensis lumen urbis & decus,  
 Cum fortè perlegisset oculis hortulum  
 Doctus meum Ruscellius, rogauit ut  
 Hunc mitterem tibi, dedito eloquentiæ  
 Et dotibus animi atque Musarum choris,  
 Prout herbulis Florentij & uirtutibus.  
 Quamuis stylo inculto hunc locum descripserim

Cultum

Cultum, tamen negare amico nil placet.  
 Ne iure de me possit ullus conqueri.  
 Eum tibi ergo lege mitto hac, ut mihi  
 Statim remittas postea, quam legeris.

CVLTISSIMVM MUSE o canamus hortulum  
 In quo uigent tot arbores, tot herbulae,  
 Florentiorum qui a dibus coniunctus est  
 In urbis editiore parte; lampade  
 Quem clarus oriens lustrat, & Sol occidens.

Horum domus quadrata forma & hortuli,  
 Vt saxum, ubi arx imposta Romuli fuit,  
 Sic est, per altam ianuam ingressis uti  
 Septentrionalem adium sese offerat.  
 Quadrata nobis porticus, pars tantaq;  
 Horti uirentis istius latissimi,  
 Quanta aspici per ostium aduersum licet,  
 Xistum quod ingentem & columnas diuidit.  
 Istucq; procedentibus Solem comis  
 Prohibere densis feruidum uitis solet,  
 Opaca præbens hinc supernè umbracula.  
 Sed rore gemmans & recenti herba, uiride  
 Et pratum ocellos pascit, anni tempora  
 Quod totum odoris floribus pingunt. adhæc  
 Et uiticella frondium obtentu & simul  
 Iasminus huic admista inumbrat porticum,  
 Ad dexteram, atque lanuæ alta limina.

At prata spacijs diuidunt æqualibus  
 Complurimæ arbores, ferentes aurea  
 Cultoribus mala meliora ijs, quæ draco

Seruabat Hesperii ipse puellulis  
 Vigil prius, quàm cum Hercules extingueret.  
 Hæc consequuntur prata cancelli, qui eam  
 Ab hortulo domum atque septis diuidunt:  
 Quibus Valeri maximi sepulcra & hîc  
 Hicq; Pyladæ, quem amauit ingens plurimum  
 Traianus Imperator, urna hæret uetus.

Oblectat horti prima pars, & aduocat,  
 Pascit, tenet, curam atque demit, & capit  
 Visum, uigorem reddit & membris suum,  
 Dum fraga Nymphæ humi & legunt nascentia,  
 Violasq; spicasq; & rosas, & lilia,  
 Floresq; uarios, ac olentes herbulas.  
 Hîc fons idoneus etiam nomen dare  
 Riui, ut nec Hebrus frigidior & purior  
 Capiti & fluit uentri atque plantis utilis  
 Et herbulis, quem nescit hora splendidum  
 Caniculæ flagrantis atrox tangere.

Quod non licet uidere transcuntibus  
 Herbæ genus florere in horto & hîc, & hîc?  
 Ridentem Acantum, admistam & huic Colocastam,  
 Simillimam serpentibus Draconteam,  
 Ac Gentianam item Asiam, Plantaginem  
 Vnaq; pollentem, atque surgentem Alteam,  
 Saxifragam potentem & unâ, & Simpaton  
 Potentiorcm, & Dactylosam amabilem,  
 Nec non Dionæum & capillum, atque Ferulam  
 Florentem, & Acridium uuidum, atque Psilion,  
 Cui semen est publici admodum simile, admodum

Acceptum

Acceptum & infectoribus Fucum, & serus  
 Quam repperit Centauream Chiron sibi,  
 Chelidoniāq; operosam, & Artemisiam.  
 Aluo salubrem foeminæ, atque Gladiolum  
 Folijs acutis, atque Buglossum asperis;  
 Suauemq; Portulacā, olensq; te bene  
 Ros ò marine, dulcioresq; Peponas,  
 Phlogonq; pubentem, atque discoloribus  
 (Vt in polo) mirum in modum Irim floribus,  
 Calentem & Orchin, frigidum & Nastrutium,  
 Stratumq; humi Comidrion, atque Polion  
 Gratam Machaoni, optimum Thymumq; api,  
 Et mollem item Hyacinthum, atque Narcissum nimis  
 Serò comantem, Cimitiam ineptam, acreq;  
 Ligusticum, & dictam à salute Saluiam,  
 Atque Paliurum asperrimam, passim uirens  
 Petrosilenon, atque Fœniculum altius  
 Surgentem, & unā tortiles Cucurbitas,  
 Perfusa Lethæo & sopore Papauera,  
 Atque folijs Lapatiam latissimis,  
 Porrosq;, uisum & quæ laceffunt Allia,  
 Cepamq; ferientem acri odore lumina,  
 Quamq; odit omnis sus Amaracum, & fugit,  
 Tanquam uenena tetra, crispam & Brasicam,  
 Qua nil ut ambrosia atque tincta nectare  
 Certè assolet uirere nobis dulcius,  
 Non uile olus Betam & Latinis, sed notam  
 Græcis, amaris atque fibris Intyba,  
 Longisq; Serpillum admodum radicibus,

Feruentem & Anesum, atque pergratum Herculi  
 Apium, minus Scyrrum atque nodosum, & Crocum  
 Rubentem, humillimam atque Casiam, Absynthia  
 Et tetra, quorum nos amaror tangere  
 Solet uidentes fortè misceri, Afrum item  
 Salubre, & Heliotropion simul, sua  
 Quod figit auctore in suo usque lumina  
 Volante curru per domos alti ætheris.

Referre quid pergam & Sinapim, & Tapsiam,  
 Et Carduos, & Ocimum, atque Capparem, &  
 Lactucam, & Asparagum asperis scapis, item  
 Maluas salubres corpori mortalium,  
 Siserq; & infinita, quæ hîc sunt, gramina, &  
 Herbas uirentes, quæ mala & depellere  
 Morbes solet mortalibus Pæon, quibus  
 Sanauit olim dura Ditis uulnera.

Iucundius hedera at nihil uidetur hîc  
 Accepta Iaccho, qua nouerca olim puer  
 Contectus iræ fluctuantis æscibus  
 Crudelis impiam eius euasit manum;  
 Thyrsos & ornat hac, quadrigas, & feras,  
 Quæ parietem Australem istius totum loci  
 Ramis tegit lambentibus prorsum omnia.

Et magna genitrix te Deorum, & te Venus,  
 Et Pallada, atque Apollinem colit hortulus:  
 Cum Pinu, Oliua, Myrtus, atque Laureæ,  
 Quæ terræ inertis uos dedistis munera,  
 Vobis uirent hoc in loco, quo non magè  
 Percussit ullus urbis huius me hortulus.



Vos ergo, & alio quæ laborantes prece  
 Audit uocata ter puellas, & adimit  
 Leto triformis Diua, & omnes cœlites,  
 Has si domos uidetis æqui & mœnia,  
 Lectissimis ò fratribus quæso & bonis,  
 Et Iulia uxori optimæ Hieronymi,  
 Et liberis fauete eorum dulcibus,  
 Fauete: morbos & pericla auertite  
 In ultimos, quæ monstra portendunt, Getas,  
 Et uestra seras haud colentes numina.  
 Bonaq; sospitate ciuitatem ope.  
 Meliora fata iam peractis iungite,  
 Insubrium rem semper in lustrum alterum  
 Meliusq; in æuum prorogate: & omnia  
 Nostra exitus uota ad bonos iam ducite, &  
 Pij s adeste, leto & illos surpите:  
 Et ferias præstate nobis non breues;  
 Sol almus ut, qui promit & celat diem  
 Curru igneo, qui idem atque nascitur alius,  
 Nil possit urbe maius ista uisere.  
 Huc audeat redire Pax; plenissimo &  
 Apparcat beata cornu Copia.  
 Hic sit quies, sit gaudium, & felicitas,  
 Sint carmina omni tempore & dulces ioci,  
 Sit dia uitæ dux uoluptas iugiter.

*Ad Ludovicum Madrucium Tridentinum.*

**C**V'm sit mihi infestissimus qui uenditet  
 Et sese, & artem musicam,  
 Est premium gratissimum tamen tuum,  
 Qui dixeris Laurentio,  
 Flores fuisse Spinulæ acceptos tibi,  
 Nos, à te inisse gratiam.  
 Optata enim mercedula hæc est, quam sequor,  
 Et nostra amat quam Pieris.  
 Irata Musa & Phœbus est quàm maximè  
 Vendentibus poëmata.  
 Oderè auarum cœlites: iubent sibi  
 Nos esse quàm simillimos,  
 Amare nos, & dona nobiscum sua  
 Communicare mutuò,  
 Vt lumini pes, ut pediꝑ lumina,  
 Aliaq; membra corporis.  
 Venalium sed ne poëtarum putes,  
 Vt Mutus est, me scrinia  
 Inepta compilasse, non addam tibi  
 Verbum amplius, præter uale.

*De M. Antonio Gritio Veneto, clariss. Aloysii fil.*

**A**Ntoniorum non ita eloquentiam  
 Laudesq; miror bellicas, quàm Gritij  
 Prudentiam, rectum, atque pulchritudinem:

*Vt*

Vt Roma gloriatur illis inclyta,  
Hoc sese alumno iactat ingens Adria.

## PRO CONCILIO TRIDENTINO.

**S**piritus alme polos, mare et implēs numine terrā,  
Iam fractas hominum res & miserate labores,  
Dum rabies & cæcus amor furit, horrida nobis  
Hostis & humani generis dum concitat arma,  
Concilio patrum faucas obsecro uocatus:  
Discordes animos illorum & dexter amorem  
Concilia arcanis tibi uocibus, incola mentis.

At uos ô patribus qui successistis eis, grex  
Queis ita charus erat Christi, ut, quàm deserere illū,  
Maluerint mortem fortes occumbere acerbam,  
Densus Hyperboreis en ponto uentus ab oris  
Incubuit, toto differt qui nubila cælo:  
En Notus abruptisq; salum turbatq; procellis  
Africus, & moles undarum ad sidera tollit.  
Aspicite eripiunt nubes cælumq; diemq;  
Ex oculis: puppi nox incubat atra timenti.  
En uastos Euri uolunt ad litora fluctus,  
Atque ruunt imis turbatum à sedibus æquor.  
Viribus utendum. consurgant ordine terno  
Remi. uos omnes moueat commune periculum;  
Ne in breuia & Syrtes pinus uergatur, arenæ  
Aggere & immenso cingatur protinus, omnes  
Aut pelagi insanis unà moriamur in undis.  
Quaq; gubernator magnus, quā rex uocat ipse

Cælicolūm

Cœlicolũ summus, facilem conuertite cursum.

Omnia ne euertat, patres, discordia demens;  
Scindatur uestrum studia in contraria nemo;  
Vnanimes Petri miseræ succurrite naui:  
Feruere ne instructo uideam Mauorte superbam  
Europen, sceleris uestigia at irrita Quarto  
Rege Pio cunctas soluant formidine gentes;  
Vt tandem Anguigerum, qui se cœlestibus æquat,  
Iustitiæq; uiam nobis commonstrat & æqui,  
Fulgere purpureo atque ardenti in lumine cernam.

Ad Carolum Vicecomitem, Episcopum  
Intemeliensem.

**F**ortè tuis, oriente die, discumbere mensis  
Ipse uidebar heri contrate, Carole, uersus  
Dulcisono hos superæ canerent cùm gutture mentes;  
Anguiger hoc hodie donatur munere præsul,  
Anguiger imperio quouis & munere dignus.

Sustulimus cuncti mirantes lumina, & escas  
Et uina obliti, cùm uidimus in caput istud  
Et tibi purpureis contextam floribus atque  
Auro cum baccis dimittier axe coronam,  
Ac Primum æterno grates egisse parenti.

Exposui uisum Mocenico: reddidit heros,  
Me uidisse tibi uerissima somnia, Olympi  
Constituisse Deos in sedibus ista beatis.

## De itinere suo Satyra.

**F**inibus egressum patrijs me Brixia diues  
 Moenibus excepit, Corraro præside Paulo,  
 Tulli ubi nobilibus numerosa uolumina ad annum  
 Exposui. Prosper sapiens, Hieronymus Hugo,  
 Atq; propinquus Eques Marius, Marcellus & ipse  
 Hugomeæ uitæ patres, Diniq; fuerunt:  
 Sordidus obliquis oculis ubi Mutius & me  
 Taygetus charta cimex læsere cacata.

Idibus Augusti miseros mihi at occupat artus  
 In Marij febris mox quartana ædibus amplis.  
 Accurrit seruus, meq; exuit, atque trementem  
 Collocat in lecto, multa & tegit illico ueste,  
 Pelleq; consequitur post frigora maximus æstus  
 Isq; calor, medijs ut in ignibus esse uiderer.  
 Sanctus Eques, casum lugens infontis amici,  
 Accersit medicos, febrem ut de corpore ducant.  
 Sanguine sed morbum hic, sine sanguine posse repelli  
 Ille inquit: febrem fore iudicat ille trimestrem,  
 Hic post quinque dies reualefcet Publius insit:  
 Hic ait, ille furens negat: & mentitur uterque.  
 Lampade me sexta & decima seruauit Apollo.

Me uocat interea Venetam Leonardus ad urbem.  
 Suadent ire Hugo, Prosper, Baitellus ad illum:  
 Discedo comites mihi Taxus, Porcius, Hugo,  
 Monsilicus, Guidoq; , & Cosmas; quem pia dulces  
 Fert profugum uatem natos Albana docere,

Qui dedit insipiens nobis risusq; iocosq;.

Lonatum his uenio, mox coena apponitur. ad me  
Guido & Monfilius, contraq; accumbit ineptus  
Grammaticus, Guido quem sic appellat; Amice,  
Quid te discruciat? mentis quò te arripit æstus?  
Non sibi comperio, dixit, constare Maronem.  
Sed mihi, quæ dicam, declares optime Publi.  
Incipe. Cum Iuno Troianos oderit, idem  
Principio libri ut narrat, cur deinde Creusam  
Verba uiro inducit fundentem talia flenti;  
Quid tantum insano iuuat indulgere labori?  
Non ipsa Argolicis seruatum matribus ibo.  
Sed me magna Deum genitrix his detinet oris:  
Iamq; uale, & nati serua communis amorem.  
Iuno Deum genitrix Theucris en consulit. Hec tu  
Dic abi Iunonem reperis matrem esse Deorum?  
Iam satis atque niuis, diræ & sat grandinis almæ  
Telluri misit pater, inquit Horatius, ergo  
Non sit coelicolum genitrix Saturnia? quando  
Est pater illorum coniux Saturnius. Hugo,  
Atque alij nequeunt mappa compescere risum.  
Secreta stridunt & diuisi aure susurri.  
Quid? ridetis? ait Cosmas tum percitus ira,  
Seruius interpres exponere nescit ista.  
Spinula dic fodes, nimium non ardua sunt hæc?  
Matrem Diuorum Cybelen dixere poetæ,  
Atque Iouem. mentiris Spinula, dixit  
Grammaticus. cubito monet istum proximus Hugo,  
Ut taceat tandem. furit ille magisq; magisq;.

Ebrius

Ebrius ut quondam Clitus; confurgit, initq;  
Hospitium properans aliud furiosus, & amens.

Venimus egregium Veronam luce sequenti  
Ad Dongellinum, nulli pietate secundum;  
Integer hic uitæ, sceleris purissimus omnes  
Vnus amatq; colitq; bonos, succurrit egenis,  
Pauperiem gratis medicatur, non sibi solum,  
Verum alijs etiam natus, patriæq; relictæ:  
Quem genus inuisum Dijs odit, ferrea & ætas  
Insequitur; superum tegit hunc sed cura Deorum.  
Atque erat humanus secum Fumanus, honores  
Pierios qui urbi tribuens, uatiq; Catullo,  
Aequiparat uatem cantuq; modisq; Catullum.  
Ad cuius uocem requiêrunt flumina cursus,  
Me spectante, secant quæ urbem puro amne decorâ,  
Dum comes illius sapiens Paduanus unâ  
Dixit Ioannes Lunæ, Solisq; labores.

Millia tum pransi duo repsiimus, atque beatæ  
Virginis alta simul submissi templa subimus;  
Virginis hîc uarios faciem mutare colores  
Persuadere cupit populusq; senexq; sacerdos:  
Hîc Hugo, credat uulgus, non ipse, cruenti  
Qui insidias hostis didici cognoscere, & artes.

Tendimus hinc turres, positas in finibus agri  
Vicentinorum. iam nox induxerat umbras  
Telluri, & cœlo diffuderat astra sereno.  
Hîc ipse ob panem lapidosum, ut Brixia format,  
Indico bellum uentri defessus auaro.  
A' cœna Hugo inquit; Porci, uesane sacerdos,



Pensa precum quando curasti soluere Diuis?  
 Regis ubi cantus Hebræi? ubi quæso libellus,  
 In quo disposuit Psalmos sacra concio uobis  
 Ordine Davidis? te CHRITVS plectet iniquū.  
 Quid? uos consultos euerteret, Porcius inquit,  
 Rex æquus Superūm; quoniam diuināq; iura,  
 Ac leges hominum rescindit uestra cupido.  
 Cæsaris à magni non latis legibus omnes  
 Summam ad auaritiam desciscitis iniustorum  
 Prorsus uenales interpretum in his etiam, quæ  
 Sunt eius castis penitus contraria uerbis?  
 Quam lubet iniustum, aut sit quod decernitis æquū,  
 Atque aduersetur decreto Cæsaris illud,  
 Maior sat uobis est conspiratio praua in  
 Iudicijs hominum uestris, queis cæcus habendi  
 Suasit amor cupidis sanctas euertere leges.  
 Vera sacerdotem conclamant cuncta locutum  
 Certatim Guido, consultus Monsilicusq;  
 Hugonem reprimunt & dicere multa parantem.  
 His cubitum missis iam, Taxus dixit; eamus.

Atque tuas arces manè hinc Vicentia inimus;  
 Sole altos Patavii peruenimus inde cadente  
 Ad fluuios, nautis differtos, hospitibusq;.  
 Ad mare Monsilicus rapier tot millia rhedis,  
 Mallemus pinuq; alii omnes: uincimus ipsi.  
 Tum nautis Taxus, Taxo conuitia nautæ  
 Ingerere. exhibo. decedas. ære minori  
 Conducam rhedas. istuc appelle. homines tot  
 Inseris o caudex? uecors. est iam satis obe.

Dumq;

Dumq; ligatur equa, & iurgatur, tota abit hora.,  
Postq; moram longam tandem discedimus istinc.  
Auertunt dulces nautarum carmina somnos,  
Atque uiatoris uoces, & rana palustris.

Oceanum interea surgens linquebat Eous,  
Cum nauta & fessus coepit dormire uiator:  
Quò nil procedit linter, clamamus, & amens  
Nauta uiatorem puerum mox increpat. ille  
Fuste fatigat equam. Auroraq; hinc exoriente  
Aduentamus eas sedes, quas incipit equor  
Alluere. exigiturq; æs. atque exponimur orto  
Demum iam Sole. ac cymbas ut iniuimus, urbem  
Adria innox falsis miram ostendit ab undis,  
Numina quam Diuum posuerunt magna potentum.

Nobilis hinc subito Leonardi testa uenimus,  
Aedibus exierat prima qui luce: disertus  
Pulcher & occurrit nobis Aloysius, atque,  
Dum pater adueniat, dulci nos detinet istic  
Sermone, his chartis modò quem subtexere non est.

Te Vincenti Equitem, peperit quem Brixia, uisi,  
Ingenium cuius celebrabo, & multa trophœa.  
Annum post decimum agnouì nonumq; sodalem  
Hic Constantinum dulcem, cognomine Cattum:  
Huic ora obstupui rugam fulcare senilem,  
Valde olim fueram quo adolescens usus ephêbo.  
O qui complexus, & gaudia quanta fuerunt.

Postera lux oritur multò latissima: namque  
Venimus Huraltum ad legatum denique regis  
Gallorum; quo me nec sit deuinctior alter,

Quo nec terra uirum tulit unquam candidiorem;  
Cuius uirtutes dicent mea carmina, & eius  
Regem, qui Francis condet pius aurea secla,  
Cum firmata uirum sapientem hunc fecerit ætas.

*Secularis carminis, cum aliis poematibus  
coniuncti, finis.*

P. Francisci Spinulæ

MEDIOLANENSIS


DE PORCIA

VICECOMITE,

Suaq; Delia,

Libri sex .

CVM PRIVILEGIO.



VENETIIS, Ex officina stelle Iordani Zileti.  
M D L X I I I.

*Iacobi Balamii , Romani , in Spinulæ  
elegos , distichon .*

*Hæc ego dum Romæ canerem numerosa , Reuixit  
Albius excellens , Albula flauus ait .*



HIERONYMO LUCIAGO  
nobilissimo ciui Brixiano

S. D.

*P. Franciscus Spinula Mediolanensis.*



Um Fabio Cufano,  
Mediolanensi ciue ui-  
roornatissimo, quoad  
uitam & spiritum du-  
xit, mihi fuit olim magna neces-  
situs & familiaritas. Qui me-  
cum sæpenumero cùm de Porciæ  
suæ incredibili fide communica-  
set, Barbonus meus, Henrico Gal-  
liam regente, mihi persuasit, ut  
eius amoris curriculum memoriæ  
proderem. Nunc uerò cùm  
acceperit Hieronymus Hugo-  
nius iuris utriusque peritissimus,  
me in præsentia opus editurum es-

se, mecum iam semel atque iterum egit per literas, ut tibi in primis hoc opus dicarem. Quare ego, cui tuæ humanitatis nitor, & sapientiæ splendor singulari cum liberalitate coniunctus lucet, eius petitioni assentiendum esse existimaui. Huc accedebat summa Alexandri patris tui, clarissimi viri integritas, quippe qui seculi sui ciueis uniuersos non modò iuris prudentia, uerum etiam iustitia omniq; uirtutis genere superauit. De quo quidem plurima Claudius Piscara tuus iuuenis elegans uidelicet & generosus, quæ à Mario patre suo audisset, mihi istic sæpe enarrans, Alexandrum filium tuum ingeniosum ad auum ipsius eundem imitandum adhor-




tabatur . Sed , quòd ad uolu-  
men hoc attinet , ne fortè me pu-  
tes nouam fabulam commentum  
fuisse , inducito animum cuncta  
hæc , quæ fabulosè explicamus ,  
non minus esse uera , quàm ea  
omnia , quæ de Lucretiæ Roma-  
næ pudicitia in T. Liuij Pataui-  
ni historia leguntur . Verùm ,  
quoniam artis Musicæ , ut sentit  
Aristoteles , neruus est fabula ,  
ita placuit in scribendo & mo-  
dum & ordinem priscorum poë-  
tarum sequi . At quanta sit for-  
tunæ uis & potentia , quæ uirtu-  
tem plerunque & uincit & oppri-  
mit , his in libris quinque licet ui-  
dere . Illud prætereà in ijsdem est  
consideratione dignissimum , ea-  
dem tempestate apud Insubreis

meos & huius puellæ amorem, &  
Francisci regis arma inauspicatos  
habuisse exitus . Hoc igitur mu-  
nusculum, quippe quod tibi largi  
ri placuit, ita uelim tibi sit & gra-  
tum & acceptum, ut eorum stu-  
diis, qui literis delectantur, quo-  
modo semper fecisti, fauere uidea-  
ris . Piscaræ & Hugonio salutem.  
Vale. Venetiis, Calend. Decemb.

CIO IO LXII.

P. FRANCISCI SPINVLÆ  
MEDIOLANENSIS  
ELEGORVM, DE PORCIA,

Liber primus.



Ad illustriss. & reuerendiss. D. D. Aloysium  
Estersem, Cardinalem ampliss.



INFESTIS alij te Phœ-  
be morentur in armis;  
Dent Musæ capiti mol-  
lia ferta meo,  
Qualis Callimacho uati  
fuit antè corona:  
Nostra Phileteïs ora ri-  
gentur aquis.

Non ego magnanimos Reges, non bella tubasq̃;  
At fidem inauditam uirginis ipse cano;  
Quæ tam fida uiro fuit, ut descenderit Orco,  
Plaga illum accipiens interiisse graui.  
Plectra ferens adsis Erato, faueasq̃; canenti  
Virtutem nymphæ, maxima Iuno, tuæ.  
Tuq̃; adeò, sapiens Aloysi cura Deorum,  
Sine mices inter lucida signa poli,

A iij

Siue

Siue procelloſi uenias DEVS æquoris ingens,  
 Ac tua nauta uagus numina ſola colat,  
 Cùm tua uentofum genitrix mirabitur æquor,  
 Et figet rapidas Delia noſtra feras,  
 Hanc comites inter numerabunt ſæcla Dianæ,  
 Acquoreas uiſet Nereis illa domos,  
 Quicquid eris, laudis quæro dum præmia, curſum  
 Da facilem, cœptis annue quæſo meis;  
 Vt, dum percurrunt Elegi miſerabile fatum,  
 Concordi ualeam dicere cuncta ſono.  
 Eſt opus hîc lacrimis, opus eſt hîc carmine triſti,  
 Lugubri numero, flebilibusq; modis.  
 Coxerat & ſegetes iam tertia Solibus æſtas,  
 Tertia iamq; acris præcipitarat hyems,  
 Cùm uirgo infelix Fabium non Porcia amantem,  
 Vrbe relegatum uiderat ægra ſuum.  
 Olim cœnobio muliebri incluſa, per hortos  
 Bacchatur miris tacta cupidinibus.  
 Non tunicas tenues gerit, exornat'ue capillos,  
 Non decorant paſſas florea ſerta comas;  
 Non cantus auium, non riui auertere curam,  
 Non uirides herbæ, lataq; prata ualent:  
 Non noua lux oriens grata eſt, nec ſidera noctis;  
 Luce cupit noctem, nocte cupitq; diem;  
 Illi & amara dies, & noctis amarior umbra eſt,  
 Et cuncta triſti tempora felle madent.  
 Iucundum nihil eſt miſeræ: nam ſola relicta.  
 Seu foret, ancillis ſeu comitata ſuis,  
 Ipſius è nigris oculis aqua nempe cadebat,

Flebat

Flebat & incomptis uestibus atque comis ;  
Seu sueretur tela , seu neret , iugiter albis  
Humida siccabat lumina uelleribus .  
Et quia abest , quod amat , dulce obuersatur ad aures  
Nomen ei , & præstò sunt simulaera uiri .  
Vota facit Diuis , queritur sua fata , uiroq̃  
Hæc loquitur fundens talia uerba suo :  
Heu , flos Insubrium , iuvene ò formosior omni ,  
Coniux , quo uiuo uiuere dulce mihi est ,  
Nostri iamne tuo lapsi sunt pectore uultus ?  
En ego treis hyemes te sine , uita , fui .  
Nec sine te possum , nec uiuere lux mea tecum ;  
Tecum iam Diui uiuere , dentq̃ mori .  
Quando erit , ut Belli portæ compagibus arctis  
Claudantur , Mauors intus & ore fremat ?  
Quando erit , ut redeas qui nunquam scribis , & ora  
Atque oculos uidcam sidera nostra tuos ?  
Aurea , dispereas ò Mars , qui secla fugasti ,  
Quiq̃ genus durum ferreus ipse moues .  
Quæ Bellona homines primò inuitauit ad arma  
Ista , fuit telo , digna perire suo .  
Per te non redeunt hæc priscum tempora in aurum ,  
Per te non Italis heu datur ulla quies .  
Quæ parit & bellum percat uesana cupido  
Regnandi , percat barbara progenies .  
Hispani pereant , & Galli , Germania & atrox ,  
Quòd uexant armis patria regna suis ,  
Qui requiem miseræ & uitam , qui gaudia , lucent ,  
Qui Fabij uultus eripuerunt mihi .

Optau quoties irata, furensq; periret

    Misso Germanus fulmine, Gallus, Iber &

Optau quoties, Niobes qui pignora fixit,

    Traijceret telo gentis utrunque ducem?

Vt mihi iam Fabij contingeret ora uidere,

    Eius & amplexu colloquioq; frui:

Vtq; iterum toto gens surgeret aurea mundo,

    Regeq; Saturno ferrea desineret.

Saturni auspicijs sic ocia mundus agebat,

    Hic foret ut leti non patefacta uia.

Non homo cœruleas pinu sulcauerat undas,

    Nec merce externa prefferat ille ratem:

Indomito nec frena momorderat ore caballus,

    Nec fuerant fesso colla perusta boui.

Nullus erat limes patris infixus agellis;

    Nec portam urbs habuit, nec domus ulla fores.

Vbera securis ouis ultro plena ferebat,

    Et duræ quercus roscida mella dabant.

Terra tumescebat nullo serpente, gemebat

    Nec circum rabies tristis ouile lupi.

Dux gregis inter oues somnum secure petisti,

    Hostem nec timuit sîma capella ferum.

Audierant nondum mortales tympana rauca,

    Audierant nondum corde tremente tubas.

Non acies, gladius, non horrida bella fuerunt,

    Non tam regnandi dira cupido fuit.

Nunc Ioue sub domino terras circumtonat omnes

    Et mare, quæ gaudet sanguine, uirgo furens.

Non pax arua colit, non ducit sub iuga tauros;

Non

Non alit ô uites , dulcis Iacche , tuas .  
 Non unæ succos condit , calcat'ue racemos ,  
 Non pede ueloci pinguiam musta premit .  
 Ecce dolum pauidis meditantur retia ceruis ,  
 Atque tibi pecudum grex lupus insidias .  
 Occupat in tenebris situs & cum uomere falcem ;  
 Infesta & durimilitis arma uigent .  
 Quid genitor cedit nato ? quid tempora mundo  
 Aurea & omnipotens inquinat ære pater ?  
 Aerea dehinc ferro quid durant secla reperto ?  
 Vsq; heu succedent deteriora malis ?  
 Felices homines , quibus illo tempore nasci  
 Contigit , optatis delicijsq; frui ,  
 Cum genus humanum dulces sequeretur amores ,  
 Diuitias temnens & diadema Ducum .  
 Illi grata quies ; odio discordia , pugna ,  
 Et bellatoris pila fuere DEI .  
 Tum paruis opibus quæuis contenta gerebat  
 Finitimis regio prælia nulla suis .  
 Aurea gens nôrat pueri solum aurea tela ,  
 Non fuerant cæco plumbea tela DEO ,  
 Qui prius indocto in terris se exercuit arcu ;  
 Sed nimium doctas nunc habet ille manus :  
 Nec pecudes tantum petit , at fixisse uirosq;  
 Gestit , & æternos perdomuisse Deos .  
 O' si me & Fabium genuissent talia secla ,  
 Non ego tot luces te sine , uita , forem .  
 Nunc etiam tumulo , uitæ quos tempore in omni  
 Coniunxisset Amor , iungeret urna duos .



Ferrea nunc ætas miseros distraxit amantes;

Nec tumultus nobis forsitan unus erit.

Quòd si illi reditum certo sub tegmine Parcae

Ruperunt, me ipsam tartara nigra manent.

At faciant Diui, sint uera insomnia, nobis

Quæ tulit afflictis optima nocte quies.

Adsit Superi, uerum ne auertite uisum,

Visa mihi in somnis exitus ipse probet.

Somnia mortales alios fallacia ludant,

Illorum & mentes falsa timere uelint.

Spem ueram efficiat noctis Lucina, uelitq;

Iam nobis Stygios consuluisse Deos,

Si nullos homines unquam temeraria, demens

Celandæ docui mystica sacra Bonæ,

Si nec sacrilegis patulas admouimus aures,

Durancq; in magnum soluimus ora Iouem.

Det DEVS, ut sint hæc uerissima somnia nobis,

Nec rapiat uehemens irrita uentus ea.

Nocte uidebaris mihi, lux, rediisse, meumq;

Solari gemitum dulcibus alloquiis.

Hei mihi, sed uereor, ne illudant somnia amantem;

Sæpe homini fiunt somnia uera tamen.

Dum cubat Alcyone, Ceycis nocte perempti

Fluctibus huic uisa est tristis imago uiri.

Cur exempla petam Graiûm? Franciscæ sequenti.

In somnis uidit cuncta futura dic:

Huic Gabriel coniux est uisus spinula nocte

Urgeri pilis undique ab hoste feris.

Irim si nobis etiam, Saturnia Iuno,

Misisti

Misisti ad Somni limina cæca domus,  
 Consulat ut miseris, ut sint insomnia uera,  
 Mi quæ hesternæ quies dulcia nocte tulit,  
 Ipsa colam, ut facio, in primis tua templâ, tibiq;  
 Augebo uotis sacra parata nouis:  
 Discutiam pura somnos primùm mihi lymphâ,  
 Tota hinc nocte focis inuigilabo tuis.  
 O' mihi conserua dulcem, Dea, quæso maritum.  
 Si uiuet, uiuam; si cadet ille, cadam.  
 Tu quoque si faucas timidis ô Cypria uotis,  
 Concidet ante aras hostia cæsa tuas;  
 Tresq; dies pueri dicent tua numina casti,  
 Naribus & duces plurima thura Venus.  
 Quando erit, ut cœlo iucundus luceat ignis  
 Hesperus, ac subeam limina, quæ cupio?  
 Quando erit, à teneris ut dicatur Hymenæus  
 Virginibus, sedes ingrediarq; Fabi?  
 Quod si fata negant, & ferrea pensa sororum,  
 Luridus in Stygias me uocat Orcus aquas.  
 Sed mihi quid uolui? quid ago? cuncti quod amantes,  
 Quæ prosunt, fugio; quæ nocuere, sequor.  
 Odi, qui properant medici me arcere ueterno.  
 Sum leti infelix ipsa ego causa mei.  
 Hancq; ferens iuuenis duros in corde dolores,  
 Non minus optat, amat, somniat intercâ.  
 Flentem ut Honoratus uerbis nec Spinula amicis  
 Solari ualeat, nec comes Hector eum;  
 Dum socij, Genua Insubres quos alta tenebat,  
 Vrbe relegatos, atria suspiciunt,

Dum mirantur opēs Leonardi patris, & aulam  
 Ingentem, Heroum miraq; facta patrum.  
 Nempe aula hæc priscis hominum uariata figuris,  
 Mira uirtutes indicat arte uirum.  
 Nanque inuictus Otho ille, & nostræ gentis origo,  
 Anguigeræq; tuas deserit Ister aquas.  
 Qualia nos gerimus dux hic quadrata per hostes  
 Horridaq; arma uolans nobile stemma gerit,  
 Qualia Germanus Clues insignia præfert  
 Dux hodie clypeo, qualia Gallus habet.  
 Atque hic Otho nostras tenuit magis inclytus oras,  
 Insubribus patrios posthabuitq; focos.  
 Nicoleos eius soboles & Belus in hostes  
 Italiæ seuos arma cruenta gerunt.  
 Belo ortus Ligurum saxosâs migrat in oras,  
 Spina ubi quadratis addita nempe fuit,  
 Primus & hinc Gaspar cognomine Spinula dictus.  
 Nostram urbem mauult frater habere Petrus.  
 Anguiger hos & Otho sequitur, spoliisq; superbus,  
 Hoste à barbarico rapta trophœa tenens.  
 Fundit Otho Antistes, Matthæus fratreq; natus  
 Præcipitem Napum, Turrigerosq; duces,  
 Dum parit ô gallis Magno cantantibus uxor  
 Te Galeati Heros fortis & armipotens.  
 Actius edificat Palatia, Episcopus & rex  
 Hinc patrum Ioannes ad patrem adire parat.  
 Pòst regit Insubres Pulcher Galeatius unâ  
 Cum germano, & ab his Itala regna timent:  
 Petrarcha excipitur uates Hetruscus ab illis,

Exul qui patriæ te cta redire cupit .  
Vincit Ioannes . socerum Galeatius , atque .  
Crudelem Marium , teq; Philippe creat :  
Huius Gallorum regi formosa locatur  
Nata . petunt Galli debita regna sibi .  
Sfortia Franciscus soceri diadema Philippi  
Astutè inuitis eripit Insubribus .  
Quem furor urit amorq; , extinguitur inclytos Heros  
Natus eo ; atque auctor perditor ipse necis .  
Inuidus ut sceptrum teneat cognomine Maurus ,  
Dat patruus iuueni tetra uenena bono .  
Magnanimus Gallus regi coniunctus Ibero  
Alphonsum euertit , Parthenopenq; capit .  
Præsulis hinc sapiens Petrus aule frater Othonem  
In parte extrema comminus alloquitur .  
Atque genus Petri patruelem Gaspara patrem  
Vberti Magnus accipit . egregius .  
Vberti natum Lucas & Gaspara fortis  
Alloquitur , qui te caste Philippe creat .  
Gignit Ioannem hic Marium , qui Cæsaris ingens  
Est genitor , Cæsar qui dedit Anguigerum ,  
Quem sacra Insubribus lugentibus infulatexit ,  
Quem patrio eripuit Roma superba solo .  
Cum duce Francisco loquitur dehinc Spinula , nato  
Deduxit nomen qui pius à Domino ;  
Antoni qui te generat pater infelicis  
Eius Ioannis , qui mihi dulcis auus :  
Edidit hic patrem Gabrielem . cætera dumq;  
Perlegerent oculis , euocat hos Fabius ;

Cum quibus ad portum lacrimans descendit: amicos  
Venisse Insuores nuncia fama refert.  
Atque, in cœnobio queritur dum Porcia, Iuno  
Extemplo uotis annuit ipsa suis.  
In patriam redeat Fabio permittitur urbem:  
Quò simul aduenit, illico adiuit eam.  
Que per cancellos, serua comitata fideli,  
Dum ueniens ipsum leta puella uidet,  
Ecquis hic est? dixit: teneas me, serua, cadentem;  
Mœror ut eximius, gaudia magna nocent.  
Non minus ipse uidens iuuenis turbatur. at illis  
Ut uox est tandem reddita, uterque sedet.  
Cancelli impediunt amplexum atque oscula: deslent,  
Coniungunt dexteras, fœdera prima nouant;  
Dantq; fidem sibi, & accipiunt, cùm Porcia iurat  
Nec se, quàm Fabio, nubere malle Ioui;  
Cùm Fabius, Partu dum non deludet arantes  
Falso ager, & fuero dum memor ipse mei,  
Dum mare turbabit nautis infestus Orion,  
Hic erit, ô uirgo, mutuus, inquit, amor.

Elegorum primi libri finis.

P. F R A N C

P. FRANCISCI SPINVLAE  
MEDIOLANENSIS

DE PORCIA,

LIBER II.



Hortē die ad Fabium festa se contu-  
lit Hector,

Et patriæ consors exiliij; sui.

Dum simul à cœna ciues spatian-  
tur, in horto

Buxifero Tonsi uatis uterq; sedet.

Cur tua dic obiit? Fabius rogat. Hector, Amicæ

Me sic Balbæ acer, dicit, edebat amor,

Sapius ut iuuenes illi in tunica esse putarem,

Me & puer in cunis læderet absque sono,

Læderet ut facies pueri & depicta puellæ,

Formosiq; homines, & simulacra Deum,

Læderet ut tangens dextra illam dulcis amica,

Atque illi figens oscula Paula soror.

Quin rebar falsum hanc sibi fingere saepe propinquū,

Basia ne deesset qui sibi iure daret.

Non ita dicebam demens, non Thaidos olim

Complebat uacuam Græcia tota domum,

Non sedem aut Phyrnes formosæ, aut Laidos ædes,

Quam referunt urbem composuisse suam.

Istis quid mauius oculos offendere nostros?

Mutanda est ratio Balba, modusq; tibi.

Si fleret, Timidus sum, addebam, ignosce timori,  
 Est securus iners; qui timet, ille sapit.  
 Ne quis amet nostros uereor, lux uitæq; , amores.  
 Ad multa his uentum est prælia principis.  
 Quid tibi deletæ his uitij tot funera Troiæ,  
 In socium & Thesæi pocula fracta canam?  
 Iucundum at miseræ nunc illi lumen ademptum,  
 Cui timor hic noster causa perire fuit.  
 Tu, quoties dixi sobrino illius ineptus?  
 Succis perde mihi pectora mortiferis;  
 Me, me perde fame, uel, si libet, ense cruento:  
 A' Balba tantum tolle te amice mea.  
 Quin rebus nostris admitto te omnibus unum,  
 Te socium uitæ & corporis esse licet:  
 Te, Birage, toro solum te deprecor unum.  
 Hector riualem non feret ipse Iouem.  
 Huic Fabius contrà, Me, dicit, candida cœpit.  
 Prima oculis miserum Porcia uirgo suis,  
 Ex quibus, ætherios cum uult exurere Diuos  
 Igne, Amor accedit lampadas ipse duas.  
 Illius ut fixi uultus in imagine, forma  
 Quæ uisa est superas equiparare Deas,  
 Oraui ut facerent oculos me numina totum:  
 Seruata erat & pueris hæc comitata tribus.  
 Quæslui à puero, Quæ porticus integit istam?  
 Et campo celeres quo mouet oro pedes?  
 Nobiscum uenias, inquit; sequor. officiosus  
 Extemplo & campos indicat, atque domum.  
 Tum tria, complebamq; decem annua tempora: lustris  
 Ipsa



Ipsa erat æqualis penè puella mihi.  
 Hic tibi quid referam diuinæ frontis honorem,  
 Candida membra eius, purpureasq; genas?  
 Non cedit Diuis, Phrygius quas ponere uidit  
 Idæis pexas uerticibus tunicas.  
 Præstabant cunctis illæ tum : secula nostra  
 At magè formosas nunc peperere Deas.  
 Pulchrior est oculis hæc nostra puellula Phœbi,  
 Ipsæ quàm Charites ; Grator una tribus.  
 Non alia in terris facies humana moratur,  
 Diuos quæ & possit urere, ut ista, Iouem.  
 Ischomache sicut Centauris grata rapina,  
 Componit ; sicut casta Minerua, latus.  
 Et, Iouis ut coniux, incedit maxima toto  
 Corpore : longa manus, totaq; fulua coma est.  
 Eius iucundis mira haud deest gratia uerbis ;  
 Omnia quæ Pallas, quæ Cytherea probat.  
 Atque illi donat sua carmina Phœbus Apollo,  
 Et docta Aonias Calliopea fides.  
 Sirenum uoces superat, quæ cantibus olim  
 Sisyphidæ illectas detinuere rates.  
 Personat & cithara, & genialia nablia uertit,  
 Cum uoce & digiti sæpe loquuntur ei.  
 In choreis omnem Cypriam mea Porcia sola  
 Saltando uincit mobilitate pedis,  
 Et manuum uincit gestu, seipsam quoque uincit,  
 Vertendo uincit saltibus organicis.  
 Lesbium & illa pedem seruando & pollicis ictum,  
 Vrit, dum saltat, dum canit, atque sedet ;

Vrit, ut incendunt rapida ipsa altaria flammæ,  
 Cum cadit æternis hostia casa Deis.  
 Scribere scit rectè, longis rationibus assenti  
 Assolet in partes ducere mille quater.  
 Sit quibus illa mea semper gratissima vita,  
 Ampla comes, si sit forma pudicitia,  
 Oraui, uotis atque annuit ipse Cupido;  
 Mutua nempe puer uincla parauit ei:  
 Nanque meis uotis respondit; digna marito.  
 Cum digno, ut licuit, tanta puella fuit.  
 Magni contulerunt tanta illi munera Diui;  
 Post Venerem hæc nobis forma secunda redit.  
 Gloria tu nostris tu sola es nata puellis;  
 Sola es cum summo digna cubare Ioue.  
 Non dabit humanos semper tibi uisere lectos  
 Hic, tua qui nobis inuidet ora, pater.  
 Ista salutanti arridens mihi sensit amorem;  
 Scripsi illi subito, scripsit & illa mihi.  
 Protinus incendit flammis utrumque Cupido,  
 Atque Venus menses urit acerba suas.  
 Arma DEI feriunt animos facientia amorem,  
 Aurea tela suos, aurea tela meos.  
 Plurima donauit nobis, monilia contra  
 Nos duo, odoratas misimus & manicas.  
 Ac, ne deprendi possent mea scripta parente,  
 Mox telam capse defuit illi suæ,  
 Imposuitq; notas tabulam duram inter, & ipsam  
 Telam, dehinc prudens ostia facta fuit.  
 Qualis flamma furit, si dulce infundat olium.

Seruus, ut extemplo cœna coquatur hero,  
 Creuit amor noster, simul est data copia fandi.  
 Vnum animum ex binis mox Erycina facit.  
 Datq; fidem mihi, doq; fidem illi mutui amoris  
 Perpetuò nobis fœdera sancta fore.  
 Per Venerent iurat, natiq; Cupidinis arcus,  
 Quàm mihi, nec magno nubere malle ioui.  
 Per Venerem iuro, natiq; Cupidinis arcus,  
 Quàm se, nec Cypriam ducere malle Deam.  
 Ambos una fides, aio, lux auferet una:  
 Cunctæ aliæ ualeant. tu mihi sola places.  
 Ingeniosus erat nostra tum pictor in urbe,  
 Doctoris doctor magne Figine tui;  
 Qui uultus hominum uiuos fingebat, Apelle  
 Non minor, & Nicia, maior & Antiphilo.  
 Hunc ego consensu dominæ rogo, ut exprimat eius  
 Vultus in fano, dum sacra manè colit.  
 Est locus in templo, Viridaria quod uocat urbis  
 Vulgus, ubi flamen sacrificare solet,  
 Non satis illustris locus; istic parte sinistra  
 In tenebris humilis fortè fenestra fuit.  
 Porcia ad hanc supplex orabat numina Diuûm:  
 Hinc nulli uisus pictor adornat opus.  
 Proximus ad dominam uiuacia lumina, frontem,  
 Et simulat uultus, effigiemq; Deæ.  
 Pictura crines flauos imitatur, & ora  
 Et nigros oculos, pectora, menta, genas.  
 Atque hinc cùm patria demigraremus ab urbe,  
 Tum diuinum opifex perficiebat opus.

Hanc grauis intercā patruus me accepit amare ;

Aduocat , & querit , hanc ne ego depeream .

Hanc ego depero , dixi : sis fautor amanti .

Increpat is , iungens aspera uerba minis .

Ast ego , Quid faciam ? respondi ; pectora cuius

Non minus assidue feruidus urit Amor ,

Quam Nilum , quē aiunt collectam Aesopide flammā

Vincere gurgitibus non ualuisse suis .

Conuenit ille furens genitricem Virginis , ista

Quae ignorabat adhuc , & mea dicta refert ,

Me scripsisse notas , torques donasse puellae ,

Et manicas : fleuit , ingemuitq; parens .

Vt saui Tigris , Venator pignora durus

Cum rapuit , furem persequiturq; uolans ,

Corripit ad natam sese . ostia Porcia claudit :

Pulsat , praclusas frangit & ira fores ,

Atque furens mox irrumpit , capsamq; repente

Natae aperit . lacrimat filia . mater ait ;

Sacrilega infans ? iam , iamq; infamis amare

Ipsa audes ? Vbi sunt munera missa tibi ?

Virgatus calatus custodit mollia lanæ

Vellera marmoreos ipsius ante pedes :

Mater & hunc irata euertit , nil uidet ima

In parte , ad capsam mox furiosa redit .

Qualis Luna rubet cantata , Aurora ue manē ,

Ora uiri informis cum cariosa fugit .

Erubuit talis subito , terramq; puella

Spectauit : genitrix , ut lea torua , furit ;

Inuentum arripuit torquem , capse atque fideli

Sub tela clausæ delituere notæ:

Celat odoratas manicas puluinus . aperta

Ex arca effundens omnia, mater ait :

Da mihi da manicas , scripta , & munuscula amanti

Missa tibi . nata hæc tristis habere negat .

Rusticus ut durus , qui tristitia prælia quærit

Vxori iratus , cedere cœpit eam ;

Nec parcit nexos furiata mente capillos

Carpereq; , & flauas dilaniare comas .

Quid tibi non cura est famæ iactura pudicæ ?

Quàm tota est de te rumor in urbe bonus .

Rumorem hunc nostras non credis ledere ad aures ?

Hæc nulla est , inquit , fabula pœna tibi ?

Sicq; meoperit indicio , & dat criminis illa

Alterius pœnas , stultitiæq; meæ .

Ac, ueluti rosa nocturnis agitata procellis ,

Et matutinis imbribus , atque Noto ,

Demittit caput effundens graue pondus, onusta

Rore , suum retinet flos tamen ipse decus ,

Sic ipsa illacrimans diuinæ frontis honorem

Non minuit , proprio Diua colore nitet .

Turgidulos uideas flentem demittere ocellos ,

Nec frangi uirēs , nos & amare magis ;

Vtq; magis flammæ incendunt flamina uenti ,

Vritur aduersis Porcia uirgo magis .

Porcia uirgo magis uexata hunc ardet amantem ,

Actemnit matris uerba , piliq; facit .

Quin iacturam etiam famæ , & grauium unius omnes

Assis rumores æstimat illa senum .

Qualis equus nitens contra sua fræna, uiroq;  
Sæpe reluctatur, fulminis itq; modo,  
Interdicta cupit domina, atque ardentius optat;  
Omnibus inuitis nos amat illa magis:  
Atque ait, Indicibus contingat maxima, quæ Io  
Custodi, & tibi quæ Tantale poena fuit.  
Supplicium hi grauius mihi dent, q̃ Nympha, sorore  
Cui de Iuturna lingua resecta Ioue est.  
Cœnobio hanc claudit mater, ne cernat ephebum:  
Ipsumq; hîc melius, commodiusq; uidet.  
Dum gemit & queritur lacrimans, ego non mihi  
Corrumpo matres illico muneribus. (desum,  
Dona precesq; mihi referarunt ostia clausa.  
Quid sit opus docet hîc ingeniosus Amor.  
Abdita ab hoc puero Danaë, conclusaq; turri  
Vndiquè multiplici cardine, tuta fuit &  
Hîc dominæ uultu saturantur lumina: consors  
Vnâ aderat lecti nigra catella sui,  
Cui tacitus, Félix ô terq;, quaterq; beata,  
Cui datur ad Venerem nocte cubare meam.  
Quid sit passa mihi, quid sit passura fideli  
( Si sit opus ) pro me, dulcis amica refert.  
Ipse precor diras patruo, matriq; puellæ,  
Eius qui tanti causa fuere mali.  
Non letum fugiam, dixi, lux & mea uita,  
Non letum fugiam morte subire tua.  
Vxor nulla sibi, nulla & me ducet amica;  
Cunctæ aliæ ualeant: tu mihi sola places.  
Sed uereor, Mauors ne nos disiungat amantes,



*Si quos iunxit Amor, diuidet ille tamen.  
Quis nos diducat? neque enim diducere amantes,  
Ut nos, inuitos numina magna queunt.  
Dicere plura uetant lacrimæ, dulcissima coniux.  
His dictis, postquam fleuimus ambo diu,  
Per cineres, inquam, iuro, perq; ossa parentis;  
Si fallo, cinis heusit grauis ille mihi,  
Per Venerem, pueriq; arcus, per sidera iuro;  
Si fata eripient te mihi, turtur ero.  
Acace me damnes, nec non mea pœna rotetur  
Inter aues Tityi, sîm sîne fine miser,  
Sisyphioq; geram lugubris saxa labore,  
Nos si unquam per me diuidet ullus homo.  
Te nunquam exitio nostro si nata theatra  
Corrumpent, mihi eris charior his oculis.  
Candida si qua sedet mulier non pectore tecto,  
Seu uirgo dulces incinit ore modos,  
Siue uagi formosa errent in fronte capilli,  
Hîc uulnus quærunt lumina nostra sibi?  
Quæ tua prima fides, talis si erit ultima, semper.  
Non potero ingenij non meminisse tui.  
Hæc licet accuset connubia dura senectus,  
Propositum nobis usque teramus iter.  
Non nostræ antiquis onerentur legibus aures;  
Cypria quas temnit, quas puer odit Amor.  
Per Veneremq; suam et Iunonem Porcia iurat,  
Quæ sola ante alias est sibi magna Deas;  
Perq; Deos omnes, si se petat ipse Deum rex,  
Quàm mihi, nec magno nubere malle Ioui.*

Discedo



Discedo lacrimans, lacrimantem linquo puellam:

Urbererelegamur à patriaq; breui.

Victore absumimus tres annos hoste, gementi

Sola ubi lux uisa est millia secla mihi.

Non te deperijt sic Delia pulchra Tibullus,

Non sic flet Caluus funera Quintilia,

Non sua sic Stygijs lauit qui uulnera lymphis,

Cum propriam Diuæ fletu amore necem,

Depereo ut Fabius pulcherrimalumina, compar,

Lumina formosæ sidera nostra Deæ.

Respexit Deus, ad patriam conuenimus urbem,

Vidimus & faciem Porcia uirgo tuam.

Sed mihi adhuc timco, mala ne discordia ab oris

Diuellat patrijs, à dominâq; mea.

Viuis adhuc ciuis male Horati, uiuis & Hermes,

Et nata exitio gens inimica meo.

Non est exilium graue, & ipsa pericula belli,

Non pugna grauis est militiâq; labor,

Sed graue mi tantum est hîc solam relinquere amante,

Hoc tantum absque mea uiuere luce graue est.

Quæ nulli pepigere uiri, haud pepigere parentes,

Quæ pepigit Iuno, quæ pepigitq; Venus,

Si desponsa suis firmet connubia flammis

Hesperus, huic soluam uota repente mea.

Quæ genero sua iura mihi cum dote dederunt

Cœlestes Diuæ, munera multa ferent.

Parce timere Fabi: nobis hæc tristia Diui

In melius uertent omina, compar ait.

Ellegorum de Porcia libri secundi finis.

12 22

P. FRANCISCI SPINVLÆ  
MEDIOLANENSIS.

DE PORCIA,

LIBER III.



INC Fabium inuitum contraria  
factio cogit

Diua iterum patrios linquere flen-  
te lares.

Tum Petrus ductor Gallorum ma-  
ximus ipse

Germanus Fabij Regis amicus erat,  
Regis Francisci, cuius laudesq; manebunt  
Regis, honosq;, colet dum iuga montis aper,  
Dum uchet Eridanus lymphas, dum robora syluæ,

Dum pinu æquoreas nauita arabit aquas,  
Magnæ dumq; cadent altis de montibus umbræ,  
Dumq; suas curret menstrua Luna uias.

Illius dicent feri nam facta nepotes,

Et ducent animos lucida in astra suos:  
Prælia laudabunt, iniustam eiusq; dolebunt  
Fortunam cœptis sæpe fuisse bonis.

Et natum Henricum Francisco, laudibus altum

Henriciq; genus secula cuncta ferent.  
Ad Martem huc ueniens Fabius tua castra cupido

Inuitus, lucem deseruitq; suam:  
Aegræ cui tristi turbato uulnere mentis

Formosum

Formosum stricto Mars petit ense caput.  
 Caesaris horribili dum stridet buccina cantu,  
 Bombisq; instantur cornua raucifonis,  
 Armatum fratrem in Martis certamina ducit  
 Petrus, & Hispanos ense ferire iubet.  
 Ut cœpere suis acies concurrere signis,  
 Ac ruere hinc Gallus fortis, Iberus & hinc;  
 Obrueret ut telis sese, miscereq; Martis  
 Ut furor aduersas cœpit utrinque manus,  
 Castra inimica ferox iuuenis contundit; at hostis  
 Ipsius leua tempora parte ferit.  
 Petrus adest, iuuenem seuo eripit hoste cadentem,  
 In turbata humeris castra reportat eum,  
 Commendat famulis; rediens ad prœlia in ipsum  
 Incidit auctorem uulneris, aggreditur,  
 Traiecit illius iugulum mucrone; animamq;  
 Cum multo moriens ille cruore uomit;  
 Retrorsum infelixq; ruit, ceciditq; supinus,  
 Atque hæsit selle sanguinolentus equi,  
 Post ruit in campum. concussa est pondere tellus;  
 Moxq; artus & dant arma cruenta sonum.  
 Gens sua stet cernens de tristi hunc ire caballo  
 Præcipitem in terram per caput atque pedes.  
 Dij Petri iuuerent manum. defecta repente  
 Cœruix illius sanguine lauit humum,  
 At fuit excellens Fabij plaga, illius ut sit  
 Desperata salus omnibus, atque sibi.  
 Castris effertur subito. huicq; silentia Drusus  
 Indixit medicus, strataq; dura dedit.

Atque

Atque uiro interea maturam sepe puellam  
A bona in urbe petunt mille parente proci:  
Quos omnes uideas illam contemnere, frænum  
Respuit ut tenero de grege captus equus.  
Despicit ad surdas quicquid sibi dicitur aures,  
Nec dubitat sponsi de grauitate sui.  
Sapius oranti genitrici nata, nec ipsum  
Præ Fabio, dixit, uelle tenere louem.  
Felix Hippolyte, galea quæ tempora texit  
Mollia, quæq; tulit fortibus arma uiris.  
Atque utinam nobis hodie sic castra paterent,  
Vt Fabianæ essem pars ego militiæ.  
Africus in glaciem uertit cum frigore lymphas,  
Tardaret ne me Gallica terra quidem.  
Quid? mihi si Fabium crudelia fata negabunt,  
Mox ueniam ad manes, ad Stygiosq; lacus.  
Quid uesana tuas sic torquet flamma medullas?  
Cypria non uotis annuit ipsa tuis.  
Ecce sinistra canit cornix tibi ab ilice dura;  
Quem petis, hunc Fabium non tibi fata dabunt.  
Non tibi fata dabunt tota producere uita,  
Quod cupis, hoc sanctæ fœdus amicitiae.  
Cur tot amatores contemnis, totq; maritos?  
Quis tibi quis flammæ sedulus addat aquam?  
Dum licet, infelix istam uirgo exue mentem;  
Dum licet, infelix heu miserere tui:  
Dum licet, insano quæras medicamen amoris;  
Dum licet, ô rebus consule Nympha tuis.  
Curanda hæc properè sunt, uulnera cæca: petit

Profuerit serò nil medicina tibi .  
 Verte aliò mentem , absterre & tibi pabula amoris .  
 Cur ea uis solùm , quæ tibi fata negant ?  
 Aut aliò debes animi traducere motus ,  
 Aut nulli omnino nubere uelle uiro .  
 Quid seris in pulchro spinosas pectore curas ?  
 Quid'ue aduersatur sic Erycina tibi ?  
 Quid geris indomitos insana in corde furores ?  
 Quid bona arenosum Porcia litus aras ?  
 Quid uirgo molire ? quid impendentia tentas  
 Consilio incassum rumpere fata tuo ?  
 Sed quid ago ? celeres quoniam quæ dicimus , amens  
 Atque insana , ferunt diripienda Noti .  
 His quoniam tardas monitis aduertis & aures ,  
 Hæc olim referes uerba dolore graui .  
 Nam tibi cùm feriet Cusani nuncius aures  
 Horribilis miseras , irrediuua cades .  
 Fama tenax falsi , quàm ueri , infecta canitq;  
 Factaq; , Cusanum disperijsse bonum .  
 Fœda uirum passim Diua hoc diffundit in ora  
 Paulatim ; coeli nocte uolat medio .  
 Hæc aurem ut pepulit crudelis nuncia amantis  
 Continuo miseræ deserit ossa calor :  
 Lana cadit manibus ( nam fortè puellula nebat )  
 Extemplo , ante oculos nox stetit alta suos .  
 Innitens selle pallet , moriturq; : supina  
 Sella retrorsum deficiente ruit .  
 Labuntur uestes , strophiumq; è corpore passim ,  
 Subtilis flauo uertice mitra cadit .

Aequabat

Aequabat quod opus decerpens dentibus albis ,  
Aridulo hæserunt lanca morsa labro .  
Accurrunt quæ aderant , collapsa & membra puellæ  
Suscipiunt celeres , quæ iacet exanimis ,  
Marmoreæ ad templum referunt cellæ , atq; reportant  
Hæc subitò stratis mollibus , atque tegunt .  
Dumq; aliæ miseram solantur , diluit eius  
Vultum frigenti seruula tristis aqua .  
Reddita paulatim lux est , tandemq; reuixit ,  
Attamen ipsa sui uix meminisse ualeat .  
Qualis , cum prima pelluntur luce tenebræ ,  
Aurora dubia est adueniente dies ,  
Finguntur species quedam , ægri ut somnia , uanæ  
A diua , & nescit uera ne prospiciat :  
Et dolet , & quidnam doleat , non percipit amens ;  
Tristitiæ & causam cogitat ipsa sue :  
Et stantem ancillam , matres & prospicit ægras ,  
Eue bacchantis saxeæ ut effigies .  
Cum redit ad sese , uulnus renouatur & angor ,  
Suspirat tantum sæpius , atque gemit .  
Curarum insanis amens ita fluctuat undis ,  
Augeat ut gemitus , augeat utq; malum .  
Atque diu lacrimas suspendit : fletibus ora  
Hinc tota , & uultus , atque cubile rigat .  
Seruarum nulla admittit solamina ; & omnes  
Infirma , ut taceant , admonet ægra manu .  
Seruula , quid fieret , genitrici rettulit ipsi :  
Mox uenit ad sacras exanimata domos :  
Cum nata lacrimat dulci , causasq; requirit



Incassum gemitus, muta puella silet.  
 Flent simul & famulae, flendo & ne transeat olim  
 In fontem, ut Biblis, aut Arethusa, timent.  
 Flauentes uirgo infelix abscissa capillos,  
 Percussa & pectus terq; quaterq; manu,  
 Luctibus indulget, tenuem laniat sibi uestem,  
 Duro purpureas & notat ungue genas.  
 Ut desperatam conspexit mœsta puellam,  
 Hanc ædes mater transtulit in patrias.  
 Muta fuit lucēs octo, atque insomnis abhorrens  
 Bacchi, tædiferæ muneribusq; Deæ.  
 Vixq; coacta sibi per inania guttura passa est  
 Demitti à serua, matre iubente, cibum.  
 Nox erat, & lecto mater demiserat artus  
 Cùm pernoctaret seruula sola uigil,  
 Et syluæ & saltus atque æquora seuæ quierant,  
 Cùm medium inciderent sidera lapsa mare,  
 Cùm latè omnis ager, cùm sordida rura tacerent  
 Et Regnum turres, atque taberna fabri,  
 Cum pecudes, iumenta bouum, pictæq; uolucres,  
 Quæ passim & dumis aspera rura tenent,  
 Quæq; lacus liquidos, curas oblita laborum  
 Cordaq; lenirent, pressa sopore graui.  
 At non infelix animi, non Porcia dulces  
 Soluitur in somnos exanimata malis.  
 Ancilla exierat, cùm longa silentia tandem  
 Hoc tristi rupit mœsta puella sono;  
 (Huic dedit ancillam sermoni Fors bona testem,  
 Audijt hæc astans comminus ante fores;)

Nunc



Nunc igitur coniux non est dulcissimus usquam :

Nunc igitur Fabius nullibi , dulcis amans :

Vnde mihi miserae tam sortem , tamq; fidelem :

Sed minus in uotis uir , neque uita mihi .

Crudeles Diui . quid tartara nigra uidere ,

O' uirgo infelix , quid ue morare mori ?

A' latere his dictis petitur mox spiritus imo :

Huicq; addit lacrimans ; Occidit heu mea lux ;

Occidit heu mea lux : quid adhuc o Porcia uiuis ?

Quid ue ingrata trahunt & tibi fila Deae ?

Atropos o ( si qua est pietas ) inuisa resolu

Stamina Diua precor dura , resolu mihi .

Iam mortis poenas mors altera finiat oro .

Luce mea perij dispereunte semel ;

Nunc iterum liceat crudelem abrumpere uitam .

Hora sit heu tantis ultima nulla malis :

Iam mihi concedas Cusani coniugis Umbræ

Expectata oculis ora uidere meis .

Qui mihi Pygmalion mucrone occidit amantem ,

Ense illo miseram me quoque traiciat :

Vt possim infelix Dido altera abire Sichæi

Coniugis ad manes , Elysiisq; frui .

Ni facit hoc , mea consciscet mihi dextera certè

Mortem , sicq; Vmbra protinus Umbra sequar .

Vel seuios angues manibus tractabo , feriq;

Corpore serpentis tetra uenena bibam ;

Vt fortis regina , nouo priuata triumpho

Nollens deduci non humilis mulier ,

Vel pius o nostri si quis DEVS ultor amoris ,

Hunc durum telis uindictet ille suis.  
 Has quaeso inferias Fabij det protinus umbris  
 Diuus, quem nobis consuluisse iuuat;  
 Aures, huicq; manus crudeli uulnere cadat,  
 Effodiat gladio lumen utrunque suo.  
 Qui lucem extinxit, uitamq; & spem mihi, per quē  
 Rursum, quæ perij, sum peritura breui,  
 Ut Bellisarius, Cæsar cui lumina quondam  
 Eruit ingratus, non sua iura tenens,  
 Ut duo Phincide, plectatur nocte peremi:  
 Huic premat assiduus tristia corda dolor.  
 Nostri in perniciem generis delecta ab Olympo,  
 Hunc Ate studeat funditus eruerē,  
 Hunc Diui exagitent; & sit tonsoribus unus  
 Et lusus lippis omnibus atque iocus;  
 Fabula sit uulgi, mendicet tempore in omni;  
 Atque uicem doleat nullus in orbe suam:  
 Ut sua (si coniux illi) discrimina tanta  
 Cum natis subeat, quanta misella fero.  
 Hunc pater omnipotens occidas; huncq; caduco  
 Hunc iracundo fulmine sustuleris.  
 Villacum ut subito terræ urbs est obruta motu,  
 Hunc humus & natos obruat atque domum.  
 Atque ubi torquentur fontes, ad tartara nigra  
 Descendat, campis exul ab Elysiis.  
 Solius in pœnas furie tres, Aeacus unâ  
 Incumbat: uersent hîc sua membra rotæ.  
 Sisyphus & saxum uoluendum huic atque petendum  
 Deferat: hunc meritum deprimat atra silex,

Non Lapithas feriat: Tytius non uiscera, leuum  
At iecur istius uulturis ora petant.  
Denique quicquid habent poenarum tartara, solus  
Hic habeat; præ alijs sit sine fine miser.  
Ac luctu æterno tabescat iugiter oro,  
Torrescatq; auidis ignibus impositus.  
Non mihi morte prius languescent lumina flenti,  
Non mihi secedet corpore sensus ab hoc,  
Quam iustam à Superis exposcam perdita mulctam,  
Quam lasso extremam comprecer ore fidem.  
Iam superi tædet cœli conuexa tueri;  
Iam precor heu mortem; iam satis ipsa fui.  
Hei mihi spes aluit postquam me uana, sorores  
Postquam traxistis ferrea pensa Deæ,  
Aduocat hinc nigras miseram Proserpina sedes.  
Vel Fabij occurret nobilis Umbra mihi.  
Porcia, quid lacrimas? quid fles hæc tristia fata?  
Porcia, quid cessas, quid dubitas ue mori?  
Alma DEI coniux, miseram iam respice amantem:  
Alma DEI coniux, iam miserere mei.  
Iam mihi tu pro me cœlestia numina placa;  
Iam mihi tu iratum, Diua, precare Iouem.  
Iam mihi iam leto fini mala; & eripe lucem  
Inuisam ancillæ, Iuno benigna, tuæ.  
Non licet extincto Fabio producere uitam;  
Non licet hic sine te uiuere uita, diu.  
Hæc misero tantos rumpebat pectore questus,  
Cum Iuno uotis annuit ipsa suis.

His exauditis subito à prudente ministra  
 Mittitur ad Fabium charta notata uirum ;  
 Ut sciat , an spiret , pro quo sic Porcia languet ,  
 Vel , fama ut loquitur , sit tumultus humo .  
 Littera missa duci germano redditur ; ille  
 Respondet sapiens , officiosus ei ,  
 Esse leuem capitis plagam , ualuisseq; penè ,  
 Hunc breui patria tempore in urbe fore .  
 Atque petens Fabium dixit , Nihil ipse loquaris ;  
 De casu genitrix audit ægra tuo .  
 Scripta tibi misit . respondi protinus : ista  
 Nunc subscribe tuum nomen & ipse manu .  
 Subscripsit Fabius . defertur epistola . chari  
 Agnouit Fabij Porcia uirgo manum ,  
 Atque , Mali minus est , ait ; at iam nox mihi longa  
 Ecce uenit miseræ , nec reditura dies .  
 Intus habent cæcum & corda immedicabile uulnus ;  
 Ut cernam infernæ tristia uela ratis ,  
 Ut niger heu Stygia sedeat sub arundine remex .  
 Tartara cognoscam , Cineriosq; lacus .  
 En quò duxit Amor miseram , uirtusq; , fidesq; ;  
 Pro luce alterius perdidit ipsa suam .  
 Tristia quid sequitur Thysbes hæc fata , mariti  
 Illam nam ferrum traiecit , hancq; dolor .  
 Non illa expauit durum muliebriter enssem ,  
 Non hæc extimuit tela Cupido tua .  
 Vos ô Pierides diuæ , aspirate canenti :  
 Funus uti mœstum uirginis expediam .

Quis tantam ualeat pietatem æquare canendo?  
 Et fidem inauditam quis recitare queat?  
 Omnia uos solæ meministis, & illa potestis  
 Dicere Theſpiades, & memorare mihi.

Elegorum de Porcia libri tertii finis.

P. FRANCISCI SPINVLAE  
 MEDIOLANENSIS

DE PORCIA,

LIBER IIII.



V'm regina Deum effœtam conspe-  
 xit amantem,  
 Atria supremi coniugis alta petit,  
 Lugubrisq; uiro, Quid tanta po-  
 tentia belli?

Quid Latium Hispani perdidit avaritia?  
 Quid Celtæ hoc uastat regnandi immensa cupido?  
 Quid Germana phalanx, inquit, utrique fauet?  
 Nonne fuit satis Hesperiae quondam arua suorum  
 Vim sensisse acrem Caesaris & generi?  
 Atque suo infestis undasse hanc sanguine Gotthi?  
 Quorum iras & nunc Itala regna timent.  
 Non solùm populos statuit, sed perdere dulces  
 Ausoniae musas inuidiosa manus.  
 Dum studuit prorsus Romanum extinguere nomen,

Ac genus, heu uates ignibus illa dedit,  
 Et linguae auctores. Pataunohinc plurima desunt,  
 Multa tibi Cicero, multaq; Varro tibi.  
 Et Næui cuncta, & Lucci scripta disert  
 Euitare ignes non ualuere feros,  
 Cum miserae infantes extinxit matris in aluo  
 Atque (nefas) matrem barbara progenies.  
 Non flammam euasit Romana urbs, impia cum gens  
 Mutaret terris arua Latina nouis.  
 Et Mediolani muris insensus aratrum  
 Hostile impressit Rex ferus ille furens.  
 Hinc mala quanta precor sunt horrida bella secuta?  
 Qualis quæ inuasit Gnostra regna lues,  
 Talis ubi in magnæ dominata est mœnibus urbis,  
 Insuæbre adeo pestis adorta modò est,  
 Millia plus decies ut bis septena cadentum  
 Fœda hominum pateat iam perijsse lue.  
 Inq; ministerium percussis non homo uiuus,  
 Non locus in tumultos sufficebat eis.  
 Non ne peregrini sunt urbe silentia passini  
 Tota admirati, gramineosq; toros?  
 Exhaust penitus uesana hæc mœnia pestis,  
 Crudelis ferri quæ uiduarat amor.  
 Desertasq; domos, deserta & prædia uidi,  
 Atque ca tum, miseram quæ minuisse piget.  
 Ecquid adhuc iuuat heu strages hæc tanta Latinae  
 Gentis, cui per te non datur ulla quies?  
 Quid iuuat orbare heu natos, orbare parentes,  
 Atque maritales dissociare toros.

Hesperias

Hesperias quid tam crudeli angore puellas  
Atque uiros , coniux magne , necare : iuuat ?  
Tantum ecce bonis sunt præmia nulla laborum ,  
Pœna comes dirum nec premit ulla nefas .  
En genus Ausonium gemit , omnis lacrimat ætas ,  
Hesperia matres , Hesperiaeq; nurus .  
En pia quid patitur mihi grata ancilla marito  
Percusso : hanc tantis eripe quæso malis ,  
Eripe quæso malis : Veneris torretur abeno  
Corrupta hæc sæuo , quæ mea templa colit .  
Qui sacro Hippolytum duxit medicamine ab Orci  
Faucibus extinctum , Sole parente satus ,  
Hunc mittas , qui ambos curet : letale furentis  
Vir belli ualvus , Porcia , Amoris habet .  
Phœbigena ambobus caueat : uel missus Apollo  
His tandem medicas applicet ille manus .  
Ne macies penitus pallentes occupet artus ,  
Ne notet informis squallida membra color .  
Quod iam cunque mali est utriq; , id iâ precor amnis ,  
Iam precor & rapiat uentus , & unda maris .  
Quòd si fata uetant ancillam uiuere , coniux ,  
Perpetua in cœlo Nympha sit illa mihi .  
Iuppiter huic contrà , Tandem dulcissima coniux  
Desine tandem , inquit , fata Latina queri .  
Numinis æterni non inclementia transit ,  
Et mea non iustum præterit ira modum .  
Sic meruere patrum scelera : en genus omne superbū  
Italiae temnit numina magna Deūm .  
Cerne , meis ut sunt uenalia sacra ministris ,



Per quos innocuo sanguine inundat humus.  
Quid? non Infubrium patru duci's impia dextra  
Hæredi regni tetra uenena dedit?  
Non sceptrum eripuit? cœlesti numine inulta  
Tanta hominis rabies prætereunda fuit?  
Adde, quod omnis homo, pauper, ditissimus, audet  
Principis iniusti talia facta sequi.  
Credentes alij mortalia temnere Diuos  
Gens fieri hîc casu ferrea cuncta putat.  
Fingentes alii regem Deum inania uerba,  
Tantum pro Diuis se uoluere coli.  
Nam sine re DEVS est nomen, frustra; timetur,  
Et nos stulta, aiunt, credulitate mouet.  
Immemores sperant Superos fandi, atque nefandi:  
Nec Iouis irati fulmina missa timent.  
Hinc, quondam ut Phrygiæ temnentes fata colonos  
Leto Græcorum sæua per arma dedi,  
Sic placet armiferi nunc totam euertere Iberi  
Francorum & regis uiribus Ausoniam.  
Illas si Gotthi plagas meminisset, & ista  
Vitaret demens impia facta patrum,  
Gens fera si Diuum seruaret iussa potentum,  
Non daret has pœnas suppliciumq; graue,  
Nec, uentura breui quæ sunt, grauiora nocerent.  
Sentiet almi iras Roma superba Iouis.  
Saxoniam ecce nouum docet ipsam dogma magister,  
Romanæ imminuens relligionis opes.  
Germani illius suasu, Galli, atque Britanni  
Pontifices testant, urbis & imperium.

Atque

Atque armata phalanx Romam uastabit, & alti  
Tybridis urbanos obruet unda lares.  
Reliquias Diuū uentis & Sole carentes,  
Et disturbabit barbarus ossa ferox.  
Annonæ hinc caritas perdet sic Itala regna,  
Vt uel nobilitas sit peritura fame.  
Qui genus inuisum quondam mortale sub undis  
Occidi, cū ingens omnia pontus erat,  
Non modò præcipuos in fontes arma trifulca,  
Vulcani mihi sunt quæ fabricata manu,  
Mens fuit iniicere, infesti olim qualia sensit  
Hippomoi soboles, Aeolideq; caput;  
Ast etiam flammis oras fatalibus omnes,  
Hoc quæ cœlicolū nūmen inane putant,  
Vrere continuò uolui; sed fata sororum  
Longa dies paucos me remorantur adhuc.  
Phœbigena, aut magnus tamen iis mittetur Apollo,  
Qui curet forti uulnera facta uiro.  
Quæ dominæ fecit Veneris puer ipse, Deorum  
Non sanare ullus uulnera acerba ualet.  
Illam fata breui mandant pòst tempore obire  
Mortem, aliquot Soles Elysioq; frui:  
Hinc tibi sit, Iuno, præstanti corpore Nympha,  
Est quæ diuinis apta ministeriis.  
Dixit, & uxorem complectens Iuppiter almus  
Huic dat per longas oscula pressa moras:  
Imperat hinc Phœbo, Cottæ ut formam induat oris,  
Francorum magni qui Ducis est medicus.  
Petro hic notus erat castra ergo Gallica mannis  
Impositus

Impositus uenit hospitiumq; uiri.  
 Excipit hunc hilaris Petrus : cui Delius inquit,  
 Cottæ huc permissu Regis adire placet;  
 Ut cum miles init sæui certamina belli,  
 Ac Maiores dubias miscet utrinque manus,  
 Si quem fortè meum perstringat uulnere acerbo,  
 Huic subito occurram sedulus arte mea.  
 Petrus ait, Mi Cotta, DEVS si hæc castra petisset,  
 Non esset nobis gratus Apollo magis.  
 Subuenias fratri obsecro, quem perculit hostis;  
 Letale ipsius tempora uulnus habent.  
 Huic medecare precor supplex; faciasq; repente,  
 Buxcus à mœsto corpore pallor eat.  
 Non minùs arte uales hac, quàm qui maxima Ditis  
 Curauit ualido uulnera facta Deo.  
 Quid ualeat radix, Epidaurius atque Machaon  
 Non nouere, inquit Phœbus, ut ipse; ueni,  
 Iam iam adeamus eum. hic est certè doctior almo  
 Phœbigena: fratris sit tibi certa salus.  
 Quem iactatorem Petrus non senserat unquam,  
 Cottam miratur talia uerba loqui.  
 Delius es Cotta secum inquit; qui omnibus audes  
 Te præferre illis, quos genuere DEI?  
 Quenam digna ferestanto promissor hiatu?  
 Arte bonus non te Curtius æquiparat?  
 Te nimis ô iactas. Pariter uenere gementis  
 Cusani ad lectum. dixit Apollo, gemis?  
 Sit tibi certa salus. ualeat quid Cotta, uidebis.  
 Tu modò non iuuenis, sed moriëre senex.

Nanque

Nanque nigros cani lædent tibi ( crede ) capillos ,  
Et ueniet curuo tarda senectæ pede .  
Ac dulces etiam natos generabis : habebis  
Fundum , quem Lamber cingit , & Eridanus ,  
Francisci aspicias Regis qui funera . fata  
Quàm Petro fratri sunt meliora tibi .  
Respirat iuuenis ; mens illiq; augurat , olim ,  
Quæ loquitur uates , omnia uera fore .  
Applicat huic medicâ manû Apollo , quem putat esse  
Cottam : illi uulnus diluit Ambrosia .  
Reddidit hæc mentem iuueni : miratur odorem  
Diuinum Fabius , conualuitq; breui .  
At sua regna uidens minui , iam stamina amantis  
Confractura manu , tertia Parca dolet .  
Se DEVS ad regem hinc uelle almus dixit abire ;  
Sed prius hæc Fabio Cynthia ipse refert ;  
Artis Cusane auctori fac plura quotannis ,  
Qui tua curauit uulnera , sacra feras .  
Nam nisi curasset letale hoc uulnus Apollo ,  
Cotta quidem medica nil ualuisset ope .  
His euangescit dictis . sensere sonantem  
Franci arcû & pharetram . Phœbe saluber abis ?  
Phœbe , ut Atlantiades & Iuppiter , inquit & ille ,  
Dignati Baucis tecta subire uiri ,  
Phœbe quid ignotus miseris mortalibus esse  
Nobiscum optasti ? Phœbe saluber abis ?  
Per te Cusanus uiuit . tua templa quotannis  
Visam , carminibuste celebrabo nouis ,  
Cum terra centum procurrunt undique currus ,  
Cumq;

Cumq; ferunt ciues annua sacra tibi.  
Si spiro & ualeo, per te unum maxime Agyeu  
Spiro. tua hæc omni tempore dona canam.  
Nam tua penè miser furua ô Proserpina regna  
Vidimus; at nobis uiuere Apollo dedit.  
Hinc Fabius positus cum secessisset ab armis,  
Vrbem & uenisset magne Quirine tuam;  
Ipse decus regum Franciscus transit ad nos,  
Insubrium repetens sceptrâ negata sibi;  
Et Mediolanum cepit, sua iura secutus,  
Deinde ad Ticinum castra superba uocat.  
Cum nec adhuc ullo potuisset claudere uallo  
Castra, locata minus commodiore loco,  
Dispersas acies Hispanus nocte silenti  
Inuadit subito, rex capiturq; potens,  
Extincto dum pugnat equo pedes inter Iberos  
Magnanimus, fortes dum ferit ense duces;  
Vix sese credit deuictum, aciesq; fugatas  
Et fusus Regem deseruisse suum.  
Tertia tum Lunæ complent se cornua, amaram  
Cum uitam in lecto Porcia mœsta trahit,  
De reditu chari penitus desperat amanti,  
Hinc recrudescunt uulnera acerba magis.  
Si quid erit nerui & uirtutis, nuncium ad istum  
Interit; atque genis excidit omnis honos.  
Deficiunt uires paulatim; pabula temnit,  
Ipsa sibi sentit tristia corda mori.  
Atque huic Persephone nigram ut denunciât horam,  
Aduocat ancillam: Lucia amica ueni,

( Illi erat hoc nomen ) puluinum protinus adfer,

Prima in quo mihi sunt munera amantis, ait.

Hoc mihi solamenq; mali unum, & sola uoluptas;

Cetera sunt fati omnia uersa meis.

Donum dulce uiri, dum fata, DEVSq; sinebant.

Quæ uixi, iam me fata fuisse uolunt.

Attulit ancilla. hinc manicas ut promat olentes

Dona Arabum mandat. iussa puella facit.

Desuit extemplo puluinum, atque eripit illas;

Dat dominæ. heu, dixit Porcia uirgo gemens,

Aspera quid nimium lucem mihi numina, & ipsum

( Quod grauius ) nobis eripuerunt uirum?

Est ereptus amans, & uita heu; iam mihi non hæc

Eripies uotis Sors inimica meis.

Hæc uel erunt mecum (manibus niueum illa premebat

Ad pectus geminis) munera prima uiri.

Hæc uel erunt mecum dulcis munuscula amantis;

Quæ mihi, te inuita, tristia fata leuant.

Hæc solatiolum nostri tu fida doloris

O' tumulo mecum Lucia conde meo.

( Astans serua gemit ) leuis huic si, ut scribitur, esset

Plaga, manu propria scriberet ille mihi.

Subscripsit tantum. heu morior. quid, Lucia, amanti

Hunc, mea qui lux est, non datur esse mihi?

Non datur esse mihi? crudelia fata, uirum quæ

Heu nobis alio, Lucia, in orbe tenent;

Vnde quod huic redditum certo subtegmine rumpunt,

Me uiua, Parca, huc protinus umbra petam.

Ancilla interea uelle & se aiebat obire

Vnâ ; cui moriens Porcia uirgo refert ;  
 Lucia , uiue mei nunc obsecro testis amoris ,  
 Ut Fabio hæc possis cuncta referre meo ,  
 Quàm fida huic fuerim , quàm constans hæctenus ,  
 Me semper luci præposuisse meæ ,  
 Meq; & amaturum usque illum post funera , nobis  
 Si in campo Elysio numen amare dabit :  
 Atque meos manes ne lædat dicito , pulchrum  
 Nec caput infuso puluere fœdet amans ,  
 Nec lædat uultus diuos , pectusq; decoram ,  
 Me tantum assidue somniet , optet , amet .  
 Crudeles Superi . seu a ô Saturnia , surda  
 Quid cecidere cheutot mea uota tibi  
 Talibus hinc dictis est uisa quiescere , sed mox  
 Deficiens media nocte puella perit .  
 Scruarum it tristis confestim clamor ad auras ,  
 Quem Diuæ ipsa parens audiit exanimis .  
 Territa per medias ruit , & sua pectora pugnis  
 Fœdans , & lædens unguibus ora feris :  
 Atque suo natam morientem nomine clamat .  
 Hancq; uidens cæpit dilaniare comas ,  
 Dicere seq; feram , durisq; à montibus ortam ,  
 Sæuitiaq; acres exuperare feras ,  
 Se genuisse piam natam , extinxisseq; , causam  
 Huic uitæ & mortis seq; fuisse canens .  
 Nox erat , & Romæ iuuenis cum fortè cubaret  
 Cum socio , Nymphe huc spiritus ipse uolat .  
 Ostia clausa aperit . sentit Cusanus euntem :  
 Non uires in eum somnus habebat ; ait ,

Ecquis



Ecquis es ? illa sono tenui respondit, Amica.

Vox hæsit iuueni faucibus ; obstupuit.

Territus esse quidem uoces agnouit amicas,

Diuinare tamen non ualet attonitus.

Quin socius sentit cubito experrectus & ipse.

Accedens proprius mœsta puella uenit.

Atque tori Fabius qua parte cubabat, utraque

Strata prius palma deprimit, inde sedet.

Suspirat tantum, prout fessa; cubile premendo

Paulò post manibus, surgit amica gemens.

Decedensq; Vale, dixit, uale: & ostia claudens

Ad campum Elysium protinus inde uolat.

Elegorum de Porcia libri quarti finis.

P. FRANCISCI SPINVLÆ

MEDIOLANENSIS,

DE PORCIA,

LIBER V.



Tque nigris mundum cum nox  
emensa quadrigis (tañ,

Cœruleo effusas tingeret amne ro-  
Porcia, uel genitrix, uel Petrus  
frater obiuit,

Cusanus, periit de tribus unus, ait:

Charius his nihil est homini: qui manē notauit

Horam,

Horam, qua monstrum senferat, atque diem;  
 Atque hinc cognouit paruo post tempore Nymphæ  
 Hora illa misero disperiisse sibi.

Quis lacrimas Cusani & luctum narret & amicam  
 Et flet adhuc uiduus, flebit & usque suam:

Ter denos annos loca solais, turtur ut æger,  
 Solus habet, dominæ funera acerba gemens,  
 Porcia Virgo iacet. hanc Nymphæ, hæc plangite Fau  
 Cornigeri, extincta plange Cupido face. (ni,

In Diuæ miserum nostræ diuertite funus  
 Heu mecum Veneres, Thespiadesq; piæ.

Afferte exequias Charites, Dryadesq; puellæ  
 Afferte, & uobis ora rigentur aquis,

Vngue notate genas rigido, mecumq; dolentes  
 Lugete, & sanctas dilaniate comas,

Dilaniate comas, formosæ & flete puellæ,  
 Tuq; bonæ in primis serua fidelis heræ:

Quæ moriens, cum tu lacrimosæ flebilis ipst  
 Dicebas sine hera uiuere nolle tua,

Viuere te iussit, iussit te uiuere, amoris  
 Et testem fidei, tristitiæq; suæ.

Tu Pade sancte meam lucem, non funera prisca  
 Germani extincti, populus ista gemat.

Ipse uicem illius dolcas ô flumen, & istic  
 Omnis auis tecum quæ loca sola colit,

Terrarum in dominos quidnam peccauimus oro,  
 Quod nobis superi tam nocuere DEI?

Soluimus in magnos non ora unquam impia Diuos,  
 Non cineres unquam minximus in patrios.

O' ego,

O' ego, ne dominæ sentirem funus acerbum,  
Quàm mallet æquoreis fluctibus esse lapis;  
Quem maris irati rabies, quem tunderet unda,  
Quem peterent alti fulmina missa Iouis.  
Quid sacra, quid pecudes, quid prosunt thuris acerui  
Natalis Iuno, quæ dedit illa tibi?  
Quæ tenera dedit illa manu tibi compta quotannis,  
Stans manè ante tuos conspicienda focos.  
Inunc, Iunonem supplex uenerare potentem.  
Parce Dea; est pietas hercule nulla tibi.  
Te licet oraret lugubris, tu tamen aure  
Neglexti surda, Diua superba, preces.  
Magna Iouis coniux Saturnia, numen inane,  
Atque potestatem credimus esse tuam.  
Quid dare liminibus sacratis oscula prodest?  
Quid prodest templis procubuisse tuis?  
Penè ego crediderim nullos mortalia Diuos  
Curare, at casu cuncta sub axe geri:  
Nam miserum insontem fere & usque uidemus iniquum  
Felicem, si sit, hæc DEVS ipse ferat;  
Sed, lux & uita, heu postquam te fata tulerunt,  
Aspice ut in mundo tristia cuncta gemant.  
Omnibus est etenim formosis fastus amicus,  
Est timor, aut leuitas; non tibi, uita, fuit.  
Cur mihi adesse meæ haud morienti fata dederunt?  
Illi clausissem lumina tristis ego,  
Candida & annoso sparsissem membra Lyæo,  
Et factus talis uersus in ossa foret;  
Porcia uirgo sita est hic: falsa huic nuncia fama

Coniugis extincti causa perire fuit.  
 Vt fuit in uotis, optato lumine tædæ  
 Si nos iunxisset, uita beata foret.  
 Sed mihi tu moriens fregisti commoda cuncta,  
 Tecum unâ tota est nostra sepulta domus.  
 Vnâ mi tecum perierunt gaudia quæque,  
 Quæ tuus in uita dulcis alebat amor,  
 Interitu cuius tota de mente fugauit.  
 Et uersus, animi deliciasq; mei.  
 Nil mihi iucundum sine te: quid uiuere pergo?  
 Quid sine te inuisas hîc traho, uita, moras?  
 Nil mihi iucundum sine te: non lumina Phœbi,  
 Non polus, aut cœli sidera clara iuuant.  
 Deriuare animum nequeunt, curamq; leuare  
 Acrem forma aliæ, purpureisq; genis.  
 Nulla meo ponet uestigia fœmina lecto;  
 Solus ero, quoniam non licet esse tuum.  
 Sed grauis est mihi lux: iterum huic dent fata perire,  
 Qui periit domina dispereunte sua.  
 Oraui quoties Diuos, cum saucius essem,  
 Vt me seruarent non mihi, sed dominæ.  
 Oraui quoties, DEVS almus cum mihi adesset,  
 Ne plaga immeritos tolleret una duos?  
 Illa tamen periit. perissem ut uulnere belli,  
 Ne paterer quæ sunt hæc grauiora nece.  
 Moenia castelli, atque ædes quid maximæ, & hortus,  
 Quid profunt culti iugera mille soli?  
 Quid profunt arua, & pondus graue diuitis auri?  
 Quid profunt altæ tecta superba domus?

Miucunda foret paupertas Porcia tecum.

Nec sine te regum nunc diadema uelim.

Cur mihi non Diuum pereunti dura dederunt

Diæ oculos misero claudere fata mea?

Audire extremam uocem, oscula figereq; illi

Extrema? æquo animo mortua credo foret.

Ah quoties manicis moriens dedit oscula nostris?

Ah quoties Fabij nomen in ore fuit?

Nox alis quid tam nigris me terruit, eius

Cum sese ad nostrum contulit Umbra torum?

Quid lacrimæ quæso, tua quid suspiria Romæ

Porcia, quid fletus me latuere tui?

Cum nocte ingressa es sola ad nos, cumq; tenebræ

Iudicium nobis eripuerunt metu.

Voxq; uidebatur (memini) mihi amicalloquentis

Vltima uerba; propè est uox tua nota mihi.

Me timor at miserum priuauit munere tanto.

Extremo amplexu, colloquijsq; tuis.

Ne metuas Cusane, ecquid non Porcia dixisti?

Ne metuas: ego sum Porcia, caste Fabi.

Quid tantum saluèq; ualeq; nouissima uerba

Dixisti? an fata aliud te uetuerunt loqui?

Non ego Polluci inuideam, ista si tibi nostro

Dent iterum Superi nocte sedere toro:

Non ego maluerim totum quæcunque per orbem

Magnanimi reges eminus arua tenent.

Non opibus, fuluo & non exorabilis auro

Mortales Orcus, cunctaq; nostra metit;

At tua, uita, fides & honos, laudesq; manebunt,

Dum pascentur apes floribus atque thymo :  
 Et dum mergus aquas , fluuios & piscis amabit ,  
 Pabula dum pecudes , gramineosq; toros .  
 Me nunquam dulcis meminisse pigebit amoris  
 Porcia uirgo tui , dum memor ipse mei .  
 Quid plura : heu fato quòd Porcia dulcis iniquo  
 Erepta es , nìmium lux grauis ista mihi .  
 O ciuis , ciuis gressum oro comprime : Diue  
 Sistite uos currus ad monumenta meæ ,  
 Dicite matronæ & lacrimantes , uulnus amoris  
 Huic fuit , & misere causa perire fides .  
 Sed peto quid dubias , extincta o Porcia , sortes ?  
 Quid Marij toties oppida parua peto ?  
 Cur me Parmenses deportant effeda campos ?  
 Cur noua ad insanam me uia ducit animum ?  
 Vix tua crediderim uera esse oracula Phœbe .  
 Parce pater , loquitur non pia uerba dolor .  
 Et tu quid sit amor didicisti , reddere chordis  
 Cùm uetuit similes uoce Cupido sonos .  
 Attamen extremo , Cytherea , ut munere mortis  
 Te donem lacrimans , ista sepulcra peto .  
 Quid fortuna mihi te , lux , extinxit iniqua ?  
 Sed quid adhuc mutos alloquor heu cineres ?  
 Sic usum Superis , tamen hæc , quæ more parentum  
 Prisco sunt tristes tradita ad inferias ,  
 Accipe tu , nostro manantia munera uultu ,  
 Atque in perpetuum Porcia uirgo uale .  
 Talia dicentem Musa & defleuit agrestis ,  
 Panq; , & Sylvanus , cornipedesq; dei .

Diluuiem



Diluuiem horrendam satis minitatus agellis,  
 Eridanus magas fletibus auxit aquas,  
 Vt latè alluerit syluas, iumentaq; passim  
 Cum stabulis tulerit culta per arua suis.  
 Decutit undecimnas ter iam iste December honorem  
 Syluis, huic ex quo fata tulere suam;  
 Ex quo terra tenet miserum, quam flumina findunt  
 Magna Padi flauæ prætereuntis aque,  
 Ex quo fidus amans omnes tempfit Hymenæos;  
 Cui nisi, quæ erepta est, nulla placere potest,  
 Nulla placere potest omnino. semper amicæ  
 Est illi ante oculos dulcis imago suæ.  
 Siue iacet lecto, seu stat, sedet, ambulat, orat,  
 Accumbit, tecum Porcia uerba facit,  
 Suspirat, lacrimat, spectat sine fine figuram  
 Depictam, uultus effigiemq; tui.  
 Non nunquam & uiredes tulit ad monimenta corollas,  
 Atra illi lacrimis incaluitq; toga.  
 Si quid, ait, manes sunt, si non omnia finit  
 Heu letum, euictos si fugit Umbra rogos,  
 Nostris ô fulcris incumbas nocte sequenti:  
 Dis dabit, & coniux; dulcis amica, ueni.  
 Nos irrupta dies tenuisset copula cunctos  
 Vitæ huius, si non lux tibi adempta foret.  
 Atque uidem' postquam periisti, candida Nymphæ,  
 Hæc lecti quàm sint frigida regna mei.  
 Nulli flebilior, quàm mi mea uirgo fidelis  
 Occidit, æternus quam sopor urget, iners.  
 Nox mundum at medium iam lapsu emensa rotarum  
 D iij Cæruleo



Cœruleo haud bigas lauerat amne suas,  
 Cum Dea habens secum, quibus est elata, capillos,  
 Ipsius uisa est ponere sede pedem:  
 Me seruasse fidem, nosti: sic ore trifauci  
 ( Vmbra inquit ) latrans Cerbere molle sonas.  
 Sibilet in tumulto, si mentior horrida nostro  
 Vipera; quin serpens & super ossa cubet.  
 Nostri ergo, Cusane, memor sis tempore in omni,  
 Iam cinis & iaceat commodiore loco.  
 Lugubre hoc carmen tristi super adde sepulcro;  
 Sposa Fabi hîc pulchri pulchrior ipsa iacet.  
 Hîc iacet ante annos crudeli tabe perempta  
 Porcia, quam nobis Iuppiter eripuit.  
 Sed, dulcis Cusane, uale: Proserpina iam me  
 Plutonis coniux imperiosa trahit.  
 Ac iuuenem medio ardentem sermone relinquit,  
 Et dulcis domina cum fugiente sopor.  
 Mox arreptæ horrore comæ, atque obmutuit amens,  
 Ossa repente ferus lapsus ad ima dolor.  
 Sæpe fides mouet incassum; ut pectora cantu  
 Diris mœsta leuet sollicitudinibus.  
 Sæpe mero curas tentat depellere; uertit  
 Sed dolor in lacrimas munera Bacche tua.  
 Quin etiam lacrimas nobis excussit, amorem  
 Cusanus narrans illius, atque fidem,  
 Cum, facili Primo, Fausto & mirante sodali,  
 Hercule ad effigiem diximus ista suam;  
 Iunoni è eunctis est te non ulla puella  
 Dignior Aonio, Porcia nympha, choro.

Nobilium fies Nympharum tu quoque ; uates  
Vndique te cupidi dicere conuenient.  
Nam , formosa inter uelut ignes Luna minores ,  
Vna inter Nymphas candida uirgo micat .  
Dicet Apollo tuas laudes , & carmina Diuæ ,  
Regina & longum Calliopea melos .  
Aeuo ego te memori , si quid mea carmina possunt ,  
Nunquam præteriens eximet ulla dies .  
Donabo potiore decem te munere signis :  
Deducam mores , & fidem in astra tuam .  
Illud ego æternum meditor decus aurea uirgo  
Inserere & stellis , concilioq; Iouis .  
Excidet omnis honos formæ , aurum , & marmora ;  
Artubus humanis stat sine morte decus ; (non his  
At monumenta tua , & uirtus , & gloria , mortis  
Et uacat extrema conditione fides .  
Nam mea cantabunt semper te scripta , fidelis  
Queis eris ipsa , Helena , Porcia , nota magis .  
Non solum magna quam pagina docta Catulli  
Continet , agnoscent secula futura Deam .  
Non solum Graiis & dicta Lacena poetis ,  
Non solumq; Albi Delia pulchra boni ,  
Porcia sed nostris uiuet laudata Camænis ,  
Si me inter uates ponere fama uolet .  
Vsq; tua in terris celebrentur facta sepulcræ ;  
Mortua notescet tu magis , atque magis .  
Troia alij celebres fuerint , Libyæq; triumphis ,  
Hæc tibi semper erunt uera trophæa fides :  
Hanc , flos Insubrium , sola qua sidera adisti

Sola puellarum, secula cuncta canent:  
 Nec ( mihi crede ) tua & uirtus, laudesq; peribunt,  
 Exitio terras cum dabit una dies,  
 Cum fera ( ut esse canunt in fatis ) flamma uorabit,  
 Hasq; DEI ultoris fulmina tanta petent,  
 Quanta nec expertæ sunt, cum affectare gigantes  
 Sidera sunt ausi, coelicolumq; domos:  
 Tunc felix hominum casus secura uidebis;  
 Tunc referes, Diui consulere mihi,  
 Gnosidi ut euenit Thesea fraude puellæ;  
 Huc iuuenem utiliter me eripuerè DE I.  
 Cum Iunone tua uiues tunc; atque frueris  
 Perpetuo Diuûm nectare, & ambrosia.  
 Hæc super extincta Cusani luce canebam,  
 Atque super ludis, ô Cytherea, tuis,  
 Dum bello Henricus rex fulminat, & genus eius  
 Dum cælo affectat Carolus ipse uiam,  
 Dum legatus init Sultani templa domosq;  
 Regis Ioannes aurea tecta subit.  
 Me Mediolanum dulce illo tempore alebat  
 Vrbs magna Insubrium cum genitrice pia;  
 Pegasidum studiis qui florens, auspice Phœbo,  
 Iudæi cecini carmina sancta ducis.

Elegorum de Porcia libri quinti finis.

51

P. FRANCISCI SPINVLÆ  
MEDIOLANENSIS

ELEGORVM,

de sua Delia,

LIBER VI.

Ad Iacobum Balamium Romanum,  
Elegia I.



Am discedit hyems, omnis iam par-  
turit arbos,

Sylvæ frondescunt, & reuirescit  
humus :

Ima zephyri lenes spirant felicius  
auræ,

Dulci animos cantu garrula mulcet auis.

Non stabulis pecudes, non igni gaudet arator;

Amplius & glirem non premit alta quies;

Nidum ponit Itymq; gemens lugubris hirundo,

Opprobrium infelix Cecropiæq; domus.

Ecce choros Nymphæ ducunt, & pulchra Dione,

Purpureisq; caput floribus impediunt.

Quid nos Balami? hîc ciues, hîc aula moretur?

Vultum & fortunæ uim timeamus adhuc?

Est mihi & Ambrosio uati secessus ad undas

Oronæ, sedes non adeunda malis.

PAN DEVS Archadiæ, Phœbusq; nouemq; sorores

Huic

Huic iuga Parnassi posthabuere loco ;  
 Quem lambit fluuius , decorantq; uirentia prata :  
 Prata obeunt colles undique graminei :  
 Gramineos colles hinc & complectitur arbos  
 Dura Alcidae , illinc frondiferumq; nemus .  
 Dijs nemoris saxum hinc duo colles inter opacos  
 Ingens testudo firma cubile tegit ,  
 Ut Iouis irati contemnat fulmina , amatae  
 Cum Nymphæ hac potitur Faunus amore domo .  
 Huc ego , ( iam ualeant urbes ) & Delia mecum  
 Ibimus , ad noctes deliciasq; Deum .  
 Hinc Phœbum , hinc Musas dicā , & fortissime te rex  
 Henrice , illius Carole teq; genus :  
 Nanque Dionæo potus de more sub antro  
 Quæ ludam calamo secla futura legent ,  
 Dum fingit luteum Nili caput omne Venustus ,  
 Dum iugulat reges turgidus ipse Bonus ;  
 Vel culpa ingenii magnas dum deterit amens  
 Henrici & laudes Caesaris egregij ;  
 Dum nimis infelix austera poemata nostro  
 Tot ciui Felix immodulata canit ,  
 Atramenta notam sicut tractata remittunt ,  
 Hic uersu fœdo splendida quæque linit ,  
 Ridendus , chorda quod semper oberrat eadem ,  
 Quod proprium nescit mensq; manusq; sonum .  
 Tu uerò sapiens non hinc Iacobe recedis ,  
 Solus ubi dicas fortia facta uirum ?  
 Longum ubi & Henrici diffundas prælia in æuum ,  
 Caesaris & sumas scribere facta senis ?

Regis ubi dicas res, sobriniq; labores  
 Laturus modici præmia multa tui?  
 Gnauum ubi Franciscum possis & scribere fortem,  
 Illius & fratrem, magnanimosq; duces?  
 Lumina uti quorum mirus per aenea signa,  
 Et faciem, & uultus exprimit ipse Leo,  
 Mores & possint animi apparere uirorum  
 Magni tantorum per graue uatis opus:  
 Os, pede percusso ter, nam miranda sonabit.  
 Ars hic quid prodest ingeniumq; tibi?  
 Vates, æterno propior non alter Homero,  
 Quàm tu, quem Lycius diligit ipse DEVS.  
 Perdere te lucas? turpem ne uerere lituram?  
 An metuis ne obeat dulce poëma tuum?  
 Delius ipse pater castè pureq;, rotundo  
 Et tibi Pegasides ore dedere loqui.  
 Non tu repentes per humum componere, ut ipsi.  
 Sermones, magna at dicere bella soles.  
 Quæ recipit regum maiestas ipsa potentum,  
 Vt Maro, ut & Varius, dicere cuncta potes.  
 Perfectum decies castigas carmen ad unguem:  
 Non limæ offendit te labor, atque mora.  
 Tu nunquam uarias rem prodigialiter unam,  
 Nunquam professus grandia serpis humi.  
 Inuidet Insubrium populus, diuine poëta,  
 Romæ uirtutes, ingeniumq; tuum.  
 Nemo carminibus te uincet, siue Latinos,  
 Seu iuuat Hetruscos concinuisse modos.

## De amore suo, Elegia II.

**I** Pse toro uacuo uiuebam liber, at ipsum  
 Composita cæcus pace fefellit Amor,  
 Cum stultè miseros riderem insanus, amantes,  
 Huic mea detrectans subdere colla iugo,  
 Fecisti extemplo mœstis sentire medullis  
 Me patulos arcus, insidiosè puer.  
 Principiò nec adhuc uero cùm tangerer igni,  
 Cùm foret istius parua fauilla mali,  
 Sperabam ardentis fera me hæc incendia mentis,  
 Sperabam flammæ posse cauere tuas:  
 Ast, ubi se nigris mihi formosissima ocellis  
 Obtulit admota seuæ puella face,  
 Qualis ubi ad parvæ noctu pastoribus ignis  
 Excidit incautis arida septa casæ,  
 Flamma per hæc sensim dilapsa usgatur, & alta  
 Agrestis properat lambere tecta domus,  
 Vrorio; remoue, remoue fera Delia tædas:  
 Vror; quis tantis ignibus addat aquam?  
 Quis ferat insano celer heu medicamen amoris?  
 Quis siccet misero uulnera facta mihi?  
 Delia sola potes, tanti mihi causa doloris;  
 Tanti causa mali, Delia sola potes.  
 Eheu dura negas: tibi non Cornelia mater  
 Optima, non genitor Lucius ipse fuit;  
 Cautibus at duris genuit te Caucasus horrens,  
 Tigresq; admorunt ubera seuatibi.



Eheu seruitium subij, me dura tenentq;  
 Vincula; libertas iam mihi prima uale.  
 Ille & amore potens acri sic captus Achilles,  
 Argolicæ gentis funera, acerba tulit.  
 Alcides etiam tenuit fusosq; columq;  
 Nec puduit dominæ uerbera dura pati.  
 Quin pecudes & amans Admeti Phœbus Apollo  
 Paut, Latonæ filius atque Iouis.  
 Quid mirum est igitur, post tantos si quoque Publi  
 De te. uesanus parue triumphat amor?

## De Delia, Eleg. III.

**V**os nostram iuuenes est rumor amare puellâ,  
 Vos illi cupide regis dona dare,  
 Vobiscum Venerem furtiuam iungere crebro,  
 Optima dum pingui uisimus arua solo.  
 Parrhasides stellæ uigilantia lumina mundi,  
 Vos testes alto sidera clara polo,  
 Lasciuos hominum quæ signa micantia amores  
 Cernitis, heu Veneris dicite furti mea.  
 Sed non hos uirgo sentirem infida dolores,  
 Si fecissem olim quæ mihi dixit Orbo.  
 Sed quid Amor stultus sapientes heu fugit omnes?  
 Consilium & ratio non dominatur ei.  
 Ille mihi quoties dixit, Quid credis auaræ?  
 Et quid fallit adhuc te simulatus amor?  
 Brachia nec capiant ipsum pendentia collo,  
 Nec tibi per longas oscula fixa moras;

Nec

M

Nec tua si infidis lacrimis perfuderit ora  
Callida, nec si inter singula uerba fleat,  
Non si per Cypriam, atque suos iurarit ocellos  
Fallax, perq; caput, per geniumq; suum.  
Ridet, ait, DEVS oblitæ periuria amanti;  
Quin facilis furtis & fauet ille meis.  
Ipse ego, dum proprias inuist Delia amicas,  
Dicentem audiui talia uerba tuam.  
Nam transire domum simulau; deinde recurri,  
Solut & ipse steti comminus ante fores.  
Credidimus tamen infidæ magis usque puellæ,  
Rettulimusq; eius, Delia, uerba tibi;  
Per quam cheu molles misero noua cura medullas  
Exedit, membris nec datur ulla quies.  
Sensibus ereptis animi mens excidit omnis,  
Te quoniam impuro dedis adulterio.  
Nec mihi contentam referunt dominam esse duobus,  
At tenerum cunctis supposuisse femur,  
Cunctis, qui precio captæ dent usque petenti  
Aurum, uel diues quas habet Indus opes.  
Qui legit Eois gemmas mercator in oris,  
Infani maris hunc obruat unda furens.  
Priscis quæ ignotos mortalibus ora colores  
Puniceum nobis, purpureumq; dedit,  
Coauiis pingens auratis fœmina uestes,  
Frondes intexens, alituumq; domos,  
Albas & Tyrio quæ lanas murice tingit,  
Dispereat, causas quæ dat auaritiæ,  
Quæq; malas facit, & periuras, ut mea, quam tu  
Rumor

Rumor ais dites præposuisse mihi.  
 Sed nisi tu miserum foueas ô credula Diua,  
 Quæ melius flenti cras fore semper ais,  
 Me mea traiceret telo, uel dextera taxon  
 Ipsa mihi succos mortiferosq; daret.  
 Tu pia, crudeles fugerent cum numina terras,  
 Dixisti nostros relinquere nolle focos:  
 Tu uinētis affers solatia, alisq; colonos,  
 Horrida tu fortes ductis ad arma uiros,  
 Tu comes es uiduæ, pupillo, & lumine capto,  
 Et qui fortunæ fluctibus obruitur,  
 Tu comes æquoreas nautis sulcantibus undas,  
 Et puero & iuueni tu comes atque seni,  
 Tu neque paulatim morientes deseris, unâ  
 At secum campos tendis ad Elystos.

## Ad Deliam, Eleg. IIII.

**S**int alijs comites fuscæ mea Delia, Solis  
 Quos nigra admotis India torret equis:  
 Sint & opes magnæ, cunctarum & copia rerum,  
 Et quicquid Latio dat Tyros, Afer, Arabs,  
 Sint uestes illis tenues, diamanta; pyropi,  
 Quicquid odoratis fertur ab Armenijs:  
 Iis etiam curæ miseris cumulentur edaces,  
 Abrumpant somnos, tristia corda coquant.  
 Quarum tu laudas sortem infelicius illis  
 Prorsum (crede mihi) non genus est hominum.  
 Quid cupis hæc igitur felix, tua si bona noris,

Commoda quæ tantis sunt comitata malis  
Quæ tractare manu serpentes foemina diras  
Ausæ est, te multò ditior illa fuit:  
Ditior illa, nouus cui miscuit ipse maritus  
Flens flenti propria tetra uenena manu:  
Ditior infelix Monima & Milesia, quæ se  
Suspendit laqueo mœsta, iubente uiro.  
Auri sacra fames en quo perducit, amorq;  
Aeris, diuitiæ, gloria, forma, decor.  
Virgo tuæ gentis flos, Delia ut istius, omnes  
Quam Veneres unam surripuisse ferunt,  
Quid reginarum cupiens diadema, ueneno  
Mutasti Ambrosiam, stulta puella, tibi?  
Mutasti exilio patriamq; uirumq; tyranno,  
Et uitæ horribili gaudia cuncta nece?  
Sors inimica bonis, monilia & aurea demis,  
Stupea & immitis uincula nectis ei.  
I nunc, & credas mortali insana superbo,  
Huic Graiæ inuideas & diadema. Vale.


Elegorum de Porcia, suaq; Delia, finis.

P. Francisci Spinulæ  
MEDIOLANENSIS

Hendecasyllaborum liber,

Quo numeros Catulli uni-  
uersos imitatur.

CVM PRIVILEGIO.



VENETIIS, Ex officina stellæ Iordani Zileti.

M D L X I I I.

*Ludovici Dominici Placentini, in Catullianam  
Spinulæ imitationem, distichon.*

*Francisco Insubres, gaudet Verona Catullo,  
Dum Padus huic illum indicat esse parem.*



I L L V S T R I A C

Magnifico D. D. Ioanni Co-  
miti in Thenczin, Palatino  
Belzensi designato, præ-  
fecto Lubliniensi, Vr-  
zendouienſi, Par-  
zouienſi, & c.

S. D.

*P. Franciscus Spinula Mediolanensis.*



Vm iam diu gentem  
Pollonam multis ac  
grauibus de causis di-  
ligere & colere cœ-  
perim, factum est, ut cùm supe-  
riore anno Patauii essem, etiam  
quorundam nobilissimorum in-  
teriore notitia ac domestica con-  
suetudine contracta ideò uterer,  
quòd iidem Carolo Sigonio uiro



doctissimo familiari meo dabant  
operam. Quotidie enim ad  
eius ipsius & publicas & priuatas  
interpretationes Polloni frequen-  
tes & studiis & animis conuenie-  
bant. Vnde tanta eorum bene-  
uolentiæ atque obseruantia in me  
accessio facta est, ut eam aliquo  
publico monumento testari decre-  
uerim. Cùm autem hoc animo  
essem, eosdem animaduerti iuue-  
nes nobilissimos, cùm de suorum  
uirtute Heroùm loquerentur,  
Thenczinios ferè rebus belli pa-  
cisq; domi ac foris præclarè gestis  
claros, tecq; in primis efferre. Non  
solùm enim maiorum tuorum in  
dicendo copiam, in rebus bellicis  
fortitudinẽ ac peritiã, in con-  
siliis de communi utilitate capien-

dis prudentiam, atque in defen-  
denda & propaganda religione  
pietatem, patrisq; tui uiri clarif-  
simi Palatini Cracouiæ arcis præ-  
fecti summum imperium, præcla-  
ra gesta & facta gloriosa perse-  
quebantur, sed etiam tuas uirtu-  
tes, studium armorum, scientiam  
literarum, nobilem peregrinatio-  
nem, totiusq; Europes lustratio-  
nem enarrabant. His postea gra-  
ue Augustini Curionis eruditi &  
optimi iuuenis testimonium ac-  
cessit. Quæ de re & illorum ora-  
tio & huius auctoritas meo in-  
te amore inflammavit, ut teneri  
minimè potuerim, quin tuo no-  
mini hæc poemata mea conse-  
crarem. Simul ac enim Hiero-  
nymus cognomento Dongelli-

linus, qui Veronæ philosophatur, uidit Horatianam quandam meis in libris imaginem, me pluribus uerbis ad Catulli est adhortatus imitationem. Huc accedebat etiam, quòd Brunnorio Hendecasyllabis dedito, à quo huiusmodi carmine prouocatus fueram, me oportebat respondere. Eam ob rem ad hanc operam ita sum aggressus, ut omnia fuerim uersuum poëtæ genera imitatus. In qua quidem exercitatione si quod & Dōngellinus expetebat, & ego desiderabam, id uel mediocriter sum affecutus, sua laus ex aliqua parte fuerit. Verum cūm sæpenumero & opus intermisissem, & me ad meum munus pensumq̃ reuocassem, Nonis

Quintil. tandem opus totum ab-  
folui. Quòd si fortè quæras, quam  
obrem poëma illud artificiosum,  
*Phasclus iste quem uidetis hospites,*  
omiserim ; scito me huiusmodi  
poëma & imitatum fuisse, & in  
Epodon librum transtulisse. tale  
uerò eius est initium :

*Decus poëta nostri honosq; seculi.*

Huiusmodi enim poëma, ubi alia  
sunt difficilia, malui collocare.  
Epigrammata autem eiusdem au-  
ctoris & Heroicos uersus omneis  
imitatus sum, sed in sequentibus  
aliis tribus libris leguntur. Tu  
igitur, Heros ornatissime, par-  
uum hoc munusculum, quod ti-  
bi donamus, ita accipias uelim, ut  
& bonis literis & arti musicæ fa-  
uere uidearis. Si enim tibi ita fuis-


se acceptum intellexero, uti Cu-  
rio tuus uel noster potius af-  
firmat, me latitia incredibili ef-  
feres. Vale. Venetiis Calen-  
dis Decemb. 1610.

CIO IO LXII.

P. FRANCISCI SPINVLÆ  
MEDIOLANENSIS,

HENDECASYLLABORVM

liber, quo uniuerfos Catulli  
numeros imitatur.



Ad illustriss. ac Mag. D. D. Nicolaum Radiuiliū,  
Hollicæ & Niessuuieszæ & Bierzæ Ducem,  
Palatinum Vilnensem, summumq; Lit-  
fania Ducatus & Mariscalcum  
& Cancellarium, &c.

Poëma I.



EROVVM decus omniū,  
quot istic  
Et sunt atque fuere Ni-  
colae;  
Quem Litfania, cum  
suos potens Rex  
Pollonius redit ad Lares  
& urbem,

Obseruat, metuit, colitq; ut illum:  
Viciſti populos pietate, recto,  
Atque iuſtitia, tibi quod iſtud

Nomen

Nomen dulce tuum sonat beato.

Ad nos fama uolans, & ad Latinos,  
 Hetruscos, Ligures, ad Adriamq;  
 Virtutem celebrat tuumq; nomen:  
 Cuius dum canerent trophæa multa  
 Poëtæ Veneti, stupente Glaucō,  
 Dixit nostra Thalia quos uir ingens  
 Rudes uersiculos tibi dicamus.

Ad Stephanum Marium Hugonium, Brixianum  
 Equitem clariss. Poëma II.

**A** Vdiui Pataui, Bonam Camillam  
 Te duxisse, Mari; quod uniuersis  
 Felix auspiciū & uidetur omen.  
 Gnauo gnauius enim creatur, atque  
 Forti fortis homo, Bona Bonusq;  
 Strenuo dabitur tibi Camillus  
 Ille tam lepidus puer, tibi quem  
 Olim præcinuere dormienti  
 Custodes patrij Lares agelli.

Ergo connubijs Bonæ decentis  
 Felix uiue mei memor; frequenter  
 Mecum per schedulasq; colloquaris.  
 Quid Marcellus agat propinquus iste  
 Tuus sic hilaris, quid & peritus  
 Iuris Hugo, grauis Boniq; Othonis,  
 Magni frater & Angeli, Camillus  
 Quid regum Comes, hac tibi marita

Affinis



# I M I T A T I O

*Affinis faciat, laboro scire.  
 Rescribas etiam, Mari diserte,  
 Tui an Brixia sit memor poëta,  
 Qui suæ cecinit trophæa gentis.*

*Ad Hieronymum Montium I. C. Brixia-  
 num, Episcopi Bergomensis Vicarium  
 electiss. Poëma III.*

**I***ntegerrime cœlitum minister,  
 Non natus tibi, ciuium at saluti  
 Hæc Hieronymæ ciuitas beata  
 Adhuc me retinet parum camœnæ  
 Dedita, atque lyræ tui sodalis.  
 Tecum ô uillula st qua me teneret,  
 Non uento horribili atque pestilenti  
 In sede opposita, boni parentis  
 Virtutes, tua diceremq; gesta.  
 Nam sub tegmine ramulorum onusta  
 Fructibus patulæ arboris sederem,  
 Lymphulam uitrei amnis ad salubrem;  
 Orbem in carminis & mei redirem, &  
 Mortis conditione quod uacaret  
 Extrema, canerem tibi poëma  
 Vates pessimus omnium, patronus  
 Tu quantò optimus omnium, atque iudex.*

De F. Alexio Hugonio, Brixiano, Genuam à Ce-  
nomanis emigrante, Poëma IIII.

**C**onfert Flavius Hugo se meorum  
Ad te patria ciuitas parentum :  
Occurras homini precor deserto,  
Quem colit Lycius DEVS, benigna .  
Nam magno patrios Lares focosq;  
Est fletu lacrimisq; Brixianos  
Visentem Adria profecutus illum .

Non Nymphis nemorum, nouemq; docto  
Vllus notior est choro Dearum :  
Non hunc carminibus Linus, nec Orpheus  
Vicit Thracius: ipse non Apollo  
Iudice Archadia, sacram hunc ad undam  
Parnassi superare quinit olim,  
Cum ferrent Satyri pedem bicornes,  
Adeffent Dryades simulq;, quercus  
Motarent rigida & cacumen, atque  
Vmbrosæ syluæ, & nemus tacerent .

Occurras igitur uiro eloquenti, &  
Qualem non oculis tuis in ista  
Urbe unquam, Genua ô beata, uatem  
Vidisti, accipito, atque ei faueto .

Io. Brunorius Gambarà, Brixianus ad P. Franciscum Spinulam Mediolanen. Poëma V.

**F**Rancisce Aonidum sacer Dearum,  
 Et Phœbi comes, iste nanque dulcem  
 Donauit citharam tibi, sed illæ  
 Carmen, quo referas Deos, ut alter  
 Sonora fide Thracius poëta,  
 Felix uiue diu, poloq; dignus,  
 Cum serò Superos petes uocatus.  
 Docto nunc Helicône derelicto  
 Oblitæ nemorum sacriq; fontis  
 Tuam Pierides domum frequentant,  
 Canentiq; tibi assident benignæ,  
 Et distant teneris simul labellis  
 Nullo carmina destituta seculo;  
 Dum tu Spinula doctus immoraris  
 Ocello Italiæ nimis beato,  
 Istic assidue tuos amores  
 Ludis uersiculis Propertianis,  
 Seu docti hendecasyllabis Catulli,  
 Vel referre modos amas Horati,  
 Quibus Dauidis inclyti poëtæ  
 Canas carmina uersibus Latinis.

O si de facie te amice nossem,  
 Qui desiderio tui uidendi  
 Peruror, cupida ut puella amantis:  
 In te pascio animum, tuisq; chartis:  
 Nam uatem redolent pium & beatum.

Lator prætereà, quòd ipse uiuat  
 In te Flaminius, quem acerba nobis  
 Ab fata eripuerè, sed benigni  
 Cœlites statuere, ne periret  
 Poëtæ interitu illius camcena  
 Maturo minimè eleuata partu,  
 Quam subinde sinu excipis tenellam,  
 Atque illam reficis beato amore,  
 Quo Diuorum animi fruuntur usque  
 Inter agmina cœlitum beata.  
 Vt iam sit specie magis uenusta, &  
 Prodeat solito ampliore cultu.

Quare, cùm nequeam tibi decenter,  
 Quas iam debeo, gratias referre,  
 Nec quot sunt homines, eruntq; posthac,  
 Habere, aut agere, aut referre possunt,  
 Multa Iessiades tibi rependat  
 Merenti bona, laureamq; frondem,  
 Expressa ob sua tam laboriosa  
 Sacra carmina, mysticos & hymnos,  
 Dis charissimus, optimusq; uates.

P. Franciscus Spinula ad Io. Brunorium Gam-  
 baram, Poëma VI.

**H**onestissime quid rogo Brunori  
 Meos esse aliquid putas labores &  
 Cùm leui neque pumice expolitus,  
 Nec limatus adhuc stylo scucro

Tam citò exierit meus libellus :  
 Qui cauit malè quòd sibi, uirorum  
 Non per ora diu puto manebit .

Qualis ursa prius solet catellos  
 Informes dare , quàm iubar rotantis  
 Se Phœbi uideant , eosq; lambens  
 Paulatim pia mater elaborat  
 Lingua , tale pœma debet omnis  
 Bonus fingere , sepe corrigendo .

Sed Germania , me satis , superq;  
 Reclamante , meum pœma prorsus  
 Ieiunum edidit , impolitum , hiulcum  
 Pergratum tibi , non mihi , penes quem  
 Iam non esset opus quidem , quod illo  
 Furtim hoc nescio quis tulisset orbe ,  
 Cùm lites sequeretur graues , misellum  
 Quæ uatem hercule dulcibus iuberent  
 Mustis dicere plurimam salutem .

Tamen si Superi mihi fauentes  
 Ocio dederint frui cupitò ,  
 Expendam omnia diligensq; , lima  
 Et mordacius utar ; ut Latinum  
 Quod absolucere molior pœma  
 Flamini uideatur esse totum ;  
 Is ni principium pœta , Apelles  
 Pictor quale obiens caput reliquit .

Nam Romana uiri modos apelle  
 Pieris fugit , ut minus suaues ,  
 Et non accipiens inusitatum

Dicendi genus, & nouas figuras,  
 Quas non natio, ubi educata quondam est,  
 Vsurpat, neque Romuli nepotes,  
 Quò deduxit aquis eam reuertens  
 Fontis Aonij poëta Flaccus:

Hæc quam carmina sint laboriosa  
 Boni Dauidis, Ambrosi diserte  
 Tu cunctis referas alumne magni,  
 Qui uix uersiculum eloquentis unum  
 Vales pluribus explicare chartis.

Sed te, nobilium decus uirorum  
 Magne Palladis atque alumne Phœbi,  
 Quòd tantum tribuis lyræ sodalis,  
 Semper plus oculis meis amabo.

Ad Hieronymum Monsilicum I. C. Brixianum,  
 de Maximillæ sue formâ, ad ædes ipsius ad-  
 uentans cum eo, Poëma VII.

**O** Buam uenit en tibi decora  
 Ore floridulo nitens puella;  
 Coniux hæccine Maximilla, coëpit  
 Quæ te prima Venus suis ocellis.

Menandri sapientiam secutus:  
 Adhuc, te modò sentio beatum  
 In primis, ita cui cauet Dione,  
 Quem tali sociat uirum marita,  
 Est cuius medicina nulla formæ,  
 Cui membra in propria nitent figura,

Naturæq;

Naturæq; decus: puellularum  
Vultus artificem Cupido nudus  
Non curat, peregrina dona, & aurum:  
Nulla dulcius arte nam uolucres  
Concinunt, melius suaq; agello  
Sponte flosculus enitet uirenti.

Hanc tu dilige, dum iuuenta Furi  
Amat delicias inelegantes;  
Hanc tu dilige, dum sodalis æger  
Amat scorta tuus febriculosa,  
Non ualens uiduas iacere noctes.

Cessas basia multa bastare  
Hanc, tuo de abitu gemendo cuius  
Adhuc turgiduli rubent ocelli?  
Ego ut te studeam uocare cantu  
Ad cœlum lepido, tuosq; amores.

Ad Stephanum Marium Hugonium, Brixianum,  
Equitem clariss. ægrotus, Poëma VIII.

**N**obilissime Eques Mari, camœna  
Quem dixit mea, semper atque dicet,  
In somnis ego nocte Gabrielem  
Videbar lepidum uidere patrem,  
Fessum, pallidulum, toro iacentem,  
Qui tres mortuus est ab hinc decemq;  
Bis annos apud Insubres Lomati,  
Primum Solis ubi iubarq;, & astra  
Vidi, lumen & insalubre Phœbes,



Quem scirem perijisse in hacce uisu,  
 Videbar rogitare eum; Quid ipse  
 In terris faciam pater, potentium  
 Ut summo placeam patri Deorum;

Tu primò patienter hìc memento  
 Semper ferre homulos, ait, malignos  
 Fili, ne pulices quidem miscellos  
 Queras ledere prouocatus unquam.  
 Cuncta iustitia DEI redundant:  
 Nam poenas meritas nocentibusq;  
 Cunctis irrogat, et pijs coronam  
 Donat omnibus æquus, ut recipit  
 Sic mortalibus, ex Ioui supremo  
 Viues charus. adhoc tuum quiete  
 Traduces meus usque sanguis æuum  
 Hospes ut tuus Hugo liberalis  
 Hugo nobilium decus uirorum,  
 Humano generi Deisq; charus;  
 Cuius secula nempe charitatem  
 In bonos, patriamq; cuncta dicent;

Cuius perpetuò trophæa rectum  
 Olim posteritas loquetur omnis.

At canam, fuerit quoad Thalia  
 Virtutem illius ipse, seu Quirini  
 Ciuitas teneat, uocet beatus  
 Me siue Adria, seruus hac loquentem  
 Ostium referans tuus suaues  
 Abrupit mihi de repente somnos.

Ad Stephanum eundem, aegrotus, Poëma IX.

**V**idebar, ut sit, aeger in somnis equo  
 Volare, uentum est ad locum, uorago ubi  
 Et hinc, & hinc demersus est equus statim:  
 In ripa at ipse sosses hæsiti, ripa tu.  
 Si spiro, per te spiro: nam sine te actum erat.

Ad Rainutium Gambaram, Comitem illustriss.

Poëma, IX.

**E**Manat uitreis fons aquulis in medio foro,  
 Dicit tota nouū quod, iuuenis candide, Brixia:  
 Artus his aquulis, & gelidis atque salubribus  
 Aegros ipse diu manē prius mēhercule dilui,  
 Quā dulces schedulas fortē tuas is mihi reddidit  
 Seruus, fortē Equitem qui sociat semper Hugoniū,  
 Nostræ uitæ Equitē nempe parētē & Deū Hugoniū,  
 Totum feruidus heu sic mihi cor Syrius ufferat,  
 Visurum, amplius ut me superas non ego crederem.  
 Rogatu illius at Rhœbigenæ ab me Stygijs aquis  
 Deduxit subito, Cimerio atque herbiopotens lacu.

Sed nil esse tuis mi potuit litterulis tamen,  
 Omni chare Deo, chare homini Gambara, gratius.  
 Nunc uerò simul atque optimus & diuus Episcopus  
 Consecrata sibi multa meus carmina legerit,  
 Num quid dixeris, an conticeat, tu mihi scribito,  
 Sermone & patrio quæso, Comes maxime, scribito.

Ad Marcellum Hugonium, Brixianum Philippi  
fil. Poëma XI.

**T**V quòd Idibus, Hugo, me rogasti  
An posset uariè poëma eodem  
Destinens fieri modo Latinum,  
Quo solo utitur ipsa gens Hetrusca,  
Respondere hodie tibi putavi.

Mibi olim medicus laboriosum  
Cottæ Camutius dedit poëma,  
Quod mitto tibi magne alumne Martis,  
Quem Phœbi & studium iuuat canœna.

De Clara quâdam ode, Hetruscorum poëmatum  
more facta, Poëma XII.

**A**Vra en Fauoni, mitiorq; Caurus  
Nubès geluq; triste depulerunt;  
Ponti minaces impetus quierunt;  
Mutatq; merces Indus, atque Maurus.  
Nam lata pinguis frangit arua taurus;  
Et picta densum prata floruerunt;  
Omnes canoræ & alites replerunt  
Frondes, nec hortos ornat una laurus.  
Ver spirat; en uer omnibus rediuit:  
Vnum sed in me sæuiunt procellæ;  
Nec Sol mihi est, mens unde fessa uiuit;  
Lusus, dies abite iamq; uerni

Dum

Dum luce Clara non fruor puella.  
Sunt dura dici cuncta, dura cerni.

Ad Iulium Forestium Brixianum, Comitem & Equitem nobiliss. Poëma XIIII.

**G**ottorum genus ô Comes potentum,  
Qui fortes animos geris parentum;  
Imbellem haud aquilæ truces columbam,  
Haud fului generant ouem leones.  
Nam te cum uideo, uidere regem,  
Totilam uideor mihi ferocem,  
Regibusq; aliis potentiorum,  
Qui rectum coluit, uirosq; sanctos  
Amavit; Benedictus ipse testis.

Sed quendam mala mens, Eques, cinædum  
Medulla anseris, aut araneo so  
Situ, pene senis ue molliorem,  
Egit præcipitem in meas camœnas.  
Nescio sibi non bene aduocatus  
In me quis **D E V S** excitavit istum:  
Qui, meæ nisi Dijs lyræ dicatæ &  
Parcerem ingenio, modestiæq;  
Notus qualubet esset, urbis huius  
Vulgi in totius ora perueniret:  
Si digna hoc canerem, à pudore casto  
Aberrarem etenim, minusq; digna  
Persona facerem mea. tu at illi haud

Parce ; quandoquidem tuos amores  
Cum longis uoluit stylis amare.

De Iulio eodem, Io. Baptista Montij mortem  
immaturam lugente, Poema XIII.

**L** Vgete Martes inclyti, Tritoniaeq; fortes,  
Et quantum adest uirum suo regi fideliorum;  
Baptista nostro Iulio est heu mortuus sodalis;  
Quem sic amabat, ut solent natum unicum parentes:  
Amico erat fidissimus, & fortis atque prudens,  
Sese obuiam aduersarius cum ferret huic cruentus:  
Et fingere ad nutum quidem & se accommodare semper  
Arbitriumq; Iulij totum, ipsius solebat.

Pro Iulio ire per maris fluctus fuisset ausus,  
Vastissimum hyberno salum uento licet tumeret;  
Obsistere & pro Iulio turmis fuisset ausus,  
Densissimis solus, feros & ire per colubros;  
Qui nunc it ingemens iter tenebricosum inermis  
Ad inferos, unde huc negant redire posse quenquam.

At sit malè Orci pessimæ uobis nigri tenebræ,  
Nobis bona omnia omnibus quæ & bella deuoratis.  
Tam strenuum inuictissimo Forestio abstulistis  
Sic lugubri. ô factum malè. certè timemus ipsi  
Charum sodalem ultra modum tanto uiro gementi.

De elegia Io. Brunorij. Gambar. Comitiss illustr.  
sibi non reddita, ad Brixianos, Poema XV.

**Q**uare non elegi boni sodalis,  
O ciues, mihi redditi fuerunt?  
Indoctus ne cupit uel imperitus  
Vendicare sibi modos Brunorij?  
Vulgus inuidet an mihi profanum,  
Laudatos celebrare me poetas?  
Urbs hæc tota malo redundat isto,  
Quo boni lacerantur integriq;  
Felices igitur uiri & beati,  
Male qui inuidiæ cauere possunt  
Fel & lumina torua: pauperes at  
Soli & inuidia carent miselli.

Ad Ghidinum Gyrillum, Brixianum, Maphæi fil.  
liberorum nobilitatis doctorem, Poema XVI.

**C**yrillum potius quid o magister  
Scribendum bone, quam putas Cyrillum?  
Autum sapiens uir ille uobis  
Cognomen (mihi crede) dat Cyrillus.  
His cum bestiolis Ghidine paruis  
Non res ergo tibi sit oro posthac;  
Alit quas hyeme & graues ad unam &  
Pinguës reddit item sopor perennis;  
Deductumq; homine à bono & diserto  
Compertum hoc habëas, Cyrille, nomen.



Errauit rudis & quidem loquendo &  
 Scribendo simili nota uetustas.  
 Quapropter te ego semper ipse tantum  
 Cyrillum uocitabo, non Gyrillum.

Ad Hieronymum Catum, Poema XVII.

**Q**UO Hieronyme te rapis? rura surdida uisus?  
 Constantina uirum cupit te, decora puella &  
 Quam surgens fremitu dedit fluctibusq; marinis  
 Benacus, genitrix uagi & Nympha filia Minci.

Ad nos o redeas breui; patris ut pia mecum  
 Et Salusti, & aui libens gesta Barphtolomæi,  
 Antoni; aballi canas facta patria in urbe.  
 Non est, quod studeas tuum Spinulam amplius istos  
 Felix o cerebri bona hac urbe ducere in agros:  
 Non unquam placuit mihi nempe rustica musa.

Ad Iulium Forestum, Brixianum, Comitem & Equi-  
 tem generosum, Poema XVIII.

**V**T Iulius Romanus ille terrarum  
 Ingentis orbis uictor ista neglexit  
 Non uera, sed bona uniuerfa adumbrata,  
 Sic gloriæ tu natus atque uirtuti  
 Amore & immortalitatis ardenti  
 Flagras, perennis cœlitum & uoluptatis.

Non tu uales contentus esse natura  
 Angustiis ab omnium datis matre

Hemunculo



Homunculo ad uiuendum in hoc solo, nanque  
 Vitam tuam esse non putas, ut ignari,  
 Quæ continetur hocce corpore & mente;  
 Vitam tuam esse sed putas eam, quamq;  
 Aeternitas, & posterì intuebuntur,  
 Quæ seculorum memoria omnium semper  
 Tibi uigebit, serì alent nepotesq;  
 Vt ille seruis huic; ut ille & ostentas  
 Robur tuum huic, uictorias, triumphosq;  
 Et liberalitatem & inclytum nomen,  
 Et eloquentiam & fidem & decus magnum:  
 Futura secula & colent, & ad coelum  
 Vsque efferent te laudibus, genus cum uni  
 Mortale uentri inseruiens aquis nunquam  
 Stygijs & Orco lurido istud emerget.

Ad Iulium eundem, Poema XIX.

**Q** Vos tuæ Lauræ facilis sororis  
 Vir dedit nobis Malatesta uersus,  
 Maxime illustris tibi sic Foresti  
 Mittimus illos,  
 Pro tua ut docti bonitate Iuli  
 Iullus doctus iuuenis ue limus  
 Iudices Diuis superis & imis  
 Carmina grata.

Ad Malatestam Martinengum Comitem illustriss.  
 Iulij Afcany Tuccij, Poema XX.

O Comes

**O** Comes Martis generosa proles,  
 Versibus doctis celebrande uatum,  
 Brixia magnum specimen beatae,  
 Gloria et ingens,  
 Tunc erat cœli Malatesta tecum  
 Spiritus; Diuûm furor, aura, uirtus,  
 Quæ tibi, magno Ioue sic uolente,  
 Consuluerunt,  
 Cum tuam nostro iuueni sororem  
 Coniugem, et fidam sociam dedisti;  
 Ex quibus cernas sobolem, genusq;  
 Quod bect illos.  
 Sed tua antiqua procerum phalange  
 Dotibus multis animi ferocis  
 Certat, et totum reboat per orbem  
 Fama, decusq;.  
 Cœlitum patrem rogitemus ergo;  
 Hic decem uiuas decies ut annos;  
 Quò senex possis seriem nepotum  
 Cernere longam.

Ad Ricardum illust. Comitem Sancti Bonifacij,  
 Veronensem, Poema XXI.

**O** Comes uitæ regimen probatur  
 Cynthio magni genitore Diui  
 Quem polo nodis ligat in sereno  
 Horridus anguis.  
 Nempe idem sentit penitus Machaon.

Illius proles, Epidaurus atque  
 Doctus, & Pæon medicatus olim  
 III Vulnere Ditis.

Has patrum leges teneamus Heros  
 Inclyte & normam, atque modum sequamur,  
 Aeuum ui felix simul hîc agamus  
 Tempore in omni.

Pro Faustino Barbono, Iunipera, & T. Fausto sit  
 ad deam opem; Poema XXII.

**E**T puer Faustus, genitorq; prudens  
 Ipse Faustinus, Venus & decora,  
 Ops Deum mater foueantur à te  
 Semper ubiq;

Tullium Faustus superet tenellus,  
 Atque Faustinum sapiens disertum,  
 Vt uirum scitus puer assequatur  
 Nomina cum re.

Sitq; Barbonus mihi ubiq; dulcis  
 Sospes, eterno Superumq; regi  
 Seruiat, per te & uiridi fruatur,  
 Diua, senecta.

Cypria & cunctis melior, nihil quàm  
 Pulchrius Titan uidet orbe in isto,  
 Vsq; sit felix sua, & inde amicum  
 Sidus in astris.

Ad Hieronymum Dongellinum Medicum, Philosophumq; singularem, Brixianum, Salodium proficiscens, Poëma XXIII.

**A** Ccepi schedulas tuas amice,  
Perna quas mihi reddidit fidelis.

Viderit Venetus grauis suam rem :  
Quæ temnit modò nempe, quæret illa  
Incassum sibi cras : quod haud ueretur,  
Mutabo rationem, & obsecranti  
Obligabo fidem meam Cribello.

Ducit Monsilicus me ad æstuosas  
Benaci socius furentis undas;  
Vnde ad te ueniam breui, meæ quem  
Præ cunctis aliis amant camœnæ.

Ad Ricardum, illust. Comitem. Sancti Bonifacii,  
Veronensem, Poëma XXIIII.

**Q** Vòd nos locutione uatum candida  
Letaris uti; Primus ipse, quippe qui  
Subtilis est poëmatum ludex, suum  
Me comparem est hortatus, ut dicta aurea  
Doctissimis depaschar è chartis, apes  
Ut cuncta libant floridis in saltribus :  
Aut prorsum omittam illusum artem musicam.  
Ne quando si ipse in peius optem usquam arrogans  
Proponier facie atque uultu cereus  
Ficto, atque decorari hìc uelim amens uersibus

Natis

Natis male, arca uicum operta deferar  
 Porrectus in uendentem odores, thus, piper.

Ad A. Calemerum Plantinidum, Poëma XXV.

**M**anes si poterunt tui uidere,  
 Vates docte, uel umbra si ualebit  
 Ista post cineres rogamq; nostram  
 Fidem cernere, rebus & caducis  
 Latari, modo fata cant utrique  
 Arcana ordite, senties fidelis  
 Defuncto tibi quam sim amice dulcis.

Te quando uoluit pater Deorum  
 Memortalibus anteferre cunctis,  
 Omnes posthabeo tibi sodales:  
 Vicisti officij suis meam spem.  
 At illud mihi maximo est dolori,  
 Quod matura tibi seges, sed (unum  
 Quod te sollicitat) mihi est in herba.  
 Iam fructum pietatis ipse magnæ  
 Sentio pater ô tuæ perennis,  
 Florentis tibi Spinulæ sed usus  
 Expectatur adhuc fidelitatis,

De Iacobi Albæ I. C. obitu, ad Christophorum  
 Magnum I. C. Poëma XXVI.

**L**vges tuum quid Magne doctorem bone,  
 Ut mortuum Albam, uita cui perennis est?

Responsa

Responsa cuius, siue consilia legens,  
Minerua, & immortale perlegens opus,  
Acuum per omne posse durare huic dedit.

Non pausa uitæ ergo est secuta frigida  
Virum, sed huic præclusa leti ianua est,  
Ad cœlites quem Pallas euexit sua.  
Quid? sidus ut Pollucis, atque Castoris  
Stella alba Mandelli en refulget in polo.

De Bartholomæo Arnigio, Brixiano,

Poëma XXXVII. Libro huius

**Q**uem plebs Arnigium uocat inepta,  
Musarum Arnigenam tenent alumnus  
Fontes & gelidi, lociq; agrestes,  
Et nostræ umbriferum nemus Thaliæ.

Ad ripam sapiens uirentis Arni  
Vates editus est Hetruscus olim:  
Tendit uincere eum meus canendo  
Doctus Arnigena & bonus sodalis,  
Dilectus tibi magne Phœbe, serui  
Cuius uersiculos colent nepotes.

Ad F. Alexium Hugonium, Brixianum.

Genuam migrantem, De laudibus

Poëma XXXVIII.

**A**Equor ô Ligurum petens Alexi,  
Obsecro cineres patrum sepultos.

Conuentumq; senum, & iuuenulorum,  
 Penatesq;, gregem & puellularum  
 Et delubra Deum & focos saluta;  
 Saluta ipsius alta ciuitatis  
 Propugnacula, mœnia, atque turres;  
 Saluta mare, Spinulasq; cunctos  
 Mœd nomine, si me amas Alexi.

Si quis forte roget; Patër, quis ille est,  
 Qui per te mihi dicit hanc salutem?  
 Respondebis ei; Satus deserto  
 Gabriele, pio & laborioso  
 Qui Ioanne fuit parente natus,  
 Sanguis Gasparis illius potentis;  
 Dicet quem mea strenuum cœcœna,  
 Iste Spinula ad insubres relictæ  
 Deceßit Genua, deditq; uatem, hanc  
 Qui redire cupit beatam ad urbem.

Ad A. Calemerum Plantinidum, Poëma XXIX.

**A**mbrosi tandem ueniemus istuc.  
 Gratia nobis comites. Erynnin,  
 Ne tuos uexent furia penates,  
 Exige diram.  
 Atque Bellona socios fugato,  
 Siue germanos, famulosue quinque  
 Hos, dolos, iras, odium, furorem,  
 Inuidiamq;.  
 Esse non unquam, nec habere possunt.



Has domos certè Charites benignæ,  
In quibus cernunt domibus mala ista  
Degere monstra.

Ad L. Fabium Hugonium, Brixianum, Hieronymi  
fil. Poëma XXX.

**N**Ostras, Fabi diserte, homo quidam fuit,  
Crassa Minerva, anormis, atque rusticus,  
Meo patri coævus, æquo qui amplius  
Nobis uoluptatem esse lugens hîc breuem,  
Mortalem & ægre se ferens cretum miser  
Nocte & die indulgebat usque luctibus,  
Suumq; fatum conquerens, mortem & gemens  
Ultra modum, seu per uiam iret, seu domi  
Sederet, ora siue inumbraret sibi  
Olim coronis, atque discumbens manu  
Inter teneret poculum domesticos,  
Miserrimis hic solus est homunculis  
Hic est, canebant iugiter, fructus brevis;  
Et iam fucrit, est qui modò, reuocabitur  
Post nunquam amiculi. occidunt en & ualent  
Mortalibus redire Soles; cum semel  
Lux hæc breuissima occidit, nox una dehinc  
Vna heu perennis dormienda est omnibus.

Ecquis reuixit, ecquis extat obsecro  
Expergitus; quem frigida est uita semel  
Secuta pausa? nos oportet emori.  
Terrestria ætas uniuersa deserit.

Non uita mancipio hæc data, usu at omnibus;  
Præclusa non est mortis ulli ianua.

Non turris, arxq; corruit: non corruit

Durus silex auulsus altis montibus:

Non seua uinci saxa ab æuo cernimus?

Non truditur die & dies, pergunt nouæ &

Lunæ interire, & omnia ipse quæ hîc amat:

Mortalia uniuersa non animas agunt

Sortita fragiles: nulla sane maximo

Leti fuga est, aut infimo; est, dum licet,

Stulti usque quærant rebus incassum, ut uides,

In hisce letis hîc beati uiuere.

Et abstulit præclarum Achillem mors cita, &

Minuit senectus longa Tithonum; & mihi id,

Tibi quod negarit forsâ hora porriget.

Imos quidem & sortitur insignes uiros

Heu non iniquis legibus necessitas

Fati, capax urna omne nomen dum mouet.

Ceruice cui districtus ensis impia

Pendet super, non elaborarunt dapes

Dulcem saporem, non uolucrum nec lyræ

Cantus reducunt somnum, agrestes qui domos

Lenis minus fastidit, umbrosum & nemus.

I nunc, & argentum, atque gemmas suspice;

Gaude, loquentem mille quod te lumina

Spectent in urbe. Agrippæ ubi te porticus

Notum bene & conspexerit uia Apij,

Quò Tullus & deuenit Ancus attamen

Abire restat, & uidere tartara.

*Saltus quid addis saltibus demens homo ,  
 Cùm grandia uniuersa cum paruis metat  
 Non ære , non auro Orcus exorabilis ?  
 Diues ne prisco natus à rege Italo ,  
 Nil interest , an pauper à gente infima  
 Morère sub dio , & rapacis & nigri  
 Deuota nil miserantis Orci uictima .*

*Omnes còdem cogimur ; nanque omnium  
 Versatur urna , serius fors , ocyus  
 Hinc exitura , nosq; in exilium homulos  
 Cymbæ illico impostura perpetuum grauis .  
 Ter functus æuo Nestor , & Minos pius  
 Cœlestium ipse admissus arcanis , boni  
 Conuiua Pelopis & Deum non occidit ?*

*Linquenda tellus & domus pulchra & Venus :  
 Ut dignior seruata centum clauibus  
 Absumat heres cæcuba & granaria .  
 Secanda marmora ergo quid homini locas  
 Memor sepulcri ; submouere litora  
 Baijs & obstrepentis urges æquoris ,  
 Ripa locuples continente non satis ?*

*Quid proximos reuellis agri terminos ?  
 Salis quid ultra limites clientium ?  
 Rapiens diem non annus & monet dies  
 Et hora , ne quis speret immortalia ?  
 Nam torrida æstas præterit , uer , brumaq;  
 Iners redit , recurrit Autumnus statim ,  
 Lunaq; celeres damna reparant hîc sua :  
 Mortalis at ubi decidit , quò Troius*

*Heros,*

Heros , Camillusq; ipse , pulvis umbraq; est .  
 An crastina addat tempora hodiernæ DEVS  
 Summæ , quis è mortalibus scit ? ubi occidit  
 Homo , atque de illo splendida almi arbitria  
 Genus parentis fecit , & facundia  
 Fidesq; restituere non ualent eum .

Cui cùm referret fortè discumbens simul  
 Anselmus ; Aufer hinc , Amate , lacrimas ,  
 Pueri nec instar bimuli insulssime  
 Semper querelas tolle . obibo nunquam ego :  
 Recepit immortalis istud mors mihi ;  
 Mercede pactus quod fui ingenti cum ea .  
 Durare posse mi per omne æuum dedit .  
 Non dura summo figet ergo uertice  
 Adamantinos neccesitas clauos mihi .  
 Obito tu ergo , his ipse dum lætus bonis  
 Composto aceruo & ære securus fruor .

Iratus huic Amatus almo numine  
 Afflatus , O' tibi ad caput mors astitit  
 Nequaquam opinanti istud Anselme immemor  
 Veri prius , quàm plenus & satur omnium  
 Possis , ait , discedere . id certè minus  
 Erit , quod optas , inquiens ; Auunculus  
 Et si nihil legarit infamis mihi ,  
 Plorare præter , attamen si filium  
 Fratris quis Orco casus infirmum egerit ,  
 Hæres ero ; in uacuum ipse ueniam . tu prior  
 Peribis hercule , ille eritq; hæres tuus .  
 Longam inchoare spem tibi letum uetat .

Dum res & ætas ergo lucis unius  
 Atra & fororum stamina patiuntur, hæc  
 Unguenta, uina, atque nimium flores breues  
 Afferre amœnæ iusseris rosæ, ut libet.  
 Tu mortis istud uinculo expedies caput?

Die sequenti inuisit idem rusticam  
 Domum struentes, dumq; negligentiam  
 Incusat horum incensus ira, culmine  
 Trabs uasta ab alto oppressit illum decidens.

Ad Stephanum Marium Hugonium, Eq. clariss.  
 Brixianum, Poëma XXXI.

**C**ursu Pegaseo uenimus ad mœnia amabilis  
 Castellî Fabij postridie, quàm tibi scripsimus.  
 Quis dices socijs huc abiisti, optime Spinula?  
 Tantum quippe tuis litterulis magnanime ô Mari;  
 Quas, desiderium nempe tui solius efficit,  
 Ut persæpe legam, teq; mihi non cupiam modò,  
 Sed præsens animo te uideam nocte meo & die

Quantũ simus ad hæc Eridani flumina maximi,  
 Gnatum Solis ubi flent lacrimosæ undique populi,  
 Mens tecum attamen est, omnia sunt uotaq; Publij.  
 Extremos etiam si penetrem ad Persidis incolas,  
 Indorumq; domos, aut Arabum, tectaq; manium,  
 Quos certè Hesperiae gens populos antipodas uocat,  
 Inuisos homines cœlitibus quæ regio parit:  
 Horum si spaciøsa oceani metiar æquora,

Diui I

Diui non ualeant ( crede mihi ) non ualeant meo  
Vultus , dona Mariq; effluere è pectore nobilis .

Ad Faustinum Barbonum , Soncinensem , suum ,

Poëma XXXII.

**G**Audeo ad uitam rediisse tristi  
Te nouam leto : perijsse duro  
Nam mihi in somnis uidebare ferro ,  
Caste sacerdos .

Tu mihi Damon , Pylades'ue dulcis ,  
Tu mihi Theseûs ; sine quo hîc beatam  
Non datur patrem mihi per supremum  
Ducere uitam .

Ad Io. Iacobum Rotulam patritium Mediolanen-  
sem nobiliss. Poëma XXXIII.

**O**Mnis , Iacobe mi , Machaon hercule  
Veretur , ut ne nos patre irato Deûm ,  
Mortaliumq; rege , pestilentia  
Attingat , æstus mortiferq; finibus  
In hisce reddat atque funestos agros ,  
Viasq; uastet ; ciuibusq; exhauriat  
Vrbes , ut olim infantibus nobis , breui  
Cum tempore occidere plus , quàm millia  
Quater decem centum urbe in hac mortalium ,  
Cum nostro in orbe , quæ minus uitalia , at  
Morbo , atque morti sunt , coorta protinus

Ipsūq; turbauere cœlum, & factus est  
 Aër repente morbidus, uis ipsaq;  
 Sūspensa morborum, atque pestis mansit hic;  
 Spirans & auras duceret cū istinc homo  
 Mistas, & in corpus ea sorberet simul,  
 Letum afferebant quæ miserrimo; incluta  
 Morbo atque morti cū daretur ciuitas  
 Ingens cateruatim omnis, ac rura omnia;  
 Cū plura muros extra, & intra millia,  
 Quā dicitur, periire tabida lue.

Prius gerebant tunc caput succensum enim;  
 Quin luce suffusa & rubere lumina,  
 Intrinsecus sudare fauces, & nigro  
 Atroq; sanguine his coire & ulcere  
 Vocis uiæ septæ, & cruore lingua adhæc  
 Manare foedo, mentis interpret, grauis  
 Motu, aspera & tactu, atque debilis malo;  
 Fauces ubi compleuerat per languidas  
 Deforme pectus omnium uis morbida  
 Huiusmodi, ægris inq; cor confluxerat,  
 Vitæ lababant claustra miseris omni;  
 Ut spiritus tetrum ore odorem uoluëret  
 Foras, quo olet cadauer olim rancidum.  
 In limine ipso membra languebant enim  
 Leti, angor anxius erat & comes malis.

Corpus rubebat omne, quasi inusto ulcere,  
 Ignis per artus ut sacer cū diditur;  
 Ut membra nudi ardentia hoc morbo darent  
 In frigidos complurimi fluuios, quibus



Nimia anima interclusa cùm ab dulcedine  
 Aquæ foret , uitam hîc statim edebant suam .  
 Multiq; puteos ore in altos se ( nefas )  
 Patente deiecere , mersantes siti  
 Encæta pene corpora , imbres quæ illico  
 Aequare paruis maximos humoribus .

Requies fuit non ulla cæteris mali ;  
 Nam Solis octauo aurei isti lumine ,  
 Non aue reddidere uitam lampade .  
 Quod fumus horum si quis cuitauerat ,  
 Tetroq; uiscere atque proluuie humide .  
 Alui , manebat post eum tabes tamen .  
 Letumq; , capitis cùm dolore plurimis  
 Et naribus mox sanguis expletis niger  
 Corruptus ibat , atque uires ipsius  
 Totæ fluebant hominis , omne & corpus huc .

Multis uiriles morbus in partes item  
 Abibat ater , qui timentes limina  
 Miserrimè leti , ense uiuebant eis  
 Priuati . & ipsa perdidisse lumina  
 Complurimos accepi , itemq; obliuia  
 Cepisse multos omnium rerum , ut neque  
 Amiculos , nec se ualerent noscere ;  
 Quæis dulcior non esca erat , quàm flumina  
 Si in alta eam ipsam , flue iacerent in mare .

Quid multa ? passim non humata corpora  
 Mortalium si fortè gustabat fera ,  
 Languebat , ales & propinquo funere .  
 Animam , aut domi uis fida cùm primis canum

*Strata aut uijs ponebat egram in omnibus.*

*Quodq; grauius, communiter ratio hercule*

*Nec certa remēdij uniuersis est data:*

*Huic nempe ciui quod dedisset uiuere, id*

*Exitio erat, letum & parabat alteri.*

*Sed illud his in rebus ærumnabile*

*Atque miserandum uidimus, quòd homo se ubi*

*Dominante sentiebat implicitum lue,*

*Lacrimis & indulgebat illico luctibus,*

*Vt morte condemnatus æger, & animum*

*Repente despondebat ipsum, funera*

*Vbique obibat atra respectans statim:*

*Vt qui suos fugisset ægros, plus satis*

*Vitæ cupidus, atque nimium mortis timens,*

*Hunc pœniteret, turpi obiret morteq;*

*Ab omnibus desertus, expers atque opis.*

*Tu quippe quoties passim, & ipse liberis*

*Super parentum corpora extinctis suum*

*Extincta conspexi antè, retrò & matribus*

*Ac patribus uitam edere super filios,*

*Cùm ciuitas conferta aceruatim hæc ruens*

*Mortem Ioue irato admodum ipso occumberet:*

*Cœlestium, quod ne modò eueniat item,*

*Regem, Deosq; comprecemur supplices,*

*Vndis bonos ut qui dat aduersis uiros*

*Rerum mari immersabiles hoc, nos pius*

*Conseruet, ut pestem & famem & bellum horridū*

*Oratione motus agat in Thraciam*

*Nutricem & in leonis Africam pater.*

Ad Primum cognomento Comitem, Venetiis Romanam, ubi Carolus Vicecomes Episcopus Intemelienſis eſt, profiſcientem,

Poëma XXXIII.

**P**hoenica amabam Ciris, ô diuine olor,  
 Cirimq; Phoenix diligebat maximè;  
 Sed læua Cornix, quæ uolucrum de grege  
 Ac de gregis custode ſentiret malè, hanc  
 Quòd Ciris accuſaſſet, adiunxit ſibi  
 Multas uolucres ſordidas, quæ de alitis  
 Fama innocentis detrahant ſecum improbæ;  
 Vt ales ipſam omnino, uti infamem, unicus  
 Temnatq; inermem & deſerat. Phoenix auem  
 Putauit eſſe deſerendam lacrimans;  
 Aui fauere ne uideretur malæ.

Quò tu euolas, ad Albulae undas hæc canit  
 Volucris, ipſa quæ una ſe reſeminat;  
 At lacrimoſa Ciris ad triſtem Adriam  
 Habere ſedes cogitur, fatum ſuum,  
 Lugensq; ſolitudinem: quòd nec ſine  
 Phœnice pulchro, nec cum eo datur ſibi,  
 Quem ſolum amatq; & optat, æuum ducere.

Tu, Cygne candidiſſime, & luſtus mei  
 Et conſcientiæ atque amoris conſcius,  
 Phœnici, auiculæ prorſus oblito, hæc reſer;  
 Nihil mihi deeſſe, præter id, ſine  
 Quo dura Ciri fata non dant uiuere,

Phenica

Phœnica præter unicum, quem sic amo,  
 Ut editurus sim prius animam, & mei  
 Prius futurus immemor sim, quàm meo  
 Vultus sui labantur hoc de pectore.

Ad Carolum Vicecomitem, episcopum Intemelien-  
 sem, Poëma XXXV.

**Q** Vis non amet Phœnica te, qui lacrimis  
 Commotus istis littera dulci meum  
 Solatus es luctum atque solitudinem?  
 Sic te uocasse Carole haud me poenitet,  
 Non tam quòd in me affectus unicè es, tuo  
 Quàm diligenter quòd gregi sic consulis.  
 Mercator hic Darneslus me sæpius  
 Inuist, Intemelienſis & senex:  
 Enarrat iste, Præsulem gentis suæ  
 Verè uolucrem esse unicum. cur? inquit.  
 Non pascit unus ille se, suum at gregem;  
 Vicarium huic præfecit integerrimum,  
 Patris patrum dum iussu abesse & cogitur  
 Tridentum olore abire cum dulcissimo.  
 Ad hoc Deorum interpretem doctore cum  
 Lectissimo illuc misit, ut pueritiæ  
 Aetatenella moribus, sicut DEVS  
 Iubet, bonis & imbuatur artibus:  
 Plures quotannis pauperum & natus locat,  
 Et pascit urbis inopiam quotidie, haud  
 Episcopatus redditu exiguo, sui

Sed

Sed ere m  
 Magias d  
 Te pro Br  
 Euexit ign

Dialogus  
 scop

**P**rim  
 Et noctes  
 Zelus  
 Non mihi  
 Opem  
 Non ne e  
 Paulu  
 Cum tuus  
 Seni t  
 Qui secu  
 Otca  
 Non ne p  
 Tu P  
 Sed lege  
 Hæc  
 Ille ego  
 Est n  
 Nil aci

Sed ære multo patrimonio amplissimi.

Magnas DEO mox gratias egi, quia

Tu pro Britanno patre Polo, quem pius

Euexit ignea ad astra, nobis reddidit.

Dialogus, de mortuorum sepulturis: in quo Episcopus quidam & Primus Comes inducuntur, Tridenti colloquentes,

Poëma XXXVI.

PRIME quid o sapiens animum tibi conficit oro?  
Quæ uis tibi exest cor dies,

Et noctes, mecum nequeas ut uiuere letus? P.

Zelus DEI domus mei.

Non mihi, quam cupio, Romani, candide præsul,

Opem ferunt Episcopi. E.

Nonne ex parte Pius fecit, quod mortuus ante

Paulus receperat tibi?

Cum tuus ipse Leo misisset scripta legenda

Seni tua illum per patrem,

Qui secum hæc binos tulit annos usque, moratus

Occasionem idoneam.

Nonne patres Puteus, Moronusq; ista probarunt,

Tu Prime quæ sentis bone?

Sed lege, iudicio placuit quæ carmina sanctæ

Hæc concioni subdere. P.

Ille ego non doleam? non lacrimar? heu domus ecce

Est mortuorum ædes DEI.

Nil acies certè hoc uno magè lædit & aures

Et usque odoratum omnium,  
 Qui sacra conueniunt sublimis limina templi  
 Almos precaturi Deos.  
 Quod rodens ait, & ridens Iudæus apella,  
 DEI domus mortis domus.  
 Omnipotens etsi clamat DEVS, Hæc mea sedes  
 Orationis sit locus,  
 Attamen implerunt mortales fama sepulcris  
 Deformia integri. en: Deum  
 Plena cadaueribus fœtent delubra potentum,  
 Ut spiritus sit pestilens,  
 Sintq; auræ corruptæ illic & morbidus aër.  
 Quadere ab ingressu patrem  
 Ecce precaturos illorum sæua mephitis  
 Deterret exhalans pios.  
 Non tantum nares, at pes quoque leditur istic:  
 Hæc eminent sepulcra enim,  
 Illaq; subsidunt, & hiant non nulla per ædes.  
 Barathra in ima corrunt  
 Sæpius incauti; reſerandis atque sepulcris  
 Sic pauperes teterrimus  
 Exanimauit odor, qui efflatur, sæpius inde  
 Non unquam uti reuixerint.  
 Ac Mediolani in primis loca sacra uidemus  
 Inuadere hæc contagia.  
 Adde, quod omne latus templi occupat ista cupido  
 Et mos humandi nobiles,  
 Sublimè in fano ut putrescant, non humi: in horas  
 Angustiora cernimus

Templa

I  
 Tempa idè  
 Aram quò  
 Accedunt ut  
 Illic &  
 Scleritiam c  
 Mirant  
 Qui moros  
 Est isaa  
 Et genus  
 Summi  
 Rellegio  
 In ciui  
 Principi  
 Admi  
 Conciliu  
 Diu  
 Conder  
 Nur  
 Non ne  
 Ciu  
 Id qu  
 i Ce  
 Gasp  
 M  
 Cai  
 Qu  
 Nu

Templa ideò fieri , supremo inuisa parenti ;  
Aras quòd eius ad sacras  
Accedunt urnæ propius , loculiq; profani  
Illic & hîc fixi super .  
Stultitiam cuncti nostram mirantur Hebræi ,  
Mirantur & Bizanti ,  
Qui muros extra sepelire cadauera pergunt .  
Est Isaci & pater  
Et genus exemplo , uiridiq; sepultus in horto  
Summi parentis filius .  
Rellegio & uetuit Marcellum condere Athenas  
In ciuitate mortuum .  
Principiò in fanis tumulos non concio sanctis  
Admisit integerrima ,  
Conciliis multis uetitos : quandoque ministri  
Diuûm sub aris est datum  
Condere reliquias terra : quod , Præsul honeste ,  
Nunquàm fuisset huic datum . E.  
Non'ne sacerdotem decet illic condere castum & P.  
Ciues profani dum sibi  
Id quoque concedi obsecrarunt , cuncta fuere  
: Completa fana mortuis .  
Gasspar & Albertus patres , Gibertus & istum  
Morem execrati sunt malum ;  
Caietanus item hoc sentit , priscosq; parentes  
Et concionem illam canit ,  
Quæ sedem propriam defunctis & loca ritè  
Semota destinauerat .  
Nunc irrellegio cuncta hoc confudit in orbe ,



Nunc cuncta perturbata sunt,  
 Quamquàm Paulus ait, Fiant o cuncta decenter  
 In concione & ordine.  
 Sacra DEI si quis uiolabit templa, supremus  
 Rex coelitum illum destruet: E.  
 Quo Diuum pacto uiolarunt templa ministri  
 Dic Prime planius rogo. P.  
 Nonne sacerdotum bona pars in pura coëgit  
 Delubra Diuum mortuos?  
 Ut facerent uirides illorum ex sedibus hortos,  
 Paruam ampliarent & domum.  
 Iratiquare nobis à uindictis ictu  
 DEI & uerendum est fulmine.  
 Reliquias Diuum in fanis tamen esse probatur  
 Ut ceteris, sic & mihi;  
 Illæ nam redolent uiolæ & thurea dona;  
 Et quippe mentes excitant,  
 Ad piaq; inflammant animos certamina nostros,  
 Temnenda adhæc mortalia.  
 Ne furor ergo DEI perdat nos, obsecro, templis  
 Et puritatem, & debitum  
 Reddere, si sapimus, cuncti properemus honorem;  
 Reddantur horti mortuis,  
 Corporaq; in sedes proprias corrupta trahantur;  
 Reddatur omnibus suum.  
 Armenij in templis passim incendantur honores;  
 Foctore tartara gaudeant:  
 Concioq; & CHRISTVS latetur odore cupito:  
 Canamus ut cum Dauide,

Nempe ego quàm domini formosam diligo sedem,  
Templi & decorem numinis. E.

At precor exponas mihi qua ratione miselli  
A' uero aberrarunt, Comes. P.

Grex hominum insipiens cæco deceptus amore  
Opinione lapsus est;

Quod sibi quippe nocet dementi, dum putat esse  
Id profuturum maximè.

Vt cecidit cuidam misero, cui spiritus oris  
Ater, anima & fœtens erat,

Qui credens magno placiturum se esse tyranno  
Accessit imprudens propè:

Extemplo audiuit, Fucriis quò longius à me,  
Eò mihi eris acceptior.

Nam meritas brutus plagas accepit asellus,  
Vti catellus quòd suo

Blandiri domino uoluit: sic & tibi deinceps  
Certè, nisi hoc uitas, cadet. E.

Quis neget ista, Comes? quis nos probet omnia?  
Ne nos quidem cadauera (quando

Esse fores intra patimur, licet illa parentum,  
Pulcherrimæ aut sint coniugis.

Quæ nos reiicimus longè fœda, illa placebunt  
Aede in sua æterno patri?

Si qua meas ferret quis corpora mortua in ædes,  
Non hostis esset is mihi?

Hæc igitur sacri qui intra fert limina templi,  
Amicus ille sit DEO?

Cùm sibi funestet sedem, quam cantibus atque

Preci-

Preci dicauit & sacris.

Hoc graue mi crimen fecisse, atque esse uidetur

Inexpiabile facinus. P.

Crimina ut ignoscat pius hæc mortalibus ægris,

DEVM fatigemus prece.

Verùm concilii ad reuerendos hæc ego patres

Hodie referre te uelim. E.

Cras potius faciam: specie de utraque loquetur

Antistitum hoc cætus die.

Ad DEI O. M. Filium, Poëma XXXVII.

**P**Roles unica maximi  
Patris cœlicolûm DEI,

Antequàm fierent maris

Vnde, terra, poli, patre

Proles edita summo,

O' DEVS gente à DEO

Numen numine, & optimo, &

Lumen lumine maximum

Emanat Dominus potens

Vnde spiritus almus,

Vt sit tergeminus DEVS,

Et unus facilis, pius,

Hæc qui temperat omnia,

Quiq; nos creat, auget, im-

mensi conditor orbis,

Qui clemens, bonus, inclytus

Rex ante omnia secula

Delegisti

Delegisti ad opes tibi  
Aeternas Superum pios  
E' mortalibus omnes,

Qui legis memores tuæ  
Execrantur & improbos  
Ausus, & fugiunt nefas,  
Diuum & incipiunt in his  
Terris ducere uitam :

Vitæ qui à puero uiam  
Monstrasti facilis mihi  
Sæpe & sæpius inquires,  
Istac, ô bone, particeps  
Vti sis meus, ito.

Cur raræ alitis illius  
In nidum patulæ arboris  
Musas quæ Aonio tibi  
Duxit uertice, nobili  
Hac me ducis ab urbe &  
Illuc auspicijs bonis

Iturum puto me, pater,  
Inuolucro hoc in istius  
Cum scriptum uideam sagi  
Hæc sanctissima uerba;

Precare auxilium à DEI  
Nato, sanguine qui suo  
Nos redemit ab hostibus;  
Nec scriptum uideo semel,  
Verum sæpius illud,  
Intellexi ita uerba ea,

Si ipse te prece, uti iubes,  
 Orarem, pater optime;  
 Vniuersa mihi fore  
 Illic prospera per te.

Ergo nunc equitans tuus,  
 Pater, supplico numini  
 Illic spiritus ut tuus  
 Me curet, foueat, regat,  
 Seruet tempore in omni.

De Ioannis Paduanii Veronensis, Mathematici  
 excellentiss. operibus, Poëma XXXVIII.

**A** Eterni bona ciuitas Catulli  
 Semper datq; viros deditq; doctos;  
 Vt Fracastorius Maro alter ille est  
 Magni Flaminij coæuus; utq;  
 Fumanus grauis & bonus poëta,  
 Poëta egregius, meus sodalis:  
 Nunc dedit Paduanium disertum,  
 Florentem ingenioq; deditumq;  
 Archite studijs: qui & hos libellos,  
 Et plures alios quidem exarauit,  
 Quos si nempe leges, repente temnes  
 Oronti, studiose lector, istas  
 Ambages: breuitas inest aperta  
 His uoluminibus uiri potentis,  
 Tam naturæ hominum bonorum amica.

De D. Helenæ Constantini Imper. matris tumulo,  
 & de Caroli Borromæi Cardinalis geanologia,  
 ad Carolum Vicecomitem, Episcopum  
 Intemeliensem, Poëma. XXXIX.

**I**Nsulam Præsul modicam benigne  
 Urbis ad muros furibundus intra  
 Portum aquis gentis Venetæ quietis  
 Adria cingit;  
 Templâ fundant ubi patris eius,  
 Cui lyram nostri Davidis dicamus,  
 Antè maiores, monumenta quorum  
 Vidimus illic,  
 Nos quò Ioannes hodie sodalis  
 Duxit: intrantes ubi Boius ipse  
 Nos Mariscotus facilis recepit  
 Claudius Abbas;  
 Quos regit prudens, posuere sedes  
 Hic uiri pulchrâs sibi candidati,  
 Signa portantes olæ, ad beati  
 Limina templi.  
 Vergit ad tristem Boream sepulcrum  
 Cæsaris magni hinc Helenæ parentis,  
 Quæ crucem inuenit pia nempe CHRISTI  
 Antè sepultam;  
 Cuius è ligno his oculis cruento  
 In cauo partem tumulo iacentis  
 Corporis Diuæ, faciemq; matris  
 Vidimus ipsi.

Est Alexander bonus, à Quirini  
 Qui sibi nomen trahit, ante sacrum  
 Conditus nymphæ tumulum; Philippus  
 Quem dedit ingens,  
 Magni Ioannis pater, urbis unde  
 Nostræ & antistes soboles Giberti est  
 Ortus, hæc nobis grauis indicauit  
 Deditus Abbas  
 Caroli famæ, generisq; laudi.  
 Quò patris longas series auorum  
 Nobilis scriptas posuit sacratæ ad  
 Corpora Diuæ,  
 Vt legant seri pariter nepotes  
 Nomina & claræ pia facta gentis,  
 Cuius in templo renouauit omne  
 Stemma uetustum;  
 Ac sacerdotum in niueis bonorum  
 Vestibus, uasq; eadem refecit,  
 Vt dies nulla hæc patribus futuro  
 Eximat æuo.  
 Carolus magno est decimus Philippo à  
 Casti Ioannis patre, cui decora  
 Diuiti tantum fuit una nata  
 Virgo superstes,  
 Insubres cum Dux regeret Philippus  
 Anguiger fortes tuus; & locauit  
 Hanc adoptato iuueni puellam  
 Ciui Iacobo.

Ipsa Vitalem genuit, Philippum

Atque



Atque Vitalis genuit, parentem  
Præfulis qui ingens abauus Gibertum  
Edidit olim.

Fortè si nescit tuus ista amicus  
A mea Musa celebratus, illi  
Tu mea uitæ D E V S hæc memento  
Cuncta referre.

De Lycida, Poëma X L.

**L**ycidas ut ipse pastor, bonus agricola suum  
Repente uidit omnes propè deferere caput,  
Neque se ualere monstri cohibere per homines  
Rabiem, recepit in deuia se loca subito, &  
Inhospitas adiuuit properante pede domos.  
Bicornis atque Faunus, Satyrusq; leuis ad hunc,  
Et undequaque syluestria numina ueniunt.

Huic poma nemorū mox donant munera Dryades  
Fructusq; corylorum, Panes ubi graue calamo  
Cecinere: & oram acutis ululatibus agitans  
Qui corpus euirauit Veneris nimio odio,  
Aduenit Atys, tauri & teneris caua digitis  
Cœpit quatere Deūm matris tympana leuia.

Lycidas at æger gaudet; dans cui Dea latices,  
Vt potet à cibus, orat, uti canere uelit.  
Tacuere cuncti; & incepit carmina facilis  
Cantare pastor, ut Tytirus edocuit eum.

Tum ludere agrestes in numerum illico uideas  
Diuos, ferasq; motare comam & sibirigidam

Quercus, ut ipse si Delius ista canat eis.

Inuidit Atys, & mox sibi detrahere furcens  
Incepit. hospes agrè tulit illius equidem  
Dicta improba, & sonos, atque odiosa facinora.

Fatum suum intuens Pan lacrimantibus oculis  
Interdiu & queri nocte, uicem dolet hominis,  
Et uulnerauit Atyn uerubus citò miserum.  
Congratulantur illi syluæ & uiride nemus,  
Satyri, atq; Nymphæ, & ipsa agricola pia genitrix.

Ad Stephani Mariæ Hugonii, Brixiani, Equitis  
nobilissimi literas, responsio; Poëma. XLI.

**Q**UOD non Camilla filium nunc edidit  
Tibi Camillum, ut ipse dixeram, & lares,  
Nec ipse mendax nec fuere Dis lares:  
Nam diuiti prædiximus, sed non modò,  
Tibi Camillum hunc edituram coniugem.  
Modò ut det illum, post tametsi liberas  
Plures, nec ipse, nec lares mentiti erunt.

Hanc Gratiam necesse Cæsaream fuit  
Nasci prius, quòd Paula solùm & Claudia  
Forent duæ, quàm gigneret marem tibi,  
Quem filium expectato deinceps; ut lares,  
Meq; esse dicas uerum, Eques clarissime.

Ad librum suum, Poëma XLII.

**Q**uid times? exi. Rhodanumq; uise:  
Vise Garumnâ, Libyæq; pontum,  
Bosphori fines, fluuios Iberi,  
Eridanumq;.

Te colent omnes: nisi & augur ipse  
Fallitur, uiues, eris atque tota  
Clarus Europa liber, alma dum te  
Deseret ætas.

M. Antonius Maioragius ad Io. Baptistam Por-  
rum, de Dauidis psalmis uersibus à Spinula  
& scriptis, & scribendis,  
Poëma XLIII.

**F**los Porre Insubrium, bonis amice,  
Amice Aonidum choris, Aplani  
Sedes nanque sacras tui frequentant,  
Qui duris quoties seueriorum,  
Vacas muneribus negociorum,  
Libris inuigilas sacris libenter,  
Et mentem reficis laboriosam  
Diurum ambrosiaq; poculisq;  
En iam maximus ille Idumeorum  
Et laudes celebrat patris beati  
Et implorat opem Deum poëta  
Dulcis candidius, politiusq;.

Triginta hos cape nunc uenustiori  
 Florentes facie, & lepore cantus  
 Confectos tibi Spinula labore:  
 Mox totum accipies bene expolitum;  
 Confectum tibi Spinula labore,  
 Romana Dauidem lyra canentem.

Io. Baptista Porrus ad M. Antonium Maior-  
 ragium, Poëma XLIIII.

Sicut lymphula riuuli suavis  
 Antoni esse feris solet, siticum  
 Aestifer canis arua hiulca findit,  
 Hac abs te mihi missa liberali  
 Grata carmina Publii fuere:  
 Nil optatius est mihi, eloquentis  
 Quàm per hunc Dauidis uidere musas  
 Deductum ad Latias poëma totum.

Vt nox longa, quibus puella amata  
 Mentitur, piger annuusq; ut orbis  
 Huic, custodia quem premit nouerca,  
 Et debenti opus ut dies uidetur  
 Tarda, ingrata fluunt satis, superq;  
 Mihi tempora, quæ morantur & spem  
 Nostram, & consilium boni poëta  
 Gnauiter peragendi id, æquè egenti  
 Quod lectum hercule proderit beato,  
 Neglectum puero, & seni nocebit.

Ad

Ad Leonardum Spinulam Faustinus Barbonus Son-  
cinenſis ſacerdos, Poëma XLV.

**S**pinula, ô tibi nuncij beati,  
Spinula, omnibus unus ex amicis.  
Anteſtans lyrico huic poëtæ, honeſtus  
Noctem perpetuam quod ipſe Marcus  
Dormiturus opus mei ſodalis  
Inceptum celebrauit eleganti  
Verſu, mittimus id tibi abſolutum,  
Doctum Iuppiter, & laborioſum,  
Perfectum tibi Publio diſerto:

Cuius uerſiculi quidem placebunt  
Non doctis modò, ſed diu manebunt.  
( Ut uirtus tua ) docta per uirorum  
Ora, & perpetuò à bonis legentur.

Vt mortalibus occidit breuis lux,  
Non unquam redit amplius, tametſi  
Valent occidere & ridere Soles;  
Sed uirtus tua Publii & poëma  
Non unquam occidet, at perenne uiuet.

Ad M. Antonium cognomento Grofolietum Leonar-  
di Spinulæ ærarij præfectum Ioannes Ceruus  
Mediol. ſacerdos, Poëma XLVI.

**O**' Lux unica ciuitatis huius,  
Nunquam Marce mihi tacende, Luna  
Donec alta ſuos rotabit ignes,

Qui sic Pieridum sacros liquores  
 Cynthio duce latus imbibisti,  
 Vti uiuere gaudeant camœnæ  
 Dulces, quàm fueris diu superstes,  
 Tandem illos tibi Spinulæ labores  
 Super Iessiadæ precationes  
 Serena accipe fronte, perpolitò  
 Ductos ordine sic ad umbilicum,  
 Vt Antonius occidens amicus,  
 Qui cum tristibus euagatur umbris,  
 Perdocto Hendecasyllato recepit.

Quòd si quis laceret tuum poetam,  
 Commendo illius hos tibi libellos,  
 Cùm iam eos uideas bis eleganti  
 In lucem calamo editos: aucto.

Octavius Bornatus, iuris peritus, Brixianus, ad  
 P. Franc. Spinulam, Mediolanensem,  
 Poëma XLVII.

**V**ates Aonii dulce decus chori,  
 Quem charum Charites in gremio fouent  
 Gingentes uiridi tempora pampino,  
 Cui puros latices Phocidis est datum  
 Haurire, atque sacro colloquio frui,  
 Non olim ueluti Pompilius Numa,  
 Qui finxit tacitos cum Aegeria sibi  
 Congressus, populum quò uitij grauem  
 Ad cultum superum pelliceret Deum,

Quòd

Quòd docto celebras carmine me, tibi  
 Ingentes habeo Spinula gratias:  
 Immortalis ero carmine nam tuo.  
 Quæ uerò referam præmia munere  
 Tali digna? patrem cœlicolũ precor,  
 Vt felix uideas Nestoreos dies;  
 Et, cùm iam Lachesis debita stamina  
 Fatalemq; operam fessa peregerit,  
 Vt uirtus superas te euehat ad domos.

Io. Baptista Crassus Michaëlis fil. de P. Francisci  
 Spinula Gabrielis fil. præceptoris sui  
 Paraphrasi, Poëma XLVIII.

**E**Xegit doctus monumentum Publius ære  
 Perennius, situ altius  
 Illo pyramidum regali, quod fuga nunquam  
 Opus dierum diruat,  
 Non series longa annorum, nec uentus, edaxq;  
 Consumat imber fulmine:  
 Plurima pars eius uitabit fata, recensq;  
 Laude usque crescet postera,  
 Dum segetes in agris maturis solibus annus,  
 In collibusq; uuas coquet,  
 Dum soliti uasto pascuntur in æquore pisces,  
 Viuent & apri montibus.



Paulus Mutius Brixanus ad P. Franciscum Spinulam  
uatem præstantissimum, Poëma XLIX.

**E**Xtat Aristoclis præclarum dogma monentis,  
Vt quærat patriæ commoda quisque suæ;  
Nos homines hominum causa dixere creatos  
Qui uim uirtutis ( ut Cicero inquit ) habent .  
Quare cuncta uolens Superis accepta referri ,  
Omnia cuius opus secla futura legent ,  
Dauidis ad Latias deduxti carmine musas  
Francisce Eois dulce poëma Syris :  
Flaminius quod opus uix antè inceperat ingens ,  
Quàm sibi conijcerent inuida fata manus .  
Psalmos iam poterunt pueri , iuuenesq; , senesq;  
Percipere : ingenium nullaq; cura premet .  
Nam tu Romano cultissima lingua lepore  
Facundo lepidos edis ab ore sonos .  
Tergant ergo rudes tetra rubigine linguas ,  
Et condant animo uerba Latina suo .

Ad Leonardum Spinulam Io. Baptista Castalionus  
I. C. Mediolanen. de Spinulæ paraphrasi,  
Poëma L.

**G**Rata lyra tangens cum Dauid fila sonora ,  
Iudæo aternos diceret orbe Deos ,  
Et Lunæ Solisq; uias , arcanaq; fata ,  
Et tristes umbras , Elysiosq; choros ,  
Vt dapibus summi grata testudine patris  
Personet .

Personet, hunc terris eripuerē DEI.  
 Eripuerē DEI Latias & Regis apellæ  
 Ducentem ad musas carmina Flaminium;  
 Mulcere ut Superos cantu, cœlestis itemq;  
 Eridani uitreas sistere possit aquas,  
 Ad cuius citharam hîc requierunt flumina cursus,  
 Oblita & longas lucida signa uias.  
 Amissis gemuit lugubris uatibus orbis,  
 Accusans Diuos, impia fata uocans.  
 Questibus auditis, tandem mortalibus ægris  
 Ut caueat, patrem numina magna rogant.  
 Queis ait, Afflictum solabor Iuppiter orbem,  
 Qui referat Marcum, Iessiadenq; dabo.  
 Ac iubet in sacro Párnasi monte repertum  
 Laurigerum Publi pectus inire DEVM.  
 Vatis in arcanam mentem se Cynthius abdit,  
 Dauidis inspirat Flaminijq; sonos.  
 Tanti igitur uates insignis Apolline plenus  
 Inceptum uatis Spinula complet opus,  
 Complet opus gratum Superis, quod nulla uetustas  
 Deleat, & Publi nomen ad astra ferat.

L. Fabritij Lampugnani, Poëma L.I.

**A**gyptum spolians olim Iudæa propago  
 Fugit, & auertens aurea uasa tulit:  
 Auroq; argentoq; graues, spoliisq; superbi  
 Magno erexerunt templa superba DEO:  
 Diuitias aufert ueterum sic Spinula uatum,

Insidens

Insidens casti floribus eloquij :  
 Verborum cultus & opes fuluoq; nitentes  
 Diuitias auro congerit ipse sibi :  
 His opibus spolijsq; incedit clarus, & illa  
 In templo accumulans, templa nitere facit.

L. Fabricis Lampugnani, Poëma LII.

**I** Liados pugnas, & Homérica bella frementis  
 Qui legitis, uel quos arma cruenta iuuant,  
 O' si his sepositis possetis adesse bibentes  
 Aure, sonat quicquid Dauidis alma chelis,  
 Spinula quodq; canit : forsán uetus illa ualeret  
 Turba poëtarum, tota iaceret iners :  
 Mæoniæq; tubæ cantus depressus abibit,  
 Vilis erit, si cum Dauide contuleris  
 Vilis erit. uilem contemnite, & ætheris almi  
 Querite diuitias, æthereas & opes :  
 Et dum tempus adest inquirete, & aure manuq;  
 Sumite, quod Dauid Spinulaq; ipse canit.

L. Fabrici Lampugnani, Poëma LIII.

**D** Auidis ecce rudis fuit olim barbitos, at nunc  
 Facta Latina manet munere Flaminii :  
 Spinula suppleuit, Latiasq; inuexit in oras.  
 Hebræe renouans fila sonora lyre.

Constantini Cati Alexandrini Poëma LIIII.

**Q**uam tu non Publi delectent carmina uates?  
Quis non miretur teq; , modosq; tuos?  
Emittis facili uersus de pectore , quales  
Personat aurata pulcher Apollo lyra .

Dionysii Athanasii Calliensis , Poëma LV.

**S**pinula dum uarios Latio dat pectine cantus ,  
Et dulci Adriacas carmine mulcet aquas ,  
Obstupuit Phœbus : mox moerens talibus infit ,  
Heu memini natum sic cecinisse meum .

Vincentij Zini , Brixiani , Poëma LVI.

**O**mnia Vincenti subierunt gaudia pectus ,  
Carminibus lectis Spinula docte tuis .  
Tu decus es uatum . te dicet nostra cantœna ,  
Atque tuum nomen sidera ad alta feret .

Imitationis Catulli finis .

THE  
OF THE

OF THE  
OF THE

OF THE  
OF THE


OF THE  
OF THE

OF THE  
OF THE

P. Francisci Spinulæ  
MEDIOLANENSIS  
EPIGRAMMATON

Libri tres.

CVM PRIVILEGIO.



VENETIIS, Ex officina stellæ Iordani Zileti.

M D L X I I I.

*Ioannis Sarij Zamoscij, Polłoni, in Spinula  
epigrammata, distichon.*

*Tempfere Anides librorũ epigrammata septem,  
Legere ut uersus Spinula docte tuos.*





# STEPHANO MARIAE

Hugonio, Brixiano, Equi-  
ti clarissimo, S. D.

*P. Franciscus Spinula Mediolanensis.*



X eo die, quo me ægro-  
tum Brixiae, ab alijs  
destitutū, tua excepit  
liberalitas, mecū ince-  
pi cogitare, quonam pacto ipse,  
qui tenuis & inops parem gratiam  
non possem referre, uel aliquā ani-  
mi grati significationem tibi da-  
rem. Atque animum meum ma-  
gis magisque Marcellus tuus, uel  
noster potius, in uilla tua, ubi cum  
Musis humanioribus habuimus  
commercium, Idib. Septemb. ad  
hoc ipsum inflāmauit. Cū enim  
me Hieronymus Dongellinus, ad

uentante hyeme , de Veneta conditione suspensum adhuc teneret , tuis ille uerbis mihi dixit , quod deinde ipse etiam eodem die confirmasti , te rationibus meis nunquam defuturum ; ut tuis essem in ædibus ; me tibi certè eò gratius facturum esse , quò tecum forem diutius . Literis prætereà ad me nuperrimè datis , mihi & patrimonio , & omnia tua patere declarasti . quo nihil amantiùs , nihil liberalius , meo præsertim hoc tempore , à te fieri potuisse intelligo . Quamobrem carmina hæc mea , uix tandem absoluta , ad te mitto , non mehercule ut æquam tantæ debitionis solutionem & mercedem , sed tantummodo ut euidens beneuolentiæ signum , animiq; gra

ti ac memoris argumentū . Cū  
enim de Francorum regibus in  
elegis breuia quādam honorificē  
prædicauerim, cur non & tibi, Hu-  
gone Gallorum rege profecto,  
cui omnia debeo, hoc opus exi-  
guum consecrem? Familiā enim  
tuam à Gallia cepisse principium,  
uera Maluetij ciuis Brixiani histo-  
ria confirmat . Nam idem Hugo,  
ut legi in antiquissimis tui cuius-  
dam propinqui commentarijs ma-  
nu scriptis, qui iurato mihi, quasi  
ab Ioue in concilio Deorum ad-  
misso mandauit, uti penes se ea es-  
se nulli omnino planum facerem,  
idem, inquam, Hugo, anno à  
Christo salute nostra orto 15 cccc  
lxxxvii post Carolum magnum  
tertius decimus rex est creatus.

Qui quidem Robertum & Lambertum cum liberos genuisset, Robertus natus maior, regni hæres, fratrem negligere uidebatur. Quapropter Lambertus sese in Germaniam ad Othonem recepit Imperatorem. Vbi Henricum generauit, Henricus Carolum, Carolus Calocerum, Calocerus & Bonfantum & Ioannem Antonium. à Bonfanto autem Hugo & Gonzaga nati fuerunt. Qui fratres cum Federico Imperatore copiarum ipsius duces Adriani Pontif. Max. tempestate in Italiam uenerunt. Vbi certè ab eo insignibus Aquilæ nouis donati, (anteà enim treis liliorum flores in cœruleo alboque spacio semper gesserant) ipso in Germaniam redeunte, habi-

tare maluerunt. Hugo deinde generavit Philippum, Philippus Milonem Brixianum, Milo Raimundum & eum Philippum iuris peritum, qui, ut Ioannes Villanus historicus libro sexto refert, Federico II Imperatore, Florentiam ad ius dicendum ex Cenomanis euocatus fuit. Hic postea Philippus procreavit Hieronymum, Hieronymus Ioannem, Ioannes Ioannem Baptistam, Ioannes Baptista Bartholomæum, Bartholomæus Bonifacium, Bonifacius Ioannem, Ioannes quatuor fratres, Bartholomæum, Bonifacium, Antonium, & Augustinum: de quibus Bartholomæus Stephanum iuris consultum, Stephanus denique & Philippum, qui

Marcellum genuit, & Hieronymum L. Fabii parentem, & Franciscum iuris peritum, à quo tu anno cto 15 xxii natus fuisti. Hic autem non possum silentio prætere iuris utriusque peritissimum, quem honoris causa nomino, feudalem meum, propinquum tuum, Hieronymum Hugonium, Angeli Othonisq; fratrem germanum, Bonifacio prognatum, quem Angelus proauitui Bartholomæi fratris filius procreauit. Ad initium insuper horum nominum descriptionis, in modum arboris depictæ; hoc erat poema iisdem in commentariis ascriptum;

*Hæc est Hugonis Gallorum antiqua propago  
Regis, qui Diuûm sanguine natus erat:  
A quo sunt orti longo pòst tempore fratres  
Gonzaga illustris, pulcher & Hugo bonus;*

*Quorū atavos fortes dederat Germania : eorum  
Illuc à Francis iuerat antè parens .*

Cæterum, ut illustria maiorum  
tuorū aliquot gesta factaq; com-  
memorē, Maluetius scribit, Milo-  
nem eum, de quo suprà memini-  
mus unā cum aliis tribus primariis  
Consulem Brixianos fecisse . Ad-  
dit etiam & Philippum, artis bel-  
licæ peritissimum, maxima in ca-  
lamitate Bononiam rexisse atque  
tutatum fuisse; & Riciardum pro  
patriæ incolumitate præclara mul-  
ta gessisse, & Albertum pro ea-  
dem in tyrannum iniisse cum ciui-  
bus multis consilium: cui quidem  
cū non præstò fuissent conspira-  
tionis sanctissimæ populares, eum  
subitò in carcerem à crudelissimo  
tyranno fuisse coniectum . Ca-



preolus uerò alter ciuitatis uestræ  
historicus, enarrat, & Raimun-  
dum, de quo paulò antè memini-  
mus, ut uirum & æquum & sapien-  
tem, Mantuanos sibi Prætorem  
delegisse, & Obizonem animo  
forti magnoq; fuisse; & Ricia-  
dum alterum ita à Brixianis om-  
nibus adamatum, ut in urbis suæ  
rebus turbulentis totius nobilita-  
tis consensu ad ciuitatem seruan-  
dam Prætor creatus fuerit; & Ste-  
phanum Equitem generosum, iu-  
risq; ciuilis peritum, patriæ salutis  
ergò maiore in modum elaboras-  
se. Multi alij præterea Hugonij  
in Mantuanorum Florentinorum,  
& Mediolanensium annalibus cò-  
collaudantur, quòd uel gesserint  
magistratū, uel rei militaris scien-

tiam fuerint consecuti . Hic autem mitto , in Hugoniorum illustri familia Iacobum , Angelum , Paulum , & Franciscum utrunque , excellenteis iuris consultos , omni uirtutis genere patrum nostrorum memoria floruisse . mitto Scipionem & Bernardinum ciuibus suis armorum scientia bellicisque laudibus præstitisse . mitto Stephanum auum tuum , uirum grauiissimum , à totius ciuitatis consensu legatum & ad Venetorum Ducem & ad Maximilianum Imperatorem missum fuisse . mitto Matthiam , Phamagustanum antistitem , iurisconsultum , eius Angeli , qui Hieronymi sodalis mei auus fuit , fratrem , ita summos honoris gradus affecutum , ut uel

Pontificis Max. Referendarius fuerit . mitto etiam eius integer-  
rimum successorem , Ioannem Franciscum , iuris peritum , Hie-  
ronymi eiusdem patruum . mitto hæc uniuersa , & meam ad insignia uestra conuerto orationem .  
Quòd igitur ad liliorum flores & Aquilam attinet , cum temporum uicissitudine nobilium item insi-  
gnia mutari nulli mirum debet ui-  
deri . Etenim non Vicecomites so-  
lùm , sed multi etiam alij uetera insignia pro nouis in dies omit-  
tunt . Vicecomites enim uniuersì apud Insubreis & quadrata uigin-  
tiquatuor , quæ nos illorum con-  
sanguinei Spinulæ gerimus ( à Be-  
lo quidẽ Vicecomite nati sumus )  
& trẽs coronas , & quercum abij-

cientes , post Magni illius Otho-  
nistrophæum , uictum ab eo ipso  
serpentem ostentare maluerunt .  
Leonardus item Mocenicus , Ve-  
netus , Eques clarissimus , qui le-  
gatus ad Ferdinandum Imperato-  
rem à Venetorum senatu missus  
fuit , ab eodem principe bicipitis  
Aquilæ insignia cū rosis suis con-  
iuncta accepit . Itaque cū alii  
solas Mocenici rosas ostentent ,  
unum ipsum & Aquilam et rosas  
uidemus gerere . Gasparetiam Vi-  
cecomes , Beli filius , simul atque  
ex Insubribus ad Ligures emigra-  
set , quatuor et uiginti quadratis  
purpureis glaucisq; glauco in spa-  
cio dispositis spinam quandam su-  
periore in parte addidit . Ex quo  
factum est , ut primò Vicecomes

Spinula, deinde Spinula solummodo cognominaretur. Sit'ne igitur mirum, si Hugoniorum non nulli adhuc liliorum flores, prima uide licet familiæ nobilis insignia, alij uerò quàm plurimi Aquilam duobus fratribus à Federico donatam habent? Sed, ne te multis occupationibus distentissimum pluribus detineam, quasiq; festinantem in uia demorer, in legendis carminibus meis illud obseruabis, me in quibusdam uocibus literas transposuisse. ut sunt Boterrus, Scancirfus, Tolamius, Lulba: quibus si R, F, L, B, præponantur, consonantesq; suis locis reddantur, ea facilè inuenias. De cætero hoc paruum munus meum, in quo quidem multum desudaui, tibi uelim

ita sit gratum, ut dona tua et Bri-  
xia et Venetiis mihi acceptissima  
fuerunt. Vale. Venetiis, Nonis  
Decemb,

CIO IO LXII.

THE HISTORY OF THE  
CITY OF LONDON  
FROM THE FOUNDATION  
TO THE PRESENT TIME  
BY JOHN STOW

CIVIL HISTORY


OF THE  
CITY OF LONDON  
FROM THE FOUNDATION  
TO THE PRESENT TIME  
BY JOHN STOW



P. FRANCISCI SPINVLÆ  
MEDIOLANENSIS.

EPIGRAMMATON

Liber primus.



Ad Illust. & reuer. Adamum Conarchium, Polon-  
num Posnagniensẽ Episcopum.



Vid uarios hominum  
mores, generosa pro-  
pago

Adamæ Antistes, toto mi-  
raris in orbe?

Villicus in patulos po-  
mũ incuruauerat arcus  
Cõstringẽs laqueo, mul-  
tis quæ obduruit annis.

Erigere hanc hæres superas modò tendit ad auras:

Quò sterilis fructus aliquot sibi iam dare possit.

Cui sæpe annosus iam dixit rusticus, Heu tu,

Quid facis inspiens? iam desine: confringetur.

Sic etiam ramos quæ uertit ad æthera onustos

Fructibus, incuruet nemo. est asuescere multum

A' teneris: hoc enim natura fit altera cunctis.

B Ad

Ad Casarem Martinengum, Brixianum, Iacobi  
fil. Stephani Mariæ Hugonij Eq. cl.  
sororium.

**V**T Solis radios Elephas surgentis adorat,  
Tu uenerare Deos, exoriente die:  
Omnia nam debes Superis pulcherrime Casar,  
Qui mox edendo consulere tibi.  
Hi nisi seruassent patrem à Gallo, usque fuisset  
Persona obscurum nobilis ista Chaos.

Ad Ioannem Baptistam Pignam, philosophum orna-  
tissimum, Ducis Ferrariæ Secretarium, de natu-  
ræ rerum omnium parentis prouidentia.

**V**Ndas cum Lari sulcarem forte profundi,  
Dū premeret Bacchus pingua musta pe-  
Quæ mira audiui quondam, tibi mittere iussit (de,  
Mè Pignâ excellens officiosus Amor.  
Litus in aduersum dum pica uolaret, in undas  
Puppe exiuit equus, præterijtq; lacum,  
Vxor ubi nautæ uiridi lugebat in acta,  
Obruta quòd Cauro flante carina foret.  
Indolui, melius quàm nobis bellæ & esse  
Alitibus cautum, cum Dea uoce dedit;  
Vt fugeres, quod obest, à Diuis iste tributus  
Est animus prudens, est ratioq; tibi:  
Quadrupedi at pronæ mater dulcissima nare,  
Alarum

Alarum uolucris remigiumq; dedi:  
 Aequora ut hæc pinnis subito trans alta uolaret,  
 Illaq; ne insanis obrueretur aquis.

Ad Iacobum Balamium, Romanum.

**Q**uam tempfisse Paphi sedē canit Albius alter,  
 Atque illi Venetos præposuisse lares,  
 Hic te conspiciens Cytherea, Reuixit Adonis,  
 Inquit, & Idam odit, ut Cypron ipsa Venus.

De pinu, à Spinula Stephano Mario Hugonio,  
 Brixiano, Equiti clarissimo, donata.

**V**idimus in somnis pinum creuisse nouellam,  
 Cum DEVS hortorum talia uoce dedit;  
 Si quid ego hortorum pater, ut uos, mentior, albis  
 Omne caput merdis inquiner alitum;  
 Et saxis pueri feriant me; in meq; cacatum  
 Et mictum ueniant fur, canis, atque fues.  
 Olim tam Marij præstabit totius urbis  
 Natis progenies omnibus egregia,  
 Idus octauo quàm pinus consista Aprilis  
 Horto alias inter extulit alta caput.  
 Nobile per totum genus hoc cantabitur orbem,  
 Ut uoluit auus docta per ora uirum,  
 Cum iuuenem pulchrum formosa Camilla Camillum  
 Gaudebit forti se genuisse uiro.

Ad Stephanum Mariam Hugonium, Brixianum,  
Equitem generosum.

**L**ocaueris natam oro Piscaræ inclyto,  
Matura erit simul uiro:  
Quò nupta sit cum Claudio ista Claudia  
Pulcherrimo pulcherima.

Ad Octauium, Pallauicinum, Genuensem.

**P**ennaleuis crescit, faueas generose uolucris  
Heros flumineæ, te rogat albus Olor:  
Ut sublime ferat nomen tuum ad æthera Cygnus,  
Gens apud Insuæres quem tua stemma gerit.

In Camilli Piscaræ, nobilissimi ciuis Brixiani, Io.  
Mariæ fil. Lutetiæ extincti, tumulum.

**Q**uam tua chare mihi doluerunt fata Camille:  
Tristitia quis patri nunciet ista tuo?  
Tellure externa morienti nulla sororum,  
Neu mater lugens ultima dona dedit.  
Quæ mortis nigrae fugiat quis uulnera? quando  
Omnibus obscuras iniicit illa manus.

Ad Io. Marcum Fagnanum, Mediolanensem.

**S**tultus si sapiens hîc est, & qui sapit amens,  
Stultitia est potius Marce sequenda bonis.  
Mortales

Mortales etenim sapientes maxima summi  
 Insanos ratio indicat esse patris.

De Aurelio Portulaca, ciue Brixiano, Pij IIII,  
 Pontif. Max. cubiculario.

**E**st homini Veneto Muriani fertilis hortus,  
 Lumina ubi pascit graminis omne genus.  
 Huc cum fortè sibi comites me & Gaspara festo  
 Conduxisset Eques nobilis Hugo die,  
 Quod genus herbarum placeat, qui conferit hortu,  
 A nobis cœpit querere Causidicus.  
 Hic Betam, ille Apium dixit magè diligo, tantum  
 Andrachnen ipse, Spinula dixit, amo.  
 Andrachne en surgit Tyberini ad flumina. Melo  
 Andrachne est ripis charior herba tuis.  
 Hæc Superis crescit uitreas cœlestis ad undas  
 Eridani cunctis gratior herba Ioui.

Ad Vincentium Portulacam, Equitem clariss. & iu-  
 ris utriusq; peritiss. Aurelij fratrem, emblemata.

**A**spice Vincenti fortissime; seq; suosq;  
 Falcifero curru perdidit Antiochus.  
 Victor eris: fortem perdes, inimicaq; castra.  
 Nanque petent auctorem hostica tela suum.

B. iiij. Ad

Ad illust. & reuerendiss. M. Antonium Columnam,  
Romanum, Archiepiscopum Tarentinum.

**D**ii mihi quæ dederint insomnia uera Tridenti  
Nocte, Paternagæ, scribere iussit amor.  
Nam uidi in somnis altam creuisse Columnam,  
Inter ut efferret lucida signa caput.  
Dum sculptas acies in ea, dumq; inclyta facta  
Susspicrem, & patrum clara trophæa tuum,  
Fulgere purpureo hancq; ardenti in lumine uidi,  
Virtutesq; tuas, exoriente die.

Hieronymi Hugonij I. C. Brixiani apoph-  
thegma. διαλογισμὸς.

**L**aurus in urbe tua crescit q̃ plurima. crescit,  
Quod nō, cui detur laurea, Phœbus habet.  
In cuiusdam Brixiani tumulum.

**I**nfelix obij, dum quæro uiuere. nivos  
Vos alit, occidit me cibus exanimem.  
Ad Marcellum Hugonium, Brixianum,  
Philippi fil.

**I**pse quidem satis es diues: si plurima desunt,  
Coniux & ficus fertilis Hugo tibi est.

Ad

Ad eundem. emblemata.

**S**oluo tibi grates, mihi donas qui bona tantum:  
Nam ficus, non ut prima, secunda nocet.

Ad hominem quendam, cognomento Caballum.

**H**aec tibi cōueniunt cognomina bruta Caballi;  
Non magè equo Phœbi diligis ipse chorū.

Ad Ludouicum Carminatum.

**L**udouice ferunt omnes, te ad carmina natum:  
Quæ uiuant igitur carmina docta canē.

De Alberti cognomento Roboris prudentia.

**B**is geminās aures & bifrons, Ianus ut alter,  
Quattuor Albertus lumina paruos habet.

Barnabas Magius Brixianus, de Neapolitano  
cæcorogatus, respondit.

**C**ur hic cæcus homo? Quod nō dilexerit ipsum,  
Nescio quo fato, lux sua, amata nimis.



De quodam Epicureo, ad mortem.

**E**st, fera mors, porcus pinguiſſimus; occidatur.  
Sit (ſatis edit enim) iā alijs animalibus eſca.

Ad Lucretiam Faltam, Brixianam,  
Vincentij Magij dulciſſimam  
uxorem.

**V**xor ut alpini muris ſua mittit onuſta  
Pro curru à forti coniuge membra trahi,  
Sic uigil in cunctis rebus ſuccurrere tendis  
Ipsa laboranti caſta puella uiro.

De Malateſta Martinengo, Comite  
illuſt. Brixiano.

**N**on ego Martigenā uocitabo hoc nomine for-  
Sit mala teſta alijs, eſt bona teſta mihi, (tē)

In quendam uiſu acuto gloriantem.

**I**lle ego ſat uideo: magis eſto lynceus ipſe.  
Qui rectum omne uidet, non ſatis ille uidet.

De

De Hieronymi Bornati effigie, ad eundem.

**Q**uæ defit, liquidis mens una coloribus insti;  
Mortis ut aspiciam limina clausa tibi.

Ad Octauium Bornatum I. C. eius fratrem.

**V**ir caput ô supra fixisti nobilis ex quo  
Tempore germano carmina nostra tuo,  
Cantanti in somnis tibi dicere nocte serena  
Audiui aligerum talia uerba DEVM;  
Innumera Octauî te spectant lumnina cœli;  
Fili uentorum, natus es à Borea.  
Te euehet ad Superos uirtus tua: sidus amicum  
Cum Polluce agris exoriere tuis.

De se egrotante.

**O**ptimus egroto, Superos mortemq; precanti  
Talia Marcellus rettulit Hugo mihi;  
Quid facis? ô rebus temet serauto secundis  
Spinula. uiue tuis obsecro, uiue tibi.  
Vsq; procellosi flent Cauri? fulminet usque;  
Post hyemem surgit nanque serena dies.

De uera animi pietate.

**Q**uid melius nūmis ? nomē . quid nomine ? rectū .  
Quid recto ? pietas . quid pietate ? nihil .

Ad Ioannem Baptistam Rotionum , Brixianum ,  
uirum ornatiss. de ijsdem fratribus .

**I**nstitiam gentis Venetæ mea carmina dicant ,  
O Baptista ingens , & tua Musa canat :  
Innocuos fratres absoluit . gaudeat Ister ;  
Exiliant Tybris , Addua , Melo , Padus .

Ad Stephanum Mariam Hugonium , Brixianum ,  
Eq. clariss. ægrotans .

**A**pluuiæ canæ dum , uir fortissime , nubes  
Dant uarios uultus , & simulacra uirum ,  
Ambrosii , Marci , Christi os me spectat Olympo ;  
Sperare idcirco me meliora uelit .

Ad quedam arrogantem .

**C**uncta hominū insipiens unus q̄ facta reprædis ,  
Nil dignum faciens , tu quoq; Momus eris .

Franciscus Ricchinus ad P. Franciscum  
Spinulam .

**S**ic albam in uolucrum te uidi Spinula uersum ,  
Cantu ut mulceres æthera dulci sono .

Candida

*Candida pinna tibi ; constansq; grauisq; uolatus ,  
Quem solum admirans suspiciebat humus .*

*In Rufi auaritiam .*

**Q***ui laqueo ut charè se extinguere noluit empto ,  
Vesanius premitur Rufus auaritia .*

*Item .*

**A***euo hominis , renuit mercari qui ære salutē ,  
Est Rufi infamis sordida uita magis .*

*Ad quosdam impios fratres .*

**N***on fratrum excidio sapitis , gens praua , eructos  
Ut duo , tres æqui puniet ira patris ;  
Qui cauet innocuis , omnes & plectit iniquos ,  
Quòd nolunt uerum iustitiamq; sequi .  
Crimen auaritiæ , estq; infesta superbia Diuis  
Atque homini in uobis , omne genusq; uici .  
Ergo qui , cauea inclusi , uitabitis iras  
Vltorisq; in uos numina uersa Iouis ?*

*De quadam fœmina , cuius cum sorore nupta  
uir suus rem habebat .*

**L***euir , ait mulier furibunda , ò caste marito  
Sunt geminae uxores ; uir mihi nullus adest .*

Ad Daulum Doctum Patauinum, Bernardini fil.  
uirum ornatiss.

**D**iuitiis & opes cuncti mirantur inanes:  
Attamen hæ torquent animos cū Daule pa  
Mortales partæ curis ingentibus implent, (rantur,  
Amissæ ijs pariunt cruciatum & denique mortem.  
Quò tu uir sapiens contentus uiuere paruo,  
Quod tibi fors dederit, cuncta hæc mortalia tēnis.

Ad Hieronymum Luciagum, Brixianum, cui non  
sit irascendum, & cui nulla gratia habenda.

**O** Buius in tenebris Hermē, Hieronymē, Flaccus  
Esse putans hostem perculit ense graui.  
Illi interueniens famulus succurrit, herile  
Esse genus credens, eripuitq; nece.  
Ignaro hinc parcit generosus præmia at Hermes  
Seruo poscenti talia uoce dedit;  
Quæ tibi me dicis debere hac nocte tributa,  
Sunt abs te dominis ista tributa tuis.  
Ut non irasci, nolens qui læsit, amico  
Debeo, sic non est gratia habenda tibi.

P. Franciscus Spinula ad Franciscum  
Ricchinum.

**Q**uæ bone uidisti pictor Ricchine, timentes  
Somnia diuinæ nos auis ista beant,

Ad

Ad dyros recreant fugientem qualia Medos  
Visa Themistoclen, dum sibi cuncta timet.

Ad Vincentium Magium, Brixianum, Galeatij fil.  
de imagine sua à Ricchino inter Iudeos in  
solitudine picta, iocans.

**O**ptime Vincenti, sapientia magna renati  
Panthoidæ nobis dogmata uera dedit:  
Tempore, ab Aegypto quo deserta in loca Moses  
Iudeos duxit, Oziel ipse fui.  
In Petri æde sacra lugentum nam mea turbas  
Inter Hebræorum cernitur effigies,  
Effigies huius uera & uerissima uultus,  
Ad sacra quam ueniens Brixia tota uidet.

Ad Ricchinum eundem.

**Q**uam mihi largiris ditissime nobilis artis,  
Olim quam Zeuss protulit, & Phidias,  
Hanc Franciscæ piæ mittam Ricchine parenti  
Picturam; ne abitus defleat ægra meos.  
Si des posse loqui, posse & spirare, uidebit  
Me totum; optatos sentiet atque sonos.  
Attamen exoleant Cimon, Bularchus, Apelles,  
Eupompusq; suo Parrasiusq; patre:  
Ora ita non poterant imitari humana colore,  
Ut tu, non ueras effigiesq; uirum.  
Inuida pictorum te redat turba malorum

Et, quàm uult, operi detrahat usque tuo.  
 Non olim ualuit quisquam, modò nec ualet ullus  
 Hercle tui doctas equiparare manus.  
 Si potuere aciem uolucrum uua fallere picta,  
 Lumina tu uerò fallere nostra soles.  
 Quò sine fine tuum nomen cum uersibus istis  
 Et tanti ingenij fama superstes erit:  
 Nam te post cineres laudabunt secula cuncta,  
 Ut spero, uiuet si mea Musa. Vale.

Ad Claudium Piscaram, Brixianum, Io. Mariae  
 fil. adolescentem nobiliß.

**D**um piscare tibi tripas est inuenta Lacena:  
 Hanc Nysea tuis retibus implicuit.  
 Quod munus uate à iusto consultus Agyeüs  
 Pulcher formoso donat habere tibi.  
 Quò ruis imprudens: uertas ad litora puppim;  
 Ut nauem in portum uentus & aura ferat.  
 Qui facie magnum Diuis iacularis amorem,  
 Dij maris incautum fallere te cupiunt.  
 Exemplo sapias aliorum: nam tibi in undis  
 Insidias tendit Iuppiter æquoreus.  
 Ne contige manu pontum; ne te æquor ad inum  
 Eripiant oculis numina capta tuis.  
 Lympharum genitor Veneris torretur aheno.  
 Ipse, tuo uultu Nereidesq; tepent.  
 Ne piscare igitur deinceps, Heliconis ad umbram  
 Sed uenias, ubi te nostra Thalia manet.



De eodem in ludis publicis uictore.

**P** Vlcher, ut Androgeos, Nymphis plaudentibus  
 Claudius in ludis uicit Olympiacis. ( ille  
 Alter enim primastulit, at Piscara secundas,  
 Ardent quem Veneres, quæ DEVS omnis amat.  
 Moribus, incessu, forma, sermone, genisq;  
 Purpureis uris tu pedes, uris eques.

Ad Claudium eundem, & Annibalem fratrem,  
 & Io. Marium patrem.

**A** Nnibal, & Claudi, fratrem lugete Camillū,  
 Tuq; Mari genitor, quem tulit atra dies.  
 Ignotis cecidit crudeli uulnere terris,  
 Huic ubi non genitrix dona suprema daret.  
 Nos, nos oderunt cœlestia numina; cunctis  
 Fata etenim nobis sunt inimica Deūm.  
 Quid mors extinguit fugientem nigra iuuentam?  
 Nec uenit ad miseros illa uocata senes?

Ad Malatestam Martinengum, Comitem illust.  
 Io. Baptista cognomento Hospitis mor-  
 tem lugentem.

**I** Pse reuiuiscet nunquam Baptista fidelis  
 Luctibus & lacrimis: quid Malatesta gemis?  
 Quid

Quid Malaſta gemis? non re exorabilis ulla,  
Noſtra Orcus nobis omnia, noſq; vorat.

De morte.

**H**ic calcanda ſemel mortalibus eſt uia leti:  
Omnibus hoc certū, certa nec hora tamē.

Pius I I I I . Pontif. Max. Iacobum fratrem extin-  
ctum ita alloquens inducitur.

**M**ors homini uita melior: me uitaq; magnū  
Reddidit, & ſummū mors, Iacobe, tua.

De inuidia.

**S**pinula ſi indoctus, miſer, & pauperimus eſſet,  
Non hunc morderes, inuidioſa manus.

In Zoilum quendam Brixianum.

**S**picula muſcarum contemnit flammiger ales,  
Magnanimus mures & leo ridiculos.

De patre Brixiano, & filio.

**N**atus ab iniuſto, quondam genitore malignus  
Laelius in tetro carce uinctus erat,  
Conſcius hunc ſcleris periuro teſte neſandi

Exemit

Exemit uinclis eripuitq; pater.  
 Id multum doluit Bollano, qui dare poenas  
 Hunc meritas cuperet, suppliciumq; graue.  
 Quem cum respersum ciuili saepe cruore  
 Mitteret inuitus, talia uoce dedit;  
 Iustitia hæc uideat cœlestium: nam memor olim  
 Sanguinis effusi Iuppiter æquus erit.  
 Inde soluta fera erupit crudelis, & usque  
 Adiecit factis deteriora malis:  
 Incensus furijs paruo post tempore natus  
 Iurgauit misero cum patre sacrilegus;  
 Illi inferre manus est ausus: qui citò ferrum  
 Corripit, hoc ipsum continuoq; ferit.  
 Lælius induerat thoraca: haud texerat inguen  
 Totum; istac durus fortè uenit pugio.  
 Concidit exanimis. Franciscus mox pater amens  
 Est execratus seq; manumq; suam.  
 Ingemuit subito miser, hæc iustissimi ad aures  
 Iudicis extemplo nuncia fama tulit.  
 Fortè loquebatur Gallo: conuersus ad illum,  
 Auguste, omnipotens est pater æquus, ait:  
 Gratulor, esse preces quòd non est passus inultas  
 Bollani, iniustis consulit, atque bonis.  
 Compede cum natum constricta educeret ille,  
 Inq; forent tacito gaudia falsa sinu,  
 Dixit ei dominus; Quoniam per fasq; nefasq;  
 Prætoris iustis eripis hunc manibus,  
 Octaua indignam sobolem luce ipse necabis,  
 Fungere officio carnificisq; pater,

De Brixia antiquis monumentis, à Raphaële Stella  
unum in uolumen congestis.

**B**rixia te euexit Raphaël ad æthera doctus,  
Conscribens Latijs marmora prisca notis:  
Ut tua cognoscant omnes monimenta prius, quàm  
Ad superos redeat Stella corusca DEOS.

Bollani Episcopi apophthegma.

**H**vgo domũ laudat, non magni antistitis hora  
Vrbis conspicuos undique luminibus. (tos  
Hocq; patri repetit, nobis præsentibus, idem:

At præsul sapiens mox dedit ista uiro;  
Sunt quibus & nati uxorq; , horum omnino fenestris  
Non ullis pateat hortulus atque domus:

Antistes uero, qui alijs est natus, & hortum  
Et loca, ubi degit, omnia aperta sinat:

Atque, alijs cuius documento uita sit, & cum  
Ambulat & dormit, conspiciatur eis.

Quòd si quis tecum deinceps ita sentiat, illi  
Bollani hæc referes obsecro dicta tui.

Ad Franciscum Martigenam, Comitem illust.

**Q**uid tu France Togæ, præfertq; Aloysius arma?  
Mars illi genitor, Mars genitorq; mihi.

Ad

Ad Georgium Martinengum, Comitem  
illust. Fortunati fil.

**E**Dite magnanimis puer, edite fortibus, hæres  
Atque boni proles ô generosa patris,  
Perlege quem librum tibi diximus; indue mores,  
Indue quos habitus ille poëta docet;  
Vt, dominæ rerum Fortunæ filius unus,  
Vnus Martigenum gloria sisq; domus,  
Cuius nomen habes, quem secula cuncta loquentur,  
Et uincas patrui fortia facta Ducis.

Ad F. Alexium Hugonium, nobiliss. ciuem  
Brixianum.

**A**Rtibus & studio castæ præsignis Alexi  
Diue, sit doctus qui tua scripta legat.  
Qui tua scripta legat studiosè, nempe disertus  
Fit, sapiens, rectus, & grauis; atque bonus;  
Sunt & in his ratio, facundia, dogmata, & ordo,  
Et uitæ mores & documenta pie.  
Non magis ulla placet Musa, est non pagina Alexi,  
Quàm tua, laurigero gratior ulla Deo.  
Incana hercle tuos peruoluent secula libros,  
Quà terras gelidis profluit Ister aquis:  
Atque cauas Rhodani hic codex mittetur ad undas,  
Vltimum & Hesperij litus ad Oceani;  
Mittetur toto ad diuisos orbe Britannos,

Ad ,quam deuastant ,frigora semper , humum :  
 At Petri annales Venetam morientur ad urbem  
 Hetrusci , tunicas pisciculisq; dabunt .  
 Hæc mihi sunt Flauî cordi monumenta laboris ,  
 Ipsi quæ legimus , gensq; futura colet .  
 Taygetæ at chartum plebs laudet inepta cacatam ,  
 Versibus & Muti gaudeat atque modis ,

De turpi figura corporis .

**N**on mēs esse ualet deformi in corpore pulchra  
 Quæ exteriora sui signa dat ingenij .

Ad Io. Brunorium Gambaram, Comitẽ illust.  
 de carminibus suis .

**C**ontigit ut magno , Brunori doctẽ , Tibullo,  
 Mille colent numeros secla futura tuos .  
 Mille canent iuuenes ; Equitem dat Roma poëtam ,  
 Aeternum generat Brixia & alta uirum .

Ad M. Antonium , cognomento Allegrum .

**G**ratulor Antoni sapiens & letor amice ,  
 Gaudere Aonias gaudia nostra tuas .

Ad Ghidinum Cyrillum , Brixianum .

Vnde

**V**nde tibi hoc nomen deductū est patria ab ur-  
Brixia Ghidinum duxit ab Aegidio. (be?

In Veneris imaginem, Cupidines duos comple-  
ctentem.

**P**ulchra duos mundo genuisti Cypria Amores;  
Hic malus est cæcus, hic uidet atque bonus.

Ad illustrissimum Carolum Borbonium, Antonij Ven-  
dosmij Ducis, Nauarieq; Regis, & summi  
Galliarum gubernatoris filium.

**V**erbis tibi queis Carole ingens gratuler,  
Borbonum Nauariæ Regem minus

Patrem tuum perisse, uulgus ut refert?

Non parua enim iactura mors tibi illius

Vendosmioq; Principi fratri tuo

Fuisset, atque Franciæ Regi inclyto:

Hos esse pueros, teq; ephebum cernimus.

Auctoribus male ergo sit quàm pessimis,

Qui falsa dissipare gaudent talia.

Ac multa uincat seclâ uiuendo tibi

Tantus parens, & ipse uincas plurima.

Ad Franciscum Balduinum Atrebatem, I. C.  
uirum ornatissimum.



**Q**uòd pater egregijs Francisci in partibus esset,  
 Deductum à Francis spinula numen habet:  
 Quo quia tu gaudes etiam doctissime uatum  
 Vates, Francisci sis memor usque tui.

Ad R. Grimoutum Falesianum nobilissimum doctis-  
 simumq; iuuenem.

**Q**uæ regina potens iam riserat antè beata,  
 Italia infelix en modò serua gemit.  
 Quæ mala, dum Latium lustras, te Galle sodalem  
 Atque tuos comites collacrimasse ferunt.

De Hermolao Barbaro, & M. Ant. Maioragio,  
 Rhetorices Aristotelis interpretib.

**E**st Maioragi quàm pura locutio docti,  
 Barbarus Hermoleos nomine, req; fuit.

Ad Franciscum cognomento Mineruam, uulgò  
 malherbam I. C. Brixianum.

**N**emo malâ uocitet te herbâ, qui quippe uideris  
 Graminibus cunctis dulcior esse mihi.

De quodam Hectore Brixiano.

**H**ectora quàm fortem genuisti, Brixia: foetam  
 Vxorem, socrum, natos, socerumq; trucidat.

*In duos coenobitas, sibi obuio.*

**V**os asinos dicunt: at calleni pulsus ad inum  
Peiores asinis Publius ipse uoco.

*Ad Alphonsum Capreolum, Brixianum,  
Comitem illust.*

**E**st animal, ducta unde tibi sunt nomina uiuax.  
Perpetuò uiuet nomen in orbe tuum.

*Ad Hieronymum Confortium, medicum excell.  
Brixianum, Aloysii fil.*

**P**hœbigena, & præstans aliis sapientia & arte,  
Rident ecce tui, me ueniente, Lares:  
Hæc lux Mercurij clara, & cognomen, & istud  
Nomen portendunt omnia læta mihi.

*Ad Nicandrum, optimum ipsius fil.*

**C**andide Nicander, quòd amat uictoria curâ,  
Defrauda genium, iustitiamq; cole.

*Ad Claudium Piscaram, Brixianum.*

**V**t colit egregium tellus Babylonia lumen,  
Salsis cum nitidus Lucifer exit aquis,

*Suspicit Anguigeri niueos sic urbs mea uultus,  
Piscara, & formam Brixia tota tuam.*

*Ad Albertum cognomento Robur.*

**Q** Vis facit, ad brumam lauri ut lateris honore?  
Vt tua frons uireat semper Apollo dedit.

*Ad Lucillum Prosperumq; Martinengos.*

**M** Artigenæ clari, uobiscum luceq; uera  
Et spero æterna prosperitate frui.

*Ad T. Prosperum Martinengum, Brixianũ, suum.*

**C**andidus in longum nostros sic Gambarà duxit  
Causando reditus; Est equitare graue,  
Est equitare graue: ficus nunc prima; calorq;  
Designatores funeris en decorat;  
Occupat en miseram pallor, febrisq; iuuentam;  
En quatit effœtos tuſſis anhelæ sues.  
Innumerabilibus resonant arbusta cicadis  
Sole sub ardenti, ſindit humumq; canis.  
Quas ſecuit ferro, coctas terit area fruges,  
Diffunditq; ignes Phœbus & urit agros.  
In ſpecubus Damon recubat, Lycidasq; ſupinus;  
Et uirides umbras ſima capella petit.  
Quò nemorum iaceas & tu ſub tegmine mecum,  
Quà fluit & noſtrum Gambarà lambit agrum.

Titus & ipse tibi Prossper timet, atque caballo.

Ne te ergo in flammis præcipitare uelis.

Post septem lucès, cùm sese fregerit æstus,

Siue octo, ad ciues regredièrè bonos.

Ad Angelum Hugonium, Hieronymi

I. C. fratrem.

**Q**uid tua portendant hesternæ insomnia noctis;  
Mi retulit uates Angele castè bonus,

Responsura meis nunc tandem numina uotis,

Nunc mihi, quæ cupio, prospera cuncta fore.

Ac tua mirantes, inquit, tum commoda amici,

Vix misero credent hæc cecidisse tibi.

Atque ego me uidi in somnis exponere magnis

Dauida Principibus, Pontificiq; Pio.

Vincentij Metelli, Brixiani, tumulus.

**E**t tuus et noster iacet inclyta Roma Metellus,  
Quorum perpetuò fama superstes erit.

Non hæc includant tumuli, non saxa: Metellos

Cantabunt etenim secula cuncta duos.

Inuidiam hic uincit uirtute; furèntis inanes

Saturnini acer despicit ille minas;

Incedit spolijs ille & pietate superbus

In patriam, hunc decorant laurea, lingua, fides.

Ad Hieronymum Montium iuris utriusque con-  
sultum, Brixianum, Aloysii Cornelij Cardina-  
lis Bergomi Vicarium.

**R**ex Diuum edocuit Patrem, huc cum nuncius  
Quē pastore ouibus mitteret ille suis (ires,  
Audijt in somnijs Musas Cornelius ipse  
Dicentes merito talia uerba tibi;  
Si qua manet pietas hodie, sapientia, rectum,  
Id totum in partes cernimus esse tuas.

Ad Vincentium Magium, Brixianum.

**N**omen, qui uoluit pro Christo occubere mortē,  
Cognomē Capua hoc & tibi magna dedit.

Ad eundem.

**O**ptime eris iuuenis certē Vincentius, omnes  
Si uirtute alios exuperare uelis.

Ad Ghidinum Girillum, Brixianum.

**C**vr te Girillum uocitant? te non magē quē  
Vidi Pierijs inuigilare choris, (quam

Ad Spinulam Girillus.

**P**lus alijs cunctis uigilasti, ut uidimus, ipse:  
Idcirco enituit spinula flore suo,

Ad Benedictum Trusum, à Venetis  
excarnificatum.

**D**itior ut fias, fratres, Maledicte, trucidas?  
Sed lucem hac perdes diuitiasq; nece.

Ad Franciscum Oratorem Cremensem.

**F**ranciscus (taceas) Francisco inseruiet ultro.  
Orator ne me quæso diserte roges.

In Veneri turpi deditos, ad quendam.

**M**agnus Alexāder putrorum fugit amores,  
Despexit merces & Theodore tuas;  
At genus inuisum Superis uitiosa iuuentus,  
Ut tu, probra minus desinit ista sequi.

De Aenea, & Perseo.

**S**ustulit Aeneas fugiens Anchisa per ignes,  
Et Perseus patrem sustulit Acrisum.

Ad Gonzagas, & Hugonios.

Gonzaga,

**G**onzaga, atq; Hugo fratres cognomina clara,  
 Excellens uobis atque dedere genus.

*Carmina in antiquissimis libris manuscriptis reperta.*

**H**aec est Hugonis Gallorum antiqua propago  
 Regis, qui Diuûm sanguine natus erat:  
 A quo sunt orti longo pòst tempore fratres,  
 Gonzaga illustris, Pulcher & Hugo pius;  
 Quorum atavos fortes dederat Germania, eorum  
 Illuc à Francis iuerat ante parens.

P. Fran. Spinula, & Hieronymus Hugonius

I. C. Διαλυσμῶ.

**I**mprudens quid agis? patriæ dum consulis urbi,  
 Consulte Hugo, minus consulis ipse tibi.  
 Currere cum noceat pranso, tamen euolo, amicis,  
 Spinula, dans operam, non mihi natus ego.

Ad Io. Baptistam Gauardum, Brixianum, Thomæ fil.

**C**v'm fortè Aonides Parnasso in môte sederèt,  
 Quæsit à docto Calliopea Lino,  
 Brixia quî filici memorem tibi magna querelam  
 Scalperet, ut fati uenerit atra dies.  
 Cumq; alios aliæ cecinissent ordine uersus,  
 Postrema hoc carmen nostra Thalia dedit;  
 Hic iacet excellens Heros Baptista Gauardus,

Qui



Qui deus & lumen nobilitatis erat,  
 Qui decorare suam studuit Demosthenis armis  
 Gentem & Bellonæ, Theſſiadumq; choris,  
 Dilectus cunctis, hinc usque ad sidera notus,  
 Cynthii & æternum Martis alumne, Vale.  
 Versibus hoc cunctis Musarum dulce poema  
 Audiui Lycium præposuisse DEVM.

De Carolo V. Imper. & Philippo rege.

**Q**uartus in Augustū qd fulminat, atq; Philippū?  
 Se putat esse parem pulvis & umbra DEO.

Ad Carolum Vicecomitem, Senatorem & Episcopum Intemelienſem.

**Q**uod tibi non nulli de me dixere; Caueto  
 Anguiger imprudens, Spinulate feriet;  
 Me spina genitrix Natura armauit acuta,  
 Atque eadem gratis induit alma roſis,  
 A serpente tuo defendunt me mea tela,  
 At tibi purpureis floribus eniteo.

Ad Carolum eundem equitans cum eo.

**D**iffugiunt toto pendentia nubila cœlo,  
 Ut faueant uotis, Carole magne, tuis.

Caroli responſum.

Nubila

**N**ubila concreſcant, modò ſit mens ipſa ſerena,  
Et faucant cœptis numina ſancta meis.

*Ad P. Franc. Spinulam Carolus idem.*

**S**i mihi diuitiæ, ſi ſors quoque Spinula deſit,  
Carminè, quod facies, ipſe perennis ero.

*Spinulæ reſponſum.*

**N**oſtra, quod oro Deosq; precor, ſi carmina ui-  
Ipſe perennis eris, ipſe perennis ero. (uēt,

*Ad laurum ſuam Carolus idem.*

**S**i complexa mei fueris pia tempora uatis,  
Grata magè & nobis laurea dulcis eris.

*Spinulæ reſponſum.*

**S**anguine te uerris donabo laurea Phœbi,  
Si doctæ Anguigeri præmia frontis eris.

*De Arno ſuo Carolus idem.*

**Q**ui fuit obſcurus multa Arnus ſecula, poëtæ  
Aduentu Publi lymphæ celebris eris.

*Spinulæ reſponſum.*

*Fies,*

**F**ies, Anguigeræ gentis quòd lambis agellos,  
Me dicente, omni flumine nobilior.

Ad Carolum eundem.

**T**E bone senserunt equitantem Carole nubes,  
Quæ subito lymphas continuere suas.  
Aeolus incusat uentorum flamina, cantu  
Cessantes Boreas & Philomela uocat.

De nucis umbra.

**S**pinula, uitandi hîc æstus sunt; Anguiger autem,  
Hinc fugiamus, ait: est grauis umbra nucis.

Ad M. Antonium Messalam.

**E**xhilarant animos, Messala, uirentia præta;  
Et nostra hinc, illinc pectora nulcet auis.

Messalæ responsum.

**E**xhilarât pueriq; & Nymphæ fraga legentes  
Æuiolas, & aquis flumina uiua suis.

Carolus Vicec. ad P. Franc. Spin.

**S**i placet hospitium Publi, gens, hortulus, ædes  
Atque prospectus, dum libet, hîc maneat.

Spinulæ

*Spinula responsum.*

**H**ic ero, uictrices lauros ut dicere possim  
 Anguigeri, & nitidos armipotentis equos.

*Carolus idem ad P. Franc. Sp. Vatem suum.*

**Q**uam faciunt magni lauro, uel iaspide Reges,  
 Est mihi non Mustis digna corona tuis;  
 Hanc tamen accipias quæso & mea carmina uates;  
 Numina si faueant, his meliora dabo.

*Spinula responsum.*

**A**nguiger, hæc magnū laudabit pagina munus  
 Si fuerint meritis carmina digna tuis;  
 Plus mihi, quàm Flacco Mæcenæ ipse dedisti;  
 Contigit huic obolus, sextula nempe mihi.

*Epigrammaton libri primi finis.*

**P. FRAN.**

33

P, FRANCISCI SPINVLAE  
MEDIOLANENSIS  
EPIGRAMMATON

*Liber secundus.*

Ad illustriss. Principem Carolum Lotharingum,  
sanctæ Romanæ ecclesiæ Cardinalem, & Du-  
cem & Archiepiscopum, primariumq;  
Franciæ Parem.



Vtilem ac liquidum creto magis,  
optime Præsul,  
Hoc igni è tædis credimus ætheriū:  
Corporibus mundi rerum Natura  
minutis

Illum constituit mobilibusq; parens.  
Illius hinc candens uis est dominantior, illi  
Obstititq; nihil, urit & assidue:  
Non pice, non cera, aut ligno non indigus ullo,  
Per se nutritur, qualis Apollineus,  
Perpetuoq; manet: fontes cui dat pater igni  
Diuūm temptores, quos uorat usque & edit:  
Vi grauius tormentorum quibus est sentire  
Flecti nunquam ipsis abdita fata Deūm.  
Nam si ærumnarum & certum finem esse doloris  
Sentirent, non tam pœna molesta foret;  
Aeternas scelerum sed cuncti quod sibi norunt

Pœnas æternos imposuisse Deos,  
Occupat in flammis hos desperatio tanta,  
Ut certè hæc auidò sit magis igne grauis.

Ad Lulbam, Mediolanensem sacerdotem,

**Q**ui Phrygio gliscens olim sub pectore tanta  
Incendit, ut scis, Martis & certamina,  
Auctoremq; suum, patriam inflammauit & urbem,  
Te Lulba totum adusit ignis per dite,

Ad Primum cognomento Comitem,

**N**atorum es primus genitoris, nomine req;  
Primus es ingenio qualibet arte tuo;  
Doctorum es primus, nulli pietate secundus,  
Esq; mihi & semper primus amicus eris.

Primi responsum.

**S**pinula, parce tuum tantis attollere Primum  
Laudibus: at clerum clerice tolle tuum;  
ΚΑΙ ΠΟΤΕ ΟΧ ΧΡΙΣΤΟΥ, huius ne parcito laudi:  
Ille corona mea est, ille corona tua.

Ad M. Antonium Maioragium,

Annibalis

**A**nnibalis primam Tondentis prima sequatur,  
 Primaq; Iustitiæ syllaba perficiat;  
 Quodq; sit ex illis, fuerit dum uita superstes,  
 Laudibus ad cœlum nostra camœna feret.

Maioragij responsum.

**Q**uid mirum, si Spina rosas emittat olentes,  
 Et uarijs sentes floribus eniteant?  
 Cum dulces, magnosq; ferat iam Spinula fructus,  
 Quos nec Virgilius, nec Cicero ipse tulit.

Aonius Palearius Verulanus ad P. Fr. Sp.

**C**Armina mirantur quæ tot mi Spinula pangas,  
 Oraq; semper sint irrequieta tua;  
 Nam seu iam clauso componat uester Olympo,  
 Seu referat roscæ Lucifer ore diem,  
 Cœlestum psallis regi, nec desinis unquam,  
 More chori, magnum qui canit ante D E V M.  
 Scilicet omnipotens mortales fusa per artus  
 Mens agitat mentem Spinula docte tuam,  
 Scilicet & speras bene: nam quos spes alit ista,  
 Et ueniente canunt, atque abeunte die.

Spinulæ responsum.

**N**on mea, sed Tulli numeros, unaq; Lucreti  
 In te mirentur secula cuncta modos,

D ij      Sen



Seu studeas animos orando flectere, cantu  
 Seu uates summos æquiparare uelis.  
 Nec fera perpetuos tibi mors subducet honores;  
 Semper enim uenies maior in ora uirum,  
 Nam qui uicisti Europen, Asiamq; biformis,  
 Penna leuis uacuum te per inane feret,  
 Quà Maro, quà Cæsar, Critæus, Tullius, & quà  
 Cæsit ab humana Flaccus in astra uia.

De Aonio eodem.

**H**Uc fontem Aoniũ si Crassus ducet Hetruscis,  
 Vatibus Insubrium luxuriabit humus.

Ad Io. Baptistam Castilionum I. C.

**Q**Uod, Baptista, tua est Elegia, noster Iambus,  
 Dum Venerem cantas, consule quæso tibi:  
 Ne, tua adhuc fallant si me promissa, cruenti  
 Hoc telo Archilochi Spinula te feriam.

Castilioni responsum,

**N**EC tuus Archilochi rabiem spirabit Iambus  
 Spinula, nec ueniet uirus ab ore tuo,  
 Sed placidi cantus: etsi promissa rependam  
 Serius, ignoscet Musa benigna mihi,

Ad

Ad Castilionum eundem.

**M**ensa parata : dapes coctæ, sed deest mihi po  
Hunc cōuiua sibi cōparet, atq; mihi. (tus:  
Iandudum adueniens latices purumq; liquorem

Attulit Aonius . Castalione ueni,  
Castalione ueni, sed non sine nectare dulci;  
Vt fontem Aonium, Castaliumq; bibam.

De mergo, ænygma.

**P**rima placet cūctis, media ex̄ s̄uit ultima uestes  
Æsacus, in pontum cuncta simulq; uolant.

De Franc. Bossio I. C. Mediolan.

**S**i uelit Insubrium consultos Cynthia arma  
Dicere, qui dicat, Bossius unus erit.

Item.

**B**ossius Aonias mecum, dum lucra sequuntur  
Ipsti collegæ uilia, potat aquas.

Item.

**Q**uem colit Europe, longo pōst tempore amicū  
In cœlo ad Tauri cornua fidus erit.

D iij Ad

*Ad Ioannem Tonsum iuris peritum, Mediol.*

**Q**uid mutare cupis terras, & Solis amictum?  
 Quid? Romanorum teq; cupido tenet?  
 Qui domini quondam dominorum, Tonsē, fuerunt,  
 Serui seruorum nunc dominantur eis.

*Ad Francisc. Bossum I. C.*

**I**nuidia ad placidas inuita Tybridis undas  
 Bosi increbescit nomen amice tuum.  
 Dum Pater audiret te Patrum, ingensq; senatus,  
 Mulcerent animos & tua dicta suos,  
 Roma, mihi, Tulli facundia magna reuixit,  
 Candida cuius, ait, hæc humus ossa tegit?

*Ad Ludouicū Madrucium nunc Cardinalem ampliū.*

**A**onio dulces ueniens à uertice fructus  
 Ludouice tibi magne dat Aonius;  
 Insuæ hyeme uisenti spinula flores  
 Offero, quos Nymphæ, quos amat ipsa Venus.  
 Musa mihi dixit mittenti hæc uilia, Magnis  
 Sunt accepta hominum munera parua Deis.

*Ad*

Ad Bernardum Taxum, poetam egregium.

**C**V'm Taxus letum mortalibus afferat omnis,  
Est dulcis fructus, Taxe benigne, tuus.

De Aonio Paleario Verulano.

**C**andidus ut nostram uenit Palearius urbem,  
Aonii cœpit hinc domus esse chori.

Ad Franciscum Crassum, Senatorem  
Mediolanen.

**T**E licet hi Crassum uocitent cognomine ciues,  
Non Franciscæ tamē crassa Minerua tua est.  
Cui tantum est homini diuinæ mentis acumen?  
Et mortali animus cui magis est sapiens?  
Ingenium pingue & tardum tibi qui putat esse.  
Cœleste hoc dicet, si tua scripta legat.

De quodam ambitioso ad Florentios  
fratres.

**P**ontificis sedem cupiens, opus ambit honestū,  
Paulus ait: sed opes, non opus iste cupit.

De uuis hyeme Hippolytam Gonzagam missis.

**D**um Venus & Mauors rident tenuissima Bac  
Hippolytæ insigni munera missa Deæ, (chi  
Liber ait; Mauors sine me tua praelia frigent:  
Tu sine me friges dulcis & ipsa Venus.

Ad Hippolytam eandem.

**Q**ui dixit Cypriam Diuis præstare duabus,  
Si te uidisset, præposuisset ei.

Ad eandem.

**Q**uot veneres? binæ. Charites quot? quattuor. Ec  
Aonides? denæ. Cur ita quæso? rogas? (quot  
Musa, Erycina, Charis Gonzaga est: præterit omnes  
Et cantu & forma, letitiâq; Deas.

Ad Lippam, Bonus.

**L**ippa niues frigent; queis nos tamē ipsa petisti,  
Heu calidas nimium sensimus esse niues.

Lippæ

*Lippæ responsum.*

**N**on Bone quippe niues calidæ formosæ fuerūt,  
Sed te ardenti urit meq; Cupido face.

*Ad eandem idem.*

**Q**uæ dat ager poma hic præcox, uicina quod illi  
Sol mihi Lippa, tuli cocta calore tuo. (es

*Lippæ responsum.*

**L**ata tuo poma haud nostro sunt cocta calore.  
Sis mihi tu Phœbus, simq; ego Luna tibi.

*Ad eandem idem.*

**L**ux mea, quid cœlū spectas? fiam ut tibi Olym  
Innumeris quò te luminibus uideā. (pus,

*Lippæ responsum.*

**O**' Utinam faciant oculos me numina totam:  
Ut pulchrum intento lumine te uideam.

*Ad eandem idem.*

**H**Ei mihi, fallaci pro te mea Lippa per urbem  
Insubrium magnam fabula quanta fui.

Lippæ responsum.

**H**Ei mihi, q̄ nocuit Bonus, hac per quē malus  
Immensa de me rumor in urbe fuit. (usq;

Ad eandem idem.

**L**ippa erat his oculis magē chara; at tēpsimus il  
Continuò, postq̄ sensimus esse lupam. (lā

Lippæ responsum.

**C**harior his oculis mihi eras Bone, tēpsimus ip̄  
Continuò, postq̄ sensimus esse malū. (sum

Ad Beatricem Patauinam.

**T**E fuit ipse magis felicior alma Beatrix,  
Quòd trepidæ haud motū Spinula sensit hu  
(mus.

De tribus timendis.

**V**el fortes homines cōterrent hæc tria, motus  
Terræ, iracundū fulmen, & unda maris.



## De duobus I. C.

**D**Um curru inuehitur Cusanus, & ipse Tabera  
 Ad coenam, uati diximus Ambrosio; (na  
 Hic conuictor ei cur, & non Carolus ingens?  
 Stoicum, ait, curet, qui negat esse Deos?  
 Hoc similis gaudet simili; his Epicurus alumnus:  
 Nanque sui porcum scripsit utrunque gregis.

## De quodam Augustiniano.

**D**isperijt Paulus; quem non sapientia, uirtus,  
 Sola at barba uirum fecit opaca bonum.

De D. Petri, Pauliq; imagine, in  
 foribus depicta.

**Q**uid commune precor cum claue ò ianitor ensis?  
 Hostibus ensis adest, clauis amicitiae.

In impium quendam.

**S**ic meritum Paulus de se diu uulnerat, inquit;  
 Franciscæ hoc nostri munus amoris habe.  
 Si rogo mortalis sunt huius talia amoris  
 Munera, sint odij qualia dona sui?

Ad Thomam Tosarellum, Theologum,  
Dominicanum.

**S**crutari sophiæ Thomas arcana profunda  
Tosarelle equidem non puerile puto.  
Diuinum placeat quare tibi nomen, ineptum  
Verum cognomen respue quæso tuum.

Dialogus Clemens, & Franciscus.

**S**unt nimiū fragiles hi, quos mercare lebetes .F.  
Quid ? fragilis, Clemēs, est tua uita magis .C.  
Ante duos annos uasa hæc confracta peribunt . F.  
Clemens ( crede mihi ) tu moriere prior .

De Petro agasone, à Carolo V.  
Imper. amato.

**M**agnus agasonem quare dilexit ineptum  
Principis egregii Carolus ipse pater ?  
Cæsar erat latam ad palati æstate fenestram,  
Hac pulsante asinum prætereunte Petro .  
Illi cum dixisset eques ; Iam parce misello ;  
Quadrupedi assurgens, talia uoce dedit :  
Ignoscas asine ô domine obsecro ; nanq; propinquos  
Nesciui affines Cæsaris esse tuos .

De Hippolyto Vicecomite, & filionotho.

**D**um pater insequitur natū, cōclamat, & inq̃t;  
 Mule fugis nequam, pessime mule fugis;  
 Cui natus fugiens, Mulum non me ipse uocares,  
 Si non olim asinus me genuisset iners.  
 Dumq; Deos genitor rogat hunc ut fulmine perdant,  
 Ipse ait, Haud penetrat uox asinina polos.

In Bonauenturæ Castilioni tumultum.

**Q**ui iacet hīc Bonauentura istius ædis honestus  
 Præsul, uirtutis, religionis honos,  
 Is bona uentura, haud unquam præsentia amauit;  
 Quando hæc prætereunt, iugiter illa manent.

Ad F. Bernardinum Rotulam, Medio-  
 lanensem, Thomæ fil.

**V**ix Rota fortunæ tandem conuertitur; esto  
 Fortis; non, ut aues, amplius imus eris,

In laurum Nicolai Sfondrati Episcopi  
 Cremonensis.

**S**i quando fueris rubeo contexta galero,  
 Te dicam, usque uirens, arbor Apollinea.  
 Ad

*Ad Pacificis eiusdem Episcopi scribam.*

**S**i mihi non auri referes iam scriba catenam,  
Nulla mihi tecum fœdera pacis erunt.

*Ad Dionysium I. C. poëtam, eiusdem  
Episcopi auditorem.*

**Q**uid? Iouis ô soboles, ut magna uolumina legẽ  
Tractes, Aonios deseris ipse choros?  
Dij tibi succensent. redeas: te expectat Apollo,  
Te sylvæ resonant, te nemus omne uocat.

*Ad Octavianum Rauertam Terraciensem Episcopum.*

**T**v patrio uocitas Rauertam nomine, apertam  
Cum Latium rapam dicere maluerit.  
Sed Phryxo atque aries olim ut fuit aurius Helle,  
Non quales pastum Tytirus egit oves,  
Sic, uirtute patrum quæ floruit antè tuorum,  
Est rapa hæc studijs aurea facta tuis.

*Ad Lulbam de cultu animi.*

**C**orpora quæ ex oculis obeunt erepta repente  
Quid Lulba infamis sic moribunda foues?  
Ergo

Ergo animum potius, qui eterno semine constat,  
Virtute & studijs excoluisse iuuet.

Ad Io. Iacobum Rotulam, Medio-  
lanensem.

**C**Armina q. multis laudantur nostra maligne,  
Nec mihi fortassis Zoilus unus erit,  
Tu bone tuteris nostras Iacobe Camœnas,  
Nam regna in libris sunt tua longa meis.

Ad eundem.

**M**E licet hîc teneant Phœbusq; nouemq; foro  
Est animus tecû, dulcis amice, tamē. (res,  
Castaliâ potent alij: tua nam mihi lymphis  
Est Orona quidem dulcior Aonijs,

A' Cæsarinum Cardinalem, incerti auctoris.

**R**Edde aquilâ imperio, dominis quoq; redde coe  
Vrsinis Vrsûm: sola catena tua est. (lumnâ,

De Iacobo Tretio, ad Philippum regem.

**E**Xoleant Phidiæ Veneres, & Olympius ille  
Iuppiter, Arcesilæ signa, Myronis opus.  
Solum Alexandrum Lysippus, solus & ora  
Tretius effingat magne Philippe, tua:

Omnibus

*Omniſus hîc præſtat ; certo poſt tempore Olympo ,  
Quà uia conſpicitur lactea , ſidus erit .*

*De Aonio Paleario ſene , ad Lucretium ,*

**Q***Valis torpet humus Lucreti , numine puro  
Cùm poſitas glaciât Iuppiter ipſe niues ,  
Quite carminibus uicit , tardante ſenectâ ,  
Aonij Muſæ conſenuere boni .*

*Ad Octauij Ducis coniugem , de quodam inepto , qui  
ſeſe oratorem uocabat .*

**Q***Væ tibi finxit heri , mulier lectiſſima , Vates  
Si legeret magnus carmina Flaccus ea ,  
Non oratorem , ſibi quod leuis arrogat ipſe ,  
Hunc ſed aratorem diceret eſſe malum .*

*Dialogus Palearius , & Spinula .*

**M***itte mecû quaſo librû mihi Spinula amice . S.  
Deliras : nobis eſt nihil hercle tui . P.  
Hunc quid compoſui , meus eſt liber , at tuus eſt , quòd  
Emiſti : ille ergo eſt & tuus , atque meus .*

*Ad Io. Ambroſium Lulbam .*

**A***lternare uices Veneris quòd te iuuat uſq; ,  
Non Lulba , at uerum nomen Hyena tibi .*

In ignobileis fortunatos.

**S**imius en turpis lætatur conspici in ostro,  
Regis & ornatu se putat esse Iouem.

In quendam pædagogum, quem dominus suus  
belluam appellauerat.

**E**s tibi uir sapiens, Hieronyme; sed, mihi crede,  
Nec sapiens domino nec uir habere tuo,

Ad I. A. Lulbam.

**D**etrahis ipse mihi, te laudo ego: falsus uterq;  
Nemo mihi credit, nemoq; Lulba tibi.

Ex Epigrammatis Græcis, I.

**Q**ualibet est semp mulier mala, tūc bona tātūm,  
Cum iacet in thalamo, cum iacet in tumulo.

II.

**I**nfelix humero captus fert lumine claudum;  
Et locat hic oculos, & locat ille pedes.

III.

**D**istichon est epigrāma malū; tria carmina si  
Ipse poema quidē, nō epigrāma uoco. (sint,

VI.

E

IIII. Non



## IIII.

**N**on lymphas gelidas bibā; amat te Musa Lyæ:  
Vt Venus, & frigent te sine Pierides.

## V.

**V**el murē, quod ait populus, mordere nocentes,  
Verbum sic falsum est, ut secus eueniat:  
Vel mus innocuos lacerat, letumq; minantes  
Ecce draco fontes horridus ipse fugit.

## VI.

**D**ecidit in foueam præceps, dum nocte serena  
Axem stelligerum suspicit ipse Thales.  
Transijt hæc mulier, referens à fonte sitellam,  
Quæ lynci admoto lumine nouit eum,  
Illudensq; uiro tremebunda uoce locuta est,  
Concutiensq; caput garrula dixit anus;  
Quid? mirare polos, & non præsentia cernis?  
I nunc, & ciui stulte futura canas.  
Quæ uideas celsi sublimia & ardua Olympi,  
Si non hîc quæ sunt aspicias ante pedes?

Ad Stephanum Mariam Hugonium, eq. cl.

Optime

**T**V bone plus alijs Hugo mihi consulis usque.  
 Ipse & uirtutes & tua facta cano:  
 Ante mari tellus miscabitur, & mare cælo,  
 Quàm nostrum officio desit uterque suo.

Ad Gotardum Baitellum, nobiliss. ciuem  
 Brixianum.

**Q**Uod patriæ affirmas animos, Gotarde, pusillos  
 Urbis, & indignos laudibus esse meis;  
 Ista canit quales deberent esse camæna.  
 Ciues, non quales asseris esse, tuos:  
 Si tui & Hugonis similes, essentq; Gauardi,  
 Qualis gens esset, concinuisset eam.  
 Piscaram excipito, Bornatos, Martigenamq;,  
 Luciagum semper, Aemylumq; tamen,  
 Atque uirum Lauræ, Mariumq;, aliosq; benignos  
 Plures, qui digni sunt meliore lyra.  
 Sint alij dites istis magis; ciuibus isti  
 Virtute excellunt omnibus atque fide.

Ad Faustinum Borbonum, Soncinensem.

**Q**Uis locus Hesperiae, quænam te detinet ora  
 Borbone? infelix heu tibi quàm timeo.  
 Annuus exactis completur mensibus orbis,  
 Hinc cum cecisti, dulcis amice, uolans.  
 Nec tuus est uultus uisus mihi, nec scheda missa  
 Vnquam: nil de te nuncia fama tulit.

Heu tibi quid cecidit? uel quæ crudelia fata  
 Aspectum nobis eripuerunt tuum.  
 Si fortè ad Superos migrasti, protinus istuc  
 Et tecum est animæ pars abitura mea.

Ad Benedictum Patinam medicum excell.

Solus ut Hippolytum sacro medicamine duxit  
 Phœbigena excellens à Phlegetonte nigro,  
 Sic atè (auditu mirabile) Iulius Orco  
 Pæonia sapiens est reuocatus ope.

Ad Antonium Comitem, citharedum.

Q Vis ducat, Comes, auritas, ut tu, fide quercus?  
 Quis seuæ illiciat pectora dura feræ?

De Leonte Aretino, calatore.

Q Vi magni finxit spirantia signa Philippi;  
 Lysippos uincit Ctesilochosq; Leo.  
 Quis nudas unquam statuas armauit, ut ipse,  
 Quem pater ignipotens, tuq; Minerva doces?

De Philippi Regis, Caroliq; patris statuis  
 ad eundem.

Q Vos Natura dedit mortales, tu Leo dextra  
 Palladis æternos reddis arte Duces;  
 Perpet uos

Perpetuos reges facis ex mortalibus : horum  
Plus, quàm Naturæ, debet uterque tibi.

In Ludouici Moscatelli tumulum.

**L**udouice tuos obitus Dryadesq; puellæ  
Fleuere, & Fauni, fleuit & ipsa Venus.  
Qui lituo & numeris mortales uicerat omnes,  
Aggreditur Diuos, Threiciasq; fides.  
Felices animæ, mulcet quibus æthera cantu,  
Vt stupeant colles, Elysiūq; nemus.

Ad Carolum Vicecomitem, Senatorem Mediolanen-  
sem, & Equitem clariss.

**D**um propèro Latij, patriā & uulgare per ora  
Virtutesq; tuas, atq; trophæa patrum,  
Urgeor inuidia & uarijs eni casibus, hostis  
Efferus insequitur, gens inimica ferit.  
Vt sapiens igitur te dicere, Carole, possim,  
Atque tuos, Musis consule quæso meis.

In Caroli eiusdem imaginem.

**C**arolus excellens heros hic Anguiger ille est;  
Deest animus tantum, cætera cuncta uide.

Ad Christophorum Magnum I. C.

E iij Qualis

**Q**ualis ubi abscondit rosei pulcherrima Phœbi  
 Olim tristis hyems lumina, cuncta gemūt,  
 Talis nostra tuo de abitu nunc Musa laborat  
 Assidue, ætatem sollicitatq; suam.

De reditu suo in gratiam cum Maioragio.

**G**ratia, liba ferā, Chio & spumantia Baccho  
 Pocula plena, aras imbuet agna tuas,  
 Quod me iungis ei, unde hæc diuellere Erynnis  
 Tendebat patrio dira fugata solo.

Ad Dionysium Athanasium, Calliensem.

**Q**uid est modus in rebus tibi sit, Iouis optime fili:  
 Sic bonus esto aliis, ut tibi sis melior.

Ad Theodorum Florentium, Mediolanensem.

**T**aurus ut æthereis aperit cū cornibus annū,  
 Herbas & flores Dædala terra parit,  
 Sic, spirante Noto facili, defuncta periclis  
 Floruit afflatu spinula nostra tuo.

In Francisci Oliuæ tumulum.

**P**alladis æternoq; & Phœbi dignus honore  
 Frondis, in hoc tumulo magnus Oliua iacet.  
 Arbor ut, unde sibi ducit cognomen honestum,

Est eadem semper, perpetuoq; uirot,  
 Sic fora qui rarus tempfit Consultus, opesq;  
 Nobilis, & lingua doctus utraque fuit,  
 Fortia qui cecinit clarorum facta uirorum,  
 Nomen & huic uati fama perennis erit.

De quibusdam resipiscentibus, ad Io. Bapti-  
 stam Crassum.

**V**ota facit Rocho, Dijs & gens impia tēptis,  
 Illius ut populos attigit orta lues:  
 Sic facili paret mulier pulsata marito,  
 Sic puer & patiens uerbera, Crasse, sapit,  
 Sic recta it stimulo delirans taurus arator,  
 Sic calcaris iners uulnere currit equus.

De puella, quæ amanti donauit annulum, in quo  
 sui erant oculi incisi.

**L**umina dans Marti dono formosa Dione,  
 Non satis, inqt, ero Mars tibi nota Venus,  
 Si tibi non oculos donauero protinus, hæc ut  
 Admirere meis lumina luminibus.

De Venere, & Minerua.

**M**ars armat Cypriam: uidet illā fortè Miner  
 Et, pugnemus, ait, iudice Marte tuo. (ua  
 E iij Mauors,

Mauors, armatam poteris quàm uincere, dixit,  
Quæ te nuda Deam uicerit ante Dea.

De Venere, Iunone, & Pallade.

**I**Bant ad Paridem tres Diuæ, & fortè uidentes  
Aduentare hominem, Cypria prima refert,  
Dicite qui sexus uenienti. fœmina Iuno,  
Masculus at Pallas dixit, utrumque Venus.  
Ut propius ueniunt, mas an sit fœmina querunt.  
Qui postquam dixit, Hermaphroditos ego,  
Mox à iudicio metuunt Saturnia, Pallas;  
Omen letatur mox Erycina bonum.

De legatis trib. Romanorum, in Bithyniam profi-  
cipientib. apophthegma.

**D**Vm tres legati ad socios, pede primus, & al  
Vertice, fortè animo tertius ager eunt, (ter  
Ipse Cato patribus, Legatio menteq;, dixit,  
Et capite infelix, & pede nostra caret.

Dialogus.

**V**T tibi det nostros bis septem Iuppiter annos.  
Tu ne esses, omnes contribuiffe uelim.

Ad Tobiam Prandonum, Buxensem, medicum.



**Q**uam tibi praudenti simile est cognomen auditū,  
Et uoce atque Deos moribus æquiparas.

Ad Augstinum Vincemalam, Lignanensem, medicū.

**D**iuicias cupis augere? & uitia omnia magno  
Atque uoluptatem robore uince malam.

Ad Donatum Rotam, Lignanensem, medicū,  
& Philosophum excellentem.

**T**u, Rota, si patrias artes imitere, colasq;  
Virtutem, & uites crimina, Dorus eris.

Ad Hieronymum Moltenum, Mediolan. medicū,  
& Philosophum excellentem.

**E**s dignus sacro hoc Hieronyme nomīne, te Sol  
Nil quando in nostro sanctius orbe uidet.

Ad Aurelium Lampugnanum, Lignanensem,  
medicū, & Philosophum excellentem.

**H**ic si sint alij similes tibi, tempore nobis  
Aurea possimus cōdere secla breui.

De simplicium hominum credulitate.

**P**astoris fuluo dum blandior ipse Laconi,  
 Non mihi confidit; pascō, fugitq; tamen.  
 Ast ego, qui præstat cunctis animalibus omni  
 Fraude, credo homini, decipiorq; miser.

Ad Aloysium Mocenicum, Venetum, Leo-  
 nardi Equitis clariss. fil.

**C**v'm Natura tibi quantū iræ afferret amoris,  
 Iusta premebatur pondere libra pari.

Ad eundem.

**F**rons lata Antoni & placeant nigra lumina pa-  
 Lumina sunt Veneris, frōs venerisq; tibi. (tri.

De eodem.

**A**dmiranti aurum Leonardo Spinula dixit,  
 Hoc magis est nati mens preciosa tui.

De eodem.

**C**vr atavis præstat Mocenicus amabilis ingēs?  
 Alcidem ignoras hunc genuisse Deos?

Ad eundem.

Magnus

**M**agnus Aristocles Venerē confirmat Amo-  
 O' Mocenice potēs, hīc genuisse duos. (res,  
 Huic animi speciem dedit unus, corporis alter  
 Illi; ast ambo manus imposuere tibi.  
 Hoc alij capiunt, siue hoc, uerū ipse decore  
 Mortales omnes solus utroque capis.

Ad Antonium Mocenicum, Leonardi Equi-  
 tis clariss. fil.

**C**v'm tuus ecce bonus frater colat optimus ar-  
 Te puer Antoni desipuisse iuuet? (tes,  
 Quid? malè semper agens, ouo tu natus eodem,  
 Offendas animos & patris, atque meos?

Ad Paulum Manutium, de Aloysii Moceni-  
 ci ingenio.

**L**itus arenosum non sulcat Spinula doctor,  
 Et sua non sterili semina ponit humo:  
 Nanque uoluptates spernens Aloysius omnes,  
 Defraudat genium, iustitiamq; colit.  
 Huius gentis eo non est humanior alter.  
 Qui se post letum nobilitare cupit:  
 Vt sit dignus eis, facilem queis laudibus ipsum  
 Exornant libri, candide Paule, tui.

Ad Marinum Caballum, Venetum.

Omnibus hîc præstat ; certo pòst tempore Olympo ,  
 Quà uia conspicitur lactea , sidus erit .

De Aonio Paleario sene , ad Lucretium ,

**Q**ualis torpet humus Lucreti , numine puro  
 Cùm positas glaciât Iuppiter ipse niues ,  
 Quite carminibus uicit , tardante senectâ ,  
 Aonijs Musæ consenuere boni ,

Ad Octauij Ducis coniugem , de quodam inepto , qui  
 sese oratorem uocabat .

**Q**uæ tibi finxit heri , mulier lectissima , Vates  
 Si legeret magnus carmina Flaccus ea ,  
 Non oratorem , sibi quod leuis arrogat ipse ,  
 Hunc sed aratorem diceret esse malum ,

Dialogus Palearius , & Spinula .

**M**itte mecû quæso librû mihi Spinula amice . S.  
 Deliras : nobis est nihil hercle tui . P.  
 Hunc quid composui , meus est liber , at tuus est , quòd  
 Emisti : ille ergo est & tuus , atque meus ,

Ad Io. Ambrosium Lulbam .

**A**lternare uices Veneris quòd te iuuat usq; ,  
 Non Lulba , at uerum nomen Hyena tibi .

**S**imius en turpis lætatur conspici in ostro,  
Regis & ornatu se putat esse Iouem.

In quendam pædagogum; quem dominus suus  
belluam appellauerat.

**E**s tibi uir sapiens, Hieronyme; sed, mihi crede,  
Nec sapiens domino nec uir habere tuo,

Ad I. A. Lulbam.

**D**etraxis ipse mihi, te laudo ego: falsus uterq;  
Nemo mihi credit, nemoq; Lulba tibi.

Ex Epigrammatis Græcis, I.

**Q**ualibet est semp mulier mala, tunc bona tantum,  
Cum iacet in thalamo, cum iacet in tumulo.

II.

**I**nfelix humero captus fert lumine claudum;  
Et locat hic oculos, & locat ille pedes.

III.

**D**istichon est epigrāma malū; tria carmina si  
Ipse poema quidē, nō epigrāma uoco. (sint,

VI.

E

IIII. Non

## IIII.

**N**on lymphas gelidas bibā; amat te Musa Lyæ:  
*Vt Venus, & frigent te sine Pierides.*

## V.

**V**el murē, quod ait populus, mordere nocentes,  
*Verbum sic falsum est, ut secus eueniat:*  
*Vel mus innocuos lacerat, letumq; minantes*  
*Ecce draco fontes horridus ipse fugit.*

## VI.

**D**ecidit in foueam præceps, dum nocte serena  
*Axem stelligerum suspicit ipse Thales.*  
*Transijt hæc mulier, referens à fonte sitellam,*  
*Quæ lynci admoto lumine nouit eum,*  
*Illudensq; uiro tremebunda uoce locuta est,*  
*Concutiensq; caput garrula dixit anus;*  
*Quid? mirare polos, & non præsentia cernis?*  
*Inunc, & cui stulte futura canas.*  
*Quæ uideas celsi sublimia & ardua Olympi,*  
*Si non hîc quæ sunt aspicias ante pedes?*

*Ad Stephanum Mariam Hugonium, eq. cl.*

*Optime*

**T**V bone plus alijs Hugo mihi consulis usque;  
 Ipse & uirtutes & tua facta cano:  
 Ante mari tellus miscebitur, & mare coelo,  
 Quàm nostrum officio desit uterque suo.

Ad Gotardum Baitellum, nobiliss. ciuem  
 Brixianum.

**Q**Uòd patriæ affirmas animos, Gotarde, puillos  
 Urbis, & indignos laudibus esse meis;  
 Ista canit quales debèrent esse camœna.  
 Cives, non quales asseris esse, tuos:  
 Si tui & Hugonis similes, essentq; Gauardi,  
 Qualis gens esset, concinisset eam.  
 Piscaram excipito, Bornates, Martigenamq;, &  
 Luciagum semper, Aemylumq; tamen,  
 Atque uirum Lauræ, Mariumq;, aliosq; benignos  
 Plures, qui digni sunt meliore lyra.  
 Sint alij dites istis magè; ciuibus isti  
 Virtute excellunt omnibus atque fide.

Ad Faustinum Borbonum, Soncinensem.

**Q**Uis locus Hesperiae, quænam te detinet ora  
 Borbone? infelix heu tibi quàm timeo.  
 Annuus exactis completur mensibus orbis,  
 Hinc cum cecisti, dulcis amice, uolans.  
 Nec tuus est uultus uisus mihi, nec scheda missa  
 Vnquam: nil de te nuncia fama tulit.



Hec tibi quid cecidit? uel quæ crudelia fata  
Aspectum nobis eripuerunt tuum.

Si fortè ad Superos migrasti, protinus istuc  
Et tecum est animæ pars abitura mea.

Ad Benedictum Patinam medicum excell.

Solus ut Hippolytum sacro medicamine duxit  
Phœbigena excellens à Phlegetonte nigro,  
Sic à te (auditu mirabile) Iulius Orco  
Pæonia sapiens est reuocatus ope.

Ad Antonium Comitem, citharedum.

Q Vis ducat, Comes, auritas, ut tu, fide quercus?  
Quis seuæ illiciat pectora dura feræ?

De Leonte Aretino, cælatore.

Q Vi magni finxit spirantia signa Philippi,  
Lysippos uincit Ctesilochosq; Leo.  
Quis nudas unquam statuas armauit, ut ipse,  
Quem pater ignipotens, tuq; Minerva doces?

De Philippi Regis, Caroliq; patris statuis  
ad eundem.

Q Vos Natura dedit mortales, tu Leo dextra  
Palladis æternos reddis arte Duces;  
Perpet uos

Perpetuos reges facis ex mortalibus : horum  
Plus, quàm Naturæ, debet uterque tibi.

In Ludouici Moscatelli tumulum.

**L**udouice tuos obitus Dryadesq; puellæ  
Fleuere, & Fauni, fleuit & ipsa Venus.  
Qui lituo & numeris mortales uicerat omnes,  
Aggreditur Diuos, Threiciasq; fides.  
Felices animæ, mulcet quibus æthera cantu,  
Vt stupeant colles, Elysiūq; nemus.

Ad Carolū Vicecomitem, Senatorem Mediolanen-  
sem, & Equitem clariss.

**D**um propèro Latij, patriā & uulgare per ora  
Virtutesq; tuas, atq; trophæa patrum,  
Urgeor inuidia & uarijs en casibus, hostis  
Efferus insequitur, gens inimica ferit.  
Vt sapiens igitur te dicere, Carole, possim,  
Atque tuos, Musis consule quæso meis.

In Caroli eiusdem imaginem.

**C**arolus excellens heros hic Anguiger ille est;  
Decet animus tantum, cætera cuncta uide.

Ad Christophorum Magnum I. C.

**Q**ualis ubi abscondit rosei pulcherrima Phœbi  
 Olim tristis hyems lumina, cuncta gemūt,  
 Talis nostra tuo de abitu nunc Musa laborat  
 Assidue, etatem sollicitatq; suam.

De reditu suo in gratiam cum Maioragio.

**G**ratia, liba ferā, Chio & spumantia Baccho  
 Pocula plena, aras imbuet agna tuas,  
 Quod me iungis ei, unde hæc diuellere Erynnis  
 Tendebat patrio dira fugata solo.

Ad Dionysium Athanasium, Calliensem.

**Q**uid est modus in rebus tibi sit, Iouis optime fili:  
 Sic bonus esto aliis, ut tibi sis melior.

Ad Theodorum Florentium, Mediolanensem.

**T**aurus ut æthereis aperit cùm cornibus annū,  
 Herbas & flores Dædala terra parit,  
 Sic, spirante Noto facili, defuncta periclis  
 Floruit afflatu spinula nostra tuo.

In Francisci Oliuæ tumulum.

**P**alladis æternòq; & Phœbi dignus honore  
 Frondis, in hoc tumulo magnus Oliua iacet.  
 Arbor ut, unde sibi ducit cognomen honestum,

Est

Est eadem semper, perpetuoq; uiret,  
 Sic fora qui rarus tempus Consultus, opesq;  
 Nobilis, & lingua doctus utraque fuit,  
 Fortia qui cecinit clarorum facta uirorum,  
 Nomen & huic uati fama perennis erit.

De quibusdam resipiscentibus, ad Io. Bapti-  
 stam Crassum.

**V**ota facit Rocho, Dijs & gens impia tēptis,  
 Illius ut populos attigit orta lues:  
 Sic facili paret mulier pulsata marito,  
 Sic puer & patiens uerbera, Crasse, sapit,  
 Sic recta it stimulo delirans taurus arator,  
 Sic calcaris iners uulnere currit equus.

De puella, quæ amanti donauit anulum, in quo  
 sui erant oculi incisi.

**L**umina dans Marti dono formosa Dione,  
 Non satis, inq̃t, ero Mars tibi nota Venus,  
 Si tibi non oculos donauero protinus, hæc ut  
 Admirere meis lumina luminibus.

De Venere, & Minerua.

**M**ars armat Cypriam: uidet illā fortē Miner  
 Et, pugnemus, ait, iudice Marte tuo. (ua  
 E iij Mauors,

Mauors, armatam poteris quàm uincere, dixit,  
Quæ te nuda Deam uicerit antè Dea.

De Venere, Iunone, & Pallade.

**I**Bant ad Paridem tres Diuæ, & fortè uidentes  
Aduentare hominem, Cypria prima refert,  
Dicite qui sexus uenienti. fœmina Iuno,  
Masculus at Pallas dixit, utrunque Venus.  
Ut propius ueniunt, mas an sit fœmina querunt.  
Qui postquam dixit, Hermaphroditos ego,  
Mox à iudicio metuunt Saturnia, Pallas;  
Omnen letatur mox Erycina bonum.

De legatis trib. Romanorum, in Bithyniam profi-  
ciscantib. apophthegma.

**D**Vm tres legati ad socios, pede primus, & al  
Vertice, fortè animo tertius ager eunt, (ter  
Ipsè Cato patribus, Legatio menteq;, dixit,  
Et capite infelix, & pede nostra caret.

Dialogus.

**V**T tibi det nostros bis septem Iuppiter annos.  
Tu ne esses, omnes contribuisse uelim.

Ad Tobiam Prandonum, Buxensensem, medicum.

**Q**uam tibi praudenti simile est cognomen auitū,  
Et uoce atque Deos moribus æquiparas.

Ad Augustinum Vincemalam, Lignanensem, medicū.

**D**iuicias cupis augere? & uitia omnia magno  
Atque uoluptatem robore uince malam.

Ad Donatum Rotam, Lignanensem, medicū,  
& Philosophum excellentem.

**T**u, Rota, si patrias artes imitere, colasq;  
Virtutem, & uites crimina, Dorus eris.

Ad Hieronymum Moltenum, Mediolan. medicū,  
& Philosophum excellentem.

**E**s dignus sacro hoc Hieronyme nomine, te Sol  
Nil quando in nostro sanctius orbe uidet.

Ad Aurelium Lampugnanum, Lignanensem,  
medicum, & Philosophum excellentem.

**H**ic si sint alij similes tibi, tempore nobis  
Aurea possimus condere secla breui.

De simplicium hominum credulitate.

**P** Astoris fuluo dum blandior ipse Laconi,  
 Non mihi confidit; pascō, fugitq; tamen.  
 Ast ego, qui præstat cunctis animalibus omni  
 Fraude, credo homini, decipiorq; miser.

Ad Aloysum Mocenicum, Venetum, Leo-  
 nardi Equitis clariss. fil.

**C** V'm Natura tibi quantū ira afferret amoris,  
 Iusta premebatur pondere libra pari.

Ad eundem.

**F** Rons lata Antoni & placeant nigra lumina pa-  
 Lumina sunt Veneris, frōs venerisq; tibi. (tri.

De eodem.

**A** Dmiranti aurum Leonardo Spinula dixit,  
 Hoc magis est nati mens preciosa tui.

De eodem.

**C** Vr atavis præstat Mocenicus amabilis ingēs?  
 Alcidem ignoras hunc genuisse Deos?

Ad eundem.



**M**agnus Aristocles Venerē confirmat Amo-  
 O Mocenice potēs, hīc genuisse duos. (res,  
 Huic animi speciem dedit unus, corporis alter  
 Illi; ast ambo manus imposuere tibi.  
 Hoc alij capiunt, siue hoc, uerū ipse decore  
 Mortales omnes solus utroque capis.

Ad Antonium Mocenicum, Leonardi Equi-  
 tis clariss. fil.

**C**V'm tuus ecce bonas frater colat optimus ar-  
 Te puer Antoni desipuisse iuuet? (tes,  
 Quid? malē semper agens, oīo tunatus eodem,  
 Offendas animos & patris, atque meos?

Ad Paulum Manutium, de Aloysii Moceni-  
 ci ingenio.

**L**itus arenosum non fulcat Spinula doctor,  
 Et sua non sterili semina ponit humo:  
 Nanque uoluptates spernens Aloysius omnes,  
 Defraudat genium, iustitiamq; colit.  
 Huius gentis eo non est humanior alter.  
 Qui se post letum nobilitare cupit:  
 Vt sit dignus eis, facilem queis laudibus ipsum  
 Exornant libri, candide Paule, tui.

Ad Marinum Caballum, Venetum.

**H**ic tibi conueniunt hæc nomina: nanq; Marini  
Regis equū hîc tellus ista tridente dedit.

Ad Ioannem Delphinum.

**V**t micat hîc Venetos inter Delphinus, & in  
Ardebit superi lucida signa poli. (ter

Item.

**A**ethera ad alta celer te Pegasus euehet, ales  
Vel Iouis; ut radies comminus inter eos.

Ad Carolum Sigonium, Mutinensem.

**C**arole si Venetū pie, qui tua castra sequuntur,  
Est decor, & probitas, & tibi grata fides,  
Forma alijs Rufus multum, & bonitate Priullus,  
Atque fide præstant Maurus & Amulius.

Ad Io. Andreæ Anguillaram, opus pium  
aggredi statuentem.

**Q**uod monitis aurē his aduertis, Dij maris omnes  
Piscibus Anguillam præposuere tuam.

De Ioannis Baptistæ Maguntij, Estensis, in-  
genio mirabili.

**O**' Calamos tractans agrestes, quid rogo Muse  
 Flumina Sicelides nunc Patauina colunt?  
 Quòd Ludouica ardens niuea, Maguntius illas  
 Et canit & pingit, solus utrunque ualens.  
 Huic data pictoriq; & uati est aqua potestas  
 Fingendi magnis quidlibet à Superis:  
 Nanque uiro, seu depingat, seu carmina pangat.  
 Est hic atque illic ingeniosa manus.

Ad Pompeium cognomento Canem, Intemelien-  
 sis Episcopi Secretarium.

**Q**uòd bona, Pompei, cunctis communia nobis  
 Minus deesse cerno, quòd lux est breuis;  
 Hunc dolor aut morbi, paupertas turpis & illum,  
 At mortis angat una nos necessitas.

Ad illustriss. & reuerendiss. D. D. Guidonem Ascani-  
 um, Sfortiam, Cardinalem ampliss.  
 de duello.

**N**on Christianus ille Guido est, qui impias  
 Leges duellorum tulit,  
 Qui sic necatur causa honoris proprii,  
 Descendit ima ad tartara.  
 Crudelis est, qui pugnat; hunc & qui sine  
 Pugnare, crudelissimus.

Christus

CHRISTVS dominus ad hominem .

**A**ccipe, qui mundi loca per tenebrosa uagaris,  
 Ultima quæ moriens hæc tibi uerba loquor;  
 Me pietas, & amor cœlo deduxit ab alto,  
 Et pro te fecit uerbera dura pati,  
 Et pro te mortem iussit me occumbere acerbam,  
 Innocua ut ferro quæ iugulatur ouis:  
 Impositus ne auidis torrescas ignibus, hora  
 Est ubi perpetuis ultima nulla malis.  
 Ergo, mei durus si non miserrere doloris,  
 Iam sapiens animæ uel miserrere tuæ.

In ea domini uerba, Ego sum uitis, & uos pal-  
 mites. Ioan. 15.

**V**T sine mente nequit corpus, cōstare nec ipsa  
 Per se mens aliquo tempore nostra ualet.  
 Artubus insinuata anima à patre, corporis huius  
 Vita est: uita DEI spiritus est animæ.

Ad Aonium Palearium Verulanum

**A**d prandium inuitaris à Florentio.  
 Domi ipse te moror comes.  
 Vt Crassus, iste diues est, floret opibus,  
 Virtute item non impari.

Responsum

## Responsum Palearij.

**N**on est amicum fallere probi uiri :  
 Me Crassus expectat domi .  
 Tu gratias Florentio age pro me , quem amo  
 Humanitate plurimum .

De illustrissimo & reuerendissimo D. D. Ioanne  
 Francisco Gambarà Cardinali ampliſſ.

**T**V fera dum Cancer præcedes ora Leonis ,  
 Francisci maneat splendida gesta Patris .  
 Plurima sunt eius germano sidera fratri  
 Commoda , sunt illi commodiora polo :  
 Tempus erit , CHRISTI quo uictis hostibus illum  
 Ipsum Pontificem Roma beata colet .

De seipſo uulnerato , ad Hieronymum Ruscel-  
 lium , uirum ornatiss.

**S**Acra feram magno Diuûm solennia patri ,  
 Maturabo Deis soluere uota meis .  
 Pocula plena feras Baccho , dulcissima mater ;  
 Tuq; , soror , libum , uirq; sororis ouem .  
 Candide Ruscelli , grata testudine Diuos  
 Oblecta , iungens carmina docta lyre .  
 Septima lux oritur , nos ex quo extinguere Paulus  
 Est conatus iners , sed uetere DEI .

Cur uetueres puto, quod nobis illa tremenda  
Non unquam placuit scindere iussa patris;  
Aetherei per quos uidiſti lumina Solis,  
Hos summa fili fac pietate colas:  
Ut tibi contingat multos feliciter annos  
Iſta, præſenti numine, luce frui.  
Mortuus eſt frater iuuenis, quod tempſerit illos,  
Abſtulerit patrio ſanguine parta mihi.  
Hæres germanus cum uita perdidit aurum;  
Hoſtibus huicq; ſuæ dilacerantur opes.  
Ac pœnas ſceleris patrij dant quattuor orbæ,  
Et geminæ morbis, interituq; duæ.  
Vxorem furie uexant, agitantq; malignam,  
Quæ mentis compos non ualet eſſe ſuæ.  
Discite mortales ſuperos non temnere Diuos:  
Exemplo hoc ſapiens quilibet eſſe poteſt.

Epigrammaton libri ſecundi finis.

P. F R A N -

P. FRANCISCI SPINVLAE  
MEDIOLANENSIS  
EPIGRAMMATON

Liber tertius.

Ad illustriss. Principem Carolum Lotharingum,  
sanctæ Romanæ ecclesiæ Cardinalem, & Du-  
cem & Archiepiscopum, primumq;  
Franciæ Parem.



Arole cū sapiens cunctis uideatur  
amare  
Immeritos hostes durius esse mihi,  
Dum refugit sensus CHRISTI  
mandata, superbis.

Sæpe mihi uerbis hæc repetisse iuuat:  
Sunt ea dura tibi scelus? Hostem dilige: nequam  
Defrauda genium. durius illud erit;  
Sacrilegi æternos à me discedite in ignes,  
Ausi immortalis scindere iussa patris;  
Inter cū cupiet Pœnos errare leones,  
Prauus cū tigres pascere quæret homo;  
Cū iugi incipient fontes tabescere luctu,  
Torrescentq; audis ignibus impositi;  
Cū grex ad nihilum reuocari orabit iniquus,  
Nec mortem impuris abdita fata dabunt.



Ad ciuitatem Ferrariensem, de Io. Baptista Pigna,  
Græcis & Latinis & Hetruscis Musis debito.

**V**T, lyricas olim Flacco meditante Camœnas,  
Vel nota Eois Tybridis unda fuit;  
Sic cantante tuo Pigna, Ferraria, ad astra  
Conuertit uitreas nunc Pádus amnis aquas.

De uita M. Antonij Flaminij, à se inchoata,  
ad Donatum Rullum.

**P**endet opus cœptum: Venetã nec tēdis ad urbē.  
Te moror, huc tandem candide Rulle ueni.  
Ipse mihi in somnis Marcus: Tu scribere de me  
Cœpisti; compar nec meus ille uenit.

Ad Ioannem Tōnsum I. C. Mediol.

**T**Ristis amarities curis quàm miscuit atris  
Heu manē Aonios, optime Tōnse, choros.  
Nuncius horribilis nos exanimauerat omnes,  
In tenebris ferro te cecidisse canens.  
Spinula lugebat, lugebat Bōstius, orans  
Diuos, ut mendax nuncia fama foret;  
Istuc cūm Magnūs uenienti rettulit ægro;  
Mentitam inuidiam, teq; ualere, mihi.  
Quare Dis superis, & habetur gratia patri,  
Felem in uertenti gaudia magna meum.

Candide

Candide Tonse, tuos uultus uisam; atque canemus  
 Quæ uotis hominum numina sancta fauent.

Fontij apophthegma.

**D**amnatus Venetis, Vestra est sententia iniqua,  
 Christi ad tribunal prouoco, inquit Fontius.

Ad Hieronymum Zanium, Venetum,  
 Marini fil.

**T**urpia sint alijs, non formoso, ora Priapi;  
 Quæ, Zani, affinem dicis habere tuum.

Ad eundem.

**N**on tibi cognomen patrum uideatur ineptum  
 Zanius, hæc et uox nil tibi uile sonet;  
 Nam minus ut Brutus Decimus fuit ille Quiritum  
 Gente immortalis, iudice Marte suo,  
 Fortibus è Venetis Troiano Antenore natis  
 Nemo minus, quàm tu, Zanius esse potest.

De Torquato Taxo, Bernardi fil.

**M**anlius ut torquem fortis tibi Galle, coronam  
 Hetruscis Taxus uatibus eripuit.

F ij. Dialogus,

Dialogus, in quo Augustinus Rodengus Brixianus,  
 & Stephanus Maria Eques inducuntur  
 colloquentes.

**Q**uid gnauus hic, ignauus ille? hic rusticus, A.  
 Urbanus ille? iustus hic, ille impius? S.  
 Quòd ille sic à paruo, & hic assueuerit:  
 Mos atque consuetudo natura altera.

Theodori Amiotti formosi adolescentis  
 apophthegma.

**N**icoleo quiddam Theodorus fortè roganti  
 Dixit, ei tacitè membra decora negans;  
 Quod petis, ipse libens faciam, dulcissime rerum;  
 Si peteres, animum uel tibi Græce darem.

Medici Patauini, quondam pauperis,  
 apophthegma.

**C**antanti Medicus nato ditissimus; Olim,  
 Non caneres, hic si concinisset, ait.

De Xisto Medice, Veneto, Dominicano,  
 extincto.

**T**Amicitò, dum seruus uatem mortalibus ægris  
 Desleret, superos eripuisse Deos,

Quid

Quid me, Xistus ait, non te fles? uiuo ego Diuum  
 In Xisto aeternum; mortuus ipse iaces:  
 Ecce micans astrum perueni ad sidera, maior  
 Inuidia, cras te fata fuisse uolent.

De intercalationis ratione ad Carolum Vicecomitem,  
 episcopum Intemeliensem.

**R**elligio, pater ô Musæ spes unica nostræ,  
 Me Quarto hæc iussit scribere pauca tuo;  
 Quæ sapienter ei si tu persuaferis, ingens  
 Accedet factis gloria & ista suis.

Ad Diomedem Vesonum, Brixianum.

**A**enygma extrices Diomede. fistula Adonis  
 Personuit pulcher; fistula penis erat.

Ad Attilium Albericum, Brixianum,  
 Augustini fil.

**A**ttili est iterum uirtus, pietasq; renata  
 In te, qua fruitur Brixia diues opum.  
 At tua quòd nequeat Pataui; ut cupit, ora uidere,  
 En riget amissis Spinula nostra rosis.

Ad Malatestam Martinengum, Comitem illust.

F ij • Attilij,

**A**tilij, per quam noui te, patria felix,  
 Plus amo, quàm uultus diligit ille tuos,  
 Plus amo nempe, suam quàm deperit ille Dionem,  
 Quam Veneres omnes surripuisse ferunt.

Ad Pasqualinum Angelum, illustrissimæ Senatus  
 Veneti aurificem electiss.

**Q**uis non ingeniumq; tuum miretur, & artē?  
 Sanè huic Hebræum cedere constat opus.  
 Arcula nobilior multò tua: nanque fuerunt  
 Illi homines, æterni Angelus ipse DEI.

Ad Andream Boterrum I. C. Mediolanensem.

**V**t mare de tota uentosum flumina terræ  
 In sese recipit, nec saturatur eis,  
 Utq; rapax ignis non unquam alimenta recusans  
 Vrit cuncta, faces innumerasq; cremat;  
 Sic tibi, quo populus laceratur auare Boterre  
 Est data quò maior copia, plura cupis:  
 Quòd ieiuna fames cæca istud nocte profanum  
 Intrauit limen sacrilegasq; domos,  
 Teq; alis geminis complexa sopore solutum,  
 Deuoto affluit pectus & oratibi,  
 Istud & in uacuis peragens ieiunia uenis,  
 Infudit uirus protinus omne suum.

Ad eundem.

**S** Acra famēs nitidi solū te si tenet auri,  
 Vt narrat recti Bartholomaeus amans,  
 Muneris arbitrium faciat tibi, Druso, Silenus;  
 Aurum sit quicquid corpore contigeris:  
 Vt, cū dente cibum tendes conuellere dulcem,  
 In butea fiant lamina fulua dapes;  
 Sicq; merum rigeat: are ut saturatus inani,  
 Dispereasq; fame, dispereasq; siti.

Ad eundem.

**A** Leytoēs sicut latitant per tecta sorores,  
 Est oculis ueri lux inimica tuis.

Ad eundem.

**Q** Vi facis, Antolyco similis, uersuta propago,  
 Candida de nigris & de candentibus atra,  
 Qui te coelitibus praefers, illius ut amens  
 Et genitrix Chione mendax, in te ultio Diuūm  
 Curuato cornu uolitantia tela retorquet.

Ad eundem.

**S** Ordidus ut Verres praturam, caece Boterre,  
 Praeae loco sic tu magistratum accipis.

F iij

Ad

Ad eundem.

**V**T fugit obscura lux nocte, libidine non est.  
Vllus uirtuti sic dominante locus.

Ad eundem.

**I**Pse fores minus infamis, si longa fuisset.  
Vt muscis Hypanis uita, Boterre, tibi.

Ad eundem.

**M**Ors tibi iā loq̃tur? Quid tāta uolumina legū  
Vertis adhuc, futuis? qd bibis, atq; uoras?  
Iam sat legisti, & futuisti, satq; bibisti.  
Iam satis edisti: tempus abire tibi est.  
Viuerē quod rectē nescisti perditus unquam  
Istic, tartareas experiere uices.

Ad Scaneirfum Tolanium, sacerdotem  
Mediolanensem.

**S**Vpposuit quoniam femur lasciua parenti  
Nyctimene, luccm Noctua facta fugit;  
Pellitur alitibus cunctis: & conscia culpæ  
Ingemit, obscuris in tenebrisq; latet.  
At, qui pedicas, passus muliebria, quonam  
Ibis? quid monstri te uolet esse

D E V S.

Ad



Ad eundem, ex amico inimicum.

**Q**ui dulcis fueras, Hypanis, uitare ueneno,  
Ferreque mortifera turbidus amnis aqua.

Ad Ludouicum Raudensem, Mediolanensem, de  
I. A. Lulba, Mediolanensi, sacerdote.

**D**um latrant catuli, dum ianua fragitur ense,  
Fœmina dum mœsto defiluit agra toro,  
Ne pereant nummi, aut pyga, aut fama, en pede nudo.  
Discincta tunica Lulba uolucris abit.

Ad Lulbam eundem.

**T**iresia uates, est cui, Venus utraque nota,  
Maior uoluptas est ne fœminæ, an maris?

Ad eundem.

**V**t Lycios homines, plectat te filia Cæli,  
In nos quandoquidem nil pudet ista loqui:  
Litibus exercens linguam ut maledicere cunctis  
Perpetuò sub aqua, Lulba cinæde, queas.

Ad quendam impressorem Mediolanen.

Nescio

**N**escio cur ista placeant tibi munera Bacche,  
 Quæ data per Lulbæ cornua fronte geris.  
 Nam quondam Cippus sic horruit illa, Quiritum  
 Ut uir in urbe sua spreuerit esse Ducem.

Ad Lulbæ patrem.

**Q**uis Lulba, Eutrepelus dic nūmos obsecro quon  
 Vestimenta tibi quis preciosa dedit? (dā,  
 Ut noua consilia & uelles spem sumere inanem,  
 Dormire in lucem, scorta decora sequi,  
 Temnere uirtutes, alienos pascere nummos,  
 Nobilibus tantum diuitibusq; comes.  
 Nunc, olitoris agens tardum mercede caballum,  
 Das uicij pœnas, stultitiæq; tuæ.

Ad eundem.

**S**corpius existi, cancer, minitareq; cauda.  
 Te mihi quis terra condidit absque manu?

Ad quatuor suprâ scriptos improbos

**I**n uos extulimus uix tandem Gorgonis ora.  
 En fere in hoc gestu hæsisti de marmore Ethion  
 Signum, qui petere hæc innoxia membra parabas:  
 Diriguitq; tibi crudelis dextera Phineû:  
 Mansisti toruo uultus mirantis in ore  
 Marmoreo Astyages, conspecta Gorgone dira:

Et,

Et, queis currebas amens, uestigia tellus  
Continuit, saxoq; tibi hæc induruit Amphix.

Ad Ioannem Tonsum, iuris peritiß. Mediola-  
nensem, de Lulba.

**E**Xitio fratrum, Tonse optime, natus ademit  
Indicijs reditum mi grauis Ascalaphus.  
Quo, nocturna ales, dirum mortalibus omen,  
Fædum bubonem te uolet esse DEVS.

De Io. Baptista Crassa, Mediola-  
nensi, amante.

**Q**ui fuit in duro semper tibi corpore, amanti  
Crassus dixit, eris Cynthia dura silex.  
In saxum, quod non suspensum fleuerit Iphigeneia,  
Vertit Anaxareten Cypria iusta feram.

Ad Io. Baptistam Fagnanum Medio-  
lanensem, Donati fil.

**P**astore in Phrygio sese ut detexit in usum  
Assiduo factis nobilitatis honos,  
Prognato elucet sic regibus hac tibi sorte  
Fagnane in tristi mens generosa tamen.

Ad Io. Marcum Fagnanum, de horologio, ad sese  
ab Io. Baptista patrucele Donati filio misso.

**C** Lepsydræ exoleant ueteres: inuenta parentū  
Maiorumq; hæc sunt ingeniosa magis:  
Qualia Ioannes patruclis nunc tibi mittit,  
In quorum paruo corpore quanta latent.  
Ut Lunæ Solisq; globos, errantia cælo  
Sideraq;, excellens hoc ego miror opus,  
Quod pater ignipotens cæcis fabricauit in antris,  
Fingit ubi magno tela trifulca Ioui.

Ad Cæsarem Fagnanum, Donati fil.

**S** Emihominis Caci ut fraus, et uesana cupido  
Dicitur Herculeas surripuisse boues,  
Scriptorum uulgus dulcissima præmia, Cæsar,  
Ecce nouo doctis eripit aucupio.

Ad Iosephum Alberam Genuensem Ἰησοῦς Ἀλβέρτου.

**V** T semper totā uertit, grauis Albera, amatū  
Hæc sese ad Solis nobilis herba iubar,  
Sic ipsi ad primam debemus uertere causam  
Assidue ad magnum lumina nostra DEVM.

Ad Antonium Taygetam, Brixianum.

**T**aygeta, ut coniux Priami, iræ suassibus ista  
Mutata in rabidam sunt tibi membra canē.  
Nanque loqui cupiens latras: cum murmure missum  
Stridenti saxum moribus insequeris.

Ad Valentinum Piaczonouium, Pollo-  
num, uirum ornatiss. de fida Prin-  
cipis custodia.

**Q**uæ fuit Epiri Proserpina filia regis,  
Tres huic germani cura fidelis erant,  
Concordes uno famuli de corpore nati;  
Nil aliudq; triceps Cerberus ille fuit.

Meretrix.

**O**mnia quæ ponto demergit, seuæ Carybdis  
Est meretrix, homines & bona cuncta uorās.  
Crudele hoc fugiat monstrum quicumque beatæ  
Ad portum uitæ nauita adire cupit.

De odio & cæde & cædis ultione.

**I**n nobis odium crudele Megæra uocatur;  
Alecto est colubris irrequieta suis:

Perficit

Perficit hæc cædes, illa incitat, hincq; nocentes  
Tisiphone tædis ultio cædis agit.

Ad Floriam Florum, secretarium illust. Co-  
mitis Faleti, Ferrariensis Ducis ad Ve-  
netos oratoris, de furum Dea.

(stra,  
**Q**uæ dextra loculos nummum et fert uincta sinu.  
In nocte & tenebris cæca Lauerna sedet:  
Hanc parui & fures magni orant; obsecro mater  
Et ditem fieri, fallere desq; mihi.  
Ut uidear sanctusq; & iustus, fraudibus usque  
Obijcito nubem candida Diua tuam.

De Lucretia Romana, in lapide incisa, Ca-  
roliq; Vicecomitis speculo superposita,  
ad eundem Carolum.

**S**i mens accedat lapidi, Lucretia non sit,  
Quæ summo in speculo tela cruenta gerit?  
Quæ Natura dedit lapidi huic uestisq; colorem  
Atque comæ, & uultus, quàm tibi, amice, fauet.  
In speculo cupiet se si qua uidere, uidebit  
Naturæ atque ingens comminus artis opus,  
Nymphes præterea Romanæ exempla uidebit  
Tantæ uirtutis, atque pudicitie.

*Pulicis tumulus, incerti auctoris.*

**I**psæ pulex fueram : pungentem læsa Dione  
Extinxit . laus est sic potuisse mori .

*De duobus geminis, Amalthei.*

**L**umine Acon dextro, capta est Leonilla sinistro  
Et potis est forma uincere uterque Deos.  
Blande puer, lumen, quod habes, concede puellæ:  
Sic tu cæcus Amor, sic erit illa Venus.

*Ad Stephanum Mariam Hugonium, Bri-  
xianum, Equitem clariss.*

**S**cribere me uersus promissos ? pangere cuiquam,  
Quæ placeant doctis, carmina non ualeo.  
Ut mihi soluatur tandem nodosa chiragra,  
Tam pridem hæud Bacchi munera grata bibo.  
Manè oluit Flaccus uinum; dicendaq; manè  
Ennius acceßit potus ad arma pater.  
Ipseq; uinosus fuit Albius, atque Catullus,  
Et Maro, scripturus Mæonidesq; bibit.  
Quæ scribuntur aquæ potoribus hercule possunt  
Carmina ( crede mihi ) uiuere nulla diu.  
Ergo durus ubi morbus nos deseret egros,  
Ut cupis, inceptum perficietur opus.

*Sed,*



*Sed, quia multa malis accedit cura, sodalis,  
Obsecro uatis sis memor ipse tui.*

*Ad Veturiam Vicecomitem, Io. Baptistæ Vice-  
comitis uxorem, Mediolanensem.*

**L***Vx fuit ut claræ matrona Veturia Romæ,  
Es gentis tu flos Anguigeræq; decus.*

*Ad Archinti Mediolanensis Pædagogum.*

**N***on mutat Fortuna genus; non rustica proles,  
Nobilitat te auri paruula summa tui:  
Quando nec ipse bonus diuesq; est nobilis, ortus  
At tantum patribus ditibus atque bonis.*

*Ad eundem, quem Archintus belluam  
appellauerat.*

**E***s tibi uir sapiens Antoni; sed, mihi crede,  
Nec sapiens domino, nec uir habere tuo.*

*Ad Erasmi Rutium ciuem Mediolanensem.*

**V***entorū ut flatu, scopulis Neptunus & undis  
Afferuit Throās, eripuitq; nece;  
Nos tua sic pietas, duros miserata labores,  
Litus in optatum, dulcis amice, uelit.*

*Ad*

Ad quendam Io. Baptiste Porri ine-  
ptum conuiuiam.

**C**V'm nobis, sumus ambo Octavius ipseq;, dixi,  
Porrus ait, coniux unus & ipse finus.

De matrimonio,

**V**Na caro duo sint: nō diuidat hīc homo, Diuis  
Quos placuit stabili iungere connubio.

Ad Tobiam Prandonum, Angelumq;  
Marcellinum, sodales.

**P**Randone armipotēs, fortissime & Angele, uobis  
Magnanimi cedant Nysus & Euryalus:  
Hi noctu Rutulos simul inuasere, dicq;  
Vos ueteranorum corpora magna uirū,

Ad Carolum V. Imper. Henricumq; Gallorum  
regem pugnantes.

**C**Arole progenies Diuū, tuq; alma propago  
Henrice, ô belli fulmina magna duo,  
Vos quid Erynnis adhuc uexat, Ateq; sinistra,  
Alter ut alterius perniciem cupiat?  
Hostis ut exultet uestro certamine, & iras  
Nutriat? ut ferro cæsus uterq; cadat?

Gratia si uestros animos coniunxerit, orbis  
Munera terrarum uictus utrique feret.

Antonius Mocenicus, Leonardi Equitis clariss.  
fil. & Spinula.

**L** Vminibus ne potest hominū DEVS ipse uideri?  
Sub nostros sensus non cadit ille pater.  
Diuos mortalis uideat, quando hos adipisci  
In terris animi nec ratione ualet?  
At se contingi patientur lumine nostro,  
Cum uiset Superos ipse reffectus homo.

Ad Adrianum Cribellum.

**I** Vdice te, multas lites magnasq; secari  
Sobrinus retulit Iulius ipse mihi.  
Ergo qui sapiens, Iacobus cernere Diuos  
Hebraeus potuit, scire Cribelle uelim.  
Edocet ut Paulus, superos nam luminis huius  
Haud contenta acies ulla uidere potest.

Ad illustrissimum & reuerendiss. D. D. Guido-  
nem Ascanium Sfortiam, Cardinalem ampliss.  
in ea CHRISTI IESU uerba; Ego sum  
panis, qui de caelo descendi. Ioan. 6.

**V** T, quo quisq; die explemur bis, Guido diserte  
In corpus sese dissipat omne cibus,  
Integrat,

Integrat, auget, alit, uires illiq; ministrat,  
 Ad cuncta ut uegetus munia surgat homo;  
 Per totos animæ tenuis diffunditur artus  
 Dijs largitum homini nectar & ambrosia,  
 Integrat, auget, alit, uires illiq; ministrat,  
 Urbis quò ueniat mœnia ad alta Deum.

Ad illustrissimum & reuerendiss. D. D. Gui-  
 donem Ascanium Sfortiani, Cardinalem am-  
 pliss. de animi nostri cæcitate.

**V**Nde abeūt, redeūt, donāt resq; augmine fons  
 Flāma petit cœlū, fluminis unda mare; (tes,  
 Ast æterna tamen mens nostra, huc unde petiuit,  
 Non curat Superos Guido redire polos.

Ad Iulium Contarenum, societatis caligarum Ven-  
 netiis principem, extinctum.

**S**Aeua triumphauit de te mors optime Iuli,  
 Hos dum præcedis, quos superauit Amor.

Ad Carolum Vicecomitem, Senatorem, Me-  
 diolanensem, ad Pium III Pontif.  
 Max. legatum.

**C**V'm tibi iam dederint merito non tristia hono-  
 Accepti tantos fata tenere gradus, (ris  
 Altius ut uenias, studio, uirtute, labore

Fortunam, ut Lucumo, perge iuare tuam:  
 Nam Iouis armigerum capiti diadema parentum  
 Vidimus in somnis imposuisse tuo.

De Madrucij prudentia, qui titulo uisendi nescio  
 quem, filium Ioannis Lunæ castello expulit,  
 ad Philippum regem.

**D** Vm uigil admiratur aprū, uerū ab hoste Tæ  
 Figitur, & portis Annibal ingreditur: (rēti  
 At captum inuisens Epicuri de grege porcum  
 Hostem præfectus depulit arce tuus,

Ad Remigium Nanninum, Florentinum,

**D** At, magno ingenio florens Nannine, benigna  
 Remigio alarū Pallas tibi ad astra uolare.

De Sole, Phœbo, Apolline,

**E** Xhilarat, lenit, mulcet, Sol, Phœbus, Apollo,  
 Terram, agros, musas, radijs, medicamine,  
 (cantu,  
 Concordans.

**F** iustus cunctis benignus;  
 Idie homo, prsum, atq;  
 prauus nullis malignus.

Qui

bonus bonos;

Qui est, alios indicat esse  
malus malos.

Ad Io. Baptistam Fagnanum, Donati fil.  
recurrens.

**A**sfidue magis hæc uirtus put feruida Marci,  
Candida deuincit me tua nobilitas.

In sensum contrarium recurrens.

**P**rogenies bona sunt Monachi non noxia curat,  
Turpia deuitant non male conueniunt.

Ad Mediolanenses, de Aonio Paleario.

**P**ræstare Aonium, ciues doctoribus aio  
Nostris, qui docti, quiq; suere boni:

Culti paulatim quoniam facundia & oris,

Vt non nullæ artes expoliuntur adhuc.

Plurima non armis facta est accessio rerum

Multarum, prisca quæ caruere duces?

Addita nauigijs non sunt permulta: sonoros

Organici melicos non peperere modo?

Iosquius præstat cantoribus, atque Finotus

Iosquino; olim alius uincet utrunque tamen:

Sic, quàm maiores antè exuperasse uidemus,

Quos sua secla prius tam coluere patres,

G iij Maiores

Maiores doctus uicit Palearius omnes ;  
Atque hinc fortè illo doctior alter erit .

In Pauli Menasiensis Sturni tumultum .

**C**ultorum Bacchi cineres quæ clauserat , ossa  
Diuinæ uolucris nunc capit urna uetus .

Incerti carmen auctoris in sensum contrarium re-  
currens , de Abele & Caino offerenti-  
bus . D E O sacra .

A. **S**acrumpingue tibi non macrum sacrificabo .  
C. **S**acrificabo macrum non tibi pingue sacrū .

Ioannis Antaris , clariss. Equitis Cyprij & Hiero-  
solymitani , Hieronymi amicissimi mei aui ,  
epitaphium , in D. Stephani templo  
Venetiis .

**R**egis amor Cypri , Veneti spes chara senatus ,  
Clarus Eques , ductor magnanimusq; Paphi ,  
Summus honor patriæ Ioannes Cyprius Antar ,  
Mortuus ante diem clauditur hoc tumulto .

De Romanis Imperatoribus .

**C**orneli , & Furi , & Fabij sapientia , robur ,  
Virtus atque beat se patriamq; suam :  
Cæsaris ,



Cesaris, & Crassi, Pompeijq; ambitus, error,  
Impietas & se perdidit & patriam.

Ad Oronam fluium.

**V**T, quoniam sine thure sacram Latoïdos arā  
Vnius misit Græcia diues opum,  
Cum dona offerret Superis, immissus in agrum est  
Oeonium sauo dente timendus aper;  
Sic, Orona, tuus quod tempserit accola uatem,  
Ad cuius placidas carmina sistis aquas,  
A' Phœbo, quæ hominum miseros depascitur artus,  
Immissa est fines dira leæna tuos.

De Ludouico Nouello, Veneto, Vate  
egregio, ad Parcam.

**V**T uidi in somnis, per te flos, Parca, Nouellus,  
Quam sua paulatim patria crescat humus:  
Omnibus ut terris gratum quem spirat odorem,  
Adueniat magni cœrula templa Iouis.

Ad Constantinum Catum, Alexandrinum.

**C**onstantine tibi nomen constantia fecit,  
Cautio cognomen; sis grauis, atque catus.

G iiij Ad

*Ad Gaudentiam Vicentinam, Constantini uxorem.*

**T**V sola hic solo quod uinis in igne Pyrausta,  
Te Solis currus sidera ad alta uehat.

*Ad Fulgentium Catum, eorum fil.*

**V**T tua Dijs facies placeat formosa beatæ,  
Mens tua cœlesti fulgeat igne puer.

*De Pharmacopola, Aegroto, & Medico.*

**N**on una ut rerum causa est, ita uiuere ciuē  
Hæc bona languenti causa fuere tria;  
Pharmaca Bontempus tulit, atque Bonaccia cepit  
Continuò, & dextram Bondius applicuit.

*Ad Hieronymum Antarem Leucossensem,  
Cyprium, Equitem clariss.*

**E**st pietas in te & sapientia, nobilis Antar,  
Quæq; tuum uirtus nobilitauit aium:  
Ille ut Ioannes Italis est notus & Indis,  
Posteritas omnis sic tua facta canet.

*Ad Salomonem cognomento Vsque,  
Ferrariensem.*

**T**E patris ad Thuscōs Salomoni ducere musas  
Vsq̃ue tūc laudes, usque manebit honos.

Ad eundem, de ueritate.

**O**bssequiū plures peperit mihi semper amicos,  
Vera odiū: placeāt hęc tamen, Vsq̃; magis.

Tirestas oculos amisit uera locutus,

Vt scis: pro uero, sit mihi dulce mori.

Ad illastrißimum & reuerendiß. D. D. Guilielmum

donem Ascanium Sfortiam, Cardia-

nalem ampliß.

**N**on florem ætatis multi potuerē cupitum  
Tangere, Guido potens, nec reperire cibū:

Nos uitæ attigimus cœlestis lumina, habemus

Pignora pacis, adhuc regia dona patris.

Nobis assiduis precibus tamen est opus; almus

Nam solum orantes adiuuat ipse DEVS.

Vt sine cœruleis & aquis atque imbribus anni

Culta suos fœtus mittere terra nequit,

Absque ope diuina munus, uitamq̃; tueri,

Et pacem ratio non ualet agra suam.

Ad eundem, adhortans eum ad sacros

codices legendos.

**S**unt ea, quæ uates quondam lusere boati,  
 Guido, legenda bonis & relegenda uiris:  
 Pauperibus profunt lecta & locupletibus æquæ,  
 Contrâ æquæ & puero tempta; nocentq; seni.  
 Huc properent ampli & parui, qui uiuere uitam  
 Lucundam cupiunt, atque placere. **DEO.**  
 Omnis mitescit paulatim, (credite): si aurem  
 Commodet, iratus, mœchus, adulter, inops.  
 Inuidia pectus si nobis aestuat ægrum,  
 Feruet auaritia, laudis amore tumet,  
 Sunt uerba & hoces, Diuûmq; oracula in illis,  
 Quæ sanent dulci uulnera nostra sono.  
 Hæc curare igitur properemus, dum uacat, omnes:  
 Aetas nam celeri labitur ista pede:  
 Viuere nequando frustra cupiamus inertes,  
 Præteritos uotis & reuocare dies.

Ad S. Marium Hugonium eq. cl. de Scancirso To-  
 lamio Mediolanensi sacerdote.

**C**um malè sentiret Diuûm de numine, frustra  
 Sæpe Scancirso diximus ista Mari:  
 Deuia quid sequeris cæco rege? en uia uite.  
 Cæca tibi (redeas) nox iter eripuit.  
 Si, Scancirso, pedem referens, munita serena  
 Doctrina hæc teneas edita templa Deûm,  
 Hinc alios passim felix errareq; uitæ  
 Palantisq; uiam quærere despicias,  
 Atque ad opes summas emerges hinc, ubi letum  
 Seiunctusq;

Seiunctusq; dolor corpore nullus adest,  
Mens ubi iucundo fruitur sensuq; beata

Et uita, unde pavor exulat atque metus.  
Sin contra in tenebris degesq;, ducemq; sequeris,

Cunctis qui noctem prædicat esse diem,  
Qualis homo insanus, mentem pressusq; furore,

Præ se dementes qui putat esse uiros,  
Errantes alios poteris quæ cernere, uel te?

Quæ culpam fugies, interitumq; miser?  
Ne dicam, ut caueas, aliquid ne fortè negocii

Incutiant leges, istaq; facta tibi.  
Quicquid habes, tutis deponas auribus eius,

Qui prodesse tibi, ferreq; possit opem.  
Pœcundos calices fugias, Lulbaq; cinædum

Deuites, pro quo fabula es atque iocus.  
Ad uitam, ad mores patrios, ad teq;, uiamq;

In rectam, ad Solis lumen antice redi;  
Sis gregis ut consors sapientum, à patreq; iusto

Multa tibi ut merces defluat, unde potest.

Ad Ioannem Mutum, Deos negantem,  
quod humanis oculis non uideantur.

Quid furor inspiens homo te, geniusq; sinister  
Sollicitat, nullos esse putare Deos?

Quid cœlum uexas? quid summa euerdis ab imo  
Sermone? aut omni quid ratione cares?

Mundi naturam qui hominum uoluere parare  
Causa, illos demens quid precor esse negas?

Accipe

Accipe quod placeat, ueri quò nescius ex hoc

Conijcias ut homo, cernere quæ nequeas.

Si quæ sit natura animæ non percipis amens,

Quæ facta Diuis insinuata tibi est,

Factores animæ poteris quî cernere Diuos?

Pictura auctorem non uidet ulla suum.

Ad DEVM O. M.

**I**sta quid insani tantum mortalia amamus,

Mortales nati conditione patere

Quos æterna uocas ad gaudia, quosq; benignè

Castigas dictis, assidueq; mones.

Si uerum Paulus crepat ipse, inscitia ueri

Nos agit insanos, stultitia atque mala.

Cuncta retexiuntur gladio hæc penetrata repente

Pectora, quæ dederis perpetua esse breui:

Ad nihilum penitus tum pectora nostra redibunt

Non unquam, fuerit cum reparatus homo,

Sive tui scribas gregis, igni seu dare nigro

Iudex iratus hunc sine fine uelis.

Ad Iosephum Moletium, Siculum, Vene-

tij degentem.

**S**icelides Musæ, Moleti candide, cernunt

Haud montē latum, spernis quia uiuere secū.

Ad

Ad Diomedem Vrfonum à meretrice  
mendaci deceptum.

**Q**uò non æquales dilexisti insane, fefellit  
Vrfum te credentem insidiosa lupa.  
Quò, fere deformis, tibi duco hoc esse cauendum,  
Ne fias omni fabula quadrupedi.

De Vincentij Bondij Mantuani, medici excell.  
refponfo, ad Alphonsi Auali Vafli do-  
mini uxorem iocantem.

**H**æc fibi dicenti matronæ Bondius, & me  
Tu Bondi noctu uifere pergis? ait;  
Te luci interuiſo, bonam lucem ut tibi, noctu  
At uenio, noctem quò precer ipſe bonam,

Ad Madrucium, Mediolanenfes in Gallo-  
rum copias armantem.

**G**recia nunc iterũ quid diſidet? ille Philippũ,  
Romanũ hic, alij poſcunt neutrumq;: timẽdũ  
Eſt, Madruci, igitur, ne in hos armaueris hoſtẽ.

Ad Rainatium Gambaram, Brixianum, nobiliſ-  
ſimum Comitem, de illuſtriſſimo & reueren-  
diſſimo D. D. Ioanne Francisco fratre  
ſuo Cardinali ampliſſimo.



**H**ic homines inter Francisci & feruida uirtus  
 Sidere in ardenti purpureoq; micat.  
 Quæ cælum exornant insignia clara tuorum  
 Luminibus cunctis præposuere DEI.  
 Hinc stella exoriens paulatim candida Olympi  
 Ad summum ueniet ( ne uereare ) locum .

Io. Baptista Castilionus I. C. Mediola-  
 nensis ad P. F. Spinulam .

**V**rbe procul cuperẽ dulces in monte recessus .  
 Et, ueluti suades, facta referre ducum,  
 Si modò pone sequi possem uestigia uatis  
 Eius, quem nobis patria Sulmo dedit;  
 Quem malè tu pungis non æquus Spinula iudex .  
 Nam licet abstruso durius ore sonet,  
 Attamen est eius doctum & subline poema;  
 Nec sua facundo uerba lepore carent .  
 At, quoniam possent oneri succumbere uires,  
 Nunc mihi materies Cynthia dulcis erit ,

Idem ad eundem .

**S**i precibus flecti posset, si Cynthia fletu,  
 Iam pridem posito blanda rigore foret .  
 Marmora proscindunt pluuia, sed durior hæc est  
 Marmore: nam solido cor adamante riget ,

Idem

Idem ad eundem.

**D**um procul à Musis salebroſa parua uagamur,  
 Nos reuocant citharæ ſiſa ſonora tue  
 Tam dulci cantu, dulci modulamine uocis,  
 Ut nihil his Phœbi dulcius ora ſonent.  
 Parce tamen, ſi non Cyrrhæa reuertor ad antra,  
 Cynthia, ne redeam, ſub ſua iura tenet.  
 Tu bibe Caſtalium fontem: iuueniūq; caterua  
 Ad iuga Parnafſi, te duce, carpat iter.

Ad Io. Baptiſtam Caſtilionum P. F. Spinula.

**D**eſcendens equitis pedes in certamē iniquum,  
 Arma aliena gerens, inſipienter agit:  
 Sic ego ſi pugnem lugubri carmine tecum,  
 Quæ manibus non ſunt tela ſecunda meis.  
 Te Venus, ut rabies armat nos: ſtebilis ergo  
 Sit tuus iſte modus, noſter lambus erit.

De Catone Turriano, ſene amante.

**A**lbū à ſtirpe pilū quid tendit uellere, mortē  
 Neſcius ultricem poſt caput eſſe Cato?  
 Finitis animū quid reddit amoribus, inq; hunc  
 Quid Cypron linquens tota Erycina ruit?  
 Quid nitor, eximia & Lalages quid forma, uideri  
 Et uultus nimium lubricus urit eum?

Frondem

Frondem hyemi comiti quæ ætas iam dedicet Hebro ,  
 Et uiridi myrto gaudeat atque hedera ?  
 Et uinclis sæuæ quid subdit colla Diones ?  
 Quid stare hunc diuæ non pudet ante fores ?  
 Detinet ancillam quid in æde ? & uoce trementi  
 Componit stultas quid sibi blanditias ?  
 Quid cantat , manibus canos fingitq; capillos ?  
 Et dominæ duras quid iacet ante fores ?  
 Cum fletu & lacrimis uigilat quid nocte serena ?  
 Tot quid dat clausis oscula liminibus ?  
 Quid flet ? quid toties inquit, cur ianua uirgo ,  
 Cur tua crudelisi anua limen habet ?  
 Quod miseros olim iuuenum rideret amores ,  
 Quod sibi plus æquo libera uerba forent ,  
 Vult Cypriæ puer , ut fiat nunc fabula , & illum  
 Circunstet iuuenis , despuat inq; sinum ,

Ad Io. Baptistam Crassum, Mediolanensem .

**V**T Petrus excellens à rege uocatus Ibero  
 Nonnunquam assimulat cōdoluisse femur ,  
 Sic ego , scribentem cum me tu Crasse uocares  
 Inuitum , ad causas ingeniosus eram .

Epigrammaton libri tertij finis .

P. Francisci Spinulæ


MEDIOLANENSIS

ELEGORVM,

de uariis argumentis,

Libri quatuor.

CVM PRIVILEGIO.



VENETIIS, Ex officina stellæ Iordani Zileti.

M D L X I I I.

P. Francisci Spinulae

MEDICINAE

THEORV M.

*Ioannis Marci Fagnani, ciuis nobilissimi Mediolanensis, de Spinula elegis, distichon.*

*Callimachinemus in sacrum, Coiq; Phileta:  
Te Publi in sedes Phæbus inire sinit.*



ti  
ne  
ol  
fr  
g  
g

ILLVSTRISSIMO ET

Reuerendisimo D. D. Gui-  
doni Ascanio Sfortiæ, Car-  
dinali amplissimo, & fan-  
tæ Romanæ eccle-  
siæ Camerario  
S. D.

*P. Franciscus Spinula Mediolanensis.*



Vanquam ea parentis  
utriusq; stirpe es pro-  
fectus, ut neque scri-  
ptis, neque monumen-  
tis tibi sit opus ad illustrandam  
nobilitatem tuam, tamen cùm  
olim Francisci Sfortiæ, abauitui  
fratris, Mediolanensiũ Ducis egre-  
gia facta, à Iouio conscripta, le-  
gerem, uersibus æternum tui

splendoris præconium mandare  
cupiebam. Sed ea re à propo-  
sito deterrebar, quòd tibi in altissi-  
mo dignitatis gradu collocato  
nulla me adhuc fama notum fe-  
cisset. Pio tamen nostrati Pon-  
tificatum ineunte, cùm elegiam  
tibi quandam composuissem, ip-  
sius istuc mittendæ dari aliquan-  
do mihi cupiebam occasionem.  
Nunc uerò cùm mihi & scriptum  
& nunciatum fuerit, te & poëma-  
ta mea uehementer probasse, & de  
me multa diligenter quæsisse, ean-  
dem elegiam, quæ in secundi libri  
initio est scripta, Aurelio Portu-  
lacæ nostro ad te dedi. Cæterum,  
ne tuam ad Amaltheam, omnium  
aliarum pulcherrimam, quam om-  
nium linguarum uoluminibus or,



nare non omittis, quasi incomitata elegia ueniret, quæ & præcedant, & consequantur huic uia socias comitesq; multas adiunximus. Quoniam autem excelso & illustri loco tuæ nobilitatis uirtutisq; laus in omnium penè mortalium conspectu est sita, nihil hîc ego de атаuo tuo materno Guidone Sanctæ floræ Comite clarissimo, nihil de maiorum tuorum consanguineo Ascanio Sfortia illo Cardinali integerrimo, quem Xystus Pontif. Max. tanti semper fecit, nihil de Bosio Sfortia атаuo tuo illo fortissimo, qui ad Spoletium pugnans in prælio fortiter cecidit, nihil deniq; de alijs maioribus tuis Ducibus & Principibus inuictissimis, sed de his car.

minibus solummodo perpauca  
scribam . Quæ igitur his qua-  
tuor libris continentur, à me ua-  
rijs fuere conscripta temporibus.  
Primum enim ex maiori parte  
Mediolani, secundum penè to-  
tum Brixia, tertium ibidem &  
Veronæ, quartum denique Pata-  
ui & Venetiis composui . Ne-  
que uerò hoc in genere Marius  
Molsa, quomodo nonnullis pla-  
cet, ita aliorum studia restinxit,  
ut nemo eum ipsum æquare pos-  
se uideatur . Nam hominis ele-  
gantia uel amplitudo quadam  
complureis à scribendo deter-  
ruit . Etenim uenustatem & can-  
dorem A. Tibulli, qui anti-  
quos omneis hoc ipso carminis ge-  
nere superauit, adeò exprimit imi-


tando, ut imaginem illius uerani  
in eodem Molsa cernamus.  
Quamobrem illud breui sic habe  
to, me cum uiro doctissimo con  
tentione imitandi usque adeò de  
certasse, ut ego stylo non minus,  
quàm olim Apelles, uti uiuas ho  
minum facies imitaretur, peni  
cillo, hac in re una elaboraue  
rim. Quantum autem assiduita  
te profecerim, aliorum sit iudi  
cium. Me certè studuisse non pau  
lulum proficere, nullus non igno  
rat. De cætero tu quando non mi  
nus, quàm olim auus tuus Pontif.  
Max. es bonarum literarum &  
fautor & amplificator, ita uelim  
hoc tibi sit opus acceptum, ut ei  
dem auo tuo grata & Bembi &  
Flaminii carmina fuerunt. sicq̃

in animum inducas, nihil esse mi-  
hi optabilius, quàm à te hoc of-  
ficio meo gratiam inire. Vale,  
Venetiis Idib. Decemb.

CICERO LXII.

P. FRANCISCI SPINVLAE  
MEDIOLANENSIS  
ELEGORVM,  
de uariis argumentis,

*Liber primus.*



Ad sanctissimum D. N. PIVM IIII, Medicem,  
Mediolanensem, Pontificem Maximum,  
Elegia I.



PTIME Dux homi-  
num, CHRISTI  
supreme sacerdos,  
Quo sine cœlestes non  
datur ire uias,  
Vt Regum celebrat mul-  
torū Fama triūphos,  
Sidera uirtutem tollit  
ad alta tuam:

Hi quòd prætulerint, pugnacis more Quirini,  
Finitimos armis sollicitare Duces,  
Tu quòd ab horribili gentem, pius ut Numa, bello  
Romanam inuitas ad sacra pura Deum.

Qua pietate nihil terrarum charius orbi,

Nilq; potest magno gratius esse Ioui.

Hinc Pater omnipotens aderit tibi *Quarte uocatus,*

Et cinget uiridi Gloria fronde caput.

Sint Patres alij celebres uictoricibus armis,

Pontificis PIETAS clara trophæa pii.

Nam properas lapsi generis sarcire ruinas,

Aegroto & MEDICAM ferre benignus opem:

Vt sit ita salusq; gregi comes alma gementi,

Vt uitium præceptis in Phlegetonta ruat.

Ad pacem hortaris quæ regna superba uerendum

Temnunt Romani Principis imperium.

Nanque tuo iussu Patres coiere Tridentum,

Venit doctorum candida turba uirum:

Vt, qui uirtutis specie haud unam occupat urbem,

Agnoscat quæ sit relligiosa fides;

Dispersæ ut pecudes redeant, sit Pastor & unus.

Grex unus, PIETAS unaq; & una fides.

Cuius ego optarim laudes intexere chartis;

Imperius ast aliò me uocat ille sacer.

Dicere fert animus, quæ Portulaca sodalis

Idibus ad fratrem scripsit ab Vrbe suum.

Grata fuit cunctis ipsius littera, magnæ

Gaudia complectens Urbis & Insubrium.

Gaudent Insubres, studijs te ornare Quirites,

Romaq; picturis pulchrior ipsa tuis.

Nam quis luminibus magni non perlegit istic

Clara Pij in Xysto principis acta domus?

Acta domus Quarti ijs æquissima porticus offert,

Qui

Qui Patrum subeunt regia tecta Patris,  
 Cui triplicem Petri gemmis auroq; coronam  
 Consensusq; hominum, coelicolumq; dedit.  
 Nanque loci patula si quis spaciatur in umbra,  
 Admiratur opus, artificisq; manum,  
 Admiratur item multorum unaq; labores  
 Pictorum illustres, & tua gesta simul:  
 Nam graui ab exilio Pacemq; & Copiae in Urbem,  
 Inq; Orbem cornu te reuocare uidet;  
 Te uidet ancipites hominum cognoscere causas,  
 Ut fas, ut leges iustitiaeq; docent;  
 Te uidet, reiectis fallacibus Vrbe, cauere  
 Certa; pauperibus constituisse loca;  
 Te uidet exornasse uijs & ciuibus Urbem,  
 Et fama aeternis restituisse Deis;  
 Te uidet inde uiam consternere, pandere portam,  
 Romulidae dici quas uoluere PIAS;  
 Te uidet, immanis fuerant ubi tecta tyranni,  
 Hic MARIAE templum ponere marmoreum;  
 Te uidet in murum dulces inducere lymphas,  
 Et munire arcem, Flaminiamq; uiam;  
 Te uidet augere Anconamq; & portibus urbem  
 Formosam, quae antiquum Hostia nomen habet,  
 Et Centumcellas includere moenibus altas,  
 Saluae ubi non fuerant in statione rates,  
 Ut tutam à saeuis praedonum incurfibus oram  
 Tyrrheni praestes Adriaciq; maris;  
 Te uidet Aureli ignotam & penè ante sepulcrum  
 Instaurasse, loci commoditate, uiam;



## 4 ELEG. DE VAR. AR.

Te uidet Aonio deducere uertice Musas  
 Ad Tyberim, & sanctis inuigilare choris,  
 Atque Impressorum primos inquirere in orbe,  
 Ut Roma inuentis floreat arte nouis;  
 Te uidet errantes populos ad auita uocare  
 Dogmata, Concilium totius orbis habens;  
 Te uidet interea sanctos renouare penates.  
 Ornare hunc sumptu regificoq; locum;  
 Perlegit & passim numerosos denique uersus,  
 Subscripsit doctus quos Pater Amulius:  
 Qui sapiens Latij paruo post tempore in oris  
 Quæ loue tu facies multa probante canet.  
 Se Pater aligero uolitans per inania curru  
 Præbebit uotis & Petrus aure tuis.  
 Quò licet hostiles ausus te euertere tendant,  
 Illorum tumidas ne uerere minas.  
 Tempus erit, cum tu uictis à Regibus uste  
 Ad Libyæ fines rapta trophæa feras,  
 Ad te cum ueniet supplex, nunc Celta rebellis,  
 Ac pedibus sacris oscula pressa dabit.  
 Perge parens igitur magnis insistere rebus,  
 Aureâ perge tuo condere secla gregi.  
 Pegasides doctæ uario te carmine dicunt  
 Rex hominum, quo nil maius in orbe uident.  
 Semper homos, laudesq; tuæ, PIETASq; manebunt,  
 Dum certa annus aget lucida signa uice,  
 Dum Sol ætherea lustrabit lampade terras,  
 In mare dum rapidis Albula rumpet aquis,  
 Dum

Du

A

S

Ma

No

T

Nan

F

Si ir

A

At st

Pe

Qui

Se

Ast eg

Ce

Atque

Et

Urbe

Ga

Numin

Am

Anguig

Clen

Dum sacra clauigeros magni teget infula Petri,  
Dumq; colet Patres inclyta Roma Pios.

Ad sanctissimum eundem D. N. Elegia II.

**S** Fortia dum fratri summum promittere honorē,  
Quarte, per Insubres diceret astra tuos,  
Mantua dumq; sibi hæc deberi munera ferret,  
Conclauimagno dissidiumq; foret,  
Nocte coorta tuis stabulis incendia, Romæ

Te fore Pontificem præcinuere PIVM.  
Nanque perreranti subtristis manè sacerdos  
Fortè mihi Clemens obuius urbe fuit:  
Si iracunda domos tetigissent fulmina, dixi,  
Aduersum, infelix auguriunq; foret;  
At flammæ, incauto licet excidat ignis, abortæ  
Portendunt domino prospera cuncta domus  
Qui ueniens subito stabula ad fumantia mecum,  
Seruitio iratis rettulit ista tuis.

Ast ego mox retuli, Vestrum succedere Patrem  
Cernetis Paulo, dixit ut antè Bonus.  
Atque utinam totas Vulcanus lamberet ædes,  
Et iam gauderet fascibus urbe Pater:  
Urbe Pater magnis Romana fascibus, alto  
Gaudebit folio, clauibus æthereis.

Numine me Diuo afflatum prius ista locutum,  
Ambrosius testes Aoniusq; graues,  
Anguiger & testis mihi Carolus, & tuus idem  
Clemens, dicta nisi hæc arroget ille sibi,

## 6. ELEG. DE VAR. AR.

Et Petrus & Paulus testes mihi, & inclytus Heros,  
 Cuius nempe oculis omnia nostra patent.  
 Quare, si precibus Pietas tua flectitur ullis,  
 Quæ peto magne Pater, ne neget illa mihi:  
 Da legere Europæ lacrimanti mystica uatis  
 Interdicta precor carmina Flaminij,  
 Incepta hic quæ nos absoluiumus auspice Musa  
 Atque legenda pijs, & releganda uiris.  
 Et, quem Phœbus amat, cui sunt ante omnia Musæ  
 Dulces, ô tandem sis memor ipse mei.  
 Ut molem Adriacis Venetam mirarer in undis,  
 Me scito Insu-bres deseruisse focos.  
 At nimis hic locus est celebris, non dicere Phœbum,  
 Hic ualeo & Nymphas, cornipedesq; Deos.  
 Eripe me populo hoc, patulaq; sub arbore siste,  
 Martia quæ flauus profluit arua Tybris:  
 Fratris ut egregij Ducis istic inclyta facta,  
 Patrum uirtutes, & tua gesta canam.

Ad Carolum Vicecomitem, Equitem clariss. Sena-  
 torem integerrimum, Insu-brium ad Philipa-  
 pum Regem legatum, qui deinde Epi-  
 scopus Intemelien-sis creatus fuit,

## Elegia III.

**A**spicis ut pelago properent se tingere Soles;  
 Annuus ut fugiens, Anguiger, orbis eat.  
 Sape mihi dixi; Mortalia facta peribunt.  
 Sape mihi dico; Puluis, & umbra sumus;

Puluis

Pulvis & umbra sumus : mox euanescentes omnes :  
 Principium hæc donant augmine cuncta suum.  
 Qualis bulla, nouum cælo cùm decidit imber,  
 Verbani lymphas guttaq; rara ferit;  
 Humani generis species & gloria formæ  
 Continuo apparet, continuoq; perit.  
 Quid tituli, quid opes, auri quid multa talenta  
 Profunt; cum uitæ sit breuis iste modus;  
 Ut miser inuentis opibus se nocte Marino  
 Obscura in somnis ditior esse putat,  
 Hinc expectatus paupertatem illico turpem  
 Cernit adhuc humiles secum habitare casas,  
 Hic Druso felix multo sic ære superbus,  
 Qui sese magnum credidit esse DEVM,  
 Se sentit miserum adripitur cùm tartara nigra,  
 Flent ubi dis unà Crassus & Iruis egens.  
 Ergo insanus homo quid amore senescis habendi?  
 Cùm res non desit, uita sed ipsa tibi?  
 Quæ leuitas aliò uel Erynnis abire meorum  
 Umbrosus suadet collibus Insubrium?  
 Ocia quæ curæ Musarum dulcia, quæ spes  
 Sollicitat studium Carole magne tuum?  
 Aëno quid uolucris iacularis multa? quid auges  
 Curas, atque dies contrahis ipse tuos?  
 Quid uel paras iterum duros inuisere Iberos?  
 Quà steriles ardens Phœbus adurit agros?  
 Ecce ostrum cupiens Falcutius, ecce Taberna  
 Ille obiit, poterat cui nihil esse satis:  
 Atque agit ecce animam Confalonerius agram;

Istis & Crassus se parat ire comes :  
 Sorte suum gaudens citò non Guido ipse peribit ,  
 Qui nimia cupidus feruet auaritia ?  
 Cras in perpetuam non claudet lumina noctem  
 Rauerta Antestes , ambitione tumens ?  
 Fortes Insubrium reges , atauosq; , patresq;  
 Ante duos annos uiset uterque suos .  
 Non auro & titulis est exorabile fatum ;  
 Omnes in Stygias nos uocat Orcus aquas .  
 Attamen haud obijt , sed auem mutatus in albam  
 Flaccus ad Eridanum carmina docta canit :  
 Haud obiit Caesar , Lucretius , atque Catullus ,  
 Albius , & Cicero , Virgiliusq; Maro ;  
 Virtus quos ardens euexit ad aethera , fati  
 Quae sola extrema conditione uacat .  
 Quod superest igitur uitae ne huc obsecro & illuc ,  
 Ut facis , absumas dulcis amice uolans :  
 Sed , famam ut docto possis extendere uersu ,  
 Assidue Aonijs inuigilato choris :  
 Aeternum ut uiuas , te ut secula cuncta loquantur ,  
 Ut tibi quaesitum sit sine morte decus .

Ad Carolum Vicecomitem , cum ab His-  
 pania redisset , Elegia IIII.

S Omnia nos adigunt istorum , Carole , noctu ,  
 Oppida dum late cunctaq; rura silent .  
 Cum uigilo , fessos & cum sopor occupat artus ,  
 Virtutis nequeo non memor esse tuae .

Seu natale solum, cupimus quod uisere per te,  
 Seu teneat uatem Brixia amica tuum,  
 Hoc nunquam hercle tui labentur pectore uultus,  
 Quem solum, atque Deos nostra Thalia canit,  
 Vsq; tuas laudes Francisci pagina dicet,  
 Siue erimus, seu nos fata fuisse uelint.  
 Carminibus (ueri si quid mens augurat ipsa)  
 Ut Tonfi, & nostris uita perennis erit.  
 Vix aliquot potui sine te si uiuere Soles,  
 A te est cum longis Roma petita uis,  
 Egregius patriæ legatus nomine patri  
 Ut commendares commodâ nostra Pio,  
 Quid modo? cum nec te uideam, nec sit mihi adire  
 Spes istuc, regio quem peregrina tenet:  
 Cui succurrit iter dulce, & tua disticha, & agri,  
 Atque Albizati mœnia prisca tui;  
 Vnde mihi colles curuatos undique in arcum  
 Monstrasti, & pratum, granineosq; toros,  
 Quâ uirides herbas placidissimus irrigat Arnus,  
 De quo tu dixisti talia præteriens;  
 Qui fuit obscurus multa Arnus secula, poëta  
 Aduentu Publi lymphæ celebris erit.  
 Quæ Messala comes ferro descripsit in orni  
 Cortice Syluano carmina grata DEO.  
 Succurrunt Diuûm cœnæ, atque ea prandia, agrêstis  
 Quæ dona apportans exbilarauit anus.  
 Succurrunt uirides, quas ipse ex tempore lauros  
 Hisce salutasti uersibus adueniens;  
 Si complexa mei fueris pia tempora uatis,



Grata magè & nobis laurea dulcis eris .  
 Verùm, quem cupiunt aliq, contemnit ubique ,  
 Ut piper omnis Arabs, gens suaquenque bonum .  
 Non'ne suos habuit pro nilo Roma Tibullos ?  
 Non uatem amandas, Arne superbe, tuum ?  
 Non'ne suos hodie temnitq; Flacentia alumnos ,  
 Spernit & Aonium terra Latina suum ?  
 Admirari igitur mecum Heros desine , nutrix  
 si curet tellus carmina nostra nihil .  
 Me fex Insubrium uexabat in urbe misellum  
 Ista olim, quem nunc gens aliena colit .  
 Post nigros patriæ Soles , hoc iam mihi fulsit  
 Orbe duos menses usque serena dies .  
 Non hic exululat notus feritate Lycaon ,  
 Qui fauces in me uerterat & rabiem .  
 Non hic Papilio uolitans olus inficit hortis  
 Sordidus, immundis editus à tinea .  
 Non hic Alcytoës latitant per tecta sorores ,  
 Quæ mea ledebant lumina & Anguigeri .  
 Gignitur humanis non hic coluberq; medullis ,  
 Nec serpens, Tonso sic inimica bono .  
 Pascentes non hic Andreas durus inermes  
 Non audius laniat Bartholomæus oues .  
 Hic pax arua colit, pietas, concordia, Apollo ,  
 Calliopea, rubens Bacchus, & alma Ceres .  
 Nos ubi Aristoclis legimus præcepta disertis ,  
 Visimus Adriacos picridumq; choros .  
 Nos ubi uir prudens Hieronymus Hugo'tuetur ,  
 Hugo, quem terris Cypria Marsq; dedit .



Olim germani Gonzaga atque Hugo fuerunt;  
 Qui decorant gentes nobilitate duas;  
 Hippolyta est natus genitor Ferrandus ab illo,  
 Patria quo tellus auspice tuta fuit;  
 At ciuilis ab hoc est editus iste peritus  
 Iuris, qui nobis ocia leta facit.  
 Conciliauit enim ciues mihi protinus omnes,  
 Ut sine me posthac uiuere posse negent.  
 Quò, si terra mea requies erit ista senectæ,  
 Felix uiue mei, Carole, uiue memor:  
 Quem mea deficiet nunquam memorare camœna,  
 Dum cœlum ornabit nobile stemma tuum,  
 Innumera æternus pascet dum lumina Olympus,  
 Dum partus & alet Dædala terra suos.  
 Nulla mihi statuent finem te fata canendi,  
 Membra quoad dulcis spiritus ista reget.  
 Quin etiam manes cum uisam, facta parentum  
 Dicam ad Threïcias & tua gesta fides:  
 Ut tennes noscant te ipsum sine corpore uitæ,  
 Patrum & uirtutes atque trophæa tuum.  
 Illinc post alios iterum mortalis ad artus  
 Seu serò ueniam, tempore siue breui,  
 Me seu uita manet uariam mutata figuram,  
 Seu cygnum aut potius me uolet esse gruem,  
 Seu me finget equum campos percurrere, siue  
 Tardi sim pecoris gloria taurus ego,  
 Quæ me cunque dies mortalem acceperit orbe  
 Subtexam his chartis carmina cœpta tibi.

De Nicolao Sfondrato Episcopo, Mediolana Cre-  
monam in sacerdotij possessionem eunte,

Elegia V.

**H**Aec hodie uobis sacra sit lux candida ciues,  
Hac opus efficiat nulla taberna suum:  
Non ullum cupidus debentem creditor angat;  
Gaudeat Urbanus, gaudeat agricola.  
Hac & luce bibat Corydon, & saltet arator,  
Hac & luce boues & requiescat humus.  
Vos domini, famuliq; odiosis parcite uerbis;  
Parcite cauidici litibus, atque notis;  
Parcite consulti rabidos audire clientes;  
Iura det haud Prætor ciuibus ulla suis.  
Curia non resonet clamoribus, interruptum  
Nunc opus & toto pendeat omne foro.  
Nunc casti dicant pueri, intactæq; puellæ  
Carmina, non Phœbo, sed tibi magne Pater,  
Dant arcana suum cupido cui uisere lætum  
Fata gregem, sacra & templa subire Deum.  
En mihi, qui sacro Musas à fonte uocabam  
Incassum ante, modò ut carmina cuncta fluunt.  
En canit ut uolucris per syluas garrula; hiantes  
En minus ut solito Syrius urit agros;  
En calor ut media æstiuus se luce refringit,  
Feruore infans dum mare sæuit aquis;  
Dum Zephyri molles aspirant, aspice dulci  
Aura frondiferum ridet ut omne nemus:  
Diluuiem cultis magnam & minutatus agellis,  
Eridanus

Eridanus placida labitur amnis aqua.  
 Purpureæ uestis dat cuncti prouida fati  
 Egregio alma parens omina certa uiro:  
 Ostrum promittunt illi, triplicemq; coronam  
 Horæ natalis sidera amica poli;  
 Numine qui plenus uolat hinc aliò, omnis ab hoste  
 Quo forti populus præside tutus erit.  
 Pontifici occurrant plausu iuuenesq; , senesq; ,  
 Pontificem accipiat læta Cremona suum;  
 Læta Cremona suum uatem, Patrisq; ministrum  
 Aeterni accipiat: carmina cantet ei;  
 Quem cecinit Phœbus, Musæ & cecinere calendis,  
 Vincentem ut cunctos relligione Patres,  
 Vincentem ut cunctos deducto carmine uates,  
 Qui fontem Aonium Castalianq; bibunt.  
 Desinite ò tandem lugubres arma cruenta  
 Atque Cremonenses longa tributa queri:  
 Militia hostiles campos & squallor inibit,  
 Abducto ut cesset uomere pinguis humus.  
 Scilicet è magna uobis hac nascitur urbe  
 Certa salus, istuc adueniente Patre:  
 Nam quocunque caput præfert, pax ponè subitq;  
 Et sequitur pietas, gaudia, Vita, quies;  
 Diffugiunt cædes, furia, & Bellona flagello  
 Inuiso; cedit gens inimica locum.  
 It comes huic frater gentis spes altera nostræ,  
 Præ cunctis fidus quod iuuenile micat.  
 Qualis ab æquoreis exardet Lucifer undis,  
 Aequales inter emicat ipse Baro.

Vndique gens ueniat, uatis studiosa uidendi,  
 Quem Phœbus, Nymphæ, Thespiadesq; colunt:  
 Perq; uias passim Armenios incendat honores,  
 S'ernat odoriferis floridaserta rosis.  
 Fana alacrem festa iuuenes & fronde per urbem  
 Velent: & ramos sedula turba ferat:  
 Inducatq; uis umbras, quâ tendit ad ædes  
 Diuorum Antistes, lux, patriæq; decus;  
 Efferat & tabulas penetralibus illico pictas;  
 Ridentis figat parietibusq; uic;  
 Spargat hanni lymphas & candida lilia, volentes  
 Atque herbis; resonent tympana pulsa manu:  
 Ludatur fidibus, digitum cum uoce loquantur;  
 Moxq; cauas insilet Musica docta tubas;  
 Dum nobis epulas, & uina liquentia mensam  
 Exhilarant, festa comibimusq; die.  
 Heus, Bacchi referas puer(audin?) munera in orbẽ,  
 Et sonet absentem densa corona patrem;  
 Nicolcos magna celebrer uirtute, fideq;  
 Aeterna o nostræ gloria gentis ades;  
 Huc ades, & nobis aspira, dum tua gesta  
 Callimachi numero dicimus, atque patris.  
 Dij modo conseruent generatum uate poetam,  
 Nec teneat cursus alta Cremona suos:  
 Ut redeat mæstos cum germano impiger ad nos;  
 Viuere nam sine eo curia nostra nequit;

Ad

Ad ciuitatem Brixianam, Elegia VI.

**O** Nimum fausta & felix, tua si bona noris,  
 Vrbs ingens, Veneto tuta sub imperio.  
 Non lupo est pastor tibi, sed lectissimus heros;  
 Non tibi corpus iners, non sine luce caput.  
 A domino nomen deducit, qui tibi lux est,  
 Et te qui domini pascit ouile sui.  
 Te cœli beat æterni indulgentia: egestas  
 Turpis, & ægra fames exulat orbe tuo,  
 Exulat & Verris rabies, & dira tyrannis  
 Pleminij regis, exulat impietas.  
 Non est uenalis tibi iurisdictio; non est  
 Iudex, qui exhaurit rura domosq; tuas;  
 Non est sacrilegus princeps, qui temnere Diuos  
 Audeat, & castos conscelerare toros.  
 Pauperiem Prætor miseram non despicit, atque  
 Non magnis opibus diuitijsq; fauet.  
 Non te dura phalanx urget, non Celta superbus,  
 Non ædesq; tuas hostis Iberus habet.  
 Nemo tuas acies lædit; non pila per urbem,  
 Externas gentes nec uolitare uides.  
 Non te crudeles expilant barbari; inopsq;  
 Non Urbem, macies non tua rura colit.  
 Non generas homines nequam; te turba frequentat  
 Doctorum, & decorat copia nobilium.  
 Et natura parens rerum tibi consulit; ornant

Te Dij certatim muneribusq; suis.  
 Dat. sobolem castam, dat gaudia Iuppiter almus,  
 Dat segetes letas, dat bona uina tibi.  
 Hic quid opes memorē, quid sacra & templa Deorū,  
 Virtutesq; tuas, ingeniumq; bonum?  
 Tu contenta quidem gens uiuere, ut Attica, paruo,  
 Natale, haud aliud uis habitare Solum,  
 Et mutat terras alio dum Sole calentes,  
 Esse potensq; cupit Thuscia, Gallus, Iber.  
 Candida pax messes flauas terit, hīcq; labore  
 Gaudet; pax hilaris pinguis musta bibit.  
 Nam non arua Ceres, cultosq; relinquit Iacchus  
 Agros, non umbras Cynthus ipse tuas.  
 Ordea cui sulco mandasti grandia, auenæ  
 Et lolium infelix non dominantur ei.  
 Horridus haud spinus surgit Paliurus acutis  
 Vel pro Narcisso; purpurea uē rosa.  
 Diffugit inuiso tristis Bellona flagello,  
 Diffugit & telis gens inimica suis.  
 Et nemora & syluæ uoces ad sidera iactant,  
 Dum cantat Venetum rustica turba Ducem.  
 Sunt Mopso, Lycide, Damoni, suntq; decoræ  
 Albane à superis ocia facta tuæ;  
 Lucia, formosa Venere & formosior illa;  
 Quam numeris cithara dicit Hetrusca nouis:  
 Quæ resonare docet syluas te Brixia; cantu  
 Quæ Faunos; rapidas & remoratur aquas,  
 Dum stupet Aemilius, Bornatusq;, Hugoq;, cuius  
 Picta



Picta est ante oculos dulcis imago meos,  
 Ingenium & cuius uirtutem, & gesta parentum  
 Et dicet laudes pagina nostra suas:  
 Nos hodie cuius læti uidere penates,  
 Qui nobis retulit cuncta patère sua;  
 Nosq; peritorum in iuris collegia duxit,  
 Italiae populus qualia nullus habet,  
 Conclamat leges ubi Consulto esse tenendas  
 Parietibus pictis undique Iustitia.  
 Vrbs, ego te miror; tua gaudeo gaudia: gens est  
 In Latio, quàm tu, nulla beata magis.  
 Hoc tua gauderent quò statu secula, magni  
 Coelicolæ patribus consulere tuis,  
 Hispani passim & Galli cùm dira cupido  
 Regnandi totam uerteret Ausoniam.  
 Vos gaudete igitur ciues, uos æquora ponti  
 Et terræ, Veneti quas ditione tenent:  
 Vos nec Mauortis terrent arma impia, uobis  
 Nec dulces somnos classica pulsa fugant;  
 Vos Patrum uirtus tutatur magna potentum,  
 Queis placet & bonitas & pia gesta Numæ.  
 O' mihi uobiscum nasci mea fata dedissent,  
 Aut finem ad uitæ dent habitare modò.  
 Vt dicam & paces Venetorum, & bella potentum,  
 Et libertatem Brixia læta tuam.  
 Cantando longos Brunori condere Soles  
 Nos mirarentur sordida rura duos.  
 Seu canere Alboinas malles me carmina ad arces,



18 ELEG. DE VAR. AR. L I.

*Sive ubi tam nitidis Gånabara fertur aquis.*  
 Perge tuos, Pater, & saltus & scribere agellos,  
 Et facilem niueo spargere lacte Palen;  
 Perge tuam Vencrem, Nympharũ & dicere amores;  
 Vsq̃ue colent Musas Itala regna tuas;  
 Vsq̃ue tua & feri laudabunt scripta nepotes;  
 Clara & Ioannis nomen ad astra ferent.

*Elegorum, de uarijs argumentis, primi  
 libri finis.*

P. FRAN

19  
P. FRANCISCI SPINVLAE

MEDIOLANENSIS

ELEGORVM,

de uariis argumentis,

Liber secundus.

Ad illustrissimum & reuerendissimum D. D. Gui-  
donem Ascanium Sfortiam, Cardinalem  
ampliss sanctæq; Romanæ ecclesiæ Ca-  
merarium, Elegia I.



Lux Ausoniæ gentis, Pater incly-  
te Guido,

Quem decorant patrum multatrophæa Ducum.

Principis Insubrium, fama super  
æthera noti,

Est animus prudens, est ratioq; tibi,  
Est abauiq; tui germani illius, honesti  
Solut amor, cineres Umbria cuius habet.

Magni Pontificis Farnesii imitantis auitas  
Virtutes, quem gens Martia luget adhuc.

Illius auspicijs Romæ est latata beatis,  
Cum felix nimium terra Latina foret.

Non ille Italiam seu inuitauit ad arma;

Non populos uertit funditus ille suos:

At

At Latjō studuit Martem prohibere cruentum,  
 Atque agere in duros horrida bella Getas.  
 Ne Romam incoleret felicem turpis egestas,  
 Et, quæ letatur sanguine, uirgo furens.  
 Cum torua Alecō Francisci & Cæsaris iras  
 Inflammaret, eos horrida ad arma uocans,  
 Composuit prudens auersos fœdere, quod Rex  
 Annua seruaret tempora uterque decem:  
 Cerneret Hesperiam ne instructo feruere bello,  
 Et pestem atque famem prælia dira sequi.  
 Qui simul interijt Romæ uir tantus, ab alto  
 Europæ est uisus Sol cecidisse polo.  
 Ad saga continuò Latium uocitauit Erynnis,  
 Cum penè infelix perdita Roma fuit.  
 Quo patriæ sortem doluisti tempore acerbam,  
 Et fata innumeris hæc comitata malis,  
 Cum tua purpureos fleuisti dicta gementis  
 Despexisse Patres, consiliumq; graue,  
 Cum te diuinum sapientemq; ipse probauit  
 Exitus, urbsq; tibi cœpit habere fidem.  
 Quis, dedit urbs, alto in conclauī nesciat ista  
 De Patre ASCANIUM præcinnisse bonum?  
 Ascanium norint afflari numine Diuum,  
 Ascanio discant credere cuncta Patres.  
 Fallere non animi possunt sub uulpe latentes  
 Prudentem, Lycius quem dedit ipse DEVS.  
 Sed Pater omnipotens tandem respexit, & urbi  
 Ingens atque tibi SEFORTIA consuluit.

Quæ

Quæ modò lugubris tenebrosa nocte gemebat,  
Nunc hilari gaudet Roma beata die.

Ad Annibalem Vicecomitem Borrom cum, Medio-  
lanensem Comitem illustriss. Vitaliani fil.

## Elegia II.

**A**Nnibal Insubriũ sate prisco sanguine Regũ,  
Quorũ animos, uultus, uerba, comasq; refers  
Sæua alij canerent dum bella, Ducesq; , tubasq; ,  
Quæstimus pleetro nos leuiore modos,  
Inter & Insubres absoluimus hocce, Tridenti  
Flaminius quod opus cœperat antè bonus,  
Pauli Pontificis cùm iussu fortè uocatum est  
Illuc concilium, sospite patre tuo.  
Vidit opus cœptum tuus Paulus, & istud Ecquid,  
Non domino hæc, inquit, munera grata meo?  
Currentem incendit dictis, atque abstulit omnem,  
Qui mihi cingebat tristia corda, metum.  
Ergo per Paulum placuit tibi mittere, quæ olim  
Sancta Palæstini carmina regis erant,  
In quibus ætatis uertendis tempora adultæ  
Consumpsi, ut possent facta Latina cani.  
Vnice flos urbis, multo uigilata labore  
Hæc ne temne, oci nunc tibi si quid erit,  
Dum bella & paces longum diffundere in æuum  
Cerutus, reges, Anguigerosq; duces,  
Et patris ingenium, ac uires, & lucida auorum  
Atque animos quærit ducere in astra tuos.

Sic ego, si longæ maneat pars hæc mihi uitæ,  
 Virtutesq; tuas, & tua facta canam:  
 Aeternum uirq; loqui seclis & dicere laudes  
 Venturis possit pagina nostra tuas.  
 Quamuis quiq; canant iuncto pede, quiq; soluto  
 Undique te cupidi dicere conueniant,  
 Ut tibi perpetuo sint multa uolumina uersu,  
 Ipsa audere aliquid nostra Camœna cupit;  
 Quæ nisi maiora & dictis superesse uideret,  
 Dicendisq; minus conticuisset adhuc.  
 Omnibus eloquio & præstes cum ciuibus armis,  
 Nec tibi sit dispar laus in utroque tamen,  
 Sed quantum miramur in hoc, miramur in illo,  
 Iust aut cum præmitur pondere libra pari,  
 Quis tua facta ualet satis obsecro dicere, tantam  
 Et uirtutem? igitur sit uoluisse satis.  
 Nam parco de te nunc heros scribere, laudes  
 Deficiant ne humiles carmina nostra tuas.  
 Attamen, ut Superi, exigua hæc ne despice dona,  
 Munera ne uatis respue parua tui.  
 Cres tulit & Phæbo gratissima dona, Philemon  
 Atque Ioui, & coniux Baucis Atlantiadæ:  
 Nec fuit Alcida sedes ingrata Molochi  
 Et cum cessit ab hac fortis in astra uia:  
 Omnibus & Baccho iucundior Icarus hospes.  
 Vos testes alto lucida signa polo.  
 Nec semper niueus mactatur taurus ad aras,  
 Nec semper Diuis casa iuuenca cadit:  
 Sapius aut poma, aut placarunt spicea ferta,

Aut lac, æternos micæq; parua Deos.  
 Hæc mea sic placeant oro munuscula, mittit  
 Quæ tibi pro meritis officiosus amor.

In Iulie Martinengæ, Stephani Marij Hugonij nobilis.  
 Equitis, Brixiani, Francisci iuris  
 utriusque peritissimi fil. uxoris  
 obitu, Elegia III.

**F**losculus heu Dryadū, Mario lacrimante, iace-  
 Effœta in gelido Iulia fortè toro, (bat  
 Cùm sola auditur sublimi è culmine noctu  
 Ferali bubo carmine sæpe queri.  
 In somnis etiam est semper sibi uisa relinqui  
 Sola, ire & longas incomitata uias,  
 Visa nouam sedem deserta querere terra,  
 Semper agi nigris à furijsq; face,  
 Ac diras tædis fugere & serpentibus atris  
 Armatas, Orci tergeminamq; canem.  
 Atque sui fuit extincti genitoris imago,  
 Maiorum in tectis & simulacra uiri:  
 Hinc nocte obscura exaudiri uerba uocantis  
 A nata uigili uisa fuere patris.  
 Aduenit lectos tenebrosa nocte, malusq;  
 Infœmum genius terrificauit eam.  
 Deficiunt nerui & uires, nitor interit oris,  
 Purpureisq; genis excidit omnis honos.  
 Sæua ut Persephone nigram huic denunciat horam,  
 Astanti serua, Barbara, dixit, ades.

En morior misera, en morior; iam nox mihi longa  
 Aduenit miserae, nec reditura dies.  
 En morior, Stephano, conclusero lumina postquam  
 Noctem in perpetuam, protinus ista refer;  
 Eripuisse animam fata, at non eius amorem  
 Ipsius dicas eripuisse mihi.  
 Atque meos manes ne lædat, puluere foedans  
 Tempora; sed tantum sit memor usque mei;  
 Desinat & nostrorum lacrimis urgere sepulcrum,  
 Desinat & Stygio fundere uerba Ioui.  
 Vna manet cunctos homines nox, & uia leti  
 Est calcanda, Deum patre iubente, semel.  
 Nanque caput nullum fugit hic Plutonia coniux,  
 Densantur iuuenum & funera mista senum,  
 Si quis Threicio moderetur blandius Orpheo  
 Auditam fluuijs arboribusq; fidem,  
 Nigro uirga gregi quas compulit horrida Diui,  
 Non uanis redeat sanguis imaginibus.  
 Iulia uæ miserae, nimium uicina paludi,  
 Quam sopor, Eumenides, nox, tenebraeq; colunt.  
 Talia dicentem flauum Proserpina crinem  
 Aufert, atque Orco damnat eam Stygio.  
 Quo facto, gemituq; & scæmineo ululatu  
 Lamentisq; domus omnia tecta fremunt;  
 Et resonat totus magnis plangoribus æther,  
 Ac reddit uoces & domus alta refert.  
 Quis Marij narret lacrimas? ut sensit obisse,  
 Pectora mox lædens, fletibus ista dedit;  
 Occidit heu mea lux. periisti Iulia dulcis,



Hei mihi Nympharum gloria nempe iaces.  
 Quæ niuæ frontem, uultus, oculosq; Diones,  
 Et Triniæ poteras æquiparare genas,  
 Quæ uirtute alijs præstabas una, fideq;  
 Inuidere oculis numina magna tuis.  
 Te pater inuidit Superum mihi magnus Olympi,  
 Ut Cyprias habeat regna magna duas.  
 Occidit heu me lux: scortillum perfida Thais  
 Illepidum uiuit, non moritura prius,  
 Quàm Lena ex scorto flat mala & impia, quæ se  
 En cunctis toto corpore prostituit.  
 Viuit anus lecto concordi pessimus ales,  
 Atque puellarum stamina rupta uidet.  
 Theristes uiuunt etiam, dum tarda senectus  
 Inducit rugas, inficit atque comas.  
 Occidit heu mea lux: Pilius iuuenesceret eius  
 Visu, Tythonus, Colchidos atque socer.  
 Pulchrior hæc Helena, Venere & formosior omni,  
 Aspectuq; suo digna mouere Deos.  
 Effet uulnus idem illi optaui, contigit; eius  
 Ora uidere, datum est; oscula ferre, tuli;  
 Connubium optaui, successit; uiuere cum illa  
 Perpetuo; sed non fata dedere mihi.  
 Occidit heu mea lux, formosæ flete puellæ,  
 Tuq; bonæ in primis seruâ fidelis heræ.  
 Eheu me miserum quàm tu sermone cadentis  
 Exanimasti, eius uerba suprema canens.  
 Atque tuum genitrix pia, quod non ordine fata  
 Ire uides hominum, collacrymare genus.

O plange ad tumulum transis quicumque sepulta,  
 Et bone ter iusto puluere ciuis abi.  
 Occidit heu mea lux: incertam funeris horam  
 Qui quæris, quando sit periturus homo,  
 Quæ bona sint nobis, quæ commoda sidera cælo,  
 Phœnicium inuentum, Lazare dispereas:  
 Nam quoties dixti nobis uentosus; Vtrique  
 Haud ueniet celeri tarda senectæ pede.  
 Antè nigros cani incipient iam ledere crines,  
 Quàm noceant uobis horrida fata Deum.  
 Occidit heu mea lux: uestros portabit amores  
 Vna ratis fâti: sidera amica polo.  
 Armipotens Hugo stella est tibi commoda, at ipsi  
 Sidera Martigenæ commodiora tuæ.  
 Dant tibi fata uiro septem hanc superesse diebus,  
 Quæis illam ad Stygias ipse manebis aquas.  
 Nanque tuo cineri Assyrios hæc dedet honores,  
 Flebit & effusis ante sepulcra comis.  
 Occidit heu mea lux: uotis impleffe, marita,  
 Cælum quid prodest, thusq; dedisse focis?  
 Non ut terra daret messem magnam, atque tenerem  
 Dis sine te culti iugera magna soli;  
 Verùm ut perpetuò mihi tecum hic esse liceret,  
 Vt tecum uitæ gaudia longa forent;  
 Isto ut nostra sinu caderet tranquilla senectus,  
 Lethæa hinc tecum cogeret ire rate.  
 Occidit heu mea lux: uenti temeraria uota  
 Immittes, nostras atque tulere preces.  
 Quid mihi nunc prodest, si findant mille iuuenti

Arua? quid hæc prodest nunc mihi magna domus?  
Quid currus, quid equi, fortunæ & comoda opimæ?  
Te sine iucundum, te sine dulce nihil.  
Non mentes hominum fortuna dat esse beatas;  
Non curas aurum, diuitiæq; leuant.  
Occidit heu mea lux. mihi sit iucundior ægra  
Tecum paupertas, omnibus his opibus.  
Hæc alij cupiant, & quæ miratur in Indis  
Eois, & quæ cætera uulgus amat.  
Vilia quæ ducō, præ te: quin munera cuncta  
Regum dispicerem, si modò te fruerer:  
Si modò te fruerer, quous mihi paupere cultu  
Exiguoq; foco uita beata foret.  
Occidit heu mea lux. fatis quòd, Iulia, iniquis  
Erepta es, nimium lux grauis ista mihi.  
O utinam uitam à me Parca reposceret, hinc ut  
Nomen in exiguo marmore & ipse forem.  
Proxima quam busto ducit uia fortè, quadrigas  
Ad dominæ tumulum sistito quæso meæ;  
Illius & memorem filici quam scalpō querelam,  
Matrona, hanc legito, perlegitoq; gemens.  
Occidit heu mea lux. cornix annosa puellæ  
Lest augur, mortis nuncia sæua, gemas.  
Non puer hoc tristit aut iuuenis de funere quisquam  
Aut uirgo referat lumina sicca domum.  
Tuq; uicem illius dōleas o patria, & agri;  
Intonsi & montes, alituumq; dontus;  
Flos erat ætatis, periit quo tempore Diua;  
Quatuor heu tantum clausit Olympiadas.

Occidit heu mea lux . taceas Philomela , nefandi  
 Iam Terei stuprum garrula parce queri ,  
 Parce queri : uetus est iniuria , quam soror ulta est ,  
 Apponens Ityos uiscera cocta uiro :  
 Quam tulit atra dies , & funere merfit acerbo ,  
 Cum mihi floreret spicea messis adhuc ,  
 Hanc Philomela geme ; quam tristia fata tulerunt  
 Ante suos annos , hanc Philomela geme .  
 Talia dicentem lauri , & fleuere myrica ,  
 Fleuere & Charites , & Cytherea simul ,  
 Consultus sapiens Hieronymus Hugo , Philippi  
 Marcellusq; , suis Adria & ipsa choris .  
 Attamen , ut querna solidam lacrimosa sub umbra  
 Flens noctem aestiuo tempore Luscinia ,  
 Amissos queritur foetus , quos dextera duri  
 A nido implumes abstulit agricolæ ,  
 Ille sedens lecto solus miserabile carmen  
 Integrat , & potus immemor atque cibi .  
 Nulla animum Venus , & nulli flectunt Hymenæi ;  
 Cui nisi quæ erepta est , nulla placere potest ,  
 Nulla placere potest : formas nam despicit omnes .  
 Iulia prima fuit , Iulia finis erit .  
 Præcipitans somnum cui nox cum suasset inire ,  
 Hæc sit mors utinam , non mihi somnus , ait .

Ad Io. Franciscum Rodengum , Brixianum .

Aloyfi fil. Elegia II II I .

**V**enimus ad sedes Campati dulcis amœnas;  
 Venimus ad noctes, deliciasq; Deum,  
 Soli ubi, quos tanti facio, dominantur Hugoni,  
 Quis grauis est hominis unius inuidia.  
 Est quidam anormis prorsum istius incola terræ,  
 Letari qui hominis commoditate nequit.  
 Respuit hic prudens quadruplum, nec dare partem  
 Vult Equiti, qua non indiget ipse, soli;  
 Heroa ut cruciet fortem: nam se putat amens  
 Tantum interdicto sollicitare uirum,  
 Qui modo non illam merceatur, quo ualet, ære,  
 Amplius haud curans amplificare domos:  
 Nam cuncta ex illo temnens mortalia, tantum  
 Cogitat æterni iussa uerenda Patris,  
 Cogitat & Superum quo euadat ad æthera cursu,  
 Splendet ubi uirtus patria, auiq; nitor.  
 Sed locus hic celebris, lati & bona pascua Campi  
 Et fluij agroto consuluere mihi.  
 Nam mihi Pomona, & Fauni, Nymphæq; uidentur  
 Continuo medicas applicuisse manus,  
 Ut tetigi saltus, nemora & syluestria ueni,  
 Ut uidi istius numina sancta loci.  
 Gratius esse potest nihil hac regione feraci,  
 Telluris Cybele quam colit alma parens.  
 Quam colit ipsa Pales, Vertumnus, Delia uirgo,  
 Cynthia, & Liber, Diuaq; tædifera.  
 Lustrantem humana terras sub imagine gens hac  
 Pertransisse Iouem fert, & Atlantiaden.  
 Quid tellus hominis uitæ non sufficit ista?

Et segetes latas, & bona uina parit.  
Innumeris bobus dulcissima pabula, & edit  
Gallinae pingues anseris atque greges.  
Quid pullos, pecudes, hœdos, iumenta, suesq;  
Cum uitulis dulci lacteq; commemorem?  
Cum nuce quid messes referam, linū, atque columbas,  
Castaneas, ceram, roscida mella tibi?  
Prætereo lepores & apros, & denique ceruos,  
Hanc sedem quorum copia multa tenet,  
Quæ capit assidue Marius, comitesq; propinqui,  
Non cessat uatem queis saturare suum.  
Brixia, & Insubres nec habent tot commoda: sede  
Viuere nec quisquam commodiore ualet.  
Nulla ego prætulerim sedi huic loca, tu modo mecum  
Francisce o sapiens hic habitare uelis.  
O' utinam huc libeat patria decedere ab urbe;  
Viuere nam sine te nostra Camœna nequit.  
Ipse agis in terris cœlestium, uir bone, uitam,  
Cui, nisi Dauidis, pagina nulla placet.  
Non tua desistis cum uatibus ipse & amicis,  
Et cum pauperibus participare bona.  
Ipse piam cœli reginam flectere quæris.  
Sollicitis precibus, tergeminumq; Patrem.  
Hic ego quid faciam quæris si forte, Diane  
An ne sequar studium, quod tibi non placeat?  
Hic ego nec furtim latebras intrare ferarum,  
Nec curo hamatis crura notare rubis;  
Hic ego, non sapiens capio Francisce uolucres;  
Non mihi sunt cordi retia, uincla, canes.



Nobilitas claudat densos indugine colles,  
 Nobilitas captis gaudeat atque feris.  
 Tarda coturnicum canis & uestigia quærat  
 Ditibus: hi teneant accipitremq; manu,  
 Quem mittant in aues fugientes protinus, unco  
 Ut rostro & miseras urgeat ungue fero.  
 Me mea paupertas traducit ad ocia Musæ  
 Dulcia; præ cunctis nam mihi Musa placet.  
 Me frontis doctæ lætissima præmia, Phœbi  
 Me miscet superis laurea grata Deis.  
 Hic igitur, Panes, Satyri, Dryadesq; puellæ  
 Syluani, Bacchus, meq; Thalia iuuant.  
 Sacratum noctu persæpe Heliconæ peragro,  
 Me sociant Orpheus Thracius, atque Linus.  
 Dum mulier cantu longum solata laborem,  
 Tæxenti dominæ soluere pensa solet.  
 Luce reuiso nemus formosum solus, ad auras  
 Atque cano Hugoni carmina grata tuo,  
 Phœbigena ex alto per quem me spectat Olympo  
 Semianimem, Stygijs atque reducit aquis,  
 Per quem vitales carpo auras; gaudeo per quem  
 Redditus ipse tibi, redditus ipse mihi;  
 Qui Diuo agresti sucuit pro vitibus uuas,  
 Pro segete spicas, pro grege ferre dapem:  
 Pocula bina tulit patrio spumantia uino.  
 Pro uita Superis, proq; salute mea;  
 Mactauitq; Ioui tauros, albamq; bidentem  
 Phœbigenæ, Lycio tres pecudesq; Deo.  
 Cœlitibus pietas hominis placet ista benigni.



In primis Marium Dijq; , Deaq; beant :  
 Iugera telluris sunt huic quàm plurima flauæ ,  
 Cumq; opibus magnis huic domus ampla nitet ;  
 Hordea fœcundis indeficientia mensis :  
 Insuper huic donant lætaq; musta pio :  
 Huic pascit uirides denso pecus agmine montes ,  
 Et furi , & domino quod satis , estq; lupo :  
 Nec sibi cuncta capit sapiens , uulgaris ut æquum  
 Oblita , ultorem nobilitasq; Iouem :  
 At tua , Rodenge , studia hîc imitatur ; amicis ,  
 Vatibus assidue , pauperibusq; cauet .  
 Manè Deûm regi est supplex ; non inuidet ulli ;  
 Nullum celandæ sacra docetq; Bonæ ;  
 Nunquàm succenset , crepat & uera omnia , nunquã  
 Dicit in aduersos aspera uerba Deos :  
 Vtitur utendis tantum , fruiturq; fruendis ,  
 Iudæi ut Regis carmina sancta docent :  
 Nempe uoluptates , ut homo , sectatur honestas ,  
 Queis sine traduci uita beata nequit ;  
 Aurea quò uirtus Marij hîc me recreat , eius  
 Atque animus prudens , ingeniumq; bonum :  
 Ipsius oblectant me prædia , regia , dulces  
 Et riui ad sedem prætereuntis aquæ ;  
 Ipsius exhilarat subtristem me hortulus uber ,  
 Quadrata est cuius maxima forma quidem ;  
 Vnde lego ficus maturas , & pyra , & uuam ,  
 Vnde lego celeri persica cocta manu ,  
 Persica , quæ ramos incuruant undique onustos ,  
 Queis melius regio nullius orbis habet ,  
 Persica ,

Persica, quæ facili Stephanus dextra inserit ipse  
Sic, arbos fructus ut sine glande ferat;  
Inserit inclusos coryli quæ persica factus  
Pro glande, ut cuncti uidimus, intus alunt:  
Inserit Armenios redolet quæ uitis honores,  
Natura ut stupeat talia facta uidens.  
Hic custosq; rubens obseruat poma, pauentes  
Et seua terret falce Priapus aues:  
Hic uiret asparagus prædulcis, tempore in omnî  
Quem secat in cœnas ipse beatus Eques:  
Hic uiret herbarum genus omne, grandia poma,  
Frondose uites, arboris omne genus:  
Hic est mons paruus, collis'ue, diebus in usum  
Plurima ubi certis coclea nempe latet:  
Hinc uitreos latices emanans dissipat & fons,  
Ut bibat irriguas fertilis hortus aquas,  
Decidat in multi ut lymphæ hinc uiuaria piscis,  
Dulcius & quo nil suauius esse potest.  
Verbanus ualeat, Benacus, & Eupilis: ora,  
Qui placeant, pisces hæc mihi sola tulit:  
Hicq; comis arcet æstus umbracula Iacchi  
Curua; Bocentauri tecta imitantur enim:  
Hicq; oculos pascunt & prata uirentia, pulcher  
Atque ordo, & mira factus ab arte decor:  
Hicq; aula in tempe respicit maxima; plures  
Inclusæ caueis hic uolucresq; canunt.  
Atque minis obeunt paruis has moenia sedes,  
Phœbo sacratas Pieridumq; choris:  
Hic etiam uideas ludentes sistere gressum

Auritos lepores, & celerare fugam.  
 Hic etiam pauidi ueniunt ad pocula damæ,  
 Grataq; edunt gemini pabula capreoli:  
 Aspexi interdum pauones tendere ad illos,  
 Mirariq; animal sæpe, genusq; nouum.  
 Quin etiam subito famulis uenientibus, ut sit,  
 Virtute inuoluis parue te Echine tua.  
 Parietibus pictis herbæq; notæq; uidentur;  
 De quibus est, ô sus non ego spiro tibi.  
 Parietibus pictis cernas longo ordine Hugoni  
 Hunc hortum pisci qui coluere patres.  
 Vitifator mento incano Bonifacius hortos  
 Diuidit in series, ordine poma locat,  
 Cum gelido Insubrium moritur rex amne Philippus  
 Anguiger, armipotens sceptræ capitq; gener.  
 Ortus Ioannes illo huc plantaria transfert,  
 Filius, & ueri Bartholomæus amans:  
 Atque fuit proau prudens Hieronyme legum  
 Iste tui frater, ut mihi dixit Eques,  
 Natus ab hoc sequitur Stephanus consultus, ad ipsum  
 Quem mittit Venetum Brixia magna ducem;  
 Mittit ad Augustum post gens & patria belli  
 Tempore, qui Cæsar Maximianus erat.  
 Arua ut pax coluit, ficu hic grauibuscq; uolemis  
 Messila conseruit, cerasa, mala, pyra.  
 Franciscum iuris bonus edidit iste peritum,  
 Illustrem Marium quem genuisse patet:  
 Addidit ille loco piscis uiuaria; plures  
 Adijcere hic statuas, multaq; signa parat.

Franciscus magni frater fuit iste Philippi,  
 Marcellum egregius qui dedit egregium.  
 Insuper hic portam contra est ex marmore mensa,  
 Grata domus sculpto quam tegit ex silice:  
 Paruus obit paries, rubro hancq; sedilia saxo,  
 Omne loci cernas totius unde decus.  
 Tanarijs etenim domus est suffulta columnis  
 Quattuor, Vt pateant omnia luminibus.  
 Est Phaeton sedis media in testudine pictus,  
 Quem Iouis irati fulmina missa petunt,  
 Quod Cybele hunc queritur totas amburere terras,  
 Dum patris à cursu cæcus aberrat equis.  
 Hic si quando chorus uel mulceat æthera cantu,  
 Vel tangat uarias Musica docta fides,  
 Extemplo auditum modulos animalia quæque,  
 Et cunctæ uolucres undique conueniant;  
 Quæ uolucres, narrant ut serui, sæpius usque  
 Carminis ad finem concinuerunt simul.  
 Idibus at, medios dum Sol accenderet æstus,  
 In sede pransus dormijt hac Marius:  
 Moxq; Lares referunt, custodes diuini agri,  
 In somnis forti talia uerba uiro;  
 Martigena quid adhuc, Eques, illacrimaris amata?  
 Quid fles? atque annos contrahis ipse tuos?  
 Quid tua regna gemunt? uxorem ducito pulchram;  
 Sit consors uidui pulebra Camillatori,  
 Quò tibi progenies sit tandem mascula, ut optas;  
 Scipio cui nomen, siue Camillus crit.  
 Nam grauis hæc ætas nato requiescet in isto,

36 ELEG. DE VAR. AR. L. II.

Qui patrum æquabit uicta trophæa suū.  
Despiciet sordes; erit hoc non æquior alter,  
Quem recto & ducent præmia nulla fide.  
Non illum poterunt terrere pericula fortem,  
Non illum poterit uincere turba frequens:  
Patria se nullo tantum urbs iactabit alumno,  
Patria gens eius fortia facta canet.

*Elegorum de uarijs argumentis, secundi  
libri, finis.*

P. FRAN-

P. FRANCISCI SPINVLAE  
 MEDIOLANENSIS  
 ELEGORVM,  
 de uariis argumentis,

Liber tertius.

Ad F. Alexium Hugonium, Brixianum.

Elegia I.



Ratia me quoniam potuit deduce-  
 re recto,  
 sumq; laceſſitus carmine abusus  
 ego,  
 Et mens Pegasidas fuit execra-  
 rier, & per

Quam fontem Aonium Caſtalianq; bibi,  
 Ut ſtudit uates gelidum proiectus in orbem,  
 Extinctum duri quem gemuere Getæ.  
 Aſt ego nec matri, nec ſuccenſere Camœnis  
 Debeo, ſed furijs, ſtultitiæq; meæ:  
 Mortali egregio tribui qui carmine prudens,  
 Non homini, ſoli ſed tribuenda Deo,  
 Hoſtibus inſpiens uolui qui reddere, ſicut  
 Ira monet, factis præmia digna ſuis.  
 Nanque meum fuit ijs ignoſcere cuncta, precari  
 Pro uita illorum numina ſancta patris,  
 Qui peccata ſua generi condonat, inultum

ſi

Si clemens homini parcere cuncta uelit;  
 Rex pius ut docuit cœlo densissus ab alto,  
 Magnæ rex animæ prodigus ille suæ.  
 Ipsius accipiens cœlestia dogmata, uitæ  
 Auctorem statui non semel ipse sequi:  
 At me aliò rapuit semper dementia quædam:  
 Nam meliora probò, deteriora sequor.  
 Qualis uir sapiens patriæ succurrere tendit,  
 Subuertere hanc magna seditione uidens,  
 Dum pars multa suæ studia in contraria gentis  
 Scinditur, & clamans hanc cohibere nequit,  
 Me mea diuinæ stultum pars increpat auræ,  
 Me cupit ad superas & reuocare domos;  
 Hanc ego dum fugiens telluri affigo, nec illum  
 Audio, qui saluum me pius esse uelit.  
 Temno, qui properant isto me arcere, ueterno;  
 Sum leti infelix en ego causa mei.  
 Quanto erit, ut misero mentem mihi det Deus istam  
 Exuere, & pergam consuluisse mihi?  
 Ah quoties animi insanos traducere motus  
 Tentauì, sapiens quò pater ipse mones?  
 At subito indomiti, gero quos in corde furores,  
 Arripuerè meas ad malefacta manus.  
 Attamen, in terris Superùm cui uiuere uitam  
 Contigit, hæc temnens ferrea secla, Pater,  
 Huic dare si qua meo potes ô medicamina morbo,  
 Lugenti magnum tu mihi numen eris:  
 Huic tibi forte animo fuerit nam cura rebeli,  
 Istiæ rectas quæ docet ire uias,



*Quæ tu iusta probas, illa & mihi cuncta probantur.*

*Quæ bona sunt, Dominus nam mihi uelle dedit,  
Dictata à furijs aliàs, modò carmina certè,*

*Offendunt quæ te, nec mihi pauca placent.*

*Quis mihi persuasit sceleris precor impia gesta*

*Laudare, à iustis corripienda uiris?*

*Quis mihi præcipisti fœdas narrare bonorum*

*Persuasit maculas in mea damna trium?*

*Esto, nempe mihi semper studuere maligni*

*Detrahere, & ferro me iugulare truci:*

*At pietatis erat, mendacis uerbera lingue*

*Perferre, atque horum uulnera dura pati.*

*Quid uerò is meruit, tu rectè cuius, Alexi.*

*Me laudem ingenij concinuisse doles?*

*Iam rogo parce queri meritò: iam tolle querelas.*

*Fecisse id, credas, est mihi poena grauis.*

*Quod mihi Campati populus narrauit agrestis,*

*Hoc de illo scripsit, dulcis amice, furens.*

*Ne lacrima qualem dicis, si est, illius usque*

*Virtutem deinceps hæc mea musa canet.*

*Ad Stephanum Marium Hugonium Eq. cl. de Leo-*

*nardo Mocenico, Equite clariss. cum Aloy-*

*sio patruele & liberis quatuor accu-*

*bente, Elegia II.*

**I***pse tibi inuideam Pelops, conuiua Deorum,*

*Cum Dijs, & magno qui Ioue discubui?*

*Pallada supremus ridens, Veneremq; sedebat.*

*Inter formosas Iuppiter ipse Deas,*

*Iuppiter*

Iuppiter æquoreus contra illum, Mercuriusq;  
Ad læuam Veneris; huncq; Cupido prope.  
Nectare & ambrosia læti dum uescimur omnes,  
Fert pincerna Ioui pocula blandus Amor.  
Innumeras longis ducit rationibus affem  
In partes iussu casta Minerua Iouis.  
Inuidet interea, digitos prensatq; parentis,  
Datq; frequens palmis basia multa Venus,  
Mercurio & læua mentum contrectat, & ora  
Componit, motu sitq; decora magis:  
Dat mihi scripta Deæ Saturnius inde legenda,  
Iudicio & querit pulchrior utra meo.  
Nescio, sed cunctas & respondi, iudico Diuas  
Ore & purpureis uincere utranque genis.  
Nam Venerem Pallas forma superare uidetur,  
Neptunus spectat quam sine fine bonus:  
Purpurea est facies, facies est candidaq; illi;  
Lilianon membris sunt magis alba suis:  
Ut si nix minio certet, uel cana pruina;  
Et folia ut puro lacte notata rosæ.  
Mirus in incessu, lusu, risuq; puellæ,  
Ac uultu est nulla factus ab arte decor.  
Quid? quocunque pedes, quocunq; & lumina mouit,  
Quanta hanc subsequitur gratia, quanta Venus,  
Siue sibi compsit flauos de more capillos,  
Siue haud effusis maluit esse comis,  
Qualis in orbe suo graditur formosa Dione,  
Mille habet ornatus integra uirgo sibi.  
Cum sedet æquales inter, seu ueste recincta

Cum mouet ad certos candida membra modos,  
 Palla urit Tyria, niuea urit ueste Minerua  
 Procedens, urit uocibus ore loquens.  
 Hanc quò Pegasides festis cecinere calendis;  
 Hanc cecinit docta pulcher Apollo lyra.  
 Nam dapibus summi grata testudine Patris  
 Personuit Phœbus, carmina docta canens.  
 Quæ cuncta in primis cupiam subtexere chartis,  
 Me DEVS illorum si meminisse uelit.  
 Cum Superis igitur, quorum nos cura tuetur,  
 Et defendit amor, edimus hercle Mari,  
 Mille Bonæ dum tu libasti pressa Camillæ  
 Oscula, dum femur supposuitq; tibi.  
 Perge, quoad uirgo pariat formosa Camillum,  
 Ante tibi qualem præcinuere Lares,

Ad Hieronymum Hugonium, Brixianum,  
 iuris utriusque peritiss. Bonifacij filium,

## Elegia III.

**M**E sine tu sacrum potas Hieronyme fontem,  
 Etiurga Parnassi Lucia docta petit:  
 Me Venetus retinet iudex in carcere nigro  
 Inclusum, quærit qui malefacta uirum.  
 Quid chartæ illudam? quid cœpta Elegeia dicat?  
 Quid doleam illacrimas? quid mea fata querar?  
 Quo me cunque fero, tristi Bellona flagello  
 Cum Diris sequitur, corpus ut umbra solet.  
 Me fortuna insana ferit; me candida, latos

Auertens uultus, Pax inimica fugit.  
Mutantes Solis quales Hydropici amictum,  
Cum patriam fugiunt, se tamen haud fugiunt,  
Deserui natale solum; fatalia, quæ me  
Assidue uexant; non mala deserui.  
Nescio, cur Nemesis tendat Dea perdere ubique  
Immeritum, omnino meq; perire uelit.  
Non ego sacrilegis admoui credulus aures,  
Nec dixi arcana sacra tegenda Deæ:  
Non ego respersi fraterno sanguine dextram,  
Non succos homini mortiferosq; dedi.  
Denique in aduersos non solui ora impia Diuos,  
Nec ciui innocuo causa perire fui.  
Quid pater hæc igitur Superum fert Iuppiter almus,  
Insonti qui homini prospicit, atque malo?  
Huic ecquid per eum succedunt omnia, prout uult,  
Illeg; continuis lacrimat usque malis?  
Cogitur ipse necem sibi quid consciscere Brutus,  
Atque Cato sapiens, non renuente Ioue?  
Quid super iniustas uolitat Victoria partes,  
Quam gentem imperij dira cupido tenet?  
Atque ego me fateor nescire hæc, nobilis Hugo,  
Soluere: tu leges consule quæso tuas;  
Ac rescribe tui quæ consolentur amici,  
Luctum: felle mihi noxq;, diesq; madent.

Ad

Ad Hieronymum eundem, Elegia IIII.

**M**E tenet alta Mari non firmi regia magni.  
 Si, quid agā, quæris; est mihi uita grauis.  
 Ex quo me uehemens lacerauit tempore febris;  
 Defuit & uirtus, robur & omne mihi.  
 Sollicitudinibus quatitur mens intima; curæ  
 Ingentes animum discruciantq; meum.  
 Nam uidi in somnis charam perijsse parentem,  
 Qua mihi in hoc fuerat dulcius orbe nihil.  
 Deserui patriam; uestram me contuli in urbem;  
 Quæ studia, ut nostri, despicit Aonidum.  
 Ac reuenire Lares nolim modò; lumina uatis  
 Offendit quoniam gens inimica tui,  
 Offendit quoniam rabies uesana Boterri,  
 Ingenium cuius pagina nostra refert;  
 Ingenium cuius noscent secla omnia; avarus,  
 Nostra quoad ualent carmina, notus erit;  
 Notus erit Thuscis, Belgis, Germaniæ & oris,  
 Fortibus Hispanis, Insucribusq; bonis;  
 Excidit huic quoniam: Genus irritabile uatum,  
 Quos time, ut irati fulmina missa Iouis.  
 Est Equitis pietas in me sed tanta potentis,  
 Ut Musa hanc prorsus dicere nulla queat.  
 Multa alijs certò, sed ei & tibi debeo cuncta;  
 Quàm sibi, Francisco consulit ipse magis.  
 Commoda quid memorem, regales & tibi lectos  
 Atque epulas? eius nam mihi cuncta parent.

44 ELEG. DE VAR. AR. L. III.

Ast aduentat hyems : Publi bone sis memor Hugo,  
 Promissis maneas ; nam tibi gratus ero,  
 Quò tua me pietas ne deferat oro, fidesq̃.  
 Consule quaeso mihi, consule quaeso tibi.  
 Si mihi prospicies, illo te carmine dicam,  
 Auspice quod Phœbo secula cuncta legant.

De Hieronymi Dongellini, Brixiani, Medici philo-  
 sophiq̃; singularis bibliotheca, Elegia V.

**E**T cultus Sophia, & medicina, & copia lingue  
 Et lex sacra, hominem quattuor ista beant.  
 Ad bona quæ uenias docet immortalia priscus  
 Moses, & summi filius ipse Patris :  
 Hic & Aristoteles docet, aque magister, ab omni  
 Traduci ut possit uita beata pio :  
 Hippocrates sapiens, Galenusq̃; indicat ægrum  
 Curari corpus qua ratione queat :  
 Denique demonstrat tibi, qualis debeat esse.  
 Dicendi ubertas, Tullius, atque Maro :  
 Quos in Amalthea pictos est cernere magna  
 Dongellini omnes, hospitibus egregij ;  
 Cuius & ingenium cœleste, & mentis acumen  
 Dicam, & uirtutes, & pietatis opus,  
 Cùm, te destituens nutrix Verona Catulli,  
 Venierit Adriacos nostra Thalia sinus.

Elegorum de uarijs argumentis tertij libri finis.



P. FRANCISCI SPINVLAE

MEDIOLANENSIS

ELEGORVM,

de uariis argumentis,

Liber quartus.

Ad Aloysium Mocenicum, Leonardi Equitis  
clariss. fil. Elegia .1.Ens Asle regis Troiani castra  
secutaHuc uenit querens tecta focosq;  
sibi:Et sedem Adriacis Venetam fun-  
dauit in undis;

Neptuni ut magnis tuta sit auspicijs.

Hanc Iouis æquorei coniux obit Amphitrite,

Hanc &amp; Nereides undique circumeunt;

Huic pater ignipotens fabricauit fulmina &amp; arma,

Vrbe hostes ualeat queis prohibere feros.

Vrbs &amp; in immensam concreuit maxima molem,

Complures populos &amp; ditione tenet.

Ipsius imperio Veneris Cypros insula paret,

Tuta alto parent Gnoſta regna mari.

Eius Cenomani, Vincentia, Brixia, Crema,

Antiqua &amp; iussum gens Patauina facit.

D iij Oppida



Oppida quid memorē huic parentia singula, & oras,  
 Diuitiasq; eius, imperiumq; potens?  
 Quæ uires certē regionis nullius, & gens  
 Non ulla Europæ equiparare ualet.  
 Quid multa? hæc omnes inter caput extulit urbes,  
 Quàm maior Cannis inclyta Roma fuit.  
 Quàm Venetūm pubes simul unice uidimus ô flos,  
 Quem certatim ornant Iunio, Minerva, Venus,  
 Ut formosa suis Nymphe me cœpit ocellis,  
 Cui Romam patrios posthabuîq; focos!  
 Non urbē in nostro huic peragrans Sol ætheris auras  
 Pulcher, in aduerso nec uidet orbe parem.  
 Dūm Tulli & bustis insultat uinitor Anci,  
 Altaq; desertas occulit herba domos,  
 Vrbs tua præfulgens stet præstantissima, possit  
 Gens Venetūm duris & dare iura Getis:  
 Nomen & extremos hinc latè extendat in Afros,  
 Barbaræ quæ Nilus profluit arua tumens.  
 Quicunque obsistit spaciofo terminus orbi,  
 Hunc fera contingant illius arma breui.  
 Quà debacchantur nebulae, pluuijq; liquores,  
 Et gelidam uastant frigora semper humum,  
 Quà tellus ardet nimio subiecta calori,  
 Baccho & tædiferæ terra negata Deæ,  
 Aruis quòd propior cûrūm Sol fertur in orbem,  
 Hæc regina pôtens omnia regna domet;  
 Dum tu nobilium Venetorum sanguis Olympi  
 Ad magni affectas cœrula templa uiam,  
 Quà radiant atauîq; tui, quò sanctus anhelis.

Martis equisq; parens nigrum Acheronta fugit;  
 Dum sapiens stultos ira & parere furores,  
 Indomitam menti luxuriamq; iubes;  
 Pocula dum Circes, Sirenum & carmina uitas,  
 Ingenuus ne sis sub meretrice mala;  
 Ne cupidus potans uiuas & turpis & excors  
 Vel canis, immundo sus uel amica luto,  
 Verum posteritas te laudibus ut ferat, atque  
 Dicant uirtutes omnia secla tuas,  
 Ad Ioannem Huraltum, Boistallerium, uirum  
 ornatiss. Regium ad Venetos legatum,  
 Elegia I I .

**N**onus Ioanne legatos si bone tales,  
 Carolus ad Venetum miserit usque Ducē,  
 Primi gesta decusq; imitetur, ab hoste cruento  
 Ausonij cuius raptæ trophæa canunt  
 Principis, ingentem nobis qui condidit urbem  
 Insubribus, faciem, uerba, comasq; refers,  
 Tempa, focos, ades & diruit ille Quiritum  
 Hostem cum repulit Manlius arce ferum.  
 Si fortes Galli tibi dent arma, atque phalangas,  
 Tu populos orbis totius hercle domes  
 Delitet in cultu prolixo maxima Achilli  
 Alterius uultus, robur, & ingenium.  
 Hi quò te domini rerum, gens atque togata  
 In primis & amant, plus alijsq; colunt.  
 Nonne, senatores Veneti ut statuere, Philippi

Ista legatus cedit in urbe tibi ?  
 Hic tua quid memorem studia ? quid Apollinis artes,  
 Te quibus oblectas, quæ tua uerba crepant ?  
 Vatis Alexandro numeroſa ut carmina Homeri,  
 Grata eſt auriculis noſtra Thalia tuis.  
 Quid ? ternos flores, alba & qui lilia ſemper  
 Dilexi, & Gallos, ut pater antè meus,  
 Candidus ipſe, grauis, laudatus, amabilis heros.  
 Nunc rapis, in partes meq; meosq; tuas.  
 Gallorum Inſubres & ſanguis nos ſumus omnes,  
 Doſta grauis Titi narrat ut hiſtoria.  
 Vos igitur ſolos dicam, uenerabor, amabo.  
 Magnanimos Celtas, & ſime fine canam.  
 Vos, regē & ueſtrum, ſi quid mea carmina poſſunt,  
 Et patrem illius ſidera ad alta feram,  
 Cum rege egregio qui poſt tot prælia ad almam  
 Pacem animum uertens fœdera caſtus inſit.  
 Regis aui claros celebres ô muſa triumphos  
 Franciſci, hunc unum ſingula uerba ſonent,  
 Cuius nempe duces populiq; perennia uicti  
 Immortalis erunt atq; trophæa fides.  
 Ingenium cuius, dona, & fortiſſima facta  
 Vel laudant hoſtes, quem bonus omnis amat,  
 Quo melius uidit nil unquam Gallia, regem  
 Cui uidere hominem ſecula nulla parem.  
 Illius ô ſanguis ſtudia, ingens Carole, tanti  
 Omnia, uirtutes ac imiteris alii:  
 Et tu quò poſſis hominum uolitare per ora,  
 Nec dicare eius degener eſſe nepes,

Quò Superùm possis euadere ad æthera cursu,  
 Splendet ubi uirtus Amphitrioniadæ,  
 Albus ubi radiat Cygnus, fratresq; Lacanæ,  
 Inter ubi Perseus lucida signa micat;  
 Excidat ut nunquam partum tibi nomen ab æuo,  
 Virtuti atque tuæ stet sine morte decus,  
 Cum tibi posteritas templum de marmore ponet,  
 Quà tardi. Sequana flexibus errat aqua.  
 Ipse eris in medio solus, templumq; tenebis,  
 Cui puer, atq; decens dona puella feret.  
 Curibus & crudo certabit Gallia castu,  
 Quò populi & gentes undique conuenient.  
 Huraltus Tyrio ponet conspectus in ostro  
 In medio Gallis munera danda suis;  
 Fluminis Huraltus currus agitabit ad undas  
 Mille, & certanti præmia uicta dabit.  
 Gens tua aui faciet pugnas solido ex elephanto  
 Auroq; in foribus, patris & arma tui;  
 Vndantem bello faciet, magnumq; fluentem  
 Eridanum uictos insubriumq; Lares;  
 Atq; addet domitas Belgarum in finibus urbes,  
 Cæsarei pulsas mox aciesq; ducis,  
 Et geminos isto iungentes fœdere dextras  
 Reges, Henricum Cæsaris atq; genus.  
 Inuidia infelix tortos Ixionis artus,  
 Fumosa metuet tres furiasq; face,  
 Tot pœnas metuet scelerum, haud superabile fatum,  
 Quæ uersant celeres noxia membra rota:  
 Immortale iecur metuet, tondentis obuncum

Rostrum aut, hoc hominis suppliciumq; graue  
 Sed quid ago demens? lugubris parce Camœna  
 Tam magna hæc paruis extenuare modis.

Ad Musam, cum esset Arquati, Elegia III.

**O**cyus en celeri labuntur tempora dicto,  
 Et Ioue diffugiunt; Musa, probate dies.  
 Qui formosus eram, matura en ut rosa turpis  
 Iam defloresco, iam moriarq; breui.  
 Quid mihi diuitiæ, Veneris quid cæca uoluptas  
 Nunc profunt? quid opes, gloria, fastus, bonos?  
 Qui uixi tecum, iam nunc miser occido, Musa,  
 Quiq; fui, iam me fata fuisse uolunt.  
 Omnia qui Diuum generat, Natura parens uel  
 Humanum frustra condidit ecce genus.  
 Quanta sit illius cernis constantia: natis  
 Quæ dedit, extemplo corripit illa suis.  
 Nonne fuit satius nobis nil hanc dare prorsum,  
 Quàm sua tam subito, quæ dedit, eripere?  
 Vel tantum uitæ non debuit huius amorem  
 In natorum animis ingenerare Dea.  
 Omnino uel si cuperent nos dura perire  
 Fata, darent nobis absq; dolore mori.  
 Quid multis? homini creto Natura suauis  
 Non mater, uerum sæua nouerca fuit.  
 Nil quorum intererat, ceruo & cornicibus æuum  
 Amens tum longum uiuere nonne dedit?  
 At hominem genitrix crudelis & impia, causas  
 Discere

Discere cū rerum cœpit, obire iubet.  
 Non dedit antè mihi uolucrum cognoscere uitam,  
 Quàm ruga heu uultus cœpit arare meos.  
 Nam mihi perpetuus quondam esse uidebar, inani  
 Cū spe lactarent Cypria, Bacchus, Amor.  
 At modò me cinerem, bullam uocat usq; , senecta  
 Et barbam & canas inficiente comas.  
 Vt uati Hetrusco, non uerba hæc desinit unquàm  
 Inculcare mihi; Puluis, & umbra, peri.  
 Augmine donato terras atq; aëra, rerum  
 Principia, ut cecidit patribus antè tuis,  
 Francisco ut cecidit uati: qui uixit, & istic  
 Mortuus est. hæc sunt nanq; sepulcra uiri.  
 Extremos uersus, Mater sanctissima CHRISTI  
 Succurre, hîc cecinit, uirgo decora mihi.  
 Tu quoq; sic Pataui in regione peribis; ut hospes  
 Francisci titulos hîc utriusq; legat.  
 Extremam ut patriæ non auram is reddidit, ossa  
 Reliquiasq; manet terra aliena tuas.  
 Portabis scripta hinc nigras Acherontis ad undas,  
 Et uersus: uiuet non tua Musa diu.  
 Pleris, haud uno mecum omnia munera lecto  
 O' precor auertat funeris atra dies.  
 Carmina non pereant, à te dictata, laborq; :  
 Carmina sint uitæ tot monimenta meæ.  
 Illius & nemo contemnit ut ossa uiator,  
 Inscripta at tumulo carmina terna legit;  
 Sit mea præteriens ut noscat quisq; sepulcra,  
 O' cinis, hic dicat, Spinula doctus erat.



Ad Primum, cognomento Comitem, uirum  
integerrimum, Elegia II II.

**N**os modò, Prime Comes, dulcis Patauina iuue-  
Nos Musæ, Dryades Meduaciq; tenet: (tus,  
Sunt ubi Dardaniæ turres, & moenia gentis,  
Sunt ubi priscorum tot monumenta uirum.  
Vidimus hîc ueterem Troiani Antenoris urnam  
Illius, hanc urbem quem posuisse ferunt;  
Vidimus historici fumosa sepulcra, Quiritum  
Ordine qui scripsit fortia facta ducum;  
Vidimus & tumulum Francisci uatis Hetrusci,  
Quem uetuit patrios gens sua adire focos;  
Deniq; reliquias & uidimus ossa tyranni,  
Qui coluit Musas illius atq; fidem.  
Hîc mecum prudens Aloysius ipse frequentat  
Castaliam, sacros Aonidumq; choros.  
Sæpius hîc iuuenis Rotioni nobilis hæres  
Obuius est nobis Ambrosiusq; pater,  
Ambrosius, consors patriæ, interpretq; Deorum,  
Qui tibi conuictor patria in urbe fuit.  
Inclÿta miramur dudum certamina magni  
Et Robertelli, Sigonijq; grauis.  
Sæpius optauî, ut prudens Calemerus, & tu  
Nobiscum essetis, Crassus & iste bonus.  
Impiger ad Crassum genti nam condere solium  
Huic scripsit æternos aurea secla Deos:  
Quæ lege Prime Comes Superis gratissime cunctis?  
Et celer Adriacas obsecro uise domos.



De Io. Baptistæ Porri, Aplanensis, ingenio,  
Elegia V.

**P**orrus amat Musas; Museum condidit illis:  
Quò uenunt Nymphæ, Cypria, Iuno, Charis,  
Quò Linus, & quò se uates non contulit unus,  
Illius & cecinit numina sancta loci.  
Quò simul Aonides properant, Helicone relicto,  
Ut Porro dictent carmina docta bono.  
Porrus amat Phœbum; uiridis tibi Laureæ, Agyiæ,  
Aplani in medijs ædibus alta nitet:  
Cuius heri patula stertens ego fortè sub umbra,  
Audiui hæc Lycium dicere uerba Deum;  
Hic mea quòd laurus colitur pulcherrima, Porro  
Sic dulci, ut Daphnæ, uita perennis erit.  
Hinc anguem atq; lupum uidi in me currere hiantes;  
Traicit & iaculis Phœbus utrunq; suis.  
O' mihi, conclamo, felicia somnia; scribe  
Et tua ludetur, sancte Roberte, fames:  
Nosq; ubi Ioannes Marius, cognomine Villa,  
In somnis uidit, perueniemus eò.

Ad Florentios fratres germanos, Mediolanenses,  
Elegia VI.

**V**icisti tandem Hieronymè, tuq; fugasti  
Regno finitimos ò Theodore duces,  
Inuicti queiscum gessistis bella tot annos.

Veſtibus

Vectibus effractis ostia clausa patent:

Vxorem & dulces natos iuuat hostica regna;

Et templa, & sedes, atque uidere focos.

Quæ tantum potuit multis suadere malorum,

Quid noua uos terret uanâq; religio?

Aut uos quid stultis uexat rationibus, ista

Et turbat dictis pectora terri loquis?

Diuûm ulciscuntur uos numina magna, suoq;

Ipse gregi uindex Spiritus almus erit.

Est sancta illius grex concio totius orbis,

Quæ Patrem, ipsius progeniemq; colit:

Eius non isti, quos gloria uana coëgit,

Sunt grex, qui haud pura numina mente uocant.

Exultate igitur fratres: certamina uestra

Hi ciues memorant, perpetuoq; canent.

Florebunt iugi monumento hæc insita facta,

Facta licet toties tot cecidere uirûm;

Qui supra bellum Troianum, prælia & urbis

Romulæ gentes perdomuere feras.

Elegorum, de uarijs argumentis, quarti

libri. finis.

